

# ম্যাডাম গেয়েঁ

ধর্মশীলা ফরাসী-নারীর জীবন বৃত্তান্ত

শ্রীনিবারণী ঘোষ প্রণীত



প্রকাশক  
শ্রীবঙ্কবিহারী কর ।  
পূর্ববাঙ্গলা ব্রাহ্মসমাল  
ঢাকা ।

২০এ ভাদ্র, ১৩২০ ।

মূল্য কাপড়ের মলাট এক টাকা, কাগজের মলাট বার আনা

প্রাণ্ডিছান,—কলিকাতা—এস, কে, লাহিড়ী ৫৬ কলেজস্ট্রীট ;  
ঢাকা—গ্রন্থ প্রকাশক ও প্রধান প্রধান পুস্তকালয় ।

ঢাকা, শ্রীনাথ প্রেসে  
শ্রীঅবিনাশচন্দ্র ভদ্র দ্বারা মুদ্রিত ।

**ঊৎসর্গ।**

**স্বর্গগতা**

**জননী দেবীর শুভ স্মৃতিতে**



## ভূমিকা

জগতের ইতিবৃত্ত ও ধর্মসাহিত্য মহাজনগণের পুণ্যকাহিনীতে পরিপূরিত, কিন্তু মহানারীর ইতিবৃত্ত বড় বিরল। ইহার কারণ কি এই যে পৃথিবীতে মহানারীর অস্তিত্বের একান্তই অভাব? তাহা নহে। একথা অবিসম্বাদিতরূপে সত্য যে মানবপরিবারের ধর্মসাধন এবং মানবসমাজের ধর্মধারা প্রধানতঃ নারীজাতিদ্বারাই রক্ষিত, পোষিত এবং সঞ্জীবিত রহিয়াছে। পুণ্যকীর্তি মহাজনগণের মহৎ জীবন ঠাঁহাদের জননীগণের মহত্তর জীবনের আদর্শে গঠিত, ইতিহাস একথা পুনঃপুনঃ স্বীকার করিয়াছে। তথাপি ইতিহাসের পৃষ্ঠায় ঠাঁহাদের জীবনের কাহিনী এমন অক্ষুট, এমন প্রচ্ছন্ন রহিয়া গিয়াছে কেন? কারণ বোধ হয় মানবপরিবারের মাতা, ভগিনী এবং পত্নীগণ আত্ম-প্রকাশে চিরদিনই বিমুখ। বিধাতৃনির্দিষ্ট ঠাঁহাদের পবিত্রব্রত গৃহমধ্যে একান্ত সঙ্কোপনে উদ্‌যাপিত হইতেছে। যনে হয়, এই আত্মগোপন-স্পৃহার জন্মই অনেক পুণ্যময় নারীজীবন বাহিরে প্রকাশলাভ করে নাই এবং ক্রমে বিস্মৃতিসাগরে ডুবিয়া গিয়াছে। কিন্তু এ কথা মনিতাই হইবে যে, অধ্যাত অজ্ঞাত এই সতীসাধনীগণের অদৃশ্য পুণ্যপ্রভাবেই মানবসমাজ আজ ধর্মে সমুন্নত। কত গার্গী ও মৈত্রেয়ী, কত সীতা ও সাবিত্রী, কত মীরা ও রাবেয়া, কত সেন্ট টেরেসা ও ম্যাডাম গের্ণোর আধ্যাত্মিক শোণিতপ্রবাহ মানবের ধর্মজীবনের মধ্যে প্রবাহিত, তাই এই কঠিন সংসারে শত বিরুদ্ধ-ঘটনা সত্ত্বেও ধর্মের গৌরব আজ অপরিম্লান রহিয়াছে।

তিনবৎসর হইল শ্রীযুত Thomas Upham বিরচিত ম্যাডাম গেয়েঁর বিস্তৃত জীবনী পাঠ করিয়া আনন্দে অবনত হইয়াছিলাম। মনে হইয়াছিল, আমার স্বদেশীয়া ভগিনীগণের হস্তে এই বিদেশীয়া মহানারীর মধুর জীবন কাহিনী যদি অর্পণ করা যায়, তাহা হইলে অনেক হৃদয়ই মুগ্ধ হইবে। যোগ্যতা অযোগ্যতার বিচার না করিয়াই এই পুণ্যজীবন আলোচনায় প্রবৃত্ত হই। সকল সদিচ্ছার সহায় ভগবান। তাঁহারই প্রসাদে অবশেষে এই গ্রন্থ প্রকাশিত হইল। ইহা পাঠ করিয়া যদি কাহারও হৃদয় অন্তরেল্প ধর্মের প্রতি আকৃষ্ট হয়, বাহিরের ক্রিয়া বাহিরের দেওয়া অপেক্ষা অন্তরের কিছু হস্তান্তর করি যদি কাহারও চেষ্টা উদ্ভূত হইয়া উঠে, তাহা হইলে সকল শ্রম সার্থক ও আমার অযোগ্যতার অপরাধ দূরীকৃত, অক্ষমতার সকল ক্ষতি পূরিত হইয়াছে বলিয়া মনে করিব।

আম্মার দেশও নাই জাতিও নাই। দেহ সম্বন্ধে যাহারা আজ বিদেশীয়, বিজাতীয়, আত্মা সম্বন্ধে তাঁহারা আমার আপন ঘরের মানুষ। বিশেষতঃ যাহারা মহাত্মা তাঁহারা কোন বিশেষ জাতির মধ্যে আবদ্ধ নহেন। তাঁহারা বিশ্বমানবের নিজস্ব। সেইজন্য ম্যাডাম গেয়েঁকে বিদেশিনী বা বিজাতীয়া বলিয়া মনে করিতে পারি না। আর সেই বিনয় নারীপ্রকৃতি, আড়ম্বরহীন জীবন, ভক্তিবিগলিত হৃদয় ভারতীয় আর্ঘানারীর কথাই স্মরণ করাইয়া দেয়। এই সতীলক্ষ্মীকে আমি আমার স্বজাতীয়া, স্বদেশীয়া, পরমাশ্রীয়ারূপে অন্তরের অন্তরে প্রতিষ্ঠিত করিয়াছি। স্বস্থানে যাইয়া যদি ইহার মেহ লাভ করিতে পারি, যদি ইনি আমাকে স্বজন বলিয়া স্বীকার করেন—ধন্য হইব।

ম্যাডাম গেয়েঁর জীবনচরিতে কি পাইয়াছি, সংক্ষেপে তাহা আলোচনা করিয়া ভূমিকা শেষ করি।

ବାହାନ୍ତୁଠାନ ଶ୍ରଦ୍ଧା ବର୍ତ୍ତମାନ ହିନ୍ଦୁଧର୍ମର ଛାୟା ରୋମାନ କ୍ୟାଥଲିକ ଧର୍ମ ଓ ସେକାଲେ ନିରାଶ୍ରୟ ବାହାନ୍ତୁଠାନବହଳ ହଇয়াছিল । ବିଶେଷ କାର୍ଯ୍ୟାନ୍ତୁଠାନେ, ବ୍ରତପାଳନେ ବା ପୁରୋହିତକେ ନିର୍ଦ୍ଦିଷ୍ଟପରିମାଣକାଞ୍ଚନଦାନେ ପାପେର କ୍ଷମା ହଇଲ ବଲିଆ ମନେ କରା ହଇତ । ଯାତା ଗେରୌ ବଲିଲେନ —ଏ ନୟ, କେବଳଯାତ୍ର ବାହିରେର କାର୍ଯ୍ୟ ସମ୍ପାଦନେ କୋନ ଫଳ ନାହି—ଅନ୍ତରେର ମଧ୍ୟେ ଦୃଷ୍ଟି ଜାଗ୍ରତ୍ ହଉକ । ଅନ୍ତତାପ ଓ ପ୍ରାର୍ଥନାଦ୍ୱାରା ପାପେର କ୍ଷମା ହଇ । ଶ୍ରୀଷ୍ଠ ଅବିଶ୍ରାନ୍ତ ପ୍ରାର୍ଥନା କରিতেନ ଏବଂ ସକଳକେ ଅବିଚ୍ଛେଦେ ପ୍ରାର୍ଥନା କରিতে ବଲିଆଗିଆଛେନ । ଏହି ପ୍ରାର୍ଥନାଦ୍ୱାରା ଦିବ୍ୟପିତାର ଇଚ୍ଛାର ସହିତ ମାନବାନ୍ତାର ଇଚ୍ଛାର ଯୋଗ ସ୍ଥାପିତ ହଇ ମାନବ ଦେବତ୍ୱଲାଭ କରେ ।

ସକଳ କାର୍ଯ୍ୟେ ଯାତା ଗେରୌ ଠାହାର ଶ୍ରଦ୍ଧା ଆଦେଶ ଗୁନିତେ ଚେଷ୍ଟା କରিতেନ ଏବଂ ଶ୍ରଦ୍ଧା ଇଚ୍ଛା ଜାନିତେ ପାରିଲେ, ତାହା ସମ୍ପନ୍ନ କରିବାର ଜନ୍ତୁ ତିନି ସହିତେ ପାରିତେନ ନା ଏମନ ହୁଃଧ ହିଲନା, ଛାଡିତେ ପାରିତେନ ନା ଏମନ ସ୍ୱାର୍ଥ ହିଲ ନା, କରিতে ପାରିତେନ ନା ଏମନ କାର୍ଯ୍ୟ ହିଲ ନା । ତିନି ଠାହାର ଶ୍ରଦ୍ଧା ଇଚ୍ଛାର ନିକଟେ ଆତ୍ମବଲିଦାନ କରିଲେନ—ତାହାର ଜନ୍ତୁ କଠୋର କାରାକ୍ଳେଶ ବହନ କରিতেଓ କୁଞ୍ଚିତ ହଇଲେନ ନା ।

କତ ହୁଃଧୀ ହୁଃଧିନୀ, ପାପୀତାପୀର ନିକଟେ ତିନି ଠାହାର ସହଜ “ହୁଃଧୁକ୍ଲେର ଧର୍ମ” ପ୍ରଚାର କରିଆ ଠାହାଦିଗକେ ନବଜୀବନ ଦାନ କରିଆଛେନ, ତାହାର ସଂଖ୍ୟା କରା ଯାଏ ନା । ସେଠାରେ ଯାହିତେନ ସେହି-ଠାରେହି ଠାହାର କଥା ଗୁନିବାର ଜନ୍ତୁ ବିଷୟ ଜନତା ହଇତ । ସାଧାରଣ ଲୋକହି ସେ ଓଧୁ ଠାହାର ଅନୁସରଣ କରିଆଛିଲେନ ଏମନ ନହେ, ତତ୍କାଳୀନ ଜଗଦ୍ଦିକ୍ଷାତ ମହାପଣ୍ଡିତ ଫାଦାର କୋବ ଓ ଆଚାର୍ଯ୍ୟ ଫେନେଲୌର ଛାୟା ଲୋକଓ ଏହି ନାରୀର ଧର୍ମଗ୍ରହଣ କରିଆ ଓ ତାହାର ଜନ୍ତୁ ଉଂପୀଡ଼ନ ସହିଆ ଆପନାଦିଗକେ କୃତାର୍ଥ ମନେ କରିଆଛିଲେନ । କ୍ରୀଷ୍ଟଦେଶେର ପ୍ରାଚୀନ

পহিগণ এই মহানারীর প্রত্যয়ে ভীত হইয়া রাজার শরণাগত হইলেন এবং রাজশক্তি এই নারীকে দমন করিবার জন্য উত্তত হইয়া উঠিল। কিন্তু আক সেই লাহিতাই অগতে সম্পূজিত।

নির্যাতনকারীর প্রতি তিনি কিরূপ ব্যবহার করিয়াছিলেন? তাঁহার প্রভু বীণ্ড বেরূপ ব্যবহার করিয়াছিলেন তদ্রূপ। তিনি তাহা-দিগকে কমা করিয়াছিলেন, তাঁহাদের অণ্ড প্রার্থনা করিয়াছিলেন।

বীণ্ডর সহিত তাঁহার আত্মিক পরিণয় -ভক্তিশাস্ত্রের ইহাই চরম কথা। মহাজানী এবং পরমভক্ত রায় রামানন্দ ভক্তিঅদভার শ্রীচৈতন্তকে যে ভক্তিতত্ত্ব শুনাইয়াছিলেন, তাহারও শেষকথা এই—ইষ্টদেবতার সহিত মধুরভাবে যোগ বা আত্মিক পরিণয়। ইহাকেই ভক্তিশাস্ত্রে শ্রেষ্ঠযোগ বলা হইয়াছে। মাতা তাঁহার ইষ্টদেবতার সহিত এই যোগে যুক্ত হইয়া একত্বলাভ করিয়াছিলেন। এই জন্য কোন কোন ভক্ত সাধক মাতাকে শ্রীচৈতন্তের সহিত তুলিত করিয়াছেন কেহবা জননী মীরা বাইএর সহিত তাঁহার তুলনা করিয়াছেন। শুধু যে পারিবারিক জীবনেই এই দুই মহানারীর আশ্চর্য্য সাদৃশ্য লক্ষিত হয় তাহা নহে, জননী মীরাও তাঁহার ইষ্টদেবতা শ্রীকৃষ্ণের সহিত আত্মিক মিলনে সংযুক্ত হইয়াছিলেন।

ধর্মপ্রচার সম্বন্ধে মাতা যাহা বলিয়াছেন তাহা প্রচারপহিগণের প্রণিধানযোগ্য। যাহারা সম্পূর্ণ আত্মসমর্পণ করিয়াছেন এবং স্তুতি নিন্দা যাহাদের নিকটে তুল্য হইয়াছে, ধর্মপ্রচারদ্বারা তাঁহারা ই কল্যাণলাভ ও কল্যাণদান করিতে পারেন। অপরের বাক্য ও কার্য্য ব্যর্থ হইয়া যায়।

আমাদের ঝায় সাধারণ মানুষের পক্ষে ম্যাডাম গের্ণোর জীবন-চরিত অত্যন্ত শিক্ষাপ্রদ। দুর্বল মানব, জীবনের মহৎ ব্রতপালনে



এবং উচ্চ লক্ষ্য সাধনে পুনঃপুনঃ ঋণিত হইয়াও অবশেষে ঈশ্বরপ্রসাদে  
কিরূপে জীবমুক্ত হইতে পারে, মাতার জীবনে তাহা স্পষ্টরূপে  
প্রকাশ পাইয়াছে।

কি পারিবারিক কি সামাজিক জীবনে এত দুঃখ অন্নলোকেই  
এমন প্রশান্ত ও অপরাধিতচিত্তে বহন করিয়াছেন। ষাঁহার গার্হস্থ্য-  
জীবনের বাধাবিঘ্নের সহিত সংগ্রাম করিতে করিতে ক্লান্ত হইয়া  
পড়িয়াছেন, এই জীবনের সংগ্রামজয় দেখিয়া তাঁহার আশ্রয় হইতে  
পারেন।

পারিবারিক ও সামাজিক জীবনের বিষমশত্রু বিলাসিতাকে জয়  
করিবার উপায় ষাঁহার খুঁজিয়া পাইতেছেন না, এই ধনী কন্যা এবং  
লক্ষপতির গৃহিণীর বিলাসজয়ের দৃষ্টান্তে তাঁহার বলমাত্ত করিতে  
পারেন।

এই পুস্তক কোন গ্রন্থবিশেষের অনুবাদ নহে। তবে শ্রীযুত  
Thomas Upham মহোদয়ের নিকটে আমি এই গ্রন্থসংকলন সম্বন্ধে  
বিশেষভাবে ঋণী।

আমার ভক্তিতাজন মাতুল সুপণ্ডিত শ্রীযুত মহেশচন্দ্র বোষ বি, এ  
বি টি এবং ভগবন্ত শান্ত সাধক পূজনীয় শ্রীযুত ইন্দুভূষণ রায়  
মহাশয় অত্যন্ত দয়া করিয়া এই গ্রন্থের পাণ্ডুলিপি আচ্ছোপান্ত  
সংশোধন করিয়া দিয়াছেন। ইঁহাদের সাহায্য না পাইলে গ্রন্থে অনেক  
ত্রাস্তি থাকিলা যাইত। আমি ভক্তিকৃতজ্ঞতার সহিত ইঁহাদের চরণে  
প্রণাম করি। মাতুল মহাশয় ফরাসী নামগুলির উচ্চারণ বাঙলায়  
লিখিয়াদিয়া অত্যন্ত উপকার করিয়াছেন। রায় মহাশয় কৃপা করিয়া  
নিম্নলিখিত মন্তব্য প্রকাশ করিয়াছেন—

“প্রথম হইতে শেষ পর্য্যন্ত পড়িলাম এবং অত্যন্ত উপকৃত হইলাম।

ইহার প্রথম অংশ জীবনগঠন, দ্বিতীয় অংশ কর্মফললাভ। ধীরে ধীরে সুখ দুঃখ, উত্থান পতন, যাত প্রতিঘাতের মধ্য দিয়া শ্রীমতী গেরোর ধর্মজীবন স্বেল্পে গঠিত এবং বিকাশপ্রাপ্ত হইয়াছে, তাহা লিখিত হইয়াছে। ইহা সাধনার জীবন। সাধনার্থীমাত্রেরই এই অংশ হইতে যথেষ্ট জ্ঞান ও শক্তি সঞ্চয় করিতে পারিবেন এবং কেমন করিয়া অহংরাজ্য হইতে আত্মার ভূমিতে, মৃত্যুলোক হইতে অমৃতলোকে উত্তীর্ণ হইতে হয়, তাহার নিগূঢ় সন্ধান পাইয়া কৃতার্থ হইবেন।

“দ্বিতীয় অংশ সিদ্ধির জীবন এবং তাহাতে কর্মফললাভ। ইহা বিশেষভাবে পরীক্ষা করিয়ার বিষয়। (১) সাধনার যাহা পাইয়াছেন কর্মক্ষেত্রে তাহার উপযুক্ত প্রয়োগ হইয়াছে কিনা, (২) নিজের জীবনের সঙ্গে মিলাইয়া লইতে লইতে প্রচুর বল, সাহস, বিশ্বাস এবং নির্ভর সঞ্চয় করিতে পারিতেছেন কিনা, দেখিতে পাইবেন।

“সাধনার ক্ষেত্রে, সাধনার্থীর চক্ষে এ পুস্তক নিশ্চয়ই মূল্যবান বলিয়া মনে হইবে এবং সাধনের প্রিয় সহচর বলিয়া আদরে গৃহীত হইবে।

“বিধাতার মঙ্গল ইচ্ছা তোমার শুভ কামনার সহায় হউক”  
ভক্তের আশীর্ব্বাদ মস্তক পাতিয়া লইলাম।

শ্রীনিবারণী ঘোষ।





ম্যাডাম গেভো

# ম্যাডাম গেয়েঁ ।

১

ফ্রান্সদেশের মোটার বিঁ ( Montargis ) নগরে ম্যাডামগেয়েঁর জন্ম হয় । তাঁহার জন্মদিন ১৬৪৮ খৃষ্টাব্দের ১৩ই এপ্রিল । ধর্ম-শীল বলিয়া ইঁহার পিতামাতার খ্যাতি ছিল । ম্যাডামগেয়েঁর কুমারী নাম জঁ মারি বুবিএয়ার ডি লা মোথ্ ( Jeanne Marie Bouvières de la Mothe )

আড়াই বৎসর বয়সে একবার তিনি উসুলীন সেমিনারীতে ( Ursuline Seminary ) বিদ্যালয়প্রবেশিত হন । শিক্ষাদানব্রত-ধারিনী তপস্বিনীগণকর্তৃক এই বিদ্যালয় পরিচালিত । অল্পদিন পরেই বিদ্যালয় ছাড়াইয়া তাঁহাকে গৃহে আনয়ন করা হয় । গৃহে কিন্তু মাতার সেবা ও মাতৃ-প্রভাবের পুণাকিরণের মধ্যে তাঁহার শিশুজীবন বর্ধিত হইবার, তাঁহার সুপ্ত হৃদয় জাগ্রৎ হইবার সুযোগ পাইল না । এই গুরুতর কর্তব্যভার পতিত হইল দাস-দাসীর হস্তে । সুতরাং শিক্ষা আশানুরূপ হইল না ।

চার বৎসর বয়সে তাঁহাকে অপর এক বিদ্যালয়ে প্রেরণ করা হয় । এই বিদ্যালয়ের উচ্চ আদর্শ ও ধর্মভাবের মধ্যে তাঁহার নিদ্রিত মহত্ব জাগ্রৎ হইল, ঈশ্বরের কথা তাঁহার নিকটে এক আকর্ষণের বস্তু হইয়া উঠিল ।

সঙ্গিনীগণকে একদিন তিনি বলিয়াছিলেন যে ‘ঈশ্বরের জন্ত আমি জীবন বিসর্জন করিব।’ এতটুকু মেয়ের মুখে এমন কথা বয়োজ্যেষ্ঠাগণের ভাল লাগিল না, তাহারা তাঁহাকে পরীক্ষা করিতে প্রবৃত্ত হইল। সকলে বালিল যে ‘ঈশ্বরকে তোমার প্রাণ দান করিতে হইবে’। জঁ মারি ( Jeanne marie ) ইহাতে সন্তুষ্ট হইয়া ঈশ্বরের নিকটে প্রার্থনা করিয়া লইলেন। তখন সকলে মিলিয়া তাঁহাকে একটি কক্ষে লইয়া গেল। ভূমির উপরে বসন বিছাইয়া তিনি নতজানু হইয়া বসিলেন,—একজন তরবারি উঠাইয়া দাড়াইল। শিশুহৃদয়েঃ স্কুমার বিশ্বাস এই সময়ে কম্পিত হইল,—তিনি বলিয়া উঠিলেন— ‘আমার পিতার অনুমতি ব্যতীত আমি মরিতে পারি না’। নিষ্ঠুর উল্লাসে সকলে বিদ্রুপবাণী বর্ষণ করিতে লাগিল। ঈশ্বর যে এমন “মার্টার”কে গ্রহণ করেন না তাহা এই শিশুকে ভালরূপে বুঝাইয়া দিতে তাহারা ভুলিল না। জে, মারি ( J Marie ) মনে করিলেন সত্যসত্যই ঈশ্বর তাঁহার উপরে বিরক্ত হইয়াছেন। আপনাকে নিতান্ত অযোগ্য মনে করিয়া তিনি ক্ষুধাচিত্তে দিন যাপন করিতে লাগিলেন। এইরূপ নানা হৃদয়বিহীন কঠোরতায় তাঁহার আশা আনন্দ, তাঁহার সকল সরসতা শুক হইয়া উঠিল।

জে, মারি রুগ্নকায় ছিলেন। শরীরের জন্ত পুনর্বার তাঁহাকে বিদ্যালয় ত্যাগ করিতে হইল। তাঁহার তরুণজীবনের গঠনভার আবার দাসদাসীর হস্তে গুলু হইল।

২

জে, মারির এক জ্যেষ্ঠাভগিনী জনসেবায় আপন জীবন অর্পণ করিয়াছিলেন। উসুলীন ( Ursuline Convent ) বিদ্যালয়ে তিনি শিক্ষাদান ব্রত গ্রহণ করিয়াছিলেন। গৃহে কন্ডার অভাব দেখিয়া

জে, মারির ( J Marie ) পিতা কনভেন্টবাসিনী আপন জ্যেষ্ঠাকণ্ঠার হস্তে তাঁহার ভার অর্পণ করিয়া নিশ্চিন্ত হইলেন । সাত বৎসর বৎসে তিনি উম্মূলান কনভেন্টে গমন করিলেন ।

ধর্মপ্রাণা ভগিনীর সহপাঠে তাঁহার শিক্ষা ভাল হইতে লাগিল । স্নেহে এই নারীঃ হৃদযথানি সুকোমল ছিল । জে, মারিকে তিনি এতট ভাল বাসিতেন যে অত্র কোন সংসর্গ অপেক্ষা এই ক্ষুদ্র বালিকার সঙ্গই তাঁহাকে অধিকতর সুখ দান করিত । বিশ্রাম-সাম্প্রদ্য ছাড়িয়া দিয়া আপন অবসর সময়টুকু তিনি ভগিনীর শিক্ষা-দানকার্য্যে ব্যয় করিতেন । ইহার স্নেহ সতর্ক হয় জে, মারির চরিত্রের কুশিক্ষালঙ্ঘন দোষগুলি দূর হইতে লাগিল ।

এই সময় একটি ঘটনা ঘটিয়াছিল । ইংলণ্ডরাজ প্রথম চার্লসের সহিত ফ্রান্সের ত্রয়োদশ লুইয়ের ভগিনী হেন্‌রিয়েটার বিবাহ হইয়াছিল । চার্লসের মৃত্যুর পর ইংলণ্ডে নব্য শাসনপ্রণালী প্রতিষ্ঠিত হইলে হেন্‌রিয়েটা ১৬৪৪ অব্দে স্বদেশে ফিরিয়া আসিয়া প্যারির নিকটস্থ একটি গ্রামে বাস করিতে থাকেন ।

কয়েক বৎসর পরে তিনি মোটার বি' নগর দেখিতে আসিলেন । জে, মারির পিতা ক্লোড বুবিএয়ার ডি ল মোথ ( Claude Bouviers de la Mothe ) সহবের সম্ভ্রান্ত ব্যক্তি । হেন্‌রিয়েটা তাঁহার বাড়ীতে আসিয়া তাঁহার অষ্টম বর্ষীয়া কন্যা জে, মারিকে দেখিয়া ও তাঁহার কথা শুনিয়া এত মুগ্ধ হন যে আপন কণ্ঠার সখী ( Maid of Honour ) করিবার জন্য এই বালিকা-টিকে চাহিয়া বসেন । জে, মারির পিতা সন্মত হন নাই । ঐশ্বর্য্যের পদে আপন সম্মানকে বলিদান করিতে তিনি পারিলেন না ।

পরজীবনে এই ঘটনার উল্লেখ করিয়া ম্যাডামগেয়োঁ লিখিয়াছেন

—“নিশ্চয় ঈশ্বরই এই অস্বীকারোক্তি করাইয়াছিলেন এবং এইরূপে আমার উদ্ধারপথের অন্তরায় দূর করিয়াছিলেন। তখন আমি যেহেতু দুর্বল ছিলাম, এইরূপ ঐশ্বর্যশালী ব্যক্তির সহবাসের শত প্রলোভনের বিরুদ্ধে দাঁড়াইতে আমি সমর্থ হইতাম কি করিয়া?”

দশ বৎসর বয়সে তিনি বিদ্যালয় হইতে গৃহে আসেন। ইহার পর তাঁহাকে Dominican Convent এ প্রেরণ করা হয়।

ধর্মশিক্ষার ব্যবস্থা থাকিলেও এই বিদ্যালয়ের বালিকাদের নিকটে বাইবেল ( Bible ) থাকিত না। এক দিন দৈবতঃ জে, মারি আপন কক্ষে একখানি বাইবেল প্রাপ্ত হইলেন। তিনি লিখিয়া গিয়াছেন—“অন্য কোন বিষয় বা পুস্তকে মন না দিয়া সকাল হইতে সন্ধ্যা পর্য্যন্ত সমস্ত দিন আমি ইহা পাঠ করিয়া কাটাইয়াছিলাম। স্বরণশক্তি প্রথর থাকাতে ইহার ঐতিহাসিক অংশ আমি সম্পূর্ণরূপে স্মৃতিগত করিয়া লইয়াছিলাম।”

এই বিদ্যালয়ে তিনি ৮ মাস ছিলেন। তাঁহার ধর্মজীবন এই সময় নানা অবস্থার মধ্য দিয়া আসিতেছিল। সময় সময় ধর্মজীবন লাভ করিবার আকাঙ্ক্ষা ও সংকল্প তাঁহার মনে সত্যই জাগিয়া উঠিত, আবার কখনও ধর্মের প্রতি সম্পূর্ণ ঔদাসীন্য প্রকাশ করিতেন, বলিতেন—ধর্মপালনে উপকার লাভ যতটুকু হয় কষ্টভোগ করিতে হয় তাহার অপেক্ষা অনেক অধিক। এই সময় ধর্মকে তিনি চাহিয়া ছিলেন—পান নাই, ধর্মের বাহিরের বস্তু লইয়া নাড়াচাড়া করিয়া ছিলেন—ভিতরে প্রবেশ করিতে পারেন নাই। কারিবার বয়সও সম্ভবতঃ হয় নাই।

বয়সের সঙ্গে সঙ্গে তাঁহার শারীরিক সৌন্দর্য্য বিকশিত হইয়া উঠিল। কণ্ঠার সৌন্দর্য্য দেখিয়া মাতা তাহার সাজসজ্জার প্রতি



বিশেষ মনোযোগ প্রদান করিলেন । জে, মারির দৃষ্টি বাহিরের দিকে আকৃষ্ট হইয়া পড়িল । শিশুকালের সরল ঈশ্বরবিশ্বাস দূর হইয়া গেল, সংসারের ক্ষুদ্রতা, ভুচ্ছ বিলাসিতা তাঁহার সর্বত্র ভুইয়া দাঁড়াইল ।

৩

ফ্রান্সের রোমান ক্যাথলিক চার্চ প্রাচ্যদেশে খৃষ্টধর্ম প্রচারের জন্য বিস্তৃত আয়োজন করিতেছিলেন । ধর্ম প্রচার কার্যে সাহায্য আপন আপন জীবন নিবেদন করিয়া দিয়াছিলেন ডি, টোয়াসি (De Foissy) তাঁহাদের মধ্যে এক জন । ইনি এম, ডি, লা মোথ্ (M De la Mothe) এর ভ্রাতৃপুত্র । মাতৃভূমি ত্যাগ করিয়া সম্ভবতঃ চিরদিনের জন্য বিদেশ যাত্রার সময় তিনি একবার মোটার্গিস্ (Montargis) এ পিতৃব্য গৃহে আসিয়াছিলেন । জে, মারি সেদিন বাড়ীতে ছিলেন না, সঙ্গীদের সহিত বেড়াইতে গিয়াছিলেন । তিনি ফিরবার পূর্বেই ডি, টোয়াসি (De Foissy) চলিয়া গেলেন । ফিরিয়া আসিয়া বাড়ীর লোকের মুখে তাঁহার কথা শুনিয়া জে, মারির হৃদয় আশ্চর্য্য ভাবে পূর্ণ হইল । ভ্রাতার মুখের কথাগুলি তাঁহার হৃদয়কে এমনই স্পর্শ করিল যে, সমস্ত দিন সমস্ত রাত্রি তাঁহার অশ্রুজলে কাটিয়া গেল । ভ্রাতার গভীর ধর্মজীবনের সহিত তুলনা করিয়া আপনার হীন জীবনের লঘুত্ব তিনি বুঝিতে পারিলেন । অহুতাপে তাঁহার হৃদয় ব্যথিত হইয়া উঠিল । দৃঢ়সংকল্পে তিনি আপনার জীবনের দিকে ফিরিয়া চাহিলেন । অপরাধের জন্য সকলের নিকটে ক্ষমা প্রার্থনা করিলেন, দরিদ্র প্রতিবেশীর গৃহে গৃহে যাইয়া অন্ন, বস্ত্র, শিক্ষা, দান করিতে লাগিলেন ; সঙ্গ্রহে কিনিয়া পাঠ করিতে আরম্ভ করিলেন । এ সমস্তই

অত্যন্ত গুভপ্রদ হইত যদি তিনি আপনাই শক্তির উপর নির্ভর ন করিতেন। কিন্তু এখনও তিনি প্রকৃত বিশ্বাসী হইয়া বিধাতার উপর নির্ভর করিতে পারেন নাই, তাই ব্যর্থতার দুঃখ তাঁহার অন্ত অপেক্ষা করিয়া রহিল।

তাঁহার ব্যাকুলতার মধ্যে কিন্তু একটুও কৃত্রিমতা ছিল না। ধর্মকেই জীবনের সম্বন্ধ করিবার আকাঙ্ক্ষায় তিনি কনভেন্টে (Convent) প্রবেশ করিয়া সন্ন্যাসিনী জীবন যাপন করিবার সংকল্প কল্পিলেন। কিন্তু পিতা এ সংকল্পে অনুমতি দান করিলেন না। এই কথা তাঁহার অত্যন্ত আদরের। পরিবার ও বহির্জগতের সহিত সমস্ত সম্বন্ধ বিচ্ছিন্ন না করিয়াও কত্যা ধর্মজীবন লাভ করুন ইহাই তাঁহার ইচ্ছা ছিল।

জীবন-ধারা এক বৎসর এই গতিতে চলিল। পুনর্বার প্রাতঃবন্ধক আসিয়া দেখা দিল। কুমারী জে, মারির পিতা সপরিবারে বিছাদনের জন্য মোটার বি ত্যাগ করিয়া অন্তঃ গমন করিলেন। সুশিক্ষিত এক আত্মীয় যুবক ইঁহাদের সঙ্গী ছিলেন। জে, মারির বয়স তখন ১৪ বৎসর মাত্র। বালিকার বয়স এত অল্প হইলেও যুবক তাঁহার নিকটে বিবাহের প্রস্তাব উত্থাপন করেন। নিকট-আত্মীয়তাবশতঃ এই বিবাহ হইতে পারে নাই। পবজীবনে ম্যাগাম গেয়ো লিখিয়াছেন যে পূর্বে ঈশ্বরের মধ্যে তিনি যাহা পাইয়াছিলেন এখন মানুষের নিকটে তাহা খুঁজিতে আরম্ভ করিলেন। তিনি প্রার্থনা করা ছাড়িয়া দিলেন, এমন কি কথা কহিবার সময় সত্যমিথ্যান বিচারও সকল সময় করিতেন না। অসার লঘু পুস্তক সমূহ এখন তাঁহার প্রিয় সঙ্গী হইয়া উঠিল। ধর্মের বাহিরের আচারনিয়ম কিছু কিছু রক্ষা করিলেও হৃদয়ের ধর্ম তাঁহার নিকটে নিত্য উদাসীনতার বস্তু হইয়া পড়িল।

রূপগর্ভ তাঁহাকে স্কীত করিয়া তুলিল। দিনের অনেক সময় দর্পণের সন্মুখে কাটিয়া যাইত। “আমার সর্বাঙ্গ আমার নিকটে স্নন্দর বোধ হইত। বাহিরের সৌন্দর্য্য যে পতিত পাপময় একটি আয়াকে আবৃত করিয়া রাখিয়াছে, সেই অধঃপতন ও অন্ধকারের মধ্যে, তাহা আমি দেখিতে পাই না।” এইরূপে সর্বত্র শিথিলতা প্রবেশ লাভ করিল।

তিনি বলিয়াছেন, “আমি প্রার্থনা ছাড়িয়া দিলাম। ঈশ্বরে যাহা পাইয়াছিলাম এখন মানুষের মধ্যে তাহা অন্বেষণ করিতে লাগিলাম। আর, আমার ঈশ্বর। তুমি আমাকে আমার উপরেই ছাড়িয়া রাখিলে, কারণ আমিই তোমাকে অগ্রে ছাড়িয়াছিলাম। সতত সতর্ক থাকিবার এবং অক্ষুণ্ণ তোমার সহিত যোগের অবস্থা রক্ষা করার যে কত আবশ্যকতা তাহা দেখিতে ও বুঝিতে দিবার জন্য তুমি আমাকে ভয়াবহ গভীর কূপের মধ্যে মগ্ন হইতে দিয়াছিলে।”

যতক্ষণ আমরা নিজের শক্তির উপরে নির্ভর করিয়া চলি,—পতন অনিবার্য্য। এই যে পতন ইহা তো চিরদিনের জন্য নহে—নূতন অভিজ্ঞতা লাভ করিয়া পুনর্বার নব আনন্দে যাত্রা আরম্ভ করিবার জন্য। করুণাময় করুণা করিষা বেশী দূর আমাদেরকে নিজের শক্তিতে স্বাতন্ত্র্যের পথে চলিয়া যাইতে দেন না, পতনের আঘাত সে পথ রুদ্ধ করিয়া দাঁড়াইয়া আছে! আঘাতের বেদনায় উচ্চশির ধূলিলুপ্ত হইয়া পড়ে, নিহলতা আসিয়া অহঙ্কারকে লজ্জিত বিকৃত করিয়া তুলে। তখন বুঝিতে পারি যে তাঁহাকে ছাড়িয়া আমাদের শক্তি শুধুই দুর্বলতা—তখন অশ্রুজলে অহঙ্কারের উন্মা নীতল হইয়া যায়। তখনই আমাদের অবনত হৃদয়ে ভগবানের প্রতি নির্ভরশীলতা নামিয়া আসে।

৪

১৬৬৩ খৃষ্টাব্দে মোথ্ (Mothé) পরিবার মোটার বিঁ (Montargis) এর বাস উঠাইয়া প্যারিতে বাসস্থান স্থাপন করিলেন। এই সময় ফ্রান্স শিল্পসাহিত্যে যেমন উন্নত হইয়াছিল বিলাসিতার বাহুল্যেও সেইরূপই ভারাক্রান্ত হইয়া পড়িয়াছিল।

এই বিলাসিতার উত্তাপে তরুণী জঁ মারির (Jeanne Marie) হৃদয়ের কোমল শোভন ভাবটুকু যেন নিঃশেষে গুহু হইয়া গেল। তাঁহার দেহের সৌন্দর্য্য, বাক্যের মাধুর্য্য, আচরণের সুমার্জিত কমনীয়তা চতুর্দিক হস্তে সমাদর আকর্ষণ করিয়া আনিল—অহঙ্কারের আগুনে ইন্ধন পড়িতে লাগিল।

এই সময় ধনবান এম, জে, গেয়ঁ (M Jacques Guyon) কুমারী জে, মারির পাণিপ্রার্থী হইলেন। পিতা কন্যার মতামত নিরপেক্ষ হইয়াই বিবাহের আয়োজন করিতে লাগিলেন। বিবাহের কয়েকদিন মাত্র পূর্বেও জে, মারির (J Marie) ভবিষ্যৎ স্বামী দর্শন লাভ ঘটে নাই। যখন প্রথম দেখিলেন এম, জে, গেয়ঁ তাঁহার হৃদয়ের প্রীতি আকর্ষণ করতে পারিলেন না। অন্য বহু ব্যক্তি তাঁহার পাণিগ্রহণের আকাঙ্ক্ষা করিয়াছিলেন। জে, মারির মনে হইল তাঁহাদের মধ্যে কাহারও সহিত বিবাহ হইলে তিনি অধিকতর সুখী হইবেন। কিন্তু পিতা এম, জে, গেয়ঁর হস্তেই কন্যা সমর্পণ করিলেন। ১৬৬৪ অব্দের ২১ এ মার্চ ১৬ বৎসর বয়সে কুমারী জে, মারির বিবাহ হয়। পাত্রের বয়স তখন ৩৮ বৎসর।

৫

ধন ঐশ্বর্য্য মানুষকে সুখ দান করিতে পারিলে ম্যাডাম গেয়ঁ সুখী হইতেন। কিন্তু তাহা হইল না। পতিগৃহে পদার্পণ করিয়াই

তিনি বুঝিলেন এ গৃহ তাঁহার সুখের গৃহ হইবে না । স্বামীর সন্তিত প্রেমের বন্ধনে আবদ্ধ হইবার কোন সুযোগই হয় নাট, বিবাহের মাত্র তিন দিন পূর্বে তাঁহাকে প্রথম দেখিয়াছেন । এই অপরিচিত স্থানে আসিয়া তাঁহার হৃদয় আর্ন্ত হইয়া উঠিল ।

পতিগৃহে বৃদ্ধা বিধবা স্বশ্রুঠাকুরাণী ছিলেন । ব্যাকুলা বালিকার কোমল কাঁপ্তি তাঁহার মাতৃহৃদয়ের স্নেহ আকর্ষণ করিতে পারিল না । কি জানি কেন প্রথম হইতেই তিনি পুত্রবধুর প্রতি কুদৃষ্টিপাত করিলেন । স্বভাবটা তাঁহার অত্যন্ত কক ছিল । তাঁহার ব্যবহান নববধুর তরুণ জীবনকে তাক্র, তিক্র করিয়া তুলিল ।

স্বামীর হৃদয়ে যে তাঁহার জগ্ন স্নেহ ছিল না এমন নহে । মাতা আসিয়া মধ্যে না দাড়াইলে প্ৰীতির আদান প্রদানে উভয়ের জীবন মধুময় হইতে পারিত । কিন্তু তিনি পুত্রকে বধুর বিরুদ্ধে উত্তেজিত করিতে চেষ্টা করিতেন । এম, জে, গেয়েঁর স্বাস্থ্য ভগ্ন হইয়া গিয়াছিল । তাঁহার রুগ্ন শরীরের পরিচর্য্যার জগ্ন একজন পরিচারিকা সর্বদাই নিযুক্ত থাকিত । এই রমণী সেবা ও যত্ন দ্বারা তাঁহার উপরে প্রভাব বিস্তার করিয়াছিল । স্বশ্রুঠাকুরাণীর সহিত মিলিয়া সেও সর্বদা সর্ববিষয়ে বধুর বিরুদ্ধে দাঁড়াইত ।

পিতৃগৃহে তিনি ছিলেন আদরিণী কন্যা । তাঁহার কুমারী জীবন যদি এত সুখের না হইত তাহা হইলে বর্তমান অবস্থার সহিত তিনি বুঝিবা সন্ধি করিয়া লইতে পারিতেন । এখন এই পরিবর্তনে তাঁহার তরুণ হৃদয়ের শত আশা ছিন্ন হইয়া গেল, তিনি একেবারে স্তম্ভিত হইয়া পড়িলেন ।

প্রথমেই তিনি বুঝিয়াছিলেন যে তাঁহার পার্থিব সুখের অবসান হইয়াছে, কিন্তু তখন বুঝেন নাই যে, এ দুঃখ বিধাতার দয়ায় দান,

তিনি জানিতে পারেন নাই যে দুঃখ দিয়া ভগবান তাঁহাকে আপনার বলিয়া অঙ্গীকার করিয়া লইতেছেন ।

দুঃখ আছে বলিয়াই আমরা জানিতে পারি যে ঈশ্বরের দয়া আছে । দুঃখ আমাদের হাতে ধরিয়া তাঁহার দিকে লইয়া যায় । দুঃখ আমাদের শূন্য জীবনকে পূর্ণ করিয়া তোলে । আর ভগবানের ইচ্ছার নিকটে মাথা নীচু করিয়া থাকিবার যে আরাম, দুঃখের দাহ তাহার নিকটে কিছুই নহে ।

আত্মজীবনীতে এই সকল দৃশ্যবহারের কথা প্রকাশ করিতে সসুচিত হইয়া ম্যাডামগেয়োঁ সত্যই লিখিয়াছেন—“এই সব বিষয়ে আমরা নিশ্চয়ই ঈশ্বরের হস্ত দেখিতে চেষ্টা করিব, শুধু মানুষের দিক্‌টাও দেখিব না । প্রত্যেক বিষয়েই ভগবানের দিক দেখা উচিত — আমার পরিবারের জন্মই তিনি এই সকল ঘটাইয়াছিলেন । আমার এত গদ ছিল যে দুঃখের বঠোর কশাঘাত ব্যতীত আর কিছুই আমাকে অবনত করিতে পারিত না — আমাকে ঈশ্বরের দিকে ফিরাইতে পারিত না ।” ঋগ্‌ভাকুবানীর এবং স্বামীর গুণ গুলিরও তিনি এই ধানে উদ্বেগ করিয়া গিয়াছেন ।

শুভরালয়ের নির্ঘাতনের কথা তিনি কখনও জননীকে জানিতে দিতেন না, কারণ জানিতেন তাহাতে শুধু নূতন যাতনার সৃষ্টি হইবে । মাতা কিস্তি অন্তের মুখে কণ্ঠ্য অবস্থা শুনিয়া মর্শ্বপীড়িত হইলেন । এত অপমান সহিবার মত হানতা স্বীকার করিয়া লইয়াছে বলিয়া কণ্ঠ্যকেই তিনি তিরস্কার করিলেন ।

পিত্রালয়ে ষাইবার সৌভাগ্য তাঁহার কদাচিৎ ঘটত । কখনও যদি ষাইতেন, ফিরিয়া আসিয়া তিক্তবানী শুনিতে হইত । তাঁহার পিতা মাতার বিরুদ্ধে কথা উত্থাপন করিয়া সকলে তাঁহাকে কণ্টকবিদ্ধ করিত ।

ঠাহার স্বতন্ত্র একটি কক্ষ ছিল না, স্বশ্রীকুরাণীর গৃহেই ঠাহাকে থাকিতে হইত। স্বাধীন ভাবে বিশ্রাম করিবার, একটু একাকী থাকিবার উপায় ছিল না। কখনও কোনও নিভৃতস্থানে কিছুক্ষণ যদি থাকিতেন তাহার জন্মও বাক্যবাণ সহিতে হইত। এঁকে পরিচারিকার আচরণ হুঃসহ হইয়া উঠিয়াছিল। সে যেন ঠাহার অভিভাবিকা এই ভাবে সৰ্বদা ঠাহাকে চোখে চোখে রাখিত। এই সব অত্যাচাৰেব প্রতিকার ক্ষমতা ঠাহার ছিল না, যাহা অসম্ভব তাহাও নীরবে সহিতে হইত। যদি কোনও দিন উত্থাপ্ত বাক্য ঠাহার মুখ হইতে বাহির হইয়া পড়িত তাহাব খল হইত দীর্ঘকাল ধন্য কঠোরতর নির্ধাতন ভোগ। ভূত্যের প্রতি আদেশ ছিল বধু কখনও বাহিবে গেলে ঠাহার কার্যের হিসাব তাহাকে আনিয়া দিতে হইবে। একদিন তিনি কি ছিলেন, আর এখন কি হইয়াছেন, এবং ভবিষ্যতেই কি কি হইতে পারিতেন। যদি ঠাহার সহিত বিবাহ না হইত তাহার পাণিপ্রার্থীগণের মধ্যে আব কাহার সহিত ঠাহার বিবাহ হইত। ঠাহার জন্ম ঠাহাদের কত আগ্রহ। ঠাহার প্রতি ঠাহাদের ব্যবহার কি মনোরম'—এ সব চিন্তা তিনি ভুলিতে পারিতেন না।

“আমি হুঃখেব গ্রাস মুখে ভুলিতে ও পানীয় দ্রব্যে অক্ষ নিশ্চিত করিতে লাগিলাম। এই অক্ষ, রোধ করা আমার সাধের অতীত ছিল! কিন্তু তাহা শুধু আক্রমণ ও তিরস্কারের নূতন সুযোগ রচনা করিত। আমার স্বামী আমার প্রতি যেকপ আচরণ করিতেন তাহা যে স্বাভাবিক নিষ্ঠুরতাবশতঃ করিতেন তাহা নহে। আমার প্রতি ঠাহার প্রকৃত ভালবাসা ছিল বলিয়া মনে হইত, কিন্তু অসহিষ্ণু প্রকৃতির মানুষ ছিলেন বলিয়া ঠাহার মাতা আমার বিরুদ্ধে ঠাহাকে অনবরত উত্তেজিত করিবার সুযোগ পাইতেন। আমি পীড়িত

হইলে তিনি সত্যই অত্যন্ত ক্লেশ অনুভব করিতেন । তাঁহার মাতা ও দাসী না থাকিলে হয়তো আমরা সুখে থাকিতে পারিতাম ।”

ধন ঐশ্বর্যশালী ব্যক্তির গৃহিণী হইয়াও তিনি এইরূপে ক্রীতদাসীর জীবন যাপন করিতে লাগিলেন । প্রতিবাদ করিবার শক্তিও রহিল না । তাঁহার তেজস্বী হৃদয়ের সাহস গর্ভ সকল চূর্ণ হইয়া গেল । মুক জড়ের ঞায় তিনি স্তম্ভিত হইয়া বসিয়া থাকিতেন ।

“সাহায্যের জন্ত চারিদিকে চাহিলাম—আমার দুঃখের কথা জানাই এমন কাহাকেও পাইলাম না । আমার বেদনার অংশ গ্রহণ করিবার, তাহা বহন করিতে আমাকে সাহায্য করিবার কেহই ছিল না । পিতা মাতাকে আমার মনের ভাব, আমার পরীক্ষার কথা জানাইলে, তাহাতে নূতন দুঃখ সৃষ্ট হইত মাত্র । আমার দুঃখে আমি একাকী এবং অসহায় হইয়া পড়িলাম ।”

### ৬

সংসারের চারিদিকের আলো নিভিয়া গেলেও একটি আলোক নিন্দীপিত হয় না—তাহা অস্তরের অস্তরে । দুঃখের অন্ধকারে চারিদিক আঁধার হইয়া আসিলে সেই নিন্ধ শাস্ত আলোকের দিকে আমাদের দৃষ্টি পড়ে, আর সে আলোক চোখে পড়িলে দুঃখ আর অন্ধকার থাকে না—দুঃখকে তখন ভালবাসিতে ইচ্ছা হয় ।

ম্যাডাম গেয়েঁ সুখের বাসনার সংসারকে আঁকড়িয়া ধরিয়াছিলেন, এখন দেখিলেন হায়, এ সকলি ভাঙ্গিয়া যায় ! একবার তিনি ঈশ্বরের দিক হইতে মুখ ফিরাইয়া লইয়াছেন এখন আবার তাঁহার নিকটে যাইতে লজ্জা বোধ হইল । কিন্তু তিনি ছাড়া দুঃখীর যে আর গতি নাই, তাঁহার সাহায্য না পাইলে হৃদয়ের হাহাকার যে ঘোচেনা ! ম্যাডাম গেয়েঁ পুনরায় তাঁহারই চরণ ধরিলেন ।



বিবাহিত জীবনের এক বৎসর কাটিয়া গেল। তাঁহার প্রথম সন্তান আর্মো বাক গেয়েঁ (Armand Jacques Guyon) জন্মগ্রহণ করিয়াছে। এই ক্ষুদ্র শিশুর আগমনে মাতার প্রতি পরিবারের লোকের মনের তীব্রতাব একটু কমিয়া আসিয়াছে। মাতৃহের আনন্দে ও দায়িত্বে ম্যাডাম গেয়েঁর ধর্মপিপাসা আবার জাগ্রৎ হইয়া উঠিল। তিনি অনুভব করিলেন নিজের জন্ম তিনি যদি ভগবানকে নাও চাহেন, তাঁহার সন্তানের জন্ম তাঁহাকে চাহিতেই হইবে।

গেয়েঁ পরিবারের সম্পত্তির এক অংশ এই সময় অপহৃত হয়। স্বশ্রুঠাকুরাণী এই ক্ষতিতে অধীর হইয়া পড়িলেন। শিশুর শুভাগমনে মনে যেটুকু কোমলতা আসিয়াছিল তাহা দূর হইয়া গেল। তিনি এই ঘটনায় বধুরই অপরাধ দেখিতে পাইলেন, বলিলেন, তাহার আগমনের সঙ্গে সঙ্গেই গৃহে যত অমঙ্গলের প্রাদুর্ভাব হইয়াছে, পূর্বে তাঁহাদের পরিবার দুঃখ-ক্ষতি-বিপদ-মুক্ত ছিল।

ম্যাডাম গেয়েঁর স্বামী কার্যোপলক্ষে কিছুদিনের জন্ম প্যারিতে বাস করিতেছিলেন। অনেক বাধা বিঘ্নের পর তিনি স্বামীর সহিত বাস করিবার অনুমতি পাইলেন। প্যারিতে তাঁহার দিন সুখে কাটিতে লাগিল।

কিছুদিন পরে কঠিন পীডাক্রান্ত হইয়া তাঁহার জীবনের আশায় সংশয় উপস্থিত হইল। পৃথিবী এখন তাঁহার চক্ষে অনেকটা আকর্ষণহীন হইয়া পড়িয়াছে, সুতরাং যাইবার জন্ম তিনি প্রস্তুত রাহিলেন।

এই রোগযন্ত্রণা তাঁহার জীবনের পক্ষে শুভকর হইল। রোগ-শয্যায় শয়ন করিয়া কবিয়া তিনি সংসারের অন্তঃসার শূন্যতা স্পষ্ট উপলব্ধি করিতে পারিলেন। স্থির চিন্তে শরীরের কষ্ট ভোগ করিয়া

সংসারের তপ্তক্ষেত্রে পুনরায় বিচরণ করিবার জন্য নূতন বল তিনি এই রোগশয্যা হইতেই লাভ করিলেন।

তাঁহার বিবাহের দুইমাস পূর্বে তাঁহার স্নেহময়ী ভগিনী পরলোক গমন করিয়াছিলেন। ইনিই উর্সুলীন কনভেন্টে (Ursuline Convent) তাঁহার অশ্রুত জীবনকে অতি সম্বর্ণে বিকশিত করিয়া তুলিবার অক্লান্ত চেষ্টায় দিন যাপন করিয়াছিলেন। বিবাহের একবৎসর পরে তাঁহার জননীদেবীও প্রস্থান করিলেন। যাঁহাদের জন্য এই পৃথিবী প্রিয় তাঁহারা একে একে ইহলোককে আকর্ষণহীন করিয়া চলিলেন। সেই অজানা দেশ আগ্রহ ও আকাঙ্ক্ষার স্থান হইয়া উঠিল। আঘাত নিষা ভগবান তাঁহার সকল আশা আকাঙ্ক্ষাকে মর্ত্যভূমি ছাড়িয়া উর্দ্ধদিকে স্থাপন করিতে শিক্ষা দিতেছিলেন।

ঈশ্বরচরণে আত্মসমর্পণ করিতে আর একবার তিনি দৃঢ়সংকল্প হইলেন। তাহা হইতে বিমুখ হইয়া সংসারের দ্বারে দ্বারে দূরিয়া দেখিয়াছেন—সুখ সেখানে নাই। শ্রান্ত ক্লান্ত হইয়া তিনি বুঝিয়াছেন যে, তাঁহাকে ছাড়িয়া আর কোথাও বিশ্রাম নাই।

ভগবানকে খুঁজিতে আমাদের যত আগ্রহ আমরাদিগকে খুঁজিব বাহির করিবার জন্য তাঁহার ব্যাকুলতা তাহা অপেক্ষা শতগুণ অধিক। আমরা একপদ অগ্রসর হইলে আমাদের দুর্বল হাতখানা ধরিয়া লইবার জন্য তিনি তাঁহার মাহমার সিংহাসন হইতে নামিয়া আনেন। ম্যাডাম গেয়েঁর এই প্রথম পদক্ষেপে ভগবান তাঁহার অনুনয় হস্ত প্রসারিত করিয়া দিলেন।

সমগ্র হৃদয়ের সহিত এবার তিনি ভগবানের চরণ ধরিলেন। এতদিনের বিচ্ছেদে তাঁহার ও তাঁহার প্রভুর মাঝখানে যে রাশীগত জঞ্জাল জমিয়াছিল স্কন্ধ বিরাগে তাহা ঠেলিয়া ফেলিবার চেষ্টা করিতে

লাগিলেন। বেশভূষার বাহ্যিক বর্জন করিলেন, দর্পণের সম্মুখে যে সময় রূপগর্ভ চরিতার্থ করিতে কাটিয়া যাইত সে সময় উচ্চতর কার্যে ব্যয় করিতে লাগিলেন, গৃহের তৃত্যগণের ধর্মজীবনের উন্নতির প্রতি তাঁহার দৃষ্টি ও চেষ্টা জাগ্রৎ হইয়া উঠিল। এ সকল বাহিরের কাজ - অন্তরে নিজের জীবনকে নির্মল করিবার জন্ত একান্ত তৃষ্ণা তাঁহাকে ব্যাকুল করিয়া তুলিল। আপনার ক্রটি দুর্বলতা-গুলি তিনি লিখিয়া রাখিতে আরম্ভ করিলেন,—বিভিন্ন সময়ের লিপি মিলাইয়া দেখিতেন, কতটুকু অগ্রসর হইতে পারিয়াছেন। দিনের মধ্যে অনেকবার প্রার্থনা করিতে বসিতেন—দুঃস্বপ্ন জন্মে পিতার নিকট হইতে বল ভিক্ষা করিয়া লইতেন। আপনার দোষগুলি এখন যেমন তাঁহার চোখে পড়িতে লাগিল, পূর্বে কখনও তেমন হয় নাই। শ্রেষ্ঠ গ্রন্থ সকল হইতে তিনি তৃষ্ণা শাস্তির উপায় অন্বেষণ করিতে লাগিলেন। অন্যান্য গ্রন্থের সহিত খৃষ্টের অনুকরণ (Imitation of Christ) তাঁহার বিশেষ প্রিয় গ্রন্থ হইল।

প্যারিস বাসকালে পিত্রালয়ে যাত্রার সুযোগ হইত। তাঁহার পিতৃগৃহে এই সময় একজন মহিলা বাস করিতেছিলেন। ম্যাডাম গেয়েঁ ইঁহাকে “নির্বাসিতা মহিলা” বলিয়া উল্লেখ করিয়াছেন। সম্ভবতঃ যুদ্ধবিগ্রহের গোলমালে ইঁহাকে ইংলণ্ড হইতে ফ্রান্সে আসিতে হইয়াছিল। একান্ত অসহায় অবস্থায় ম্যাডাম গেয়েঁর পিতার গৃহে তিনি আশ্রয় লইয়াছিলেন। দীর্ঘজীবনের দুঃখশোকে তাঁহার বহু শিক্ষা ষটিয়াছিল। ম্যাডাম গেয়েঁর উপরে ইঁহার স্বাভাবিক স্নেহ ছিল। তাঁহার উপরে এই বালিকা বয়সে তাঁহার দুঃখ সংগ্রাম, ধর্মের জন্ত তাঁহার অকৃত্রিম আগ্রহ তাঁহার হৃদয়কে গভীর সমবেদনা ও প্রীতিতে পূর্ণ করিয়া তুলিয়াছিল। ইঁহার প্রসাদেই

ম্যাডাম গেয়েঁ সর্বপ্রথমে বুদ্ধিতে পারিলেন যে বিশ্বাসবিহীন কার্য-প্রণালী দ্বারা তিনি ধর্মকে লাভ করিতে চেষ্টা করিতেছেন। বাহিরের দিকেই তাঁহার দৃষ্টি নিবদ্ধ, অন্তরের নির্মলতা সাধন এখনও হয় নাই; ভগবানের উপর নির্ভর করিতেছি ভাবিয়া তিনি আপনার উপরেই নির্ভর স্থাপন করিতেছেন। ম্যাডাম গেয়েঁ বলিয়াছেন—  
 “এখনও আমার সময় হয় নাই; তাঁহাকে আমি বুদ্ধিতে পারিতাম না। বাক্য অপেক্ষা দৃষ্টান্ত দ্বারা তিনি আমার অধিক উপকার করিতেন। ভগবান তাঁহার জীবনে বর্তমান ছিলেন। ঈশ্বর সহবাসের যে মহা আনন্দ তাহা তাঁহার মুখশ্রীতেই দেখিতে পাইতাম। আমি বাহিরে বাহিরে তাঁহার মত হইতে চেষ্টা করিতাম, তাঁহার উদার প্রশান্ত নির্লিপ্ত ভাব,—যাহা প্রকৃত আধ্যাত্মিক জীবনের ফল,— বাহিরে তাহারই অনুকরণ করিতে চেষ্টা করিতাম। কিন্তু হায়! আমার বহু চেষ্টা সমস্তই বিফল হইয়া যাইত। সকল চেষ্টা হইতে বিরত হইয়া এবং ভগবানের উপরে সমস্ত বিশ্বাস স্থাপন করিয়াই শুধু যাহা পাওয়া যায় আমি নিজের শক্তিতে তাহা লাভ করিতে চেষ্টা করিতাম।”

আত্মা তখন সত্যই জাগিয়া ক্ষুধিত হইয়া উঠিয়াছে। যেখানে ধর্মের কথা হইত, ক্ষুধা তৃপ্তির আশায় তিনি সাগ্রহে সেখানে ছুটিয়া যাইতেন। তাঁহার আত্মীয় এম, ডি, টোয়্যাসি ( M De Toussi ) প্রাচ্যদেশে গমন করিয়াছিলেন, চারবৎসর পরে তিনি দেশে ফিরিয়া আসিলেন। তাঁহার নিকটে ম্যাডাম গেয়েঁ নিজের জীবনের সকল কথা অকপটে জানাইলেন। তাঁহার উত্থান-পতন, চেষ্টা অক্ষমতা, সফল বিফলতা কিছুই গোপন রাখিলেন না। স্নেহের সহিত এম, ডি, টোয়্যাসি ( M D Toussi ) ভগিনীর কথা শুনিলেন। নিরাশার

কথা তিনি কিন্তু বলিলেন না, তিনি উৎসাহই দিলেন। কারণ তিনি জানিতেন যে, আলোক যিনি দিয়াছেন অন্ধকারও তাঁহারই প্রেরিত, তিনি মঙ্গলময়। আপনার অন্তরকে প্রার্থনার পূর্ণ করিয়া তিনি ভগিনীকে আশার কথা শুনাইতে লাগিলেন।

ইঁহার কথা শুনিয়া ও ইঁহার সহিত কথা বলিয়া ম্যাডাম গেয়েঁর শক্তি চিত্ত সাহস প্রাপ্ত হইল। ঈশ্বরের সহিত যোগ এই যুবকের জীবনে সর্বদা বর্তমান ছিল। পূর্বকথিত “নির্কাসিতা মহিলা”র সহিত যখন ইঁহার কথোপকথন হইত ম্যাডাম গেয়েঁ তাহা লক্ষ্য করিয়া শুনিতেন। উভয়েই ঈশ্বরের পরমাত্মীয়, স্মৃতরাং পরম্পরের মধ্যে এমন একটি অন্তরঙ্গতা জন্মিয়াছিল যাহা অপরের নিকটে দুর্কোধ্য।

এম, ডি, টোয়্যাস বিদায় গ্রহণ করিয়া চলিয়া গেলে ম্যাডাম গেয়েঁ অশ্রুবসর্জন করিতে লাগিলেন। ভ্রাতার দৃষ্টান্তকে আদর্শ করিয়া সাধ্যমত তিনি অগ্রসব হইতে চেষ্টা করিলেন। যামুকের যাহা সাধ্য তাহা সাধন করিতে তিনি ক্রটি কবিলেন না, কিন্তু অভাব তথাপি ঘূঁচিল না। নিভরের নির্ভয় শান্তি তাঁহার জীবনে এখনও লাভ হয় নাই। এক বৎসর এইরূপে কাটিয়া গেল—সকল চেষ্টাই যেন বিফল বলিয়া বোধ হইল।

এই সময়ে ভগবান আন একজনকে পথ প্রদর্শন করিবার জন্ত প্রেরণ করিলেন। সেই ঘটনা স্মরণ করিয়া আবেগপূর্ণ হৃদয়ে ম্যাডাম গেয়েঁ বলিয়াছেন—“আমার পিতা। সময় সময় মনে হয় যে, আমার বিশ্বাসবিহীন অকৃতজ্ঞ হৃদয়ের জন্ত ভাবিতে ভাবিতে তুমি যেন আর সকলকে ভুলিয়া গিয়াছ।”

সেন্ট ফ্রান্সিস ( St Francis ) ধর্মসম্প্রদায়ের এক সাধু পাঁচ বৎসর নির্জনে ঈশ্বরসাধনা করিয়াছিলেন। তপস্কান্তে জগতেব

কল্যাণসাধনের জন্ত তিনি কৰ্মক্ষেত্রে আসিয়া দেখা দিলেন। কিছুদিনের জন্ত তিনি ম্যাডাম গেয়েঁর পিতৃগৃহে অবস্থান করিয়াছিলেন। এম, ডি, লা, মোথ্ ( M. De la Mothe ) এর জীবনে তখন অবসানের অঙ্ককার নামিয়া আসিতেছে। তাঁহার স্বাস্থ্য ভগ্ন, দেহ জীর্ণ। এমন সময়ে এই সাধুকে আর্তার্থ পাইয়া তিনি আপনাকে কৃতার্থ মনে করিলেন। ম্যাডাম গেয়েঁ পিতার সেবার জন্ত তখন পিত্রালয়ে ছিলেন। অন্তর বাহিরের সকল সংগ্রামের কথা তিনি পিতার নিকটে যুক্তভাবে বলিতেন। পিতা তাঁহাকে গৃহাগত ঋষি রূপাভিষ্কা করিতে পরামর্শ দিলেন।

একটি আত্মীয়া রমণীকে সঙ্গে লইয়া তিনি সাধু দর্শন করিতে চলিলেন। আপনার ধর্মজীবনের অবস্থা, দীর্ঘকালের পুনঃ পুনঃ বিফল চেষ্টার কথা তাঁহার চরণে নিবেদন করিলেন। কথার শব্দে সানে সাধু কিছুক্ষণ নীরব হইয়া রহিলেন। অবশেষে কহিলেন “যাহা কেবল অন্তরের অন্তরেই পাওয়া যায় তুমি তাহা বাহরে অন্বেষণ করিয়াছ এই জগতই তোমার চেষ্টা ব্যর্থ হইয়াছে। নিজের অন্তরাত্মার ভিতরে ঈশ্বরকে খুঁজিতে চেষ্টা কর—বিফল হইবে না।”

এই কথা কয়টি বলিয়াই সাধু তাঁহার নিকট হইতে প্রস্থান করিলেন। এদ কথাই হয়তো তিনি পূর্বে কতবার শুনিয়াছেন কিন্তু তাহার হৃদয় তাহা গ্রহণ করে নাই। আজ তাঁহার পঞ্চ স্তম্ভাঙ্গন তাই তিনি ইহার মধ্যে নূতনতর গূঢ় অর্থ দেখিতে পাইলেন। সেই মুহূর্তে তিনি হৃদয়ে ঈশ্বরের জন্ত গভীর প্রেমের বেদনা অনুভব করিলেন। এই বেদনা “এত আনন্দের যে আমার আকাঙ্ক্ষাই হইল চিরদিন ইহা আমার হৃদয়ে, জাগরুক থাকুক।”

এতদিন ধরিয়া যে পথের জন্ত শূন্যহৃদয়ে ফিরিতেছিলেন আজ

তাহার সন্ধান মিলিল । এই বাক্যকয়টি তাঁহার দৃষ্টিকে বাহিরের দিক হইতে ফিরাইয়া অন্তর্মুখ করিয়া দিল । কতকগুলি ক্রিয়া সমষ্টিদ্বারা ভগবানকে লাভ করিবার চেষ্টা যে কত দ্রাস্তিপূর্ণ তাহা তিনি বুঝিতে পারিলেন । নিতান্ত অক্ষয়ও তাঁহাকে লাভ করিতে পারে যদি তাহার অন্তরধানি প্রেমে পূর্ণ হয় । নূতন পুলকে তাঁহার মদয় বলিয়া উঠিল—“হে চিরসুন্দর ! কেন তোমাকে আমি এত বিলম্বে জানিলাম ? হায়, তুমি যেখানে ছিলে না সেইখানেই আমি তোমাকে খুঁজিয়াছি, আর যেখানে ছিলে সেখানে অনুসন্ধান করি নাই ।

নব আনন্দের নূতন নেশায় সে রাত্রি তাঁহার নিদ্রা হইল না । “থকস্মাৎ আমি এত পরিবর্তিত হইবাঁছিলাম যে আমাকে আমি বা অপরে চিনিতে পারিত না । আমার পূর্বের হৃৎকলতা, কৰ্তব্যকস্মে উদাসীনতা সমস্ত দূর হইয়া গেল ।”

ম্যাডাম গেরোঁ এই মহাপুরুষকে গুরুপদে বরণ করিবার জ্ঞান আগ্রহান্বিত হইলেন । কিন্তু সাধুর সংকল্প ছিল যে, বিশেষ আদেশ বাতীত কোনও রমণীর চালনার ভার হস্তে লইবেন না । ম্যাডাম-গেরোঁর সাগ্রহ অনুরোধের উত্তরে তিনি বাঁলেন যে ঈশ্বরের নিকটে তাঁা প্রার্থনা করিবেন এবং ম্যাডাম গেরোঁকেও প্রার্থনা করিতে বলিয়া দিলেন । প্রার্থনার উত্তরে ঈশ্বর তাঁহাকে এই নারীর ভার, গ্রহণ করিতে অভয়দান করিলেন ।

প্রার্থনা এখন ম্যাডাম গেরোঁর জীবনের সহজ স্বাভাবিক অবস্থা হইয়া দাড়াইল । ঘণ্টার পব ঘণ্টা প্রার্থনার নিমেষেব শ্রায় কাটিয়া যাইত । এক নূতন রাজ্যে তিনি আসিয়া পড়িলেন । সে রাজ্য হইতে নিত্য নূতন আনন্দের প্লাবন আসিয়া তাঁহাকে পুলকিত করিতে লাগিল ।

নবজীবনের প্রথম অবস্থায় আনন্দ তাঁহাকে পূর্ণ করিয়া ফেলিয়াছিল, কিন্তু তিনি জানিতেন, ইহাতেই ভুট্ট হইলে চলিবে না। প্রাপ্তি ও আনন্দ এক বস্তু নহে। ধর্মের আনন্দ ও ধর্ম এ দুয়ের মধ্যেও পার্থক্য অনেক। ক্রমিক ভাববিহ্বলতাকে যদি সত্য ধন বলিয়া মনে করা যায় তাহা হইলে ভুল করা হইবে। আনন্দই তো তাঁহার লক্ষ্য নহে, তাঁহার লক্ষ্য ঈশ্বর—সর্বাগ্রে ঈশ্বর, তাহার পরে তিনি যাহা দেন তাহাই। এ বিশ্বাস তাঁহার ছিল যে তিনি যদি আপনাকে তাঁহার চরণে সমর্পণ করেন তাহা হইলে ঈশ্বর তাঁহার সুখের কথা চিন্তা করিতে ভুলিবেন না।

অশান্ত বাসনার কোলাহলকে নীরব করিয়া দিয়া সকল অবস্থায় “তোমার ইচ্ছা পূর্ণ হউক” বলিতে পারা—ইহাই মানুষের একমাত্র শাস্তিব অবস্থা। ম্যাডাম গেয়েঁর প্রাপ্তির বিষয় ইহাই।

“মানবাত্মা এবং পরমাত্মার মিলন বহুরূপে হইতে পারে। একত্ব ভগবানের ইচ্ছার সহিত মানবের ইচ্ছার যে ঐক্য তাহাই পূর্ণ মিলন। ইচ্ছার মিলন বাতীত প্রেমের মিলন—এমন অবস্থা যদি কল্পনা করিয়া লওয়া যায় তাহা হইলে সে মিলন অনশ্চয়ই অসম্পূর্ণ।”

“সূর্য্যোদয় উদার। বসন্ত ক্রমের মধ্যে যেমন চন্দ্রতারকার আনোক ডুবিয়া যায় সেইরূপ বিশ্বাসের আলোকের সম্মুখে আর সমস্ত আলোক নিম্প্রভ, নিস্বাপিত হইয়া যায়। এই আলোক এখন আমার হৃদয়ে উদ্ভিত হইল।”

ঈশ্বরের প্রতি তাঁহার হৃদয়ের ভাব সম্বন্ধে গুরু জিজ্ঞাসা করিলে তিনি বলিয়াছিলেন “এই পৃথিবীর একান্ত অনুরক্ত প্রেমিক তাহার প্রেমাম্পদকে যেরূপ ভালবাসে আমি ঈশ্বরকে তাহা অপেক্ষা অনেক



বেশী ভালবাসি । অন্ত কোন উপায়ে আমার মনের ভাব প্রকাশ করা সহজ নহে বলিয়া এই দৃষ্টান্ত দিলাম । এই তুলনা আমার মনের সত্যতাবকে প্রকাশ করিতে পারে না, তাহার কাছাকাছি যাতে পারে মাত্র ।”

তিনি লিখিয়াছেন “ঈশ্বরের প্রতি এই ভালবাসা আমার হৃদয়কে নিয়ন্ত এমন প্রবলভাবে অধিকার করিয়া থাকত যে অন্ত কোন বিষয় চিন্তা করা আমার পক্ষে অত্যন্ত কঠিন হইয়াছিল ।” তিনি এমনই মগ্ন যে উপাসনালয়ে আচার্য্য উপদেশ দিতেছেন- তাঁহার বাক্যগুলি তাঁহার ধারণায় কিছুতেই মুদ্রিত হইতেছে না—এমন একাবিকবার ঘটিয়াছে । সূর্য্য হইতে বিচ্ছিন্ন করিয়া যেরূপ সূর্য্যকিরণের কল্পনা করা যায় না সেইরূপ ঈশ্বর হইতে বিচ্ছিন্ন করিয়া তিনি কোন কিছুই চিন্তা করিতে পারিতেন না । তাঁহার সমস্ত হৃদয় যেন বাহিরের বিষয়ে স্তব্ধ হইয়া গেল, অন্তরের মধ্যে তিনি নিমগ্ন হইয়া গেলেন । চাকল্যের অবসানে মিলনের একটি নিবিড়তা, শাস্তির একটি গভীরতা হৃদয়ে বিরাজ করিতে লাগিল ।

৮

ম্যাডাম গেয়েঁর মহা পরিবর্তনের দিন ১৬৬৮ খৃষ্টাব্দের ২২এ জুলাই ।  
তাঁহার বয়স তখন ২০ বৎসর ।

ম্যাডাম গেয়েঁ এখন আর এক জগতের মানুষ । তাঁহার সাজ-সজ্জা এখন পরিবর্তিত, নৃত্যসভা অভিনয় গৃহ হইতে তিনি চিত্রবিদ্যায় গ্রহণ করিয়াছেন । এই সকল কোলাহল একদিন তাঁহারও ভাল লাগিয়াছিল কিরূপে,—এখন তাহাই বিশ্বয়ের বিষয় হইয়াছে । বসন, বচন, আচরণ কোন বিষয়েই এখন তিনি আপনার অন্তরের বাণীর বিরুদ্ধে চলিতে পারেন না ।

১৬৬৭ খৃষ্টাব্দে তাঁহার দ্বিতীয় পুত্রের জন্ম হয়। পিতামহীর মন্দ প্রভাবে প্রথম পুত্রটি তাঁহার জীবনের আনন্দের কারণ হইতে পারে নাট। আশা হইল এই শিশু মাতৃহত্যের সাস্বনাশরূপ হইবে।

এই সকল নূতন আনন্দ, নূতন হৃৎশোকের ঘাত প্রতিঘাতে জীবনখানি গাড়গা উঠিতে লাগিল। সাংসারিক হৃৎধেরতো অভাব ছিল না, কিন্তু অসন্তোষের অভিযোগ লেশমাত্রও ছিল না। তাঁহার জীবনের পক্ষে ইহার অপেক্ষা অধিকতর কল্যাণকর অদৃশ্য আদ্র হইতে পারে না বালিয়াই যে তিনি এই অবস্থায় পতিত হইয়াছেন এ বিশ্বাস তিনি সহজভাবেই করিতেন।

ইচ্ছামত ব্যয় করিবার জন্ম স্বামীর নিকট হইতে তিনি যথেষ্ট অর্থ পাইতেন। এ সমস্তই হৃৎখী আর্তের সেবায় ব্যয়িত হইত। দাতার নাম গোপন রাখিয়া দান করিবার জন্ম তিনি লোক নিষুক্ত করিয়াছিলেন। নিকটবর্তী স্থানের মধ্যে দরিদ্র ব্যক্তি এমন অল্পই ছিল যে তাঁহার দান সম্ভোগ করে নাই। কিন্তু তিনি বলিতেন— “অন্য দানের কথা বলিতেছি, কিন্তু ধর্মের আলোকে এ বিষয় দেখিলে দিবার মত আমার কিছুই ছিল না।” কারণ এত ধন যে তাঁহার প্রভুর। প্রভুর নিদেশানুসারে ভৃত্যের বিতরণ কারবার অধিকাংশ আছে মাত্র, দান করিবার ক্ষমতা কোথায় ?

চতুর্দশ লুইএর রাজত্ব সময়ে ফ্রান্সদেশের উপর দিঘা নানাক্রমে পাপের স্রোত বহিয়া ঝাইতেছিল। এই পাপ হইতে দরিদ্রের কুল কণ্ঠকে রক্ষা করিবার জন্ম তাঁহার জদয়ে বেদনা জাগিয়া উঠিল। জীবিকাঙ্কনের সং পত্তা তাহাদের জন্ম যুক্ত করিয়া দিতে তিনি চেষ্টা করিলেন। শুধু তাহাই নহে—যে হতভাগিনী ধর্ম হইতে স্বলিত হইয়াছে তাহাকেও হাতে ধরিয়া তুলিতে তিনি কৃণা অনুভব করিতেন

না । এইরূপে বাহিরের শত প্রকার সংকল্পের মধ্যে তিনি আপন জীবনখানি ব্যাপ্ত করিয়া দিয়াছিলেন । কিন্তু ইহারই জন্ম আজ তিনি পূজনীয় হইয়াছেন তাহা নহে । তিনি কি করিয়াছিলেন তাহার মধ্যে খুঁজিতে গেলে আমরা জননী গেয়েঁকে পাইব না, তিনি কি হইয়াছিলেন তাহারই মধ্যে তাঁহাকে দেখিতে হইবে ।

যে মহাধনের সন্ধান তিনি পাইয়াছেন, তাঁহার ইচ্ছা হইল, জগদ্বাসী সেই ধন লাভ করুক । সে ইচ্ছা অপূর্ণ রহিল না । তাঁহার প্রার্থনা, চেষ্টা, আগ্রহের শুভফল অপরের জীবনে দেখা দিতে আরম্ভ করিল ।

একজন মহিলা একবার তাঁহাকে তাঁহার সহিত থিয়েটার দেখিতে যাইতে অনুরোধ করিলেন । অনুরোধ পালনে অক্ষমতার এক কারণ তিনি বলিলেন যে তাঁহার স্বামী অসুস্থ । তদন্তরে রমণী বলিলেন যে স্বামীর অসুখ বলিয়া আপনাকে আমোদ আশ্লাদ হইতে বঞ্চিত করিতে হইবে কি ? রোগীর সেবাদি বৃদ্ধাদেরই উপযুক্ত কিন্তু তাঁহার তরুণ বয়স । এমন কাজে আপনাকে আবদ্ধ করিয়া রাখা অনাবশ্যক । স্বামী অসুস্থ হইলে তিনি বিশেষভাবে সহস্তুে তাঁহার সেবা করেন, তাহা জানাইয়া ইহাও তিনি বলিলেন যে থিয়েটার নারীর গমনের অযোগ্য স্থান, বিশেষতঃ ক্রিষ্টেন নারীর পক্ষে এমন আমোদে যোগদান শোভন নহে । বয়োজ্যেষ্ঠা হইলেও এই নারী ম্যাডাম গেয়েঁর বাক্যে শিক্ষা লাভ করিলেন । তাঁহার জীবনে সুমহৎ পরিবর্তনের সূচনা হইল ।

আর একদিন তিনি ও ম্যাডাম গেয়েঁ এক বিদূষী মহিলার সহিত বাক্যালাপ করিতেছিলেন । বিদ্যাবতী নারী ঈশ্বর সম্বন্ধে খুব বিজ্ঞতা প্রকাশ করিয়া কথা কহিতেছিলেন । হৃদয় যাহা অনুভব

করে না, পাণ্ডিত্যের অভিমান শুধু যাহা আবৃত্তি করিয়া যায় সে বাক্য শ্রুতিশুদ্ধকর হইতে পারে কিন্তু হৃদয়কে তাহা তৃপ্তি দেয় না। ম্যাডাম গেয়েঁ সে কথায় যোগ না দিয়া, যাহার সম্বন্ধে কথা হইতেছে, অন্তরের মধ্যে প্রবেশ করিয়া নীরবে তাঁহারই সহিত মিলন অনুভব করিতেছিলেন।

পরদিন তাঁহার সঙ্গিনী মহিলা তাঁহার নিকটে আসিয়া উপস্থিত। আজ তিনি অবনত হইয়া আসিয়াছেন। সেই অজানা পুরুষকে জানিবার তৃষ্ণা সত্যই তাঁহাকে দগ্ধ করিতেছে।

ম্যাডাম গেয়েঁ বলিলেন যে পূর্কদিন তাঁহাদের বিদূষী বন্ধুর কথাবার্তা শুনিয়াই হয়তো তাঁহার এই পরিবর্তন হইয়াছে। তৃপ্তি বলিলেন, তাহা নহে, তাঁহার হৃদয়কে যাহা স্পর্শ করিয়াছে তাহা সেই নারীর বাক্যপরায়ণতা নহে, তাহা ম্যাডাম গেয়েঁর নীরবতা। তাঁহার সেই 'কিছু না বলার' মধোই এমন কিছু ছিল যাহা তৃপ্তি দান করিয়াছে, অপর নারীর বাক্যরাশিতে তাঁহাকে তৃপ্ত হইতে দেয় নাই।

এই নারীকে সম্পূর্ণরূপে আপনার করিয়া লইবার জ্ঞান ভগবান হৃৎথকে প্রেরণ করিলেন। তাঁহার স্বামীর মৃত্যু হইল, সাংসারিক নানা বিপদ আসিয়া তাঁহাকে ঘিরিয়া ফেলিল। পতিহীনা সম্পদহীনা রমণী ম্যাডাম গেয়েঁর সঙ্গে সান্নাধ্য লাভ করিতেন। তাঁহার উচ্ছা হইল ম্যাডাম গেয়েঁ সপ্তাহকাল তাঁহার নিকটে থাকেন, এইজ্ঞান ম্যাডাম গেয়েঁর স্বামীর নিকট হইতে অনুমতি ভিক্ষা করিয়া তিনি তাঁহাকে আপনার নিকটে লইয়া গেলেন। তাঁহার পিপাসা এতই প্রবল হইয়াছিল যে ঈশ্বরের কথা ব্যতীত অন্য কথা তিনি সহিতে পারিতেন না। ম্যাডাম গেয়েঁ অনুক্ষণ তাঁহাকে সেই কথাই

সুনাহিতেন। তাঁহার বিজ্ঞা, বুদ্ধি, মনের শক্তির অভাব ছিল না, কিন্তু সম্পূর্ণ নূতন পথে তাঁহার নিকটে চারদিক অস্পষ্ট বোধ হইতোছিল। এ পথ ম্যাডাম গেয়েঁর পরিচিত। তাঁহার পথের অভিজ্ঞতা দেখিয়া তাঁহার অনুযাত্রা বিশ্বয় অনুভব করিতেন। হাজার পর হাতে এই দুইটি আত্মা পরস্পরের অত্যন্ত নিকটে আসিয়া পড়িলেন।

ম্যাডাম গেয়েঁর মন সংসার ছাড়িয়া উর্দে উঠিতেছে দেখিয়া সংসার পীড়ন আরম্ভ করিল। কেহ ক্রুটি হইলেন, কেহ তাঁহার সীমাহীন নিবুদ্ধিতা দেখিয়া করুণা প্রকাশ করিলেন, কেহ সিদ্ধান্ত করিলেন তাঁহার মস্তিষ্ক বিকাররোগগ্রস্ত হইয়াছে। তাহাণা বলিলেন—“এ সমস্তের অর্থ কি? বিজ্ঞাপ্রতিভাশালিনী বলিয়া ইঁহার খ্যাতি ছিল, কিন্তু আমরা তো তাহার কিছুই দেখিতেছি না!”

বাহিরে এই প্রকার, গৃহের আচরণ আরও মন্বাস্তিক। স্বর্ণ-ঠাকুরাণী পুত্রের উপরে আপনার পুঙ্খের প্রভাব ফিরায়া পাহবাঃ জন্ত একান্ত লোলুপ হইয়াছেন। মেহবন্ধন ছিন্ন করিবার চেষ্টার বিবাম ছিল না। তাহার মনে হইল বধূ এই ধন্যভাব তাহাদের ধন-সম্পত্তির নাশের কারণ হইবে। পুত্রকে বুঝাইলেন বধু সংসারের অনিষ্ট করিতেছেন। এতাদিনেও যে সঙ্কনাশ হইতে বাকী আছে সে কেবল তাঁহার সাবধানতার গুণে। দাসী কর্তীর কথার অনুমোদন করিল।

স্বামী মাঝে মাঝে উতাক্ত হইয়া উঠিতেন—বন্ধন শিথিল হইয়া আসিত। অপরের প্রভাব হাতে দূরে থাকিলে পত্নীর প্রতি তাঁহার মেহ অক্ষুণ্ণ থাকিত। কিন্তু এই অবস্থায় ম্যাডাম গেয়েঁর ভাগ্যে কঠোর ব্যবহারই অধিক মিলিত।

উদ্ভেজন্যর অবস্থায় তিনি বাক্যে ও কার্যে পত্নীর প্রতি অত্যন্ত নিষ্ঠুর হইয়া উঠিতেন। পত্নীর জীবনের নূতন পরিবর্তন তাঁহার ভাল লাগে নাই। তিনি বলিতেন—“তুমি ঈশ্বরকে এত ভালবাস যে আমাকে আর ভালবাস না!” হায়। ঈশ্বরকে ভাল না বাসিলে আর সমস্ত ভালবাসাই যে পুরাতন হইয়া যায়, ছিঁড়িয়া যায়! তাঁহাকে ভালবাসিলে তবেই আর সকল ভালবাসা চিরন্তনকাল নূতন থাকে। ইহা না বুঝিলে কত অশাস্তি।

মন প্রসন্ন থাকিলে তাঁহার স্বাভাবিক মেহশীল হৃদয় পত্নীর সঙ্গে বন্ধ ব্যাকুল হইয়া উঠিত। তখন বলিতেন, “স্পষ্টই দেখা যায় যে তুমি কখনও ঈশ্বরের সঙ্গে হারাও না।”

পারিবারিক জীবন অশান্তিময় হইলে মানুষের মনে যে তিক্ততা উপস্থিত হয় তাহাতে সমস্ত জীবন বিরস হইয়া পড়ে। বিশেষতঃ যে স্থানে হৃদয় বিনিময়ের আশা করা স্বাভাবিক সে স্থানে যদি প্রেমের অভাব হয় তাহা হইলে নারীহৃদয়ে যে অসীম শূন্যতা রচিত হয় বিশ্বের ঐশ্বর্যরাশি তাহা পূর্ণ করিতে পারে না। এ দুঃখ ম্যাডাম গেয়োঁ যে অনুভব করিতেন না, তাহা নহে। মর্মে মর্মে অনুভব করিয়া তিনি এ সকল হৃদয় দিয়া লিখিয়া গিয়াছেন। কিন্তু এমন ভাবে লিখিয়াছেন যাহা তাঁহার মহৎহৃদয়েরই উপযুক্ত। অপদেব সম্বন্ধে অল্পযোগ করিয়া নিজের ভাগ্যকে দিক্কার দিয়াছেন—এরূপ ভাব তাঁহার লেখার মধ্যে কোন স্থানে নাই। আপনার প্রাপ্য দোষের অংশ গ্রহণ করিতে তিনি সর্বদাই প্রস্তুত। গুরু আদেশ না দিলে এ সকল সংগ্রামের কথা তিনি কখনও লিখিয়া যাইতেন না। আর সেই নির্যাতন লাঞ্ছনার মধ্যে বসিয়া তিনি মনে করিতেও পারেন নাই যে বিশ্বের নরনারী একদিন তাঁহার নামকে তাহাদের হৃদয়ের ভালবাসার

মনো প্রতিষ্ঠাদান করিবে—দুঃখীতাপী ব্যাকুল আগ্রহে তাঁহার জীবন কথা হইতে সাধনা সঞ্চয় করিতে চেষ্টা করিবে ।

পরিচারিকার দুর্ব্যবহার দিন দিন বাড়িয়া উঠিতে লাগিল । বিশেষতঃ সে যখন দেখিল যে তাহার ব্যবহার ম্যাডাম গেয়োঁকে এখন আর বিক্ষুব্ধ করিতে পারিতেছে না তখন তাহার ক্রোধ দ্বিগুণ বাড়িয়া গেল । অগত্যা তাহাকে কষ্ট দিবার জন্য নূতন উপায় উদ্ভাবন করিতে হইল । কোথায় বেদনা তাহা জানিয়া সে ঠিক জায়গাটিতেই আঘাত করিল । তাঁহার উপাসনায় দ্বিতীয় জন্মাইবার জন্য সে সচেষ্ট হইয়া উঠিল । অবসর হইলেই তিনি ম্যাগডলেন চার্চে ( Magdalen ) উপাসনা করিতে যাউতেন । প্রতিদিন সে সেই সময়টির জন্য অপেক্ষা করিয়া থাকিত । উপাসনায় যাউতেছেন দেখিবামাত্র সে তাঁহার স্বামী ও স্বশ্রম নিকটে গিয়া সংবাদ দিত ।

উপাসনায় সময় নষ্ট করেন বলিয়া একেই তাহারা বিরক্ত, তাহার উপরে পরিচারিকার উত্তেজনায় আরও উত্থিত হইয়া উঠিতেন । তাঁহাদের ক্রোধ ম্যাডাম গেয়োঁর জন্য পুঞ্জীকৃত হইয়া থাকিত —নির্মিয়া আসিলে ভৎসনার আর বিরাম রহিত না । তাঁহার শরীর ক্লান্ত ছিল । অসুস্থ হইয়া পিডলেট শুভাকাজ্জিকীরা শয্যাপার্শ্বে আসিয়া কোলাহল করিয়া বলিতেন যে এ তাঁহার ধার্মিকতার ফল ।

গোষ্ঠ পুত্রটিকে স্বশ্রমাকুরাণী বিদ্রোহী করিয়া তুলিয়াছিলেন । প্রসঙ্গে মাতাকে অপমান করিতে এই বালক কুণ্ঠিত হইত না । মাতৃ-হৃদয়ের পক্ষে গভীরতর আঘাত আর কি হইতে পারে ?

এ সকলই তিনি ধীরভাবে সহিতেন । কোন্ অজ্ঞাত উদ্দেশ্য সিদ্ধির জন্য তাঁহার প্রভু তাঁহাকে এই ভার বহিতে দিয়াছেন তাহা তিনি জানিতেন না কিন্তু ইহা জানিতেন যে সে উদ্দেশ্য মঙ্গলময় ।

ঈশ্বর বাতাত আর কাহারও নিকট হইতে সাহায্য ও সাহায্য গ্রহণ করিতেও তিনি শঙ্কিত হইতেন। মানুষের মধ্যে এমন কেহ ছিলওনা যে তাঁহার ভাবক্রান্ত হৃদয়ের দুঃখের অংশ গ্রহণ করে। তাঁহার জননীদেবী ও মেহময়ী ভগিনী এখন অন্তলোকে। তিনি লিখিয়াছেন—“আমি সময় সময় নিজের মনে বলিলাম—আঃ আমাকে যত্ন করিবার যদি কেহ থাকিত। এমন একজন যদি থাকিত যাহার নিকটে—আমি আমার হৃদয়কে মুক্ত করিয়া দিতে পারি। তাহা হইলে কি আবামই হইত।

১৬৬৯ খৃষ্টাব্দে তাঁহার তৃতীয় সন্তান—একটি কন্যা জন্মগ্রহণ করিয়াছিল। সংসার যখন তাঁহাকে নির্যাতন করিত, স্বামী যখন কঠোর হইয়া উঠিতেন তখন তিনি এই ক্ষুদ্র শিশুকে বক্ষে চাপিয়া ধরিতেন;—সেই অন্ধকারের মধ্যেও তাঁহার মাতৃহৃদয় তখন অনুভব করিত—‘দুঃখী হইলেও আমি ধন্য।’

সাধুরা বলেন যে হৃদয়কে কলঙ্কমুক্ত ও শুভ্র করিতে না পারিলে ভগবান হৃদয়ে আসেন না, কিন্তু ইহাও তো ঠিক যে ভগবান না আসিলে আমরা হৃদয়কে নির্মল করিতে পারি না। পার্শ্বী বালয়াই যে তাঁহার চাহ, পুণ্যাত্মা হইলে হয় তো বা তাঁহাকে না হইলেও আমাদের চলিত। হৃদয়কে পবিত্র করিবার আকাঙ্ক্ষায় ম্যাডাম গেয়েঁ কঠোর তপস্যা আরম্ভ করিলেন, কিন্তু তিনি পারলেন না—পতনের অন্ধকার তাঁহার পথকে আঁবল করিয়া ডুলল।

হুই বৎসর ধরিয়া তিনি ঈশ্বরের অল্প বিশ্বস্ততার সহিত সংগ্রাম করিয়া আসিয়াছেন। তাহার পর একদিন অহঙ্কার আসিয়া তাহার কাণে বলিল—ইহা কি সম্ভব যে সমস্তই ঈশ্বরকে সমর্পণ করিয়া তুমি সর্বস্বান্ত হইবে? সংসারের জন্য কিছুই রাখিবেনা? এই সভ্যতার



যুগে, প্রবৃষ্টিচরিতার্থতার এই উদ্ভাদনাময় দিনে জুঁমি পৃথিবী সম্বন্ধে এমন অন্ধ বদির মুক হইয়া থাকিবে ইহা কি সঙ্গত? অন্তরে যে দীপখানি প্রশান্ত কিরণ দান করিতেছিল তাহার শিখা চঞ্চল হইয়া উঠিল।

এই সময় কিছুদিনের জন্য তাহাকে প্যারিতে বাইতে হইল। জীবনের সেই বন্দনমান অবস্থার পক্ষে প্যারি যে অত্যন্ত বিপজ্জনক স্থান তাহা বলা বাহুল্য।

এই সময়ের কথা তিনি বলিয়াছেন—“আমি এমন অনেক কাজ কবিয়াছিলাম যাহা আমায় করা উচিত ছিলনা।” অল্পের মনোযোগ আকর্ষণ করিতে এখন তাহার ভাল লাগিত। প্যারিতে তাঁহার কতিপয় অনুরক্ত ব্যক্তি ছিলেন। ইঁহারা উচ্চকণ্ঠে তাঁহার গুণগান করিতেন। ইহাতে যেকপ লাধা দেওয়া উচিত ছিল ম্যাডাম গেয়েঁ তাহা দিতেন না। অহঙ্কার তখনও বোচে নাহ। সজ্জাবিষয়েও তিনি লক্ষ্যচ্যুত হইয়া পড়িলেন। আর এক অপরাধ সহরের প্রকাশ্য পথে তিনি বেড়াইয়া বেড়াইতেন। এই কার্যটিই যে অন্যায় তাহা নহে, কিন্তু যে ভাব হইতে তিনি ইহা করিতেন তাহা অপরাধ। আপনাকে প্রদর্শন করবার জন্য তিনি একরূপ করিতেন।

অবশেষে একদিন যখন আপনার দিকে দৃষ্টি পড়িল তিনি চমকিয়া উঠিলেন। তখন, কাজ শাস্ত সারিয়া প্যারি ত্যাগ করিবার জন্য ব্যস্ত হইয়া পড়িলেন। অপরাধীর যে দুঃখ তাহা তাঁহাকে দন্ধ করিতে লাগিল। তখনকার যাতনা বর্ণনা করিতে তিনি নিজেই অক্ষম বলিয়া স্বীকার করিয়াছেন।—“আমার প্রেমাম্পদ—আমার স্বামীর সম্মুখ হইতে নিব্বাসিত হইয়া আমি সুখী হইতে পারিব কেমন করিয়া?”

প্যারিতে আসিয়া তাঁহার স্বামী তাঁহার পরিবর্তন বৃদ্ধিতে পারিয়া ছিলেন এবং সম্ভবতঃ তাহাতে সুখী হইয়া ছিলেন । বিলাসপরিপূর্ণতা প্যারি নগরীর ধনিসমাজে পত্নী আবার পদার্পণ করিয়াছেন ইহা তাঁহার পক্ষে সুখের বিষয় হইবারই কথা ।

প্যারি হইতে ফিরিয়া তিনি ভ্রমণে বাহির হইলেন । সহরের কৃত্রিমতার মধ্য হইতে ঈশ্বরের স্বহস্ত-রচনার স্বাভাবিক সৌন্দর্যের মধ্যে তিনি বাহির হইয়া পড়িলেন । স্বামী সঙ্গী রহিলেন । কথা রহিল এই সুযোগে বাল্যভূমি মোটার ঝাঁও দেখিয়া আসা হইবে ।

প্রলোভন দুৰ্লভতা কিন্তু সঙ্গে সঙ্গে চলিল । ইতিহাস বিংশ ও লোয়ার (Loire) নদী তাঁরে ভ্রমণ করিতে করিতে তাঁহার অন্তরে পার্থিব বাসনা প্রবল হইয়া উঠিল । এই অঞ্চলে তাঁহার পিতৃকুল পণ্ডিত পরিচিত, সুভরাং তাহাদের আগমন বার্তা গোপন রহিল না । তাঁহার যশোবার্তা চারিদিকে ব্যাপ্ত হইয়া পড়িল । তাহার দেহের সৌন্দর্য্য আচরণের মাধুর্য্য, তাঁহার অবপুল ধন ঐশ্বর্য্য লোকের মনে অতীব প্রভাব বিস্তার করিল । তাহাকে দেখিবার জন্য দলে দলে লোক আসিতে লাগিল ।

ঈশ্বরের নিকটে বিশ্বাস ভঙ্গের যাতনা একবার তিনি পাইয়াছেন, কিন্তু এত হৃৎখেণ্ড কঠিন গুরু চূর্ণ হয় নাই । মাথুষের প্রশংসার মূল্য যে কি তাহা তিনি জানিতেন, ওথাপি প্রশংসা পাইতে ভাল লাগিত । প্রশংসার প্রবাহে গর্ভ চরিতার্থ হইল কিন্তু তাঁহার জীবন আকরূপ নিঃস্ব হইয়া পড়িয়াছে তাহা দেখিয়া তিনি ভীত হইলেন । তিনি বলিয়াছেন—“আমার অবস্থা আরও কষ্টজনক হইয়াছিল এইজন্য যে তাহারা শুধু আমার রূপ যৌবনের প্রশংসা করিত এমন নহে, আমার গুণেরও তাহারা প্রশংসা করিত । কিন্তু ইহা আমি গ্রহণ

করিতে পারিতাম না । এ শিক্ষা আমার ভাল করিয়াই হইয়াছিল যে অযোগ্যতা দুর্বলতা ব্যতীত আমার মধ্যে আর কিছুই নাই এবং ভাল বাহা কিছু সমস্তই ঈশ্বর হইতে ।

ভ্রমণের সময় তাঁহাদিগকে দুই একবার দৈবদৃষ্টিনার সন্মুখীন হইতে হইয়াছিল । ম্যাডাম গেয়েঁ কৃতজ্ঞতার সহিত স্বীকার করিয়াছেন যে বিদ্রোহী বিশ্বাসঘাতক হইলেও তাঁহার স্বর্গীয় পিতা তাঁহাকে ত্যাগ করেন নাই । বিপদ যখন সন্মুখে, জীবনরক্ষার সম্ভাবনা যখন অসম্ভব বোধ হইতেছে তখনও ঈশ্বর তাঁহার চিন্তের স্থিরতা রক্ষা করিয়াছেন । আপনার দুর্বলতা স্বরণ করিয়া এবং পাছে ঈশ্বরের নিকটে আরও বিশ্বাসঘাতিনী হন এই ভয়ে তাঁহার যেন মনে মনে এই ইচ্ছাটী হইয়াছিল যে কোন আকস্মিক আঘাত দ্বারা ঈশ্বর তাঁহাকে সকল প্রলোভনের অতীত স্থানে লইয়া যান ।

দুঃখে অবসন্ন হইয়া আপনার পাপের কথা ব্যক্ত করিয়া বলিবার জ্ঞান তিনি বন্ধন অন্বেষণ কাঁবতে লাগিলেন । কিন্তু কেহ তাঁহাকে বুঝিল না । বাহা তাঁহার পক্ষে অনায়াসে ঈশ্বর যাহাতে অপ্রসন্ন হন, তাহাতে তাঁহারা কোন দোষই দেখিতে পাইলেন না । কাবণ দায়িত্ব তো কখনও দেখা যায় না, তাহা শুধু অনুভব করা যায় । তাঁহাকে যে ঈশ্বর কত দিয়াছেন তাহা শুধু তিনিই জানেন । তাঁহার সময়ের তাঁহার বয়সের অনাগ্র রমণীর চরিত্রের সহিত তাঁহার চরিত্রের তুলনা করা হইত, ঈশ্বর যে তাঁহার জ্ঞান কত কবিয়াছেন তাহা ভাবিয়া দেখা হইত না । সুতরাং তাঁহারা তাঁহাকে নির্দোষ বলিলেন ।

ব্রাহ্ম পৃথিবী তাঁহাকে নিরপরাধ বলিয়া মত প্রদান করিলেও তাঁহার অশ্রুরের বাণী বলিল যে, তাহা নহে । মহা অনির্দিষ্টতার মধ্যে নিষ্কিঞ্চ হইয়া তাঁহার মন অশান্ত হইয়া উঠিল । ঈশ্বরকে তিনি

ভালবাসেন কিন্তু সম্পূর্ণরূপে সাংসারিকতা ত্যাগ করিতে অবাধ্য মন প্রস্তুত নহে ।

তিনি বুঝিলেন ক্ষুদ্রতম পাপও—পলকের অসংযত দৃষ্টিটুকু, উদ্ভেজিত একটি মাত্র বাক্য— তাঁহার ও তাঁহার প্রভুর মধ্যে ব্যবধান রচনা করে । অথচ দেখিয়া ক্ষোভ রাখিবার স্থান রহিল না যে তাঁহার মহত্তম কার্যগুলির মধ্যেও অহঙ্কার লুকাইয়া আছে । তিনি দেখিলেন যে গরীব দুঃখীকে দান—যাহা অতি সংগোপনে করিবার কাজ—তাহা করিয়াও তাঁহার মন কখনও কখনও যশের উদ্দেশে লুক্ক দৃষ্টিপাত করে ।

কিন্তু পূর্ক জীবনের পাপ ও এখনকার পাপে প্রভেদ আছে । পূর্কের পাপের প্রতি আকর্ষণ ছিল, পাপ করিতে ভাল লাগিত ; এখন পবিত্র হইবার জন্য তাঁহার অতুলনীয় স্পৃহা, অকৃত্রিম আকাঙ্ক্ষা, কিন্তু মানবাচস্তের দুঃস্বলতার নিকটে সংকল্প পদে পদে পরাজিত । রুত পাপ এখন তাঁহাকে তীব্র যাতনা দেয়, তপ্ত অশ্রুপাত করায় ।

ঈশ্বরের রূপায় আপনার ক্ষুদ্রতম পাপের প্রতিও তাঁহার দৃষ্টি জাগ্রৎ হইয়া উঠিয়াছিল । আপনার বাক্যের মধ্যেও তিনি অনেক সময় লুক্কায়িত অবাঞ্ছনীয়ভাব দেখিতে পাইতেন । তখন নীরব হইতেন । ঈশ্বরের আলোকে পরীক্ষা করিয়া দেখিলে এই মৌনভাবে মধ্যেও পাপ আবিষ্কৃত হইয়া পড়িত । আপনার বচন, ভ্রমণ, সকল আচরণের মধ্যে তিনি গর্কের আঘ্রাণ পাইতেন । এ সকল তাঁহার নিজের মুখের স্বীকারবাণী ।

তিনি বলিয়াছেন—“ঈশ্বর যে আমার অপরাধের শাস্তি দিতেন না তাহা নহে । আমার ঈশ্বর ! তোমার সর্বাপেক্ষা বিশ্বাসী প্রেমিক প্রিয়সন্তানগণকে তুমি কি কঠোরভাবে শাস্তি দাও । প্রকৃত ধর্ম্মাত্মা

আপনার পাপ দৰ্শনে যে যাতনা পান তাহা প্রকাশাতীত । এই যাতনাকে সন্তুৰতঃ অন্তর্দহন—ভিতরের অগ্নি বলিলে প্রকাশ করা যায়, কিংবা ইহাকে ভুলনা করা যাইতে পারে স্থানচ্যুত অস্থির সহিত যাহা স্বস্থানে প্রতিষ্ঠিত না হওয়া পর্যন্ত অবিরাম যন্ত্রণার কারণ হয় । সময় সময় এইরূপ আত্ম সাধনার আশায় মাতুষের দিকে তাকাইতে প্রলুব্ধ হয় কিন্তু এই উপায়ে প্রকৃত শাস্তিলাভ কখনও হয় না । যতদিন পর্যন্ত ঈশ্বর তাঁহার নিজের সময়ে এবং নিজের উপায়ে এই হৃৎক দুঃখ দূর করা উপযোগী বিবেচনা না করেন ততদিন ধীরভাবে সন্তু করাই শ্রেয়ঃ ।”

এই সময়ে অভিজাতবর্গের এক নিমন্ত্রণ সভায় তিনি আহত হইয়াছিলেন । দুর্বলতার মুহূর্ত্তে এই নিমন্ত্রণ তিনি স্বীকার করিলেন কিন্তু সঙ্গে সঙ্গে বিবেক তাঁহাকে ধিক্কার দিল ।

সেই বিলাসমন্দিরে সুখের আয়োজনের উপকরণের কোন ক্রটিই ছিল না । অল্প রমণীগণ উপভোগ করিয়া তৃপ্ত হইতেছিলেন কিন্তু ম্যাডাম গেৰোঁর হৃদয় কোথাও আনন্দকণা খুঁজিয়া পাইল না । “আর সকলকে আমি সুখী করিলাম কিন্তু যাহাকে সুখী করা আমার সৰ্ব্বাপেক্ষা উচিত তাঁহাকেই অসন্তুষ্ট করিলাম । এই ভ্রান্ত-পদক্ষেপের জন্য আমাকে কত অশ্রুবর্ষণ করিতে হইয়াছিল । আমার প্রিয়তম অসন্তুষ্ট হইয়াছিলেন । দার্ষ তিনমাস কালের উপর তিনি আমাকে তাঁহার সহবাসের করুণা হইতে বঞ্চিত রাখিয়াছিলেন । সম্মুখে ঈশ্বরের রুদ্রমূর্ত্তি ব্যতীত আমি আর কিছুই দেখিতে পাই-তাম না ।”

এই স্বলন শিক্ষাও দিয়া গেল । আত্মশক্তির প্রতি বিশ্বাস রহিল না । তিনি লিখিয়াছেন—“প্রভু নগররক্ষা না করিলে প্রহরীর

জাগরণ বুধা 'প্রফেট' এর এই উক্তিতে আমার গভীর বিশ্বাস জন্মিল। আমি দেখিলাম, হে আমার প্রভু, তুমিই আমার বিশ্বাস রক্ষক ছিলে। তুমি আমার অন্তরকে সকল প্রকার শত্রুর বিরুদ্ধে অনবরত রক্ষা করিয়াছিলে। কিন্তু হায। তোমা ব্যতীত আমি একান্তই দুর্বল। আমার শত্রুগণ কত সহজে আমার উপরে জয়লাভ করিয়াছিল। আপনার জয়কে অপরে নিজের বিশ্বস্ততার লল বলে বলুক,—আমি তাহাণে তোমার পিতৃস্নেহের ফল ব্যতীত আর কিছুই বলিব না। হে আমার মুক্তিদাতা ঈশ্বর, তোমারই নিকটে আমি সর্ববিষয়ে ঋণী এবং এইরূপে তোমার নিকটে ঋণবন্ধনে বাধা থাকা আমার নিকটে এক অসীম আনন্দের কারণ।”

মহাশিক্ষা লইয়া তিনি পুনরায় সাধনায় প্ররম্ব হইলেন। তিনি বুঝিলেন সমস্ত হৃদয় দিয়া ঈশ্বরকে ভালবাসিতে হইবে—অর্কেক হৃদয় দিয়া তাঁহার পূজা করা হয় না।

১০

আত্মনিবেদনের প্রথম আনন্দ উচ্ছ্বাসের দিনে তিনি অনুভব করিয়াছিলেন যে বিগত পাপের ক্ষমা হইয়া গেছে। শুধু তাহাই নহে, বর্তমানে ও ভবিষ্যতে পাপ করিবার সম্ভাবনাও তাঁহার নিকটে অসম্ভব বোধ হইয়াছিল। তরুণ প্রেমের উদ্দীপনা ধীর বিচারশক্তিকে নিষ্ক্রিয় করিয়া দিয়াছিল। ভগবানের যে প্রসাদ তিনি লাভ করিয়াছেন তাহা চিরদিন সকল সংগ্রামে তাঁহাকে জয় অর্জন করিয়া দিবে মনে ভাবিয়া তিনি নিশ্চিন্ত হইয়াছিলেন।

ইহারই পরে যখন দেখিলেন যে তাঁহার মহত্তম কার্যগুলিও শুদ্ধ মহৎভাবে প্রসূত নহে তখন কি মর্মান্তিক বিষয়ই না তাঁহাকে আঘাত করিয়াছিল। দিনের পর দিন যতই প্রসাদ লাভ করিতে লাগিলেন,

আপনার হৃদয়ে প্রচ্ছন্ন পাপ তিনি ততই আবিষ্কার করিতে লাগিলেন । হায় ! সকলেরই কি এই পরিণাম ? চিরদিন পাপ করিব আর চিরদিন অনুতাপ করিব—হতভাগ্য মানবের ইহাই কি নিয়তি ? এ সংসারে দুর্বল মানুষের মুক্তির আশা সত্যই কি নাই ? এইরূপ প্রশ্ন স্বভাবতঃই তাঁহার মনে উদ্ভিত হইয়াছিল । এ প্রশ্নের মীমাংসা তিনি কাহার নিকটে পাইবেন ?

সে সময়টা ফ্রান্সের পক্ষে ধর্মযুগ ছিল না । ধর্মশীল লোক তখন ছিলেন না এমন নহে । এই সময়েই ফ্রান্সের বহু নরনারী ব্যর্থ বিলাস কোলাহলে ক্লান্ত হইয়া নিভৃত নিঃস্নানতার আশ্রয় লইয়াছিলেন, ভক্তিহীনতার এই শুষ্ক যুগেই ফ্রান্সের মঠ মন্দির ও কারাকক্ষ হইতে কত ভক্ত হৃদয়ের ব্যাকুল প্রার্থনা উর্ধ্বে উথিত হইয়াছিল । ঘোর পতনের দিনে ভ্রষ্টাচার বিকৃত স্থানেও একদল চিহ্নিত নরনারী থাকেন । পাশ্চবর্তী লোকে তাঁহাদিগকে চিনিতে পারে না, পৃথিবী তাঁহাদের সম্মান রক্ষা করিতে জানে না, শুধু ষাঁহাকে তাঁহারা ভালবাসেন তিনিই তাঁহাদের উপরে কৃতার্থতা বর্ষণ করেন ।

কিন্তু তথাপি ফ্রান্সের সে সময়কে ধর্মের পক্ষে অনুকূল বলা যায় না । ম্যাডাম গেয়েঁ'র অন্তরের সংশয় দূর করিবার লোক মেলা তখন সহজ নহে ।

এই সময়ে একজনের নিকট হইতে তিনি সাহায্য পাইলেন । ইনি জেনেবিল্ গ্যাঞ্জার (Genevieve Garnier) । ম্যাডাম গেয়েঁ'র স্বামীর দুই ভগিনী কিছুদিন এই সাধবী মহিলার শিক্ষাধীনে বাস করিয়াছিলেন । যে সাধুর নিকটে তিনি নবজীবনে দীক্ষালাভ করিয়াছিলেন তিনিই ইঁহার সন্ধান মিলাইয়া দেন । সেন্ট জেনেবিল্ (St Genevieve) ম্যাডাম গেয়েঁ'র অবস্থা বেশ বুঝিতে পারিলেন

এবং তাঁহাকে অভয়দান করিলেন । সংসারে থাকিয়া ঈশ্বরের হওয়া যে কত কঠিন তাহা নিজ জীবনের অভিজ্ঞতা হইতে তিনি তাঁহার নিকটে বিবৃত করিয়া বলিলেন । কিন্তু কঠিন হইলেও, তিনি বিশ্বাস করিতেন যে, এই প্রলোভন পূর্ণ সংসারে থাকিয়াও সম্পূর্ণরূপে ঈশ্বরের হওয়া যায় । কোনো আত্মাকে, বিশেষতঃ ম্যাডাম গেয়ৌর জায় আত্মাকে এই অবস্থা হইতে নিয়ে অবস্থিত দেখিতে তিনি একেবারেই ইচ্ছুক নহেন ।

সেন্ট জেনেবিব্ ( St Genevieve) এর উপদেশ গ্রহণ করিবার জন্য তাহার হৃদয় প্রস্তুত হইয়াছিল । জ্ঞানের তেজস্বিতা এবং ধর্মের দীনতা এই নারীর জীবনে মিলিত হইয়াছিল । পৃথিবীর বেশী লোক তাঁহাকে জানিত না কিন্তু যিনি পৃথিবীর অধিরাজ তাঁহার সহিত ইঁহার অস্তরঙ্গতা জন্মিয়াছিল ।

একটি বিশেষ ঘটনা এই সময় ম্যাডাম গেয়ৌকে বলদান করিয়া গেল । একদিন তিনি প্যাবির নোট্রু ড্যাম চার্চে (Notre Dame church) উপাসনা করিতে যাইতেছিলেন । পথে সেন নদীর সেতু পার হইবামাত্র এক অদ্ভুত ব্যক্তির সহিত তাঁহার সাক্ষাৎ হইল । তাঁহার ফকিরের বেশ, বাক্য ও দেহ হইতে ব্রহ্মতেজ ফুটিয়া বাহির হইতেছে । প্রথমে ম্যাডাম গেয়ৌ ভিক্ষার্থী ভাবিয়া তাঁহাকে ভিক্ষা দিতে উদ্বৃত হইয়াছিলেন । তিনি বলিয়াছেন—“এই ব্যক্তি এক আশ্চর্য্য ভাবে আমার নিকটে ঈশ্বরের কথা বলিয়াছিলেন । কেমন করিয়া, তাহা আমি জানি না, কিন্তু মনে হইতেছিল যেন তিনি কোন উপায়ে আমার চরিত্রে সম্বন্ধে বিশেষ অভিজ্ঞতা লাভ করিয়াছেন ।”

ম্যাডাম গেয়ৌর ঈশ্বর প্রীতি তাঁহার নানাবিধ সংকর্ষের অনুষ্ঠান ইত্যাদির উল্লেখ করিয়া তিনি তাঁহার চরিত্রের দুর্বলতার দিকটাও



দেখাইয়া দিলেন । তাঁহার অসার গৰ্ব জীবনের নানা ক্রটি দুৰ্বলতা-  
গুলি তিনি একে একে বলিলেন । সৰ্বশেষে বলিলেন যে জগদীশ্বর  
এমন হৃদয় চাহেন না যাহার সম্বন্ধে শুধু বলা যাইতে পারে যে তাহার  
পাপের ক্ষমা হইয়াছে । যে হৃদয় পুণ্যালোকে নির্মল তাহাট্ট তাহার  
বাহিত । পাপকে অতিক্রম করিয়া যাওয়াত যথেষ্ট নহে, স্বভাবকে  
বণীভূত করিয়া পুণ্যময় ধর্মজীবনের সন্মোচন শিথবে অধিরোহণ  
করিতে হইবে ।

এই অসাধারণ ব্যক্তিকে তিনি পূর্বে কখনও দেখেন নাই—  
পবেও নহে । তাঁহাব কথা তাঁহার হৃদয় মনকে এমন ভাবে আন্দোলিত  
করিয়া গেল যে মন্দিবে উপস্থিত হইয়াই তিনি মূচ্ছিত হইয়া  
পড়িলেন ।

তিনি বুঝিলেন তাঁহাকে জাগ্রৎ করিবার জন্ত ঈশ্বর নানা উপায়ে  
নানা দিক হইতে বারংবার আহ্বান করিয়া যাইতেছেন । বিগলিত  
হৃদয়ে তিনি বলিলেন --“যদি সম্ভব হয়, আজ হইতে--এই মুহূর্ত হইতে  
আমি সম্পূর্ণরূপে ঈশ্বরের হইব । আমার কোন অংশ আর সংসারের  
ধাকিবে না ।” নিজের শক্তির উপরে নির্ভর করিয়া এ সংকল্প তিনি  
করেন নাই, তাঁহাব সমস্ত নির্ভর ঈশ্বরের দিকেই উন্মুখ হইয়াছিল ।  
সুতরাং জীবনব্যাপী ঝটিকার বিক্ষোভেব মধ্যেও আর তাঁহাকে এ  
সংকল্প হইতে ছাত হইতে হয় নাই ।

বাসনা এবং ইচ্ছা এক নহে । ধর্ম সম্বন্ধে মনে যে বাসনার উদয়  
হয় অনেক সময়ে তাহা ইচ্ছাশক্তিকে স্পর্শও করিতে পারে না ।  
ম্যাডাম গেয়োঁ সমগ্র ইচ্ছার সহিত আপনাকে সমর্পণ করিলেন ।  
তিনি যে গৃহীত হইয়াছেন তাহার প্রমাণ অচিরে আসিল ।

খ্রীষ্টীয় ১৬৭০ অব্দের ৪ঠা অক্টোবর দুবস্ত বসন্ত ব্যাদি তাঁহার

সর্বাস্থ ছাইয়া ফেলিল। বন্ধুবান্ধব ভীত হইলেন। তাঁহার দেহ গলিত কুষ্ঠরোগীর আকার ধারণ করিল। যঁাহারা তাঁহাকে দেখিলেন তাঁহারা ই বলিলেন যে এমন ভয়াবহ দৃশ্য তাঁহারা আর কখনও দেখেন নাই।

বাহিরে এই বিপ্লব কিন্তু তাঁহার অন্তর শাস্তিতে অবিচলিত। এই অবস্থায় তাঁহার মনের সন্তোষ প্রকাশ করিবার ভাষা তিনি খুঁজিয়া পান নাই। দেহের লাভণ্য অহঙ্কারের এক কারণ। সেইজন্য তাঁহার মনে মনে এই আশা হইল যে তিনি “এই দুঃখজনক বাহ্যরূপ হারাইয়া আন্তরিক মুক্তি” লাভ করিবেন। “এই অবস্থা আমার আত্মাকে এত সন্তোষ দান করিয়াছিল যে ইহার সহিত পৃথিবীর সর্বাপেক্ষা সৌভাগ্যবান রাজার অবস্থা বিনিময় করিতে আমার আশ্ব চাহিত না।”

আত্মীয় স্বজন মনে করিলেন তাঁহাকে সাহায্য দান করা সম্ভব হইবে না।—“আমার বন্ধুগণের মধ্যে অনেকেই আসিয়া আমার অবস্থায় দুঃখ ও সমবেদনা প্রকাশ করিলেন। শয্যা শয়ন করিয়া আমি এক অবর্ণনীয় আনন্দ অনুভব করিতেছিলাম। প্রগাঢ় নীরবতায় ডুবিয়া আমি ঈশ্বরের গুণগান করিতাম। আমার যন্ত্রণা কিংবা ক্ষতির জন্য কেহ আমাকে কোনদিন অনুযোগ করিতে শোনে নাই। সকলই, যেন ঈশ্বরের স্বহস্ত হইতে, আমি কৃত-জ্ঞতার সহিত গ্রহণ করিতেছিলাম। যঁাহারা দুঃখ ও সমবেদনা প্রকাশ করিয়াছিলেন তাঁহাদিগকে বলিতে আমি দ্বিধা বোধ করি নাই যে তাঁহারা যাহাতে এত বিলাপের কারণ দেখিতেছেন তাহাতেই আমি আনন্দিত হইতেছি।”

পীড়ার প্রপাতে স্বপ্নের অবহেলায় তিনি মরণোগ্রস্থ হইয়াছিলেন। স্বামী তখন অত্যন্ত অসুস্থ স্ত্রীর তাঁহার ভার স্বশ্রীকুরাণীর হস্তেই

পড়িয়াছিল। সঙ্কটজনক অবস্থা উদ্ভাৱ হইয়া গেলে তবে চিকিৎসকে ডাকা হইল।

চিকিৎসকের এত কারণ সত্ত্বেও তিনি একটুকুও চঞ্চল হন নাই। জীবন বা মৃত্যু উভয়ের প্রতিই তাঁহার মন সমভাবে নিম্পৃহ ছিল।

আরোগ্য লাভ করিয়া দৰ্পণে দেখিলেন মুখের সৌন্দর্য সম্পূর্ণরূপে তিরোহিত হইয়াছে। বন্ধুগণ এক প্রকার প্রলেপ প্রেরণ করিয়া বলিলেন যে ইহা, প্রয়োগ করিলে বসন্তে ক্ষয়িত অংশ সকল সম্পূর্ণ হইয়া উঠিবে, ক্ষতচিহ্ন লুপ্ত হইবে। পূর্বে ম্যাডাম গেয়েঁ এই ঔষধের আশ্চর্য গুণ স্বচক্ষে দেখিয়াছেন। ইহা পাইয়াই তিনি আপন দেহে ইহার ফল পরীক্ষা করিয়া দেখিতে উদ্বৃত্ত হইলেন, কিন্তু বাধা পাইলেন। তাঁহার অন্তরের মধ্যে কে যেন বলিল—তোমার সৌন্দর্যই যদি আমার অভিপ্রেত হইত, তাহা হইলে তুমি পূর্বে যেমন ছিলে সেইরূপ রাখিতেই তো পারিতাম।

সভয়ে তিনি ঔষধ একপার্শ্বে রাখিয়া দিলেন। মুক্ত বায়ুতে ভ্রমণ করা তাঁহার পক্ষে প্রয়োজন হইয়াছিল, তাহাতে ক্ষতচিহ্ন সকল আরও স্পষ্ট হইয়া উঠিল। শরীরে বল পাইবামাত্র প্রকাশ্য পথে বাহির হইতে তিনি সঙ্কোচ বোধ করিলেন না। যে সকল স্থানে পূর্বে আপনার গৰ্ভপরিভূষ্টির জন্ম বেড়াইয়াছেন সেই সকল স্থানে গমন করিয়া গৰ্ভকে পদদলিত করিয়া দিলেন।

রোগের সময় যেৰূপ, রোগমুক্তির পরেও সেইরূপ স্বপ্নের নির্ধাতন চেষ্টা অক্রান্ত উদ্বৃত্তে চলিল। বাহিরের রূপ বিনষ্ট হওয়াতে স্বামী মন একটু বিকল্প হইয়াছিল। পত্নীর বিরুদ্ধে কোন কথায় এখন তাঁহার মনোযোগ সহজেই আকৃষ্ট হইত, সুতরাং বিরুদ্ধ বাদিনীরা পূর্ণ উৎসাহে দেবীচরিত্রের কুৎসা শুনাইতে লাগিলেন। তিনি

বলিতেছেন—“আর সকলের পরিবর্তন হইল কিন্তু ঈশ্বরের পরিবর্তন হইল না। একমাত্র তুমি, হে আমার ঈশ্বর, সেই একই রহিলে। বাহিরে তুমি আমাকে আঘাত করিয়াছিলে, কিন্তু অন্তরে আশীষবর্ষণ করিতে বিরত হও নাই।”

তঁাহার দুই পুত্রের মধ্যে ছোটের আচরণ তঁাহার পক্ষে শোকজনক হইয়াছিল। প্রথম পুত্রের নিকটে নিরাশ হইয়া মাতৃহৃদয়ের সমস্ত আশা কানঠকে লক্ষ্য করিয়া সঞ্চিত হইয়া উঠিয়াছিল। এই স্নেহের ধনকে তঁাহার প্রভু লইয়া গেলেন। মাতা স্নহ হইতে না হইতে সেই কঠিন ব্যাধিতেই শিশু চলিয়া গেল।

তিনি লিখিয়াগিয়াছেন—“এই আঘাত আমার অন্তরে ঘা মাবিল। আমি অভিভূত হইয়া পড়িলাম।” কিন্তু যে হস্ত আঘাত করিতেছে তাহাকে তিনি চিনিয়াছেন, ভালবাসিয়াছেন, স্মতরাং—“তাহার মৃত্যুতে একান্ত আহত হইলেও ইহাতে আমি ঈশ্বরের হস্ত এত স্পষ্টরূপে দেখিয়াছিলাম যে আমি অশ্রুবর্ষণ করি নাই। তাহাকে আমি ঈশ্বরের নিকটে নিবেদন করিয়া দিয়া জোব্‌এর ভাষায় বলিয়াছিলাম “ঈশ্বর দিয়াছিলেন তিনিই লইয়া গেলেন—তঁাহার নাম ধন্য হউক!”

ঈশ্বরের দণ্ডকে তিনি প্রসাদ বলিয়া গ্রহণ করিতে শিখিয়াছেন। যতই কঠোর হউক না কেন তঁাহার বিধানে তিনি আনন্দলাভ করেন।

এই সময়ে সর্বপ্রথম তিনি তঁাহার কবিতা রচনার কথা উল্লেখ করিয়াছেন। কবিতাগুলির মধ্যে তঁাহার বিশ্বস্ত হৃদয়ের ভাবগুলি অশ্রুপূত সৌন্দর্য্যে ফুটিয়া রহিয়াছে।

বাহিরে সুখের উপকরণ কিছু না থাকিলেও অস্তুরে আনন্দের আয়োজন যথেষ্ট ছিল। তাঁহার প্রিয়তমের নিভৃত প্রেমসম্ভাষণে তিনি আনন্দে বিহ্বল হইতেন।

কিন্তু সকল সময়ে প্রেমের আলোকে পথ উজ্জ্বল দর্শিত না, অন্ধকারের মধ্যদিয়াও যাত্রা করিতে হইত। সময় সময় সন্দেহ শুক হইয়া উঠিত। তখন তাঁহার মনে হইত তাঁহারই কোন অপরাধে বুঝি তাঁহার প্রভু তাঁহাকে ত্যাগ করিয়াছেন।" সাস্ত্রনা লাভ করিবার মত কিছু আর তিনি তখন খুঁজিয়া পাঠিতেন না, সন্দেহ শোকে অবসন্ন হইতে থাকিত। বাহিরের সুখদুঃখের গায় অস্তুরের দুঃখ-সুখকেও যে আশীষাদেব মত মস্তকে ধারণে হইবে, ধর্ম পালন করিয়া যে স্বাভাবিক শান্তি ও আনন্দে মন পূর্ণ হয় তাহার স্থানও যে খুব উচ্চে নহে—এ সব কথা তখনও তাঁহার নিকটে তেমন স্পষ্ট হইয়া উঠে নাই। আনন্দের জন্য আমরা ঈশ্বরকে চাই না, তাঁহারই জন্য তাঁহাকে চাই। অস্তুরে আনন্দের প্লাবন বা গুরুতা বাহাই আসুক, আপনার আহত ইচ্ছার উষ্ণতাসকে তাঁহার ইচ্ছার নিকটে স্থিত করিয়া দিতে হইবে। এই নিরানন্দ যে অনন্তধাতু! অপরিহার্য্য তাহা জানা থাকিলে সে সময় তাহাকে এত কষ্ট পাইতে হইত না।

এই সময়ের কোন কোন আচরণকে পরে তাঁহার অপরাধ বলিয়া মনে হইয়াছে। যে স্থানে ও যে সময়ে ঈশ্বরের সান্নিধ্যলাভ হইয়াছে সেই স্থান ও সেই সময় তাঁহার অত্যন্ত প্রলোভনেব বস্তু হইয়া উঠিত। সেইরূপ স্থান ও সময় পাইলে তিনি আর সকল কর্তব্যের কথা ভুলিয়া যাইতেন। সর্বকালে ও সর্বস্থানে অস্তুরের মধ্যে ঈশ্বরের উপলব্ধি তখনও পরিষ্কার হইয়া উঠে নাই। ঈশ্বর নির্জনে বসিবার অবসর দাদ না দেন, যদি কার্য্যভারই অর্পণ

করেন তাহা হইলে, প্রিয় বা অপ্রিয় হউক, তাঁহার বলিয়া সেই কার্য্য করিয়া গেলে যে তাঁহার উপাসনাই হয় ইহা বুঝিতে আরও আলোকের আবশ্যক হইয়াছিল।

নিভৃত-সাধনার আবশ্যকতা ও উপকারিতা বলিয়া শেষ করা যায় না। কিন্তু ঈশ্বর যখন ইচ্ছা করেন যে আমরা সংসারে কর্ম্মরত থাকি তখন যদি সে কাজ ফেলিয়া তাঁহার সহবাসের আশায় নির্জন স্থানে গমন করি, তাহা হইলে ঈশ্বর বাহিরে কর্ম্মের মধ্যেই রাখা যান—আমরা শূন্য নির্জনতার মধ্যে প্রবেশ করি মাত্র। একথাও সময় সময় ভুলিয়া যাইতে হয়।

ঈশ্বরকে ডাকিবার সময়ে বাবা না পাইলে সকল বোঝাই তাঁহার নিকটে লঘুভার বোধ হইত,—কিন্তু সে সুযোগ প্রায়ই পাইতেন না। শঙ্ক ও স্বামী বাধা দিতে ক্রটি করিতেন না। তিনি প্রার্থনা করিতে গিয়াছেন বুঝিলেই স্বামী ঘড়ি ধরিয়া বসিতেন। অর্দ্ধঘণ্টার বেশা দেয়ী হইলে তিনি অসন্তুষ্ট হইতেন।

কখনও কখনও তিনি চক্ষিণ ঘণ্টার মধ্য হইতে একটিমাত্র ঘণ্টার ছুটি স্বামীর নিকটে ভিক্ষা করিতেন। পৃথিবীর আমোদ আফ্লাদে কাটাঁইবার জন্য এই সময় চাহিতেছেন জানিলে তিনি, যতদূর সম্ভব অসুমতি দিতেন। কিন্তু পল্লীকে তিনি জানিতেন, কাজেই ম্যাডাম গেয়েঁর প্রার্থনা অপূর্ণ থাকিয়া বাইত।

তিনি বলিয়াছেন—“আমি অবশ্য স্বীকার করিব যে ধর্ম্মসম্বন্ধে আমার অপূর্ণ জ্ঞান ও অভিজ্ঞতার জন্য আমাকে অনেক কষ্ট পাইতে হইত। প্রায়ই আমি আমার অর্দ্ধঘণ্টা অতিক্রম করিয়া ফেলিতাম আমার স্বামী কষ্ট হইতেন—তাঁহার জন্য আমাকে কষ্ট পাইতে হইত।” শাসনের এই পাষণ্ড প্রাচীরকে ঈশ্বরের বিধান বলিয়া কেন

আনন্দে গ্রহণ করিতে পারেন নাই তাহা ভাবিয়া তিনি পরে আক্ষেপ করিয়াছেন।—“কত মাস কত বৎসর অতিক্রান্ত হইলে পর ঈশ্বর সম্পূর্ণরূপে আমার অন্তরমধ্যে তাঁহার মন্দির রচনা করিলেন। সেই পবিত্র নিভৃতস্থানে আমি প্রার্থনা করিতে শিখিলাম। সেই সময় হইতে আমি আর বাহিরে যাইতাম না।”

ঈশ্বরের ইচ্ছা ঠিক বুঝিতে না পারিয়া স্বামীর ও পরিবারের প্রতি কর্তব্যে বহু ক্রটি হইয়া গিয়াছে বলিয়া তিনি মনে করিয়াছেন। পারিবারিক কোন সমস্যা মীমাংসার আবশ্যক হইলে পরিবারের সকলেই সে বিষয় মনে রাখিতেন, চিন্তা করিতেন, কথা কহিতেন। কিন্তু ম্যাডাম গেয়েঁর হৃদয় এতই পূর্ণ যে প্রিয়চিন্তা ব্যতীত আর কোন চিন্তাই সেখানে স্থান পাইত না। পুনরায় প্রশ্ন উঠিলে দেখা যাইত তিনি সে বিষয়ে কিছু জানেনই না। এই অবহেলার জন্ম পরে তাঁহাকে তীব্র বেদনা অনুভব করিতে হইয়াছে।

ফ্রান্সিস্,ডি,লা কোব্ (Francis de la Combe) এর জীবনধারা এই সময় আনিয়া তাঁহার সহিত মিলিত হইল। জেনেভা (Geneva) হইতে তীরবর্তী টোনেঁ (Lhonon) নগরে এই মহাপ্রাণ পুরুষের জন্ম হয়। তিনি প্রথম জীবন হইতেই ধর্ম্মানুরাগী ব্যাকুল আত্মা ছিলেন। শিক্ষা তাঁহার স্বাভাবিক প্রতিভাকে উন্নততর করিয়াছিল। ঈশ্বরের কার্যে ইনি আপনাকে উৎসর্গ করিয়াছিলেন।

১৬৭১ সালের জুন কিংবা জুলাই মাসে লা কোব্, ম্যাডাম গেয়েঁর ভ্রাতা ফাদার লা মোথ্ (Father La mothe) এর নিকট হইতে এক খানি পত্র লইয়া আসিয়া উপস্থিত হইলেন। ফাদার লা মোথ্ পত্রে এই যুবককে বিশেষ বক্ররূপে গ্রহণ করিতে ভগিনীকে অনুরোধ করিয়াছিলেন। আলাপ পরিচয় বাড়াইবার স্পৃহা তখন ম্যাডাম

গেয়ৌর ছিল না। শুধু ভ্রাতার অনুরোধ রক্ষার্থে তিনি লা কোব্‌ এর সহিত সাক্ষাৎ করিলেন। ধর্ম সম্বন্ধেই ইঁহাদের কথাবার্তা হইল। ম্যাডাম গেয়ৌ বুঝিলেন যে ইনি পিপাসু, কিন্তু ধর্মের অন্তঃপুরে ইনি প্রবেশ লাভ করিয়াছেন, না এখনও শুধু অন্বেষণ করিয়া ঘারে ঘারে ফিরিতেছেন তাহা ঠিক বুঝিতে পারিলেন না। এই একটি অনুকূল আত্মাকে তাঁহার পথে দৃঢ়প্রতিষ্ঠ করিতে ঈশ্বর ম্যাডাম গেয়ৌর কোন সহকারিতা গ্রহণ করেন কি না এই প্রতীক্ষায় তিনি উন্মুখ হইয়া বহিলেন।

লা কোব্‌ চলিয়া গেলেন, কিন্তু তৃষ্ণা তৃপ্ত হইল না। আরও দেখিবার, আরও শুনিবার আকাঙ্ক্ষা তাঁহাকে আবার টানিয়া আনিল।

“ঈশ্বরকে লাভ করিবার পথ বাহিরে নহে, অগুরে”—সেই দিন ম্যাডাম গেয়ৌ এই বিষয়ে কথা কহিলেন। লা কোব্‌ তাহা উপদেশ গ্রহণ করিবার জন্য প্রস্তুত হইয়াছিলেন, কারণ তাঁহার মনের দিকে চাহিয়াই তিনি বুঝিয়াছিলেন যে এই রমণী এমন কিছু পাইয়াছেন যাহার অভাবে তাঁহার নিজের হৃদয় হইতে শূন্যতার হাহাকার উঠিতেছে।

ম্যাডাম গেয়ৌর কথাগুলি তাঁহার মনে দৃঢ়রূপে অঙ্কিত হইল। তিনি বারংবার স্বাকার করিয়াছেন যে সেইদিন হইতে তিনি আর এক জীবন লাভ করিলেন। ঈশ্বরের চরণে আপনাকে নিঃশেষে দান করিবার সংকল্প সেইস্থানে সেইমুহূর্ত্তেই তাঁহার মনে জাগিয়া উঠিল। ম্যাডাম গেয়ৌও নিঃসন্দেহে বুঝিলেন, একটি অকৃত্রিম হৃদয় তাঁহার প্রভুর চরণে স্থির প্রতিষ্ঠা লাভ করিল।

ম্যাডাম গেয়ৌ বলিয়াছেন যে এইবার তাঁহার স্বামীর সহিত লা কোব্‌(La Comb)এর বেশ আলাপ হইয়া গেল। লা কোব্‌ যে শুধু



বুদ্ধিপ্রতিভাশালী ছিলেন তাহা নহে, তাঁহার হৃদয় উচ্চ, মন উদার ছিল। তিনি দীর্ঘাকৃতি সুপুরুষ ছিলেন, তাঁহার কথাবার্তার মধ্যে সহজ প্রবাহ, সরল সৌন্দর্য্য ও তেজস্বিতা ছিল, সুতরাং ম্যাডাম গেয়োঁর স্বামীর নিকটে তাঁহার সঙ্গ প্রীতিকরই হইয়াছিল।

আর একবার প্যারিতে যাওয়া প্রয়োজন হইল। প্যারিতে সেই প্রলোভন সেই কোলাহল পূর্বের ঞায়ই বর্তমান, কিন্তু ম্যাডাম গেয়োঁ আর পূর্বের ঞায় নাই। সেই সকল ক্ষুদ্রতা তাঁহাকে যে স্পর্শ করিবে এমন শক্তি আব তাহাদের নাই। তিনি এখন অনেক উর্ধ্বে, বিলাস-মলিনা প্যারি নগরীকে ভয় করিবার এখন আর তাঁহার কিছু নাই।

মিলনের মৌন-শান্তিতে তাঁহার হৃদয় পরিপূর্ণ। এই সময়ের কথা তিনি বলিয়াছেন—“আমি প্রকৃতভাবেই বলিতে পারিতাম আমার ইচ্ছা নয়, তোমারই ইচ্ছা পূর্ণ হউক।”

তাঁহার জীবন এখন হইতে প্রলোভন সংগ্রাম বিবর্জিত হইয়া চলিল এমন মনে করিলে ভুল করা হইবে। বশীকৃত বাসনা সুযোগ পাউলেই মাথা তুলিয়া উঠিত। কিন্তু ঈশ্বরের রূপায় তিনি সে সমুদয় জয় করিতে পারিতেন।

## ১২

১৬৭১ খৃষ্টাব্দ কাটিয়া গেল। ম্যাডাম গেয়োঁর জন্ম নূতন আঘাত, নূতন বেদনা অপেক্ষা করিতেছিল। একদিন সংবাদ পাইলেন পিতা অত্যন্ত পীড়িত। তৎক্ষণাৎ পিতাকে দেখিবার উদ্দেশে যাত্রা করিলেন, কিন্তু গিয়া তাঁহার মৃতদেহ দেখিতে পাইলেন।

তাঁহার একমাত্র কন্যার বয়স এখন তিন বৎসর। এই বালিকা যেমন অতুল সৌন্দর্য্য লইয়া পৃথিবীতে আসিয়াছিল তাহার অন্তরটিও

সেইরূপ সুকোমল ছিল। শিশুবয়সেই ধর্মের প্রতি তাহার এক আশ্চর্য আকর্ষণ ছিল। মাতা যখন প্রার্থনা করিতেন, শিশুও তাঁহার পার্শ্বে প্রার্থনা করিতে বসিত। কখনও যদি ম্যাডাম গেয়েঁ তাহাকে ছাড়িয়া একাকী প্রার্থনা করিতেন, সে আকুল হইয়া ক্রন্দন করিত।

মাতাকণ্ঠা যখন বিরলে থাকিতেন, গভীর চিন্তায় মাতার চক্ষু মুদিত হইয়া আসিত। কন্যা তখন মাতার কর্ণে বলিত - 'তুমি কি ঘুমাইতেছ?' তাহার পর বলিত—'না, তুমি প্রার্থনা করিতেছ।' অমনই মাতার পার্শ্বে ক্ষুদ্র জ্ঞানু নত করিয়া শিশু প্রার্থনা করিতে আরম্ভ করিত। এই ধর্মপ্রিয়তার জন্ত তাহাকে পিতামহীর ভৎসনা শুনিতে হইত।

পিতার আদরের ধন, মাতার সান্নিধ্য এই বালিকা ১৬৭২ অব্দের জুলাই মাসে চলিয়া গেল।

সেন্ট্‌জেনেবিব্‌(St. Genevieve)সংসারমরুতে তাঁহার আশ্রয়তরু-স্বরূপ ছিলেন। তাঁহার পরামর্শে ম্যাডাম গেয়েঁ আরাধ্য দেবতার সহিত বিবাহবন্ধনে আবদ্ধ হইয়াছিলেন। বিবাহ-পদ্ধতি এইরূপ -

“যীশুকে আমি আমার বলিয়া গ্রহণ করিলাম। তাঁহাকে পতিরূপে বরণ করিতে অঙ্গীকার করিতেছি। অযোগ্যা হইলেও আমি আমাকে তাঁহার পত্নীরূপে সমর্পণ করিলাম। এই আধ্যাত্মিক বিবাহে তাঁহার নিকটে এই ভিক্ষা চাই যেন আমি তাঁহার সহিত এক হৃদয় হইতে পারি। আমি আমার বিবাহ-যৌতুকের অংশরূপে তাঁহার প্রলোভন সংগ্রাম দুঃখ ও লাজ্জনা গ্রহণ করিতেছি।

Jeanne M. B de La Mothe Guyon ”

এইরূপে তিনি ঈশ্বরের নিকট হইতে দূরে চলিয়া যাইবার পথের চারিদিকে কণ্টক রোপণ করিয়া দিতেছিলেন।

পরম হিতার্থিনী এই নারীও বিদায় গ্রহণ করিয়া যাত্রা করিলেন। ম্যাডাম গেয়েঁর হৃদয়ে আঘাত লাগিল। মৃত্যুসময়ে এ জীবনের শেষ দেখা করিয়া লইতে পারেন নাই বলিয়া তাঁহার আরও ক্লান্ত রহিল। সেন্ট্ জেনেবিব্ও তাঁহার কথা বলিয়াই শেষ নিঃশ্বাস ত্যাগ করিয়াছিলেন।

ছুঃখের সময় তাঁহার সাক্ষাৎ যদি নাও মিলিত তথাপি তাঁহার চিন্তাই ম্যাডাম গেয়েঁকে সাহায্য করিত। পরীক্ষায় পতিত হইলেই তিনি ভাবিতেন—এমন অবস্থায় সেন্ট্ জেনেবিব্ কি করিতেন—আর তখন তাঁহার পথও তাঁহার সন্মুখে আলোকিত হইয়া উঠিত। তাঁহার শেষ পরামর্শ, শেষ উপদেশ গ্রহণ করিতে পারিলেন না—এ আক্ষেপ ম্যাডাম গেয়েঁর প্রাণে রহিয়া গিয়াছিল। সাধ্বী সেন্ট্ জেনেবিব্ এর মৃত্যুর পূর্ব হইতেই তিনি বুঝিতেছিলেন যে ইহার জগুই তিনি ঈশ্বরের উপরে পূর্ণ নির্ভর স্থাপন করিতে পারিতেছেন না। বুঝিয়াছিলেন—“তাঁহার প্রতি আমার আকর্ষণ ও নির্ভর এত বেশী যে তাঁহা হইতে বঞ্চিত হওয়াই আমার পক্ষে মঙ্গলকর হইবে।” মঙ্গলকর হইলেও আঘাত একটুও কম হয় নাই।

একবার তিনি স্বামীর সহিত ভ্রমণ করিতেছিলেন। এই ভ্রমণে তাঁহার বিশ্বাস বিশেষরূপে পরীক্ষিত হইয়াছিল। নদীর তীরে বালুকারাশির মধ্যে তাঁহাদের গাড়ীর চাকা প্রোথিত হইয়া গেল। ভীত হইয়া সকলেই গাড়ী হইতে লাফাইয়া পড়িলেন, কিন্তু “ঈশ্বর আমার চিন্তাকে এমন করিয়াই অধিকার করিয়াছিলেন যে বিপদ ঘটিয়াছে এ ধারণাই আমার মনে হয় নাই। যাহার প্রতি আমার মন নিবদ্ধ ছিল তিনিই আমাকে এই বিপদ হইতে উদ্ধার করিলেন। আমাকে এ বিষয়ে কোন চিন্তাই করিতে হয় নাই। ইহা সত্য যে

জন্মগত হইবার চিন্তা আমার মনকে ছুঁইয়া চলিয়া গিয়াছিল, কিন্তু আমার স্বর্গীয় পিতার ইচ্ছা হইলে তাহাই হউক ইহাতে আমি সম্পূর্ণ সম্বুট ও ইচ্ছুক—এই ভাব ব্যতীত সে চিন্তা আমার মনে আর কোনও ভাবের উদয় করিতে পারে নাই।”

বিপদের সম্মুখে এইরূপ নিশ্চিত আত্মসমর্পণের বিরুদ্ধে কেহ কিছু বলিতে পাবেন। তাহার উত্তরে ম্যাডাম গেয়েঁ বলিতেছেন—“ইহা বলিতে আমি বাধ্য যে নিজের উপরে বিশ্বাস স্থাপন করিয়া বিপদ হইতে মুক্তি লাভ করা অপেক্ষা ঈশ্বরের বিধানে শাস্তভাবে বিশ্বাস স্থাপন কারয়া বিনষ্ট হওয়াই শ্রেয়ঃ। কিন্তু --আমি কি বলিতেছি? ঈশ্বরে বিশ্বাস স্থাপন করিলে বিনাশ যে অসম্ভব। বিশ্বাসই মুক্তি। প্রত্যেক বিষয়ে ঈশ্বরের নিকট ধনী থাকা ইহাই আমার সুখ, আমার আনন্দ। এই অবস্থায়, যে পরীক্ষা আমার নিকটে প্রেরণ করা ঈশ্বর উচিত বোধ করেন তাহাতে সম্বুট না হইয়া আমি পারি না।”

## ১৩

১৬৭৩ খৃষ্টাব্দে তাঁহার চতুর্থ সন্তান—একটি পুত্র -জন্মগ্রহণ করে; ঈশ্বরপ্রাণী মাতার পবিত্র হৃদয়ের অসামান্য স্নেহনাভেব যোগ্যতা লইয়া এই শিশু জন্মগ্রহণ করিয়াছিল। এই সময়ে ম্যাডাম গেয়েঁর অশুরও বিশেষ উন্নত ও দৃঢ় হইয়াছিল।

ছুঃখে ভাবাক্রান্ত হইয়া একদিন তিনি বিশেষ কোন মানুষের সাহায্য আকাঙ্ক্ষা করিয়াছিলেন। উপদেশ দান করিবার জন্য অনুরোধ করিয়া ম্যাডাম গেয়েঁ তাঁহাকে এক পত্র লিখিলেন। পত্র প্রেরণ করিবার পর বুঝিলেন কাজটি অন্যায় হইয়াছে। তাঁহার অন্তরে ধ্বনিত হইল—“তুমি আরাম অন্বেষণ করিতেছ? প্রভুর প্রদত্ত

ভারবহন করিতে তুমি কি অনিচ্ছুক ?—ভার গুরু হইলেই কি তাহা নামাইয়া রাখিবান জন্য ব্যস্ত হইবে ?”

ম্যাডাম গেয়েঁ বলিয়াছেন, “মনের এই অবস্থায় আমি আমার অনুরোধ প্রত্যাহার করিয়া আর একখানি পত্র লিখিলাম । আমি লিখিলাম যে, ঈশ্বরের হৃদয় ও বিধানের প্রতি সমুচিত লক্ষ্য না রাখিয়াই প্রথম পত্রখানি লিখিয়াছিলাম বলিয়া আমার ভয় হইতেছে । স্বার্থপর স্বভাবের দুর্বল আশঙ্কা হইতেই ঐ পত্রের উৎপত্তি । ঈশ্বরের নিকটে বিশ্বাসী হওয়া যে কি তাহা তিনি জানেন, সুতরাং এই আশা আমি কবিয়াছিলাম যে আমার এই অকপট ব্যাধহারে তিনি অসন্তুষ্ট হইবেন না । ধার্মিকরূপে তাঁহার উচ্চ প্রশংসা শুনিয়া আমার মনে হইয়াছিল যে, আমার মনের ভাব তিনি বুঝিবেন এবং যে ভাব হইতে দ্বিতীয় পত্রখানি লিখিত হইতেছে, তিনিও সেই ভাবেই ইহাকে গ্রহণ করিবেন ।”

পত্রখানি পাইয়া সেই ব্যক্তি নিজকে অপমানিত মনে করিলেন এবং একান্ত আক্রোশও অনুভব করিয়াছিলেন ।

১৮

১৮৭৪ অব্দে তিনি যে অবস্থার মধ্যে পড়িয়াছিলেন তাহাকে মহা দুঃখের অবস্থা বলিয়া বর্ণনা করিয়াছেন । তাঁহার মনে হইল আনন্দের বর্গলোক হইতে যেন তিনি পৃথিবীতে নিক্ষিপ্ত হইয়াছেন । জীবনকে মহাশূন্য বোধ হইতে লাগিল । এমন অন্ধকার তাঁহার জীবনে আর কখনও আসে নাই ।

পূর্বে যে আনন্দে হৃদয় পরিপূর্ণ থাকিত, ভগবান তাহা কাড়িয়া লইলেন । বিশ্বাসের শান্তি ব্যতীত অপর কোন আনন্দ রহিল না । যন কিন্তু আনন্দের জন্য লুক, কেবলমাত্র বিশ্বাস করিয়া সে তুষ্ট

ধাক্কিতে চায়না । তাই ম্যাডাম গের্গোঁ আপনাকে মহাহুঃখী মনে করিতে লাগিলেন ।

এই আনন্দ-বঞ্চিত অবস্থাকে তিনি ঈশ্বরের করুণা-বঞ্চিত অবস্থা বলিয়া ভুল করিলেন । তাঁহার মনে হইল ঈশ্বর তাঁহাকে পরিত্যাগ করিয়াছেন । তাহা হইলে, তাঁহার আর কি রহিল ? তিনি যে একেবারেই কাঙ্গাল হইয়া পড়িলেন । এই তীব্র দৈন্যবোধ তাঁহার হৃদয়কে বঞ্চিত করিয়া তুলিল ।

আনন্দ অনুভব করা আর ঈশ্বরকে লাভ করা ভো এক নহে । অনেক সময়ে আনন্দের আলোকে আমরা আনন্দদাতাকে স্পষ্ট দেখিতে পাই না, দাণ্ডা অপেক্ষা দানকে উচ্চ আসনে বসাই, প্রসাদের সম্মানরক্ষার ব্যস্ততায় জগন্নাথকে ভুলিয়া যাই ।

ঈশ্বরের ইচ্ছাকে তিনি ভাল বাসিতেন—তাঁহার পক্ষে ইহা সমবে সমবে কঠোর কষ্টদায়ক হইলেও ভালবাসিতেন । সে ইচ্ছার নিকটে আপনাকে নও করিয়া দিয়া তাহার মন সাধনার ভরিয়া উঠিত । কিন্তু ঈশ্বরের ইচ্ছা পালন করিতে যদি গভীর বেদনা সঞ্চিত হয়, এবং বেদনা সহিয়া সে ইচ্ছা পালন করিবার পুরস্কার স্বরূপ শাস্তির ৫ টি ধারাও যদি অন্তরে নামিয়া না আসে তাহা হইলেও কি তিনি সে ইচ্ছাকে ভালবাসিবেন ? এই প্রশ্নের উত্তর তাঁহাকে দিতে হইবে ।

তিনি বলিয়াছেন যে ঈশ্বরের ইচ্ছা পালন করিয়া যখন আনন্দ পাওয়া না যায় তখন তাহা শুধু কর্তব্য পালনমাত্র হইয়া যায়, কিন্তু তাহা নিখিল নহে । বিবাদ, গুহুতা যাহা কিছু আসে সকলই যে কল্যাণের জগু, ঈশ্বর যে অবস্থায় রাখিয়াছেন তাহা অপেক্ষা ভাল অবস্থা যে হইতে পারিত না ইহা অনুভব করিতে না পারাই তো

হুঃখ । তাঁহার হস্তে নিঃসহায়ভাবে আপনাকে ছাড়িয়া দেওয়াই আনন্দ ।

কিন্তু তখন তাঁহার মনে হইল যে তিনি সকলি হারাইয়াছেন । এ পক্ষে পূর্ববর্ডিগণের পদচিহ্ন তিনি পরম আগ্রহে অনুসরণ করিতে চেষ্টা করিলেন, অভিজ্ঞ ব্যক্তিগণের উপদেশ ভিক্ষা করিলেন ।

হিষ্টেরিণী জেনেব্রিৎ গ্র্যাঙ্গার (Genevieve Granger) এর কথাই তিনি কিছুদিন পূর্বে মসিয়ার বারটোকে (Monsieur Barot) আপনার স্পিরিচুয়াল ডিরেক্টর (Spiritual director) নির্বাচিত করিয়াছিলেন । এ অবস্থায় তাঁহার পরামর্শ গ্রহণ করিবার জন্ত তিনি প্যারি যাত্রা করিলেন । সকল কথা শুনিয়া তাঁহার ডিরেক্টর তাঁহাকে ধর্ম-নিয়মনূহ পাতন ও ধর্মগ্রন্থপাঠ করিতে উপদেশ দিলেন—তাঁহার মনে বোধ হইবে এই ধারণা ছিল যে ম্যাডাম গেরোঁ ধর্ম জগতের বাহিনের লোক, ধর্মের সহিত তাঁহার কোন পরিচয়ই নাই ।

এ বিধি যে তাঁহার পক্ষে খাটেনা ম্যাডাম গেরোঁ তাহা তাঁহাকে জানাইলেন । বারটো (Barot) মনে করিলেন অল্প কোন ব্যক্তি তাঁহার ডিরেক্টর হইলে বুঝি অদিকতর সফলতা লাভ হইত । আপন ডিরেক্টর পদত্যাগের ইচ্ছা প্রকাশ করিয়া তিনি ম্যাডাম গেরোঁকে পত্র লিখিলেন । বারটো (Barot) এর উপরে ম্যাডাম গেরোঁর অগাধ বিশ্বাস ছিল । তাঁহার মুখে একথা শুনিয়া তিনি মর্ম্মাহত হইলেন । তিনি বলিয়াছেন—“আমি অপরাধী হইয়াছি সে কথা যে ঈশ্বর তাঁহার নিকটে প্রকাশ করিয়া দিয়াছেন সে বিষয়ে আমার সন্দেহ রহিল না, আর আমি অন্তরের একাকিত্বে মধ্য থাকিয়া যে এই ঘোর হুঃখ পাইতেছি, ইহাকে তিনি যে আমার অপরাধের এক বিশেষ চিহ্ন বলিয়া মনে করিয়াছেন তাহাতেও আমার সন্দেহ রহিল না ।”

তাঁহার পূর্বের কোন কোন বন্ধু তাঁহার বিপক্ষ হইয়া দাঁড়াইলেন । চতুর্দিকে তাঁহার নিন্দা রটিত হইতে লাগিল । তাঁহার মনে হইল তিনি এ সমুদয় নিন্দারই উপযুক্ত । তাঁহার প্রভু তাঁহার প্রতি বিরূপ হইয়াছেন অন্তের স্বতিনিন্দা এখন আর তাঁহার কি করিতে পারে ?

“অপরের সঙ্গের প্রতি আমি শ্রদ্ধার সহিত নৃষ্টিপাত করিতাম । চারিদিকে সকলের মধ্যেই আমি অস্বাভাবিক পরিমাণে সঙ্গ দেখিতাম, কিন্তু আমার দুঃখের আবিলতার নিজের মধ্যে আমি কোন গুণ দেখিতে পাইতাম না । কেহ একটি সদয় বাক্য বহিলে, বিশেষতঃ, কেহ কখনও আমার প্রশংসা করিলে আমি গভীর আঘাত পাইতাম । আমি নিজের মনে বলিতাম—‘আমার দুঃখের কথা ইঁহারা কিছুই জানেন না, যে অবস্থা হইতে আমি পতিত হইয়াছি, তাহা ইঁহারা অতি অল্পই জানেন । পক্ষান্তরে, কেহ যখন আমাকে তিরস্কার করিতেন, অপরাধী বলিতেন তখন তাহা ঠিক ও গ্রাহ্য বলিয়া আমি স্বীকার করিতাম ।’”

বাহিরের কোন কার্যে তাঁহার গুণের পরিচয় যদি প্রকাশ হইয়া পড়িত, তাঁহার বিবেক তৎক্ষণাৎ তাঁহাকে প্রত্যাহারক বিন্দী দ্বারা দ্বিষ্ট দিত ।

তাঁহার বিরুদ্ধে যে সব কথার প্রচার হইতেছিল তাহার তাৎপর্য্য জিজ্ঞাসা করিয়া কোন কোন বন্ধু পত্র লিখিলেন । সে সব বিষয়ে তিনি যে নির্দোষ তাহা ম্যাডাম গেয়েঁ জানিতেন, কিন্তু তাঁহার সমর্থন করিবার প্রবৃত্তি নিশ্চয়, নিঃসাড় হইয়া পড়িয়াছিল, স্বপক্ষে কিছু বলিবার কোন আগ্রহই তাঁহার হৃদয় অনুভব করিল না ।

দারুণ অবসাদের মধ্যে একদিন নিউ টেষ্টামেন্ট ( New Testa-



ment ) এর পৃষ্ঠা ডাঙাইয়া তিনি এই একটি কথা পাইলেন —“আমার দয়াই তোমার পক্ষে যথেষ্ট, কারণ দুর্বলতাতেই আমার বল পূর্ণতা প্রাপ্ত হয়।”

তাঁহার গুরু সেই সাধু সন্ন্যাসীও তাঁহার ধর্মজীবনের এই পরি-বর্তনে বিরক্ত হইয়া তাঁহাকে পত্র লিখিলেন। তাঁহার ভগ্নহৃদয় কি আঘাতই পাইল। অশ্রুস্থান হইতেও এইরূপ পত্র পাইলেন। ম্যাডাম গেয়েঁ বলিয়াছেন, তাঁহার দুঃখের মাত্রা পূর্ণ করিবার জন্য এই যে আয়োজন—ইহা যে পরমেশ্বরেরই আদেশে হইতেছে ইহাতে তাঁহার সন্দেহ ছিল না। বন্ধুগণ তাঁহার তত্ত্বগ্রহণের জন্য পত্র লিখিয়াছিলেন এজন্য তিনি ইহাদিগকে কৃতজ্ঞতা অর্পণ করিলেন এবং তাঁহার জন্য প্রার্থনা করিতে তাঁহাদিগকে অনুরোধ করিলেন। এই সকল ধর্মাত্মা ব্যক্তিগণের নিকট হইতে এইরূপ বিরুদ্ধ ব্যবহার তাঁহার পক্ষে নৈসর্গিক হইয়াছিল, “কিন্তু এ দুঃখ অপেক্ষাও গুরুতর দুঃখ আনাব ছিল। তাহার তুলনায় এ দুঃখ কিছুই নহে—ঈশ্বাকে অসন্তুষ্ট করিরাছি এই চিন্তায় যে গভীর দুঃখ অনুভব করিয়াছিলাম তাহারই কথা বলিতেছি।”

১৫

অস্তব যখন এইরূপ অন্ধকাব সমাচ্ছন্ন, সেই সময় তাঁহার স্বামীর পীড়া সঞ্চিতাপন্ন হইয়া উঠিল। বুঝা গেল—অস্তিমকাল নিকটে।

নারীজনোচিত ধৈর্য্যে আপনার ব্যথা লুকাইয়া ম্যাডাম গেয়েঁ সেবার লাগিয়া গেলেন। তিনি অনুভব করিলেন যে এখন এমন সময় উপস্থিত যখন স্বামী-স্ত্রীর মধ্যে কোন ব্যবধান আসিতে দেওয়া যাইতে পারে না। তাঁহাদের মধ্যে তৃতীয় ব্যক্তি আসিয়া দাঁড়াইতে আর এখন পারে না—স্বামীর মাতাও নহেন। দৃঢ়তার সহিত পূর্ণ

অধিকারে তিনি স্বস্থানে শুভপ্রতিষ্ঠানান্ত করিলেন। এখন যে মিলনের সময়! হৃদয়কে মুক্তালোকে পরীক্ষা করিয়া দেখিতে হইবে অমিল কোন জায়গায়। মহাবিদ্যায়ের পূর্বে চিরমিলনে সঞ্চিত হইবার অবসর আর তো ঘটিবে না। মিলিতজীবনের আন যে কয়টি দিন ইহজন্মে অবশিষ্ট আছে তাহার সদ্যবহাব করিতে হইবে। এই সংকল্প লইয়া আপনাদের অমিলনের বিষয়গুলি একটি একটি কবিয়া তিনি স্বামীর সম্মুখে উপস্থিত করিতে লাগিলেন। কারণ তাঁহাদের তো শুধুই পতিপত্নীর সম্পর্ক নহে, তাঁহারা যে দুইটি অস্বাভাবিক জীবনের দুই সম্ভান।

স্বামীর প্রকৃতিতে ভালবাসা ও ঘৃণা দুইই অত্যন্ত প্রবল ছিল। অকস্মাৎ তাঁহার মনের ভাবের পরিবর্তন হইয়া যাইত। তাঁহার নিকট হইতে নিষ্ঠুর ব্যবহাবলাভ সত্ত্বেও ম্যাডাম গেয়েঁ বলিয়াছেন— “তিনি আমাকে খুব ভাল বাসিতেন। আমি পীড়িত হইলে তিনি সান্ত্বনাবিহীন হইয়া পড়িতেন।” তিনি বলিয়াছেন যে কেহ তাঁহার বিরুদ্ধে অপ্রিয় কথা বলিলে স্বামী তাহা মস্তে মস্তে অনুভব করিতেন ও অত্যন্ত বিরক্তি প্রকাশ করিতেন। মনের সুস্থ অবস্থায় তিনি পত্নীর প্রতি শ্রদ্ধা অনুভব করিতেন, তাঁহাদ্বয় আপনাকে গৌরবান্বিত মনে করিতেন এবং আপনার নির্দয় ব্যবহারে অশ্রুতপ্ত হইয়া ক্রটিদ্বীকার করিতেন। সে সময় পত্নী বাতীত আন কাহারও সাহচর্য্য তাঁহার বাঞ্ছনীয় বোধ হইত না। তিনিও বলিয়াছেন যে পত্নীর বিরুদ্ধে অভিযোগ শুনিতেন না হইলে তাঁহার জীবন আরও সুখকর হইতে পারিত এবং পত্নীও অধিকতর সুখী হইতে পারিতেন।

এ সকল কথা কহিয়া ম্যাডাম গেয়েঁ বলিয়াছেন, “দোষ তাঁহার নিঃসন্দেহ ছিল। আর আমার মনে হয় অধিকাংশ পুরুষ চরিত্রেই

কতকগুলি ক্রটি, অসঙ্গত কতকগুলি প্রবৃত্তি আছে, কিন্তু নিষ্ঠুরভাবে বাধা না দিয়া, তাঁহাদিগকে এই সমুদয় বিষয়ে উত্যান্ত না করিয়া শাস্তভাবে সহ করাই নারীর কর্তব্য ।”

স্বামিহৃদয়ে তাঁহার প্রতি স্বাভাবিক মেহ থাকিলেও তাঁহাদের হৃদয়ের মিলন হইয়াছিল এমন কথা বলা যায় না। তাহার প্রধান অন্তরায় ছিল তাঁহাদের লক্ষ্যের বিভিন্নতা। একজনের লক্ষ্য ঈশ্বর, অপরের লক্ষ্য ছিল সংসার। এক জন ধর্মকে অন্বেষণ করিয়াছিলেন ও প্রাপ্ত হইয়াছিলেন, আর একজন ধর্মকে শ্রদ্ধার দৃষ্টিতে দেখিলেও জীবনে তাহার অভিজ্ঞতা লাভ কিছুই হয় নাই।

শেষ অবস্থায় একদিন স্বামীর শয্যাপার্শ্বে নতকান্নু হইয়া ম্যাডাম গেয়োঁ বলিলেন যে, হয়তো এমন কাজ তিনি অনেক করিয়াছেন যাহা তাঁহার বিরক্তির কারণ হইয়াছে। কিন্তু ইচ্ছা করিয়া তিনি কখনও স্বামীর মনে কষ্ট দেন নাই। সকল ক্রটি অপরাধের জন্য তিনি ক্ষমা ভিক্ষা করিলেন। তাঁহার স্বামী সন্ত নিদ্রা হইতে উঠিয়াছিলেন। গভীর আবেগচিহ্ন তাঁহার মুখে ফুটিয়া উঠিল। তিনি বলিলেন, “অন্যায় তোমার অপেক্ষা আমিই বেশী করিয়াছি। ক্ষমা চাহিতে হইবে আমাকেই। তোমায় লাভ করিবার যোগ্যতা আমার ছিল না।”

মৃত্যু তাঁহার দৃষ্টি খুলিয়া দিয়াছিল, পূর্বে যাহা দেখিতে পান নাই এখন তাহা দেখিতে পাইলেন। এতদিন ধরিয়া তাঁহাদের শাস্তিহরণ করিবার জন্য যে বডযন্ত্র চলিয়া আসিয়াছে তাহা তাঁহার মরণোন্মুখ চক্ষুর সমক্ষে প্রকাশিত হইয়া পড়িল। তিনি বুঝিলেন স্বামীস্ত্রীর মধ্যে বিচ্ছেদের দূরতা সৃষ্টি করিতে যে চেষ্টা কবে তাহাব ন্যায় শত্রু আর নাই।

শেষদিনকয়টি স্বামীর শিয়রে আগিবার অনুযোগ ম্যাডাম গেয়েঁ লাভ করিয়াছিলেন। শেষ চক্ৰিশদিন তিনি প্রায় স্বামীর শয্যাপ্রান্তে ভাগ করিয়া উঠেন নাই। শুধু শরীরের সেবা তিনি করিতেন তাহা নহে, আত্মার সেবাও অক্লান্ত যত্নে করিতোছিলেন। এ সব তিনি করিতেছিলেন—যখন তাঁহার নিঃশ্বাস হৃদয় গভীর ভয় এবং দুঃখে কাঁপিয়া মরিতেছিল।

ম্যাডাম গেয়েঁর প্রার্থনা, সমবেদনা ও সেবা এই মুমূর্ষু যাত্রীর হৃদয়ে কি মহাআশা ও আশ্বাস দান করিয়াছিল, কে বলিবে? সৌভাগ্যবান সেট ব্যক্তি যে মৃত্যুশয্যায় এমন সঙ্গ লাভ করে!

সংসার যখন চারিদিক হইতে অন্ধকার হইয়া আসিল ধর্মের স্নিগ্ধ আলোক তখন হৃদয়ে সান্ত্বনা পাত করিল। ধীরভাবে রোগ যাতনা সহিয়া স্বামী বেশ শান্তভাবে চলিয়া গেলেন। তাঁহার মৃত্যুদিন ১৬৭৬ খৃষ্টাব্দের ২১ এ জুলাই।

অন্তরে বাহিরে কি ঝড়ই উঠিয়াছে! কয়েকবৎসরের মধ্যে কতশোক ম্যাডাম গেয়েঁকে সহিতে হইল! তাঁহার হৃদয়ের ঞ্চায় চেতনাবান, আবেগবান হৃদয়ের পক্ষে কি কঠোর আঘাত। কোন্ কণ্ঠা তাঁহা অপেক্ষা পরিপূর্ণ হৃদয়ে পিতামাতাকে ভক্তি ভালবাসা দান করিয়াছেন? কোন্ পত্নী দাম্পত্যজীবনের দায়িত্ব এমন গভীর ভাবে অনুভব করিয়াছেন? সন্তানপ্রেমে তাঁহার অপেক্ষা কোমলতর হৃদয়ের অধিকারিনী কোন্ জননী? কিন্তু সকলেই একে একে তাঁহাকে একাকী রাখিয়া চলিয়া গেলেন। তিনি অশ্রুপাত করিলেন, কিন্তু অনুযোগ করিলেন কি?

অনুযোগ করিবেন কি করিয়া? যে হস্ত আঘাত করিতেছে তাহার নিকটে তাঁহার মস্তক যে বাধ্যতায় চির অবনত! ঈশ্বরের

যাহা ইচ্ছা তাহা তো হইবেই, শত অভিযোগেও তাহার একবিন্দুর পরিবর্তন হইবে না, সুতরাং তাহা মানিয়া লওয়াই শ্রেয়ঃ - তাঁহার আত্মসমর্পণ এষ্ট প্রকার ভাবপ্রসূত নহে। আনন্দে তিনি হৃদয় দান করিয়াছিলেন। সে বাধ্যতার কারণ হতাশবিরক্তি নহে।

বারবৎসর চার মাস বিবাহিত জীবন যাপনের পর আটশ বৎসর বয়সে তিনি বিধবা হইলেন। এখন তাঁহার তিনটি সন্তান বর্তমান— দুইপুত্র, এক কণ্ঠা। পিতার মৃত্যুর কয়েক মাস পূর্বে কণ্ঠাটির জন্ম হইয়াছিল।

এখন কি করিতে হইবে তাহারই আদেশ প্রতীক্ষা; তিনি বিনয় হৃদয়ে তাঁহার প্রভুর দিকে চাহিয়া রহিলেন। তাঁহার মনে হইল আপনাকে একেবারে ধর্মের জগৎ উৎসর্গ করিয়া দিবার সময় আসিয়াছে। কিন্তু, তিনি জানিতেন, সন্তানদের প্রতি কর্তব্য তাঁহার সন্মুখে।

স্বামীর দীর্ঘকালব্যাপী অসুস্থতায় বিষয় সম্পত্তি অত্যন্ত বিশৃঙ্খল অবস্থায় পড়িয়াছিল। ম্যাডাম গেয়েঁকে সে সকল দেখিয়া ঠিক করিয়া লইতে হইল। এ সব বিষয়ে তাঁহার কোন অভিজ্ঞতাই ছিল না, কিন্তু অগতির গতি যিনি তিনিই সহায় হইলেন।

তাঁহার স্বামীর জীবিতাবস্থায় প্রতিবেশী কয়েকব্যক্তির মধ্যে সম্পত্তি লইয়া বিবাদ উপস্থিত হইয়াছিল। বিচারালয়ে যাইবার অগ্রে তাঁহারা মীমাংসার জন্ম বিষয়টি তাঁহার হস্তে অর্পণ করেন। অন্যান্য বাইশজন ব্যক্তি ইহার মধ্যে জড়িত ছিলেন। তাহাতে বিষয়টি অত্যন্ত জটিল ও গুরুতর হইয়া উঠিয়াছিল। একাকী এ বিবাদের মীমাংসা করা সহজ নহে বলিয়া ম্যাডাম গেয়েঁর স্বামী সাহায্যার্থ আইনাতজ্ঞ কয়েকজন ব্যক্তিকে নিযুক্ত করিয়া ছিলেন। এমন সময় তাঁহার মৃত্যু হইল।

ম্যাডাম গেয়োঁ তখন কাগজ পত্র প্রত্যর্পণ করিতে চাহিলেন, কিন্তু তাঁহারা গ্রহণ করিতে সম্মত হইলেন না। বিষয়টির মীমাংসা না হইলে অত্যন্ত ক্ষতির আশঙ্কা করিয়া তাঁহারা ম্যাডাম গেয়োঁকেই তাঁহার স্বামীর স্থান গ্রহণ করিতে অনুরোধ করিলেন। এমন অসম্ভব কথা অল্প সময় হইলে তিনি মনেও আনিতে পারিতেন না— কিন্তু এখন তাঁহারা বিপন্ন—এ ভার গ্রহণ করা তাঁহার কর্তব্য নহে কি ? তিনি নিখিয়া গিয়াছেন “বিষয়টি আমি ঈশ্বরের সম্মুখে রাখিলাম, এবং তাঁহার শক্তি ও জ্ঞানের উপবে নির্ভর করিয়া অনুভব করিলাম যে চেষ্টা করিয়া দেখাই আমার কর্তব্য”

অনন্তকর্মী হইয়া এই কাজ লইয়া তিনি আপনাকে গৃহেব মধ্যে আবদ্ধ করিলেন। বিষয়টি বুঝিয়া লইতে ত্রিশদিনের দরকার হইয়াছিল। অবশেষে পরীক্ষা শেষ করিয়া আপনাব মত তিনি লিপিবদ্ধ করিলেন। বিবাদটি এমন সুন্দররূপে মীমাংসিত হইয়াছিল যে সকলেই অত্যন্ত সন্তুষ্ট হইয়া ছিলেন এবং চতুর্দিকে তাঁহার ক্ষমতাব প্রশংসা করিয়াছিলেন। ম্যাডাম গেয়োঁ বলিতেছেন—“ইহাতে আমার প্রভুর হস্ত ছিল। আমাকে জ্ঞানদান করিয়াছিলেন তিনিই। এইরূপ কার্য সম্বন্ধে আমি এত অনভিজ্ঞ ছিলাম ও আছি যে এ বিষয়ে কেহ কথা কহিলে আমার নিকটে তাহা আরবী ভাষার গায় বোধ হয়।”

পরের কয় বৎসর তাঁহার জীবন বিরলে পরিবারের মধ্যে কাটিয়া গেল। তাঁহার অস্তরের একাকিত্ব এখনও দূর হয় নাই। এ দীর্ঘ অন্ধকাবের বুকি শেষ নাই, তাঁহার প্রভু আর বুকি তাঁহাকে গ্রহণ করিবেন না! তাঁহার মনে হইত ঈশ্বর যদিও তাঁহাকে পরিত্যাগ করিয়াছেন কিন্তু তিনি কখনও ঈশ্বরকে ছাড়িতে পারিবেন না।

ঈশ্বরের ঋণপরতা সম্বন্ধে তাঁহার মনে তিলমাত্রও সন্দেহ উপস্থিত হয় নাই। কেন তিনি ত্যাগ করিবেন না? গ্রহণ করিবার মত আমার কি আছে? সম্ভবতঃ অশ্রুপ্লাবিত হৃদয়ে তিনি এই কথাই ভাবিতেন।

স্বামীর মৃত্যুর পর তিনি স্বশ্রমাতার সহিত সঙ্কীর্ণস্থাপন করিতে চেষ্টা করিয়াছিলেন। পরবর্তী খৃষ্টমাস দিনে স্বশ্রম নিকটে আসিয়া তিনি বলিলেন, “মা, এইদিনে শান্তির সম্রাট জন্মগ্রহণ করিয়াছিলেন। আমাদের মধ্যে শান্তিআনয়নের জন্মই তিনি পৃথিবীতে আসিয়াছিলেন। তাঁহার নামে আমি আপনার নিকটে শান্তি ভিক্ষা কাবতেছি।” স্বশ্রম হৃদয় ইহাতেও বিগলিত হইল না, কিংবা হইয়া থাকিলেও, তিনি তাহা প্রকাশ করিতে ইচ্ছা করিলেন না।

ইহার পর প্রশ্ন উঠিল স্বশ্রম আলম ছাডিয়া তাঁহাকে অত্র গিয়া বাস করিতে হইবে কি না। কোন কোন বন্ধু তাহাই পরামর্শ দিলেন কিন্তু তাঁহার সন্দেহ হইল। ঈশ্বর যে ভার বহিতে দিয়াছেন তাহা হইতে মুক্ত হইবার জন্ম তিনি ব্যগ্র হইতেছেন না তো? তিনি শঙ্কিত হইলেন। ঈশ্বরই নিজের সময় নিজের বোঝা নামাইয়া লইলেন। কয়েক সপ্তাহ পরেই, ১৬৭৭ খৃষ্টাব্দের শীতকালে স্বশ্রমাতা জানাইলেন যে “তাঁহারা আর একত্র থাকিতে পারেন না।”

নীর্বে তিনি স্বামিগৃহ ছাডিয়া চলিলেন। সঙ্গে তিনটি সন্তান ও শিশুকন্য়ার ধাত্রী রহিল। চিরপরিচিত গৃহ ছাডিবার সময় তিনি অশ্রু ফেলিলেন, কিন্তু অঙ্কুযোগ করিলেন না।

এইখানে আমরা তাঁহার স্বশ্রমকুরাণীর নিকট হইতে বিদায় গ্রহণ কবি। তাঁহার কার্যের বিচারতার আমাদের উপর নয়। সে বিচার তিনিই করিবেন যাঁহার দৃষ্টি আমাদের সকলের হৃদয়ের দুর্বলতার

প্রতি সমভাবে জাগ্রৎ । বার বৎসরের অধিককাল ধরিয়া যে নারীর জীবন তাঁহার ব্যবহারে দুর্ভাগ হইয়া উঠিয়াছিল তিনিও তাঁহার বিচার করিতে ইচ্ছা করেন নাই । ইহাতে তিনি ঐশ্বর্যের হস্ত দেখিয়া ছিলেন । তিনি বুঝিয়াছিলেন তাঁহার অহঙ্কার গুণাইবার জন্যই মঙ্গলবিধাতা এই বিধান করিয়াছেন । অপবিত্র কৃত অমঙ্গলবিধাতা তিনি তাঁহার মঙ্গলসাধন করিলেন এ রহস্য বুঝিতে না পারিলেন । তাঁহার বিধানকে তিনি ভক্তি করিতেন—ভালবাসিতেন ।

ক্ষুদ্র সংসার গুছাইয়া লইয়া আবার তিনি স্থির ওঠিয়া বসিলেন । নীরবে একান্তে জীবন কাটিতে লাগিল । তাঁহার প্রভু বাণীত অগ্ৰদোনে বিষয় দেখিতে বা জানিতে তাঁহার আগ্রহ ছিল না । দেশের মহারাণী তখন নিকটেই অবস্থান করিতেছিলেন । কত লোকেই তাহাকে দেখিয়া আসিল । কিন্তু রাণীর এমন কোন আকর্ষণ ছিগনা যাহা ম্যাডাম গেয়োঁকে তাঁহার নিভৃত গৃহকোণ হইতে টানিয়া লইতে পারে ।

তিনি কোলাহল হইতে বিদায় লইয়াছিলেন কিন্তু কর্তব্য হইতে অবসর গ্রহণ করেন নাই । আপনার দুঃখশোকে তিনি বিস্মৃত হন নাই যে অপরেরও দুঃখ আছে, শোক আছে । যখন পতিহীনা আপনার দিকে ও পিতৃহীন সন্তানদের দিকে চাহিতেন তখন অপর শত বিধবা ও পিতৃহারা কণা তাঁহার মনে পড়িত । যে রোগাক্রান্ত, যে হতভাগ্য, এ সংসারে যাহার কোন সহায় নাই তাহাকে আপন গৃহে আনিয়া মাতৃস্নেহে তিনি তাঁহার সেবা করিতেন ।

এখন সন্তানদের শিক্ষার সময় আসিয়াছে । শিশু জীবনে শিক্ষার ক্রটি হইলে জীবন ব্যাপিয়া কত ক্ষতি সহিতে হয়, আপন অভিজ্ঞতা হইতে তাহা তিনি বুঝিয়াছিলেন, আত্মজীবনীতে তিনি সন্তানশিক্ষা সম্বন্ধে অনেক কথা লিখিয়া গিয়াছেন ।



নিজেও তিনি শিক্ষার অগ্রসর হইতেছিলেন। ধর্মসম্বন্ধীয় অনেক গ্রন্থই ল্যাটিন ভাষায় লিখিত, তিনি ল্যাটিন শিখিতে আরম্ভ করিলেন। এই শিক্ষায় পরজীবনে যে কত সুবিধা লাভ হইবে তাহা তখন তাঁহার কল্পনার অতীত ছিল।

জীবন অর্থাৎ সংগ্রাম। যতদিন জীবন ততদিনই পাপের সহিত সংগ্রাম, প্রলোভনের সহিত সংগ্রাম। সংগ্রামহীন, বিপ্লোভবিহীন জীবন আনন্দের আশা করিতে পারি না—তাহা আকাশকার বিষয়ও নহে। তবে গুণিরাছি এমন অবস্থা আছে যেখানে উপস্থিত হইলে আর সংগ্রাম করিতে হয় না। সেস্থান হইতে পতনের ভয় সচ্যাবনা নাই ই, উন্নতি আছে—অনন্ত উত্থান। ইহা ‘সিদ্ধাবস্থা’। কিন্তু আমাদের সম্বন্ধে জীবন অর্থাৎ সংগ্রাম।

ম্যাডাম গেয়েঁর জীবন হঠাৎ এখনও পাপের প্রলোভন চলিয়া যাব নাই। ঈশ্বর ব্যতীত অন্য কোন বিষয়ে তাঁহার মন আকৃষ্ট হইতে পারে এ চিন্তাও তাঁহাকে ক্রেশ দিত। চতুর্দিকের অন্ধকারে তিনি হতাশ হইলেন। অস্তুরে দুঃখের অবসান এখনও হয় নাই। ভগ্নহৃদয়ে তিনি ফ্রান্সিস কোম্বে (Francis de la Combe) পত্র লিখিলেন। অশুরোধ কবিলেন তাঁহার জন্য যেন তিনি প্রার্থনা করেন।

ফাদার কোম্বে (Father Combe) তাঁহার অবস্থা ঠিক বুঝিতে পারিলেন। ঈশ্বরের নিকটে গুরোধ করিয়াছেন বলিয়া এই দুঃখ আসিয়াছে, ম্যাডাম গেয়েঁর এই বিশ্বাস। কিন্তু তিনি বিশ্বাস করিতেন অন্য প্রকার। ঈশ্বর তাঁহাকে ত্যাগ করিয়াছেন তাঁহার এ ধাবণাও ভুল। তিনি বলিলেন ত্যাগ তো করেনই নাই, এই দুঃখ দিয়া ঈশ্বর তাঁহাকে আরও বেশী করিয়া গ্রহণ করিয়াছেন। ঈশ্বর ব্যতীত বাহাতে অন্য কোন বস্তুর উপরে তাঁহার নির্ভর স্থাপিত না হয় তাহার জন্যই

এই ব্যবস্থা। সেই মহানিষ্ঠুর যে এমন করিয়া সকল আশ্রয় ভাঙ্গিয়া দিতেছেন তাহাতে তাঁহার অসীম প্রেমই দেখা যাইতেছে। এই মত সম্পূর্ণরূপে গ্রহণ করিবার সাধ্য তখন না থাকিলেও ম্যাডাম গেয়েঁর শক্তচিত্ত ইহাতে সাধুনা লাভ করিয়াছিল।

২২এ জুলাই তাঁহার জীবনের বিশেষ স্মরণীয় দিন। বিশ বৎসর বয়সে এই দিনে সাধুর কথা শুনিয়া তাঁহার মহাপবিত্রতন ঘটিয়াছিল। তাই এই দিন তাঁহার নিকট চিরদিনই বিশেষ ভাবে স্মরণীয়।

জুলাই এর মধ্যভাগে তিনি ফাদাব কোম্ব্কে (Fath r Comb) দ্বিতীয় পত্র লিখিলেন। তাহাতে লিখিলেন যে ২২এ হাজার পূর্বে পত্রখানি পৌঁছিলে তিনি যেন সেদিন তাঁহার জগৎ বিশেষভাবে প্রার্থনা করেন। গন্তব্যস্থান বহুদূরে হইলেও ২২এ জুলাইর পূর্বেই পত্র পৌঁছিয়াছিল।

২২এ জুলাই আসন্ন উপস্থিত হইল। আজ বিশেষ করিয়া প্রার্থনা করিবার দিন। কিন্তু আজ শুধু প্রার্থনারই দিন নহে—প্রাপ্তিও শুভদিন আজ। আজ আর ভিক্ষা চাহিয়া বিলুপ্ত হইতে হইল না, দাতা যাহা দিনেই তিষ্ঠারূপে পাই তাহাতে পূর্ণ হইয়া গেল। মাত-বৎসরব্যাপী বিবহ-শুষ্কতার আজ অবসান হইল। এই দীর্ঘকালিক অন্ধকারই না তাঁহার দৃষ্টিকে আবির্ভাব করিয়া রাখিয়াছিল। আজ মুহূর্ত্তেই সমুদয় অপসারিত হইয়া গেল। প্রসাদ আলোকে তিনি দেখিলেন যে এতদিন যাহা ভাবিতেছিলেন তাহা সমস্তই ভুল। তিনি মনে করিতেছিলেন তিনি সকলই হারাইয়াছেন, এখন দেখিলেন কয় কিছুই হয় নাই, বরং বৃদ্ধি হইয়াছে। বুঝিলেন, এতদিন যাহাকে বঞ্চনা বলিয়া মনে করিতেছিলেন তাহা বঞ্চনা নহে—করুণা, ক্ষতি নহে প্রাপ্তি।

অন্তরের সকল ক্ষোভ, সমস্ত গ্লানি দূর হইয়া গেল । অবর্ণনীয় শান্তিতে তাঁহার হৃদয় পূর্ণ হইল । সমস্ত বস্তু প্রকৃত আলোকে তাহার সম্মুখে উদ্ভাসিত হইল । অপূর্ণ পুলকে তিনি সর্বভূতে ঈশ্বর এবং ঈশ্বরে সর্বভূত দর্শন করিলেন ।

১৭

গভীর শান্তিতে তিনি নিমগ্ন হইয়া রহিলেন । এখন আর তাঁহার আকাঙ্ক্ষা করিবার কিছু নাই, হারাইবার কিছু নাই, ভয় করিবার কেহ নাই । ঈশ্বরের যাহা ইচ্ছা তাহাই তাঁহার ইচ্ছা ।

জীবনে কোন দুঃখ ছিল না তাহা নহে । কিন্তু তাহা সত্বেও, সে সকলের উপরে স্থির শান্তি বিরাজ করিত ।

এখন তিনি কি করিবেন ? যে ভাবে জীবন যাপন করিতেছেন তাহা যে যথেষ্ট নহে, তাঁহান যে আরও কাজ করিবার আছে একথা তিনি অল্পরে অল্পবে অনুভব করিতেছিলেন । একবার মনে হইল আশ্রমবাসিনী সন্ন্যাসিনীগণের নিকটে থাকিয়া তপস্শায় জীবন কাটাইবেন । সেখানে ঈশ্বরসাধনার কোন ব্যাঘাত ঘটিবে না । জেনেবিব্ গ্র্যাঞ্জার ও আপন সাধ্বী ভগিনীকে এপণের আদর্শ-রূপে গ্রহণ করিবার ইচ্ছা হইল । কিন্তু তাঁহার মাতার কর্তব্য অসমাপ্ত বহিয়াছে । ভগবান ঠিক সময়েই তাঁহাকে ঠিক কর্যে নিযুক্ত করিবেন ভাবিয়া তিনি স্থির হইয়া রহিলেন ।

ক্রমে ঈশ্বরের ইচ্ছা প্রসুলিনির্দেশ করিয়া তাঁহাকে নূতন পথ দেখাইয়া দিতে লাগিল । তাঁহার মনে হঠল গৃহ ছাড়িয়া তাঁহাকে দূরে দূরাণ্ডে চলিয়া যাইতে হইবে । প্যারির একজন ধর্ম্ যাজকও সমুদয় বন্ধন ছিন্ন করিবার জন্ত তাঁহাকে উদ্বুদ্ধ করিলেন । তাঁহার সহিত কখনও ম্যাডাম গেয়েঁর আলাপ ছিল না । পবেও তাঁহাকে

আর কখনও দেখেন নাই। তাঁহার কথা উত্তরে ম্যাডাম গেয়েঁ বলিলেন যে সম্মানদিগকে সমুচিত শিক্ষাদান তিন্ন তাঁহার প্রতি ঈশ্বরের আর কি ইচ্ছা হইতে পারে? তিনি বলিলেন, তাহা আমি জানি না। ঈশ্বর যদি তাঁহার ইচ্ছা প্রকাশ করিয়া থাকেন তাহা হইলে পৃথিবীতে এমন কিছুই থাকি উচিত নহে যাহা সে ইচ্ছা পালন করিতে বাধা দেয়। তাহা পালন করিবার জন্য সম্মানও পরিত্যজ্য।

এইবার সকল বাধন ছিঁড়িয়া যায় বুঝি। গৃহের মধ্যে তাঁহাকে আর ধাবিতোছে না তাই সেই সীমাবদ্ধ আশ্রয়ের শীতল ছায়া হইতে টানিয়া আনিয়া তাঁহাকে যুক্ত প্রাস্তরের তপ্ত রৌদ্রের মধ্যে দাঁড় করাইয়া দিবার আয়োজন চলিতেছে। তিনি বুঝিলেন ফ্রান্সের পূর্বপ্রান্তবর্তী জেক্স (Gen) তাঁহাকে যাইতে হইবে ইহাই তাঁহার প্রভুর ইচ্ছা। সেখানে তাঁহার জন্ম কার্য্য অপেক্ষা করিতেছে। জেনেভার বিশপ ডার্বাটো (I, Lanthon)র অনুমোদন এবং ফাদার কে'ব'এর পরামর্শ গ্রহণ করিয়া তিনি জেক্স যাত্রার আয়োজন করিতে লাগিলেন। যাত্রার পূর্বে প্যারি ও নিকটস্থ স্থান সমূহে দুর্ভিক্ষ দেখা দিল। ম্যাডাম গেয়েঁ সেবার তুষ্ণা মিটাওয়া লইতে ক্রটি করিলেন না।

ঠিক হইল পুত্রদ্বয়কে যোগ্যব্যক্তির তত্ত্বাবধানে প্যারিতে রাখিয়া যাইবেন। কষ্টা সঙ্গেই থাকিবে। এই খানেই বিশেষ পরীক্ষা। অপরের হস্তে সম্মানের ভার ফেলিয়া চলিয়া যাইতে মাতৃহৃদয় কাতর হইয়া উঠিল, কিন্তু অবশেষে ঈশ্বর প্রেমই জয়লাভ করিল। ঈশ্বর তাঁহাকে বাহিরে ডাকিয়াছেন, সে আহ্বানবাণী তাঁহার কর্ণে আসিয়াছে। আর কি কোন বাধন তাঁহাকে ঘরের মধ্যে ধরিয়া রাখিতে পারে? সকল বন্ধন ছিঁড়িয়া গেল—তিনি বাহির হইয়া পড়িলেন। যাত্রার পূর্বে অনেক বার স্থিতি আসিয়াছিল, কিন্তু যাত্রা করিয়া, তিনি যে ঈশ্বরেরই

ইচ্ছা পালন করিতেছেন সে বিষয়ে তাঁহার মনে আর সংশয় মাত্র  
রহিলনা ।

১৯

১৬৮১ খৃষ্টাব্দের জুলাই মাসে প্যারি হইতে তিনি যাত্রা করিলেন।  
বাধা প্রাপ্তির আশঙ্কায় তাহাকে যথাসম্ভব গোপনে যাত্রা করিতে  
হইল। বাধাপ্রাপ্তির সম্ভাবনাও ছিল। তাঁহার প্রতি তাঁহার ভ্রাতা  
লা, মোখ্ এর তেমন সম্ভাব ছিল না এবং প্যারির আর্চ বিশপের  
উপরে তাঁহার যথেষ্ট প্রভাব ছিল। এই আর্চ বিশপ ফ্রান্সের  
রাজ্যের উপরে অসাধারণ প্রভাব বিস্তার করিয়াছিলেন, এবং ব্যক্তিগত  
স্বাধীনতার মূল্য তখনকার দিনে অল্পই ছিল।

এই সব কারণে ম্যাডাম গেয়েঁ গোপনে সেন নদীবক্ষে  
নৌকা যোগে যাত্রা করিলেন। সঙ্গে তাঁহার শিশু কন্যা, সিষ্টার গার্নিবে  
( Sister Garnier ) নাম ধারিণী এর ধর্মপ্রাণা রমণী ও তাঁহার  
দুই দাসী ছিলেন। যে পরিচারিকা তাঁহার কার্যক্ষেত্রে ও কারালয়ে  
আমদগসঙ্গিনী ছিলেন তিনি সম্ভবতঃ এই দুই জনের মধ্যে একজন।

ম্যাডাম গেয়েঁর বয়স এখন ৩৪ বৎসর। গৃহের আশয় তাঁহার  
লুপ্ত হইয়া গেল। এ যাত্রার পরিণাম যে কি, কোন্ সদন্য সহিতে,  
কোন্ আনন্দ বাহিত্তে যে তিনি চলিয়াছেন তাহা তিনি জানেন না।  
তিনি শুধু তাঁহার প্রভুর ডাক শুনিয়াছেন।

নদীবক্ষে তিনি নীরবে ঈশ্বর মনন করিতে লাগিলেন। বিষাদ  
তাঁহার হৃদয়কে ছায়াছন্ন করিয়া আসিতেছিল। শিশু কন্যা নিকটে  
বসিয়া লতাপল্লব দিয়া কতকগুলি ক্রস্ রচনা করিয়া মাতার বসনে  
সংলগ্ন করিয়া দিল। ম্যাডাম গেয়েঁ প্রথমে কন্যার কার্য লক্ষ্য  
করেন নাই, যখন লক্ষ্য করিলেন তখন দেখিলেন যে ক্রস্এ তিনি

আচ্ছন্ন। সিষ্টার গার্নিয়ে বালিকার নিকট ক্রস্ এর অংশ ভিক্ষা করিলেন। বালিকা বলিল—“না, সমস্ত আমার মার জন্ত।” সিষ্টার গার্নিয়ে বালিকার নিকট হইতে একটিমাত্র ক্রস্ লাভ করিতে পারিয়াছিলেন।

শিশুর এই আচরণে ম্যাডাম গেয়েঁ ভবিষ্যৎ জীবনের আভাস দেখিতে পাইলেন। বুঝিলেন যে আহ্বান তাঁহাকে ঘরের বাহির করিয়াছে তাহা তাঁহাকে দুঃখের কণ্টকাকীর্ণ-পথে লইয়া যাইবে। তাঁহার সে পথ সুখকর ও সহজ হইবে না।

ক্ষণকাল পরে বালিকা পত্রপুষ্পেরচিত একটি মুকুট মাতার মস্তকে পরাইয়া দিয়া বলিল—ক্রস্ এর পরে তুমি জয়মুকুট লাভ করিবে।

তীরে বৃক্ষের প্রামলতা দেখিতে দেখিতে তিনি চলিলেন। কণ্ড ফুল ফুটিয়া রহিয়াছে, পাখীর কাকলি শোনা যাইতেছে, বৃক্ষতলে গৃহস্থের কুটীর। গৃহকর্তা ওই নদীতীরের পথ দিয়া গৃহে যাইতেছে। ম্যাডাম গেয়েঁর হৃদয় নিঃশ্বাস না ফেলিয়া পারিল না—গৃহ বলিতে তাঁহার আঁব কিছু নাই—তিনি গৃহহারা। হায়।।

২০

শুভবাসর ২২এ জুলাই এবার তাঁহার পথের মধ্যে পড়িল। চারি দিক হইতেই এদিনেব স্মৃতি তাঁহার নিকটে পুণ্যময়। প্রথম নব-জীবন লাভ এইদিনে, তাঁহার আধ্যাত্মিক বিবাহ ৩ এই দিনেই হইয়াছিল এবং তাহারপর সাত বৎসরের দীর্ঘ অন্ধকারের পরে এইদিনেই তিনি তাঁহার প্রভুর প্রসন্নমুখ দেখিতে পাইয়াছিলেন।

২১ এ জুলাই তিনি আঁসিতে (Anneci) অবতরণ করিলেন, ২২এ জুলাই ফ্রান্সি ডি ( St. Francis de sales ) সাল এর সমাধিক্ষেত্রে যাপন করিলেন।

তাঁহার পুনরতন ডিরেক্টার ডার্বাটোঁ। বারটোর মৃত্যুর পর বিশপ কর্তৃক ফাদার কোব্ তাঁহার স্পিরিচুয়াল ডিরেক্টার নিযুক্ত হইয়াছিলেন। ফাদার কোব্ এ কার্যের যোগ্য ব্যক্তি। এই নিয়োগে ম্যাডাম গেয়েঁ সুখী হইয়াছিলেন।

জেমস্‌ তিনি সমাদরে গৃহীত হইলেন। নির্দোষ শাস্তিতে দিন কাটিতে লাগিল। অনেকদিনই মধ্যরাত্তিতে তাঁহার নিদ্রা ভাঙ্গিয়া বাইত। ঈশ্বরানুভূতির আনন্দ আর তাঁহাকে গুমাইতে দিত না। প্রথমতমের সহবাসের বিমল আনন্দে তাঁহার নিভৃত রাত্রি কাটিয়া যাইত।

মহবেব কোলাহল হঠাৎ দূরে কম্বক্ষেত্রের সম্মুখে আসিয়া তাঁনি দাড়াইয়াছেন। কোন্‌ কাজ করিবেন তাহার কোন হিসাব তিনি করিয়া আসেন নাই। দুঃখী, আর্ন্ত, অজ্ঞের সেবায় তিনি এখন আপনাকে ব্যাপৃত করিয়া রাখিলেন। তাঁহার কার্যে পীত হইয়া জেনেতার বিশপ ডার্বাটোঁ। রুগ্নতা স্যাপন করিয়া তাঁহাকে এক পত্র লিখিলেন।

কিন্তু শুধু এই কার্যের জন্ত ভগবান তাঁহাকে আশ্বান করিয়া আনেন নাই। বৃহত্তর, কঠিনতর কার্য তাঁহাকে করিতে হইবে। অস্তরের ধনকে বাহিরে সন্ধান করিবার রীতি তখন সমাজে প্রচলিত। নূতন নব-নারী বিশ্বাসেব অত্যন্ত সহজ পথটি হারাইয়া আচার অনুষ্ঠান নিয়মপন্থম, ব্রত উপবাসের জটিলতার মধ্যে গুরিয়া মরিতেছিল। নিদ্দিষ্ট দান, নিদ্দিষ্ট কর্মকার্য পাপমুক্তি হয় এই বিশ্বাসে এই বাহু-ক্রিয়ার পথেই যাত্রীদলের জনতা হইয়াছিল। ইহাদিগকে অস্তরের মধ্যে প্রবেশ করাইতে হইবে,—সেই মহাকাব্য ম্যাডাম গেয়েঁর। বাহু-অনুষ্ঠান-সকল সমাজের অন্ধবিশ্বাসের উপরে আঘাত করিতে

হইবে এবং চিরাগত সংস্কারের ক্রম প্রতিঘাত তাঁহাকে বশ পাতিয়া লইতে হইবে। তাঁহার প্রতি তাঁহার শ্রমুর এই আদেশ। আজ্ঞা-শিরোধার্য্য করিয়া ম্যাডাম গেয়েঁ কার্য্যভার মাথায় তুলিয়া লইলেন। মুক্তকণ্ঠে সকলকে ডাক দিয়া তিনি বলিলেন—বিশ্বাসই মুক্তি।

তাঁহার হৃদয় ফাটিয়া এই যে কথা কয়টি বাতিল হইল—এই সরল সহজ অন্তরতম কথা কয়টি বাহিরে কি বিশ্বয়চাপল্যট সৃষ্টি করিল। হিতৈষিগণ সময়ে তাঁহাকে সাবধান হইতে অনুরোধ করিলেন। তাঁহার প্রথম প্রবনের গুরু সেই *Prance can* সাধু বলিলেন যে এখন যদি সাবধান না হন তাহা হইলে নির্ধাতনের দুঃখ বাণীত আর কিছু আশাকবা তাঁহার পক্ষে সম্ভব হইবে না।

কিন্তু তাঁহার পথ তাঁহার নিকটে সম্পূর্ণ পরিষ্কার হইয়া গিয়াছে। সে পথ হইতে তিনি নিবিতে পাবেন না—বতই লাগে না আসুক।

ফাদাব লা কোব্ একমাত্র তাঁহার পার্শ্বে দাঁড়াইলেন। পশ্চাদ্ভী হইলেও তিনি এবং ম্যাডাম গেয়েঁ একই পথের যাত্রী। তাঁহাকে অন্তরের পথে অগ্রসর করিয়া লইতে ম্যাডাম গেয়েঁ সাদামুঠ শক্তি ব্যয় করিতেন।

ফাদাব কোব্ এর আশ্রানে কয়েক দিনের ক্রম তিনি টোমোঁ গমন করিয়াছিলেন। লেমান (Leman) হ্রদ পার হইবার সময় প্রবল ঝড় উঠিল। মেঘে চারিদিক অন্ধকার, ক্ষুদ্র তবীখানি ও ধের উপর বারম্বার আহত হইতেছে, নৌচালকগণ ভীত হইল। ম্যাডাম গেয়েঁ কিন্তু ইহাতে ভয় করিবার কিছুই দেখিলেন না। অন্ধকার ও আলোক তাঁহার নিকটে সমান হইয়া গিয়াছিল। শাস্তিচিত্তে তিনি পরিণাম প্রতীক্ষা করিতে লাগিলেন। ক্ষুদ্র ষাড্রীদল সে যাত্রা রক্ষা পাইয়াছিল।



টোনোতে তিনি ১২ দিন উম্মূলিন কনভেন্টে যাপন করিয়া-  
ছিলেন। ভগবানের প্রতি নির্ভর করাই যে মানবের পরমগতি  
এ বাণী শুনাইতে তিনি এখানেও ভুলিয়া যান নাট।

এখানে তিনি এক সাধু সন্ন্যাসীর দর্শনলাভ কবিয়াছিলেন। ইনি  
য়ান্‌সেল্ম্ (Anselm) নামে পরিচিত। ১৯ বৎসর বয়সে সন্ন্যাস অব-  
লম্বন করিয়া তিনি কঠোর বৈরাগ্যে জীবন যাপন করিতে থাকেন।  
ফাদার কোব্ এবং ম্যাডাম গেয়েঁকে তিনি বলিয়াছিলেন যে  
ঈশ্বরের প্রসাদে তাঁহারা উত্তম বহু আত্মাকে ঈশ্বরের পথে আনিবার  
সহায় হইবেন। কিন্তু অগ্রে তাঁহাদিগকে বহুল দুঃখ বহন করিতে  
হইবে।

২১

বারদিন পরে তিনি পুনরায় ফ্রেন্সে এ ক্রিয়া আঙ্গিলেন।  
যে সত্য লাভ করিয়াছেন তাহা অপবকে দান করিবার জ্ঞান তিনি  
এবং ফাদার কোব্ একত্রে কক্ষক্ষেত্রে অবতীর্ণ হইলেন। এক  
দরিদ্রা রমণীর ধর্ম-খ্যাতি এই সময়ে বিস্তৃত হইয়া পড়িয়াছিল।  
বাহ্যধর্ম বর্জন করিয়া আধ্যাত্মিক ধর্ম দান করিবার জ্ঞান ভগবান  
এই নারীকে ম্যাডাম গেয়েঁর নিকটে আনয়ন করিলেন। বহু  
সংগ্রামের পর এই ক্ষেত্রে ম্যাডাম গেয়েঁর চেষ্টা সফল হইয়াছিল।

আরও কত স্থানে তাঁহার চেষ্টা সার্থকতা লাভ করিয়াছিল।  
ইহা তাহাব একটিমাত্র দৃষ্টান্ত।

কিন্তু বেশীদিন পথ নিষ্কণ্টক রহিল না। এই অভিনব যত্নের  
প্রতি লোকের বিশেষ দৃষ্টি আকৃষ্ট হইয়াছিল। ফাদার কোব্ এর  
প্রকাশ্য এক বক্তৃতাও বিশ্বয় ও উত্তেজনার সৃষ্টি করিল। বিশপ ডার্বাটোঁ  
শঙ্কিত হইলেন। ম্যাডাম গেয়েঁর ধর্মপ্রতিভা স্বীকার করিতে

তিনি স্বীকা করিতেন না কিন্তু তিনি বুঝিলেন এই নারীকে তাঁহার কর্তৃত্বাধীন স্থানের সীমার মধ্যে কার্য্য করিতে দিতে তিনি আর পারেন না। এ স্থানে আগমন করিতে যে তিনি সম্মতি দান করিয়া ছিলেন তাহা শুধু সাধারণভাবে ধর্ম্মকার্য্য করিবার জন্ত—মত প্রচার করিবার জন্ত নহে।

তাঁহাকে কর্ম্মক্ষেত্রে হইতে অপসারিত করিবার জন্ত বিশপ এক অভিনব পন্থা উদ্ভাবন করিলেন। ম্যাডাম গেয়েঁর নিকটে তিনি এই প্রস্তাব উপস্থিত করিলেন যে তাঁহার সম্পত্তি বা সম্পত্তির একাংশ জেফ্‌ এর কোন ধর্ম্মপ্রতিষ্ঠানে দান করিয়া তিনি তাঁহাকে তাহার কর্ত্রী (Phores) হউন। তাপমনেত্রীর কার্য্য তাঁহাৎ সময় ও শক্তিকে অধিকার করিয়া থাকিবে, বাহিরে আর তাঁহাৎ প্রভাব বিস্তারিত হইতে পারিবে না—এ আয়োজনের উদ্দেশ্য ইহাই। এ প্রস্তাব কার্য্যে পরিণত করা ম্যাডাম গেয়েঁর পক্ষে কিছুই অসম্ভব নহে। যে সম্পত্তি তাঁহার নামে আছে তাহা ধর্ম্মার্থে ব্যব করাই তাঁহার উদ্দেশ্য। কিন্তু কে তাঁহার অন্তরে বলিল—ঈশ্বর তাঁহাৎে যাহার জন্ত এ স্থানে লইয়া আসিয়াছেন এ ব্যবস্থা দ্বারা তাহার কার্য্য পূর্ণ হইবে না।

কিন্তু বিশপ ডার্বাটো বন্ধ পরিকর। তিনি ফাদার কোব্‌কে বলিলেন যে ম্যাডাম গেয়েঁ তাঁহার যেরূপ বাধ্য তিনি যদি তাহার ডিরেক্টাররূপে তাঁহাকে এই কাজ করিতে আদেশ করেন তাহা হইলে তিনি নিশ্চয়ই করিবেন।

ফাদার কোব্‌ বলিলেন, সেই জন্তই আমি তাহা করিতে পারি না। বিশ্বাস যেখানে আছে সেখানে সেই বিশ্বাসের অপব্যবহার যাহাতে না হয় সে জন্ত বিশেষ সতর্ক হওয়া প্রয়োজন। ম্যাডাম

গেয়েঁ আমার প্রতি যে বিশ্বাস স্থাপন করিয়াছেন এবং তাঁহাও যে আধ্যাত্মিক ভার আমি প্রাপ্ত হইয়াছি তাহারই স্বযোগ লইয়া তাঁহাকে এ কার্যে বাধ্য—আমি করিব না ।”

বিশপ বলিলেন যে তাহা হইলে তিনি ফাদার কোব্কে পদচ্যুত কানাবন ।

উত্তরে লা কোব্ যাহা বলিলেন তাহার মর্ম্ম এই যে—তাঁহার হোক । যাহা অন্তায় বলিয়া বিশ্বাস করি তাহা করিতে পারি না বিবেকেব বিরুদ্ধে কোন কাজ করা অপেক্ষা এবং যাহাকে আশিষ্টন করিতে প্রস্তুত—পদচ্যুত তো তুচ্ছ কথা ।

ম্যাডাম গেয়েঁর অবস্থা নিরাপদ নয় বুঝিয়া ফাদার কোব্ ১২শ্রুগাং তাঁহাকে পত্র লিখিলেন । বিশপের সহিত তাঁহার যে কণোপকপন হইয়াছে তাহা সমস্তই জানাইলেন । ম্যাডাম গেয়েঁ কিছু আবেচলিত চিন্তেই আপন কার্য্য করিয়া যাইতে লাগিলেন । বোগীর সেবা, দুঃস্থের অভাবমোচন, অজ্ঞের শিক্ষাবিধান—এ সকল কাজ তো তাঁহার ছিলই, কিন্তু সর্বোপরি তাঁহার কর্তব্য ভাবস্ত ধর্ম্ম ও ধর্ম্মের মৃত অদয়ব এই দুয়ের পার্থক্য মানুষকে বুঝাইয়া দেওন\* । \* তখন ধার্ম্মিকতা ছিল, ধর্ম্ম ছিলেন না । এই ধর্ম্মকে আনিতে হইবে, রাখিতে হইবে । ইহারই জন্য ম্যাডাম গেয়েঁর এ পৃথিবীতে আসা ইহার জন্য কণ্টকময় পথে বিচরণ করিয়া চরণকে রক্তাক্ত করা । সে শোণিতচিহ্ন আজও পৃথিবী হইতে মুছিয়া যায় নাই ।

\* বর্তমান দুর্দিনে হিন্দুধর্ম্মের যে অবস্থা হইয়াছে, রোমান ক্যাথলিক সমাজেও এক সময়ে সেই অবস্থা উপস্থিত হইয়াছিল । যতই পাপ কর না কেন, বিশেষ অনুষ্ঠানদ্বারা তাহার জায়শ্চিত্ত হইয়া যায় এই বিশ্বাস থাকিলে মানুষের জীবন বেক্রম হইতে পারে, সে সমাজেও তাহাই হইয়াছিল । আর শুধু হিন্দুসমাজ কেন বর্তমান কালে সকল ধর্ম্ম সমাজের পণ্ডিতই বহিমুর্খী ।

বার্লিকাওয়সে বিদ্যালয়বাসকালে তিনি দৈবক্রমে আপন কক্ষে একখানি বাইবেল প্রাপ্ত হইয়াছিলেন। সেই দিন হইতে বাইবেল তাঁহার প্রাণের প্রিয়। এখন কেহ যাহাতে বাইবেল পাঠ হইতে বঞ্চিত না হয় তিনি সেই চেষ্টা করিতে লাগিলেন। প্রচলিত ধর্ম্মের বিরুদ্ধে এই তাঁহার আর এক অপরাধ। \*

জ্যেষ্ঠ পৌছবার পরেই বিশপ ডার্নাটোঁ ম্যাডাম গেয়েঁর সহিত একবার সাক্ষাৎ করিয়াছিলেন। সে সময় তিনি খণ্ডের ধর্ম্মের কথা তাঁহাকে শুনাইয়াছিলেন। ক্যাথলিক বিশপের হৃদয়ের গভীর স্থানকে স্পর্শ করিয়াছিল। তিনিও অকপটে আপনার মনের কথা ব্যক্ত করিয়াছিলেন, নিজের ভ্রান্তি স্বীকার করিয়া ছিলেন। তাহার পরে যতবার ম্যাডাম গেয়েঁ এ বিষয়ে কথা কহিয়াছেন তিনি শ্রদ্ধা সহিত তাহা সত্য বলিয়া স্বীকার করিয়াছেন।

কিন্তু হৃদয় স্বীকার করিলে কি হয়, কার্য্যে তিনি তাহা স্বীকার করিতে পারিবেন না। করিলে, তাঁহার বিশপের কর্তৃত্ব করা হইবে না, চার্চের বিরুদ্ধে কাজ করা হইবে। ম্যাডাম গেয়েঁ যাহা বলিতে ছেন, চার্চের সনাতন নিয়মের সহিত তাহার মিল নাই। সুতরাং চার্চকে রক্ষা করিবার জন্য ম্যাডামগেয়েঁকে দমন করিতেই হইবে।

বিশপ ডার্নাটোঁর মনেও সন্দেহ আসিত। লোকে যখন বলিত যে বিশপ এত দুর্বলচিত্ত ব্যক্তি যে অসত্যবাদী তিনি আপনাকে

\* ব্রাহ্মণ ভিন্ন অপরের বেমন বেদ পাঠে অধিকার ছিল না, রোমান ক্যাথলিক সমাজে বাইবেল পাঠেও তেমন পুরোহিত মণ্ডলীর নিজস্ব অধিকার ছিল। জনসাধারণে তাহা পাঠ করিবার কোন আবশ্যিকতা অনুভূত হইত না।

চার্লিও হইতে দিতেছেন, তখন তাহার মন হইতে ম্যাডাম গেয়েঁর অস্তরের প্রভাব অপসারিত হইয়া যাইত। এই নারীর সহিত আলাপের পর তিনি কতবার আপনাকে উচ্চতর, অভিজ্ঞতর বলিয়া অনুভব করিয়াছেন, কিন্তু অপরের কথায় তাহার অস্থিরসংকল্প-চিত্ত সকলই ভুলিয়া যাইত।

কেহ কেহ অবলারমণীর এত প্রভাব সহিতে না পারিয়া দীর্ঘ পরামর্শ হওয়া উঠিয়াছিল। তিনি অনেকের অনেক বন্ধের বিকল্পে কথা বাগমাছেন ও প্রকৃত্তি কেহ কেহ তাহাকে প্রীতির চক্ষে দেখিতে পারেন নাহ এবং কেহ কেহ সত্যত তাহার মতকে রোম্যান-ক্যাথলিক ধর্মের বিরোধী বলিয়া মনে করিতেন। ইহাদের প্রভাবে বিশপ ডাবাটোঁ ক্রমে তাহার বিরুদ্ধতলে গিয়া দাঁড়াইয়াছিলেন।

ইহার উপরে ফাদার কোব্‌এর আচরণ এবং তাহার প্রদত্ত উপদেশ তাহাকে আরও চঞ্চল করিয়া তুলিয়াছিল। এই অবস্থায় তিনি ম্যাডাম গেয়েঁকে অবসর বিহীন এবং অর্থসম্বন্ধে পরাধীন করিবার চেষ্টা করিয়া বিফল হইলেন। ইহার পর হইতে তিনি ঠিক শত্রু না হইলেও বন্ধু আর রাখিলেন না। এইরূপে সম্পূর্ণ অবাকৃত অবস্থায় একাকিনী নারী নানা বিপদের সম্মুখীন হইলেন। তাহাকে সকলে ধর্মদ্রোহী বলিতে লাগিল। ব্যক্তিগত নানা অসুবিধা ও উপদ্রব আসিয়া দেখা দিল।

কিন্তু বাহিরে যতই হারাইতে লাগিলেন, অস্তর তাহার ততই পরিপূর্ণ হইয়া উঠিতে লাগিল। আপনার অস্তরে বর্দ্ধিত শক্তি অনুভব করিয়া তিনি নিজেই বিখ্যাত হইলেন, অপরেও তাহা লক্ষ্য করিল। অসহায়ের সহায় যিনি তিনি তাহার কোন অভাবই রাখিলেন না।

২২

ম্যাডাম গেয়েঁ দেখিলেন চারিদিকে অন্ধকার সঞ্চিত হইয়া উঠিতেছে। কিন্তু তিনি বলিয়াছেন, “আমি ঈশ্বরে ও ঠাঁহার বাক্যে আশ্রয় এবং সাহায্য লাভ করিলাম।”

একদিন তিনি স্বপ্নে দেখিলেন চিত্রিত যীশুখ্রীষ্টের ন্যায় ফাদার কোব্ একটি ক্রস্‌এ বিদ্ধ হইয়া রহিয়াছেন। ঠাঁহার চারিদিকে ভীষণ জনতা। তাহার পর দেখিলেন, যে দণ্ড প্রথমে শুধুই ফাদার কোব্ এর বনিয়া মনে হইয়াছিল, তাহা হঠাৎ তিনিও বান্ধে হইলেন না—লাঞ্ছনা অপমানের ঠাঁহারও প্রাপ্য অংশ রাখাচ্ছে।

বিশপ ডার্বাট্টেঁ ম্যাডাম গেয়েঁর বিপক্ষে দাঁড়াইয়াছেন এ সংবাদ প্রচার হইতে বিলম্ব হইল না। শত্রুর দল বাড়িতে লাগিল।

জেম্‌ এর একজন বিশিষ্ট ধর্ম্মযাজক ম্যাডাম গেয়েঁর বিরুদ্ধে ক্ষুদ্র একটি দলগঠন করিয়া নজে তাহার নেতৃত্ব গ্রহণ করিলেন।

ম্যাডাম গেয়েঁর অবস্থাকে যথাসম্ভব কষ্টকর করিয়া তোলা ও ঠাঁহাকে জেম্‌ হঠাৎ বিতারিত করাই এই দলের একমাত্র উদ্দেশ্য হইল। ধর্ম্মযাজকের ক্রোধের কারণ এই যে ম্যাডাম গেয়েঁ, অসহায়া এক সুন্দরা বালিকাকে ঠাঁহার অসদাভিপ্রায় হইতে উদ্ধার করিয়া ধর্ম্মপথে আনয়ন করিয়াছিলেন।

ইহার অক্রান্ত পবিত্রমে ঠাঁহার কুস্মা রটনা করিতে লাগিলেন। ম্যাডাম গেয়েঁ সমস্তই জানিতেন কিন্তু তিনি এ সম্বন্ধে সম্পূর্ণ উদাসীন রহিলেন।

যে আশ্রমে তিনি বাস করিতেছিলেন সেখানকার কত্ৰী ও অধিবাসিনীগণ ক্রমে ঠাঁহার উপর বিরক্ত হইয়া উঠিলেন। ঠাঁহাদের বিরুদ্ধ আচরণ দিন দিনই অত্যন্ত কষ্টকর হইতে লাগিল। ঠাঁহার

শরীর নিতান্ত দুর্বল ছিল, সেই জন্য তাঁহার ও কল্লার কার্য্য করি-  
বার জন্য দুইজন পরিচারিকার সাহায্য তাঁহার পক্ষে অপরিহার্য্য  
হইয়া পড়িয়াছিল। আবশ্যক হইলেই ম্যাডাম গেয়েঁ আশ্রমের  
কার্য্যের জন্য আপনার দাসীদিগকে প্রেরণ করিতেন। ইহাতে  
অবশ্যে এই হইল যে নিজের অত্যাবশ্যক কার্য্যগুলির জন্যও  
তিনি আব তাঁহার পরিচারিকাদিগের সাহায্য পাইতেন না, অপটু  
শরীর লইয়াই তাঁহাকে সমস্ত সকল কৰ্ম্ম করিতে হইত।

উপদ্রব নানা উপায়ে আসিয়া উপস্থিত হইতে লাগিল। পূর্ব  
কথিত চিত্রহীন সেই পক্ষ যাক্‌কটি তাঁহার পত্রাদি খুলিয়া  
পাওতেন। বাত্রিবেলার গবাক্ষপথে বিকট মূর্ত্তি সকল দেখা দিত,  
ভয়ানক শব্দ শোনা যাইত, জানালার বাচ ভাঙ্গিয়া পড়িত। তিনি  
বলিয়াছেন এত উপদ্রবেও তাঁহার অস্তরের সমাহিত শান্তি চঞ্চল  
করাতে পারে নাই।

জেন্ন্‌ এ তাঁহার বন্ধন ছিল। যে বালিকাকে তিনি রক্ষা করিয়া  
ছিলেন, আত্মনবেদনের পথে সে দিন দিন অগ্রসর হইতেছিল,  
এবং তাহার প্রতি তাহার ভালবাসাও ততই বাড়িতেছিল। এইরূপে  
আ 'ও অনেক বন্ধন তাঁহাকে জেন্ন্‌এ রাখিয়া রাখিয়াছিল। তথাপি  
প্রাণনা ও চিন্তার পর তাঁহার মনে হইল যে জেন্ন্‌ পরিত্যাগ করিবার  
সময় আসিয়াছে।

সম্ভবতঃ ১৮৮২ অব্দের বসন্ত আগমনে তিনি কল্লা ও পরিচারিকা  
দ্বয়সহ জেন্ন্‌ ত্যাগ করিলেন। টোনোঁতে ফাদার কোব্‌ এর পরামর্শ  
ও সাহায্য পাইবেন এবং সেখানে হয়তো নির্যাতন কম এবং  
কার্য্য বেশী হইতে পারিবে এই আশায় তিনি টোনোঁ যাত্রা স্থির  
করিলেন। নূতন স্থানে নূতন কার্য্য করিতে, নূতন সংগ্রাম সহিতে

তিনি চলিলেন। জেনেতা হইতে ১৬ মাইল উত্তর পূর্বদিকে টোনোঁ  
সহর। ম্যাডাম গেয়েঁ সেখানকার উদ্ভূতিন কন্ভেণ্টের অধিগামী  
হইলেন।

ম্যাডাম গেয়েঁ যে দিন টোনোঁ পৌঁছলেন তাহার পরদিনই  
ফাদার কোঁব্‌এর আওষ্ট (Aoust) যাত্রা করিবার কথা। যাত্রার পূর্বে  
তিনি সাক্ষাৎ করিতে গেলেন। নূতন স্থানে সন্দেহ ও অবিশ্বাসের  
ক্রুর দৃষ্টির মধ্যে নির্বাতিতা নারীকে একাকিনী ফেলিয়া যাইতে  
তাঁহার হৃদয়ে বাথা ল'গল। কিন্তু আব উপায় নাই। আওষ্ট হইতে  
তাঁহাকে রোমে যাইতে হইবে। সম্ভবতঃ সেখানে কিছুদিন থাকিতেও  
হইবে।

ম্যাডাম গেয়েঁ তাঁহার কথা শুনিয়া বলিলেন—“পিতা, আপনি  
চলিয়া যাইতেছেন ইহাতে আমি কোন ক্লেশ পাইতেছি না। ঈশ্বর  
যখন মানুষের মদ্য দিয়া সাহায্য প্রেরণ করেন, তাহার জন্য আমি  
কৃতজ্ঞ থাকি। যখন তিনি মানুষের সাহায্য ও সাহায্য প্রত্যাশার  
করা উচিত বোধ করেন, আমি তাহাতেই সন্তুষ্ট থাকি। এই পবিত্র  
ক্ষণে দিনে আপনার উপস্থিতিকে আমি যেকোন মূল্যবান মনে করি,  
সেইরূপ ঈশ্বরের যদি ইচ্ছা হয় যে আপনি কখনও আপনার সাহায্য আমার  
সাক্ষাৎ হইবে না, তাহাতেও আমি সম্পূর্ণ সন্তুষ্ট।” তাহার মনের  
এইরূপ অদৃষ্টি দেখিয়া ফাদার কোঁব্‌ সুস্থমনে বিদায় গ্রহণ  
করিলেন।

আপনাকে সমর্থন করিবার জন্য ম্যাডাম গেয়েঁর মনে অসহিষ্ণু  
চঞ্চলতা ছিলনা। জেয়্‌ এ তিনি অশেষ প্রকারে ক্ষতি সাহায্যছিলেন।  
এমন কি তাঁহার নির্মূল চরিত্রের বিরুদ্ধে গোপনে গোপনে কুৎসা  
রচিত হইয়া ছিল। সমস্ত ভার ঈশ্বরের হস্তে রাখিয়া ম্যাডাম গেয়েঁ



নিশ্চিত ছিলেন । তিনি জানিতেন সত্য যাহা তাহার পক্ষে দাঁড়াইবার লোকের অভাব হইবে না । ঈশ্বর সকল ব্যবস্থা ক্রমে ক্রমে—শুধু যদি তাঁহার হস্তে সমস্ত ভার দেওয়া যায় । মানুষের কাজ ‘বিচলিত হওয়া নহে’, তাহার কাজ ‘সহ করা ।’

তিনি ভাবিয়াছিলেন, টোন্টো কয়েক সপ্তাহ একান্তে যাপন করিবেন । শরীর ও মন উভয়েই বিশ্রাম আবশ্যক হইয়াছিল । কিন্তু ক্ষুধিত নরনারী শব্দই তাঁহাকে খুঁজিয়া লইল । এইরূপ নরনারীকে জননী গেয়েঁ তাঁহার ‘সন্তান’ বলিতেন । বাস্তবিকই তিনি ‘জননী’ ছিলেন । ইহার মাতৃরূপ শুধু মানবের অসহায় শৈশবের প্রতি স্নেহ সেবাদানে পর্যাপ্ত হইতে পারে না ; পরিণত জীবনের দুর্দিন অন্ধকারের মধ্যে ইহার মাতৃরূপ উদ্বিগ্নচিত্তায় জাগিয়া বসিয়া থাকিত, মাথাব ন্যায়ই তিনি কল্যাণহস্তে সন্তানের সমুখে প্রদীপ ধরিয়া থাকিতেন । তিনি যেখানে গিয়াছেন, দেখিয়াছেন তাঁহার সহ নগণ ক্ষুধিতচিত্তে তাঁহার জন্ত অপেক্ষা করিয়া আছে ।

এই সময়ের কথা তিনি বলিয়াছেন—“আমার অস্তরের নির্ভর-শীলতা ও শান্তি অত্যন্ত অধিক ছিল । কয়েকদিন আমি আমার নির্জ্ঞান ক্ষুদ্র কল্পটিতে একাকী নিব্বিয়ে ছিলাম । ঈশ্বর সম্ভ্রামণ ও সম্ভোগের পূর্ণ অবসর আমনি পাইয়াছিলাম ।” কিন্তু জননী যিনি তাঁহার একাকী বিরলে ভোগ করিবাব সুযোগ নাই । অবিলম্বে প্রার্থী আসিয়া ঘানে দাঁড়াইল । ঈশ্বরের সহিত মিলন তাঁহার নিকটে অত্যন্ত মূল্যবান হইলেও, ঈশ্বরের আদেশে সে মিলনসুখ ভঙ্গ করিতে তিনি বাধ্য হইতেন । ক্ষুধিত সন্তান ঘারে আসিয়া এট মিলন সুখে বানাদিলে ঈশ্বরের ইচ্ছায় সে বাধা তিনি মানিয়া লইতেন । তিনি বলিয়াছেন, ইহাতে তাঁহার এই শিক্ষা হইল যে—কর্মের নিষ্ঠুর কোন

মূল্য নাই, যে ভাব হইতে কস্ম করা হয় তাহাই বিচার করিয়া কস্মের মূল্য নিরূপণ করিতে হইবে ।

তিনি ধৈর্যের কহিত সকল প্রশ্নেরই উত্তর দিতেন, সকলকে উপদেশ দান করিতেন । তাঁহাদের মধ্যে যদি যথার্থ ধর্ম্মপিপাসু ব্যক্তি থাকিতেন, ম্যাডাম গেয়েঁ তাঁহাদিগকে হাতে ধরিয়া বিশ্বাসের সরল পথে লইয়া আসিতেন ।

কিছুদিন পরে বিশপ ডার্বাটোঁ কার্যোপলক্ষে টোন্টোঁ আসিলেন । পুনর্বার তাঁহাদের সাক্ষাৎ হইল । জের্ম্ এ গির্জা গিয়া আশ্রমের কতৃৎ ভার গ্রহণ করিবার জন্য বিশপ তাঁহাকে পুনর্বার বিশেষ অনুরোধ করিলেন । কিন্তু ম্যাডাম গেয়েঁ এই অনুরোধ রক্ষা করিতে পারিলেন না । তিনি বলিলেন “আপনি ধর্ম্মাচার্য্য । ঈশ্বর ব্যতীত আর কাহাকেও গ্রাহ্য করিয়া আর কাহারও প্রতি দৃষ্টি রাখিয়া যেন আপনি কোন কথা না বলেন ।” বিশপ একটু চঞ্চল হইয়া উঠিলেন, তাহার পর বলিলেন, “আপনি যখন একপ বলিতেছেন তখন আপনাকে একাজ করিতে আমি পরামর্শদিও পারি না । যাহাকে ধর্ম্মের আশ্রম বলিয়া মনে হয় তাহার বৈকল্যে চলিবার স্বাধীনতা আমাদেরই নাই । আমাদের মধ্যে যাহা হইয়া গিয়াছে তাহার পরে শুধু ইহাই বলিতে পারি যে, আমার ইচ্ছা আপনি যখন মাত্ৰ জের্ম্ এর আশ্রমকে সাহায্যদান করেন ।” ম্যাডাম গেয়েঁ স্বীকার করিলেন । প্যাবা হইতে টাকা আসিল । মাত্র শত Pistoles পাঠাইয়া দিয়া তখন জানাইলেন যে বর্তমান বিশপ ডার্বাটোঁ কার্য্য ক্ষেত্রের মধ্যে থাকিবেন ততদিন ইহা তাঁহার বার্ষিক দান ।

তাঁহার নিকট হইতে ষাইবার পর অপরের প্রভাব আবার বিশপ ডার্বাটোঁকে বিচলিত করিল । পুনর্বার তিনি জানাইলেন যে

ম্যাডাম গেয়েঁ'র জেঞ্জ এ যাওয়াই কর্তব্য ইহাই তাঁহার দৃঢ় বিশ্বাস এবং তাঁহার প্রভাব এবং কর্তৃত্ব সঙ্গতরূপে যতদূর প্রয়োগ করা যাইতে পারে তদ্বারা তিনি তাঁহাকে এ কাজ করিতে আদেশ করিতেছেন ।

উত্তরে ম্যাডাম গেয়েঁ বলিলেন যে, এখন বিশপ মাস্তুয়ের প্রভাবে পাডমা “মাস্তুষ” রূপে কথা কহিতেছেন ইহা মনে করিবার তাহার কারণ আছে । যখন তিনি উচ্চতর ভাণ হইতে ঈশ্বরেরদিকে চাহিয়া কথা কহিতেছেন বলিয়া মনে হইয়াছিল তখন তাহার অশ্রুসঙ্গ কঁরিয়া চলা তিনি কর্তব্য বলিয়া বোধ করিয়াছিলেন ।

বিস্ময় প্রণয়িত হইল । রোম্যান ক্যাথলিক চার্চকে তিনি প্রাণের অধিক ভালবাসিতেন তাহারই শত্রু বলিয়া তিনি এখন ধোষিত হইলেন ।

কিন্তু কেবল এমনি যোগ্যতার পরেই তিনি নব আন্দোলকে বাধা দিবার জন্য চেষ্টা হইতেছিল এবং তাঁহার চরিত্রের বিরুদ্ধে কুৎসা সূচনা হইতে লাগিল । ম্যাডাম গেয়েঁ'র কর্ণেও অনেক কথা আসিত । তিনি জানিতেন সে সকলই মিথ্যা । লোকে বলিল যে তিনি কেবল এমনি বাক্যই ম্যাডাম গেয়েঁ'র জেঞ্জ'এর কার্য গ্রহণ করেন নাই । কিন্তু একথা সম্পূর্ণ মিথ্যা । ঈশ্বরের ইচ্ছা অন্যরূপ বুঝিয়াছিলেন বলিয়াই তিনি আপনাকে জেঞ্জ এ নিয়ে সন্তুষ্ট কবেন নাই ।

একজন বলিলেন—“চলু বিশপের মত এই যে আপনার সেখানে যাওয়া উচিত । এ বিষয়ের বিচার তার তাঁহারই হস্তে থাকা উচিত নহে কি ? এই রকমের বিষয়ে ঈশ্বরের ইচ্ছা যে কি তাহা বিশপ অপেক্ষা ভাল জানিতে কে পারে ?” এই রূপ প্রশ্নে সম্মান মনোযোগ

প্রদান ব্যতীত অন্য উত্তর তিনি দান করিতেন না। এ সম্বন্ধে ঈশ্বরের ইচ্ছা তিনি এত সুস্পষ্ট বুঝিয়াছিলেন, যে তাঁহার মনে সংশয় লেশমাত্র ছিল না।

তিনি নিভয়ে আপন কার্য্য করিয়া যাইতেছিলেন। টোনোতে এই আধ্যাত্মিক আন্দোলন শক্তিশালী হইয়া উঠিল। কত হৃদয়ে মহা পরিবর্তন সাধিত হইল। যে সকল লোক তাঁহার নিকটে আসিত তাহাদিগকে তিনি তিনভাগে বিভক্ত করিয়াছেন। ( ১ ) ধর্ম্মানুভববর্জিত, ( ২ ) ধর্ম্মের প্রতি শ্রদ্ধা থাকিলেও আগ্রহহীন, পাপপুণ্যে একরকম করিয়া জীবন কাটাওয়া দেওয়া—ইহাব উর্দ্ধে যাহাদের আকাঙ্ক্ষা উখিত হয় না, ( ৩ ) ধর্ম্মের জন্য ভূষিত।

ধর্ম্মকাঙ্ক্ষাবিহীন যাহারা এবং সম্ভবতঃ যাহারা কতকগুলি কর্ম্মেব অনুর্ত্তান দ্বারা স্বর্গক্রম করিয়া লইবে এই আশা মনে করিয়া নিশ্চিন্ত হইয়া আছে তাহাদিগকে তিনি বুঝাইতে চেষ্টা করিতেন যে সত্যকে হারাইয়া কতকগুলি অসত্যের কল্পনা লইয়া তাহারা বাস করিতেছে।

ধর্ম্মের প্রতি যাহাদের একটুও শ্রদ্ধা আছে তাহাদের ধর্ম্মস্পৃহাকে বলশালী, শ্রদ্ধাকে সমুন্নত করিবার চেষ্টা তিনি করিতেন এবং যাহারা ভূষিত হন তাহাদিগকে তদুপযোগী উপদেশ দান করিতেন।

বাহিরের উচ্চ এবং সুমার্জিত গুণাবলী ধর্ম্ম নহে, অন্তরের আবেগময় ভাব প্রবণতাও ধর্ম্ম নহে, সদাকাঙ্ক্ষা, শুভইচ্ছা থাকিলেই যে সম্পূর্ণ ঈশ্বরের হওয়া হইল এমনও নহে। ঈশ্বরের হওয়া যাব শুধু আপনাব ইচ্ছাকে তাঁহার চরণে সম্পূর্ণ বিসর্জন করিয়া। এই কথাটি তিনি বুঝাইতে প্রাণপণে চেষ্টা করিতেন।

ধর্ম্মশীল বলিয়া যাহাদের খ্যাতি চতুর্দিকব্যাপ্ত তাঁহারাও তাঁহার নিকটে আসিতেন। তাঁহারা নিজেরাও আপনাদিগকে বিশেষ পুণ্যাত্মা

বলিয়া বিশ্বাস করিতেন। বাহিরে তাঁহাদের অনেক গুণ ছিল যাহা উল্লেখ যোগ্য; কিন্তু অন্তরের দীনতা কোথায়? সমস্তই না দিলে যে কিছুই পাওয়া যায় না!

এক শ্রেণীর লোক তাঁহার নিকটে আসিতেন যাহাদের উদ্দেশ্য ছিল কেবল তাঁহার কথার মধ্য হইতে ছিদ্র ধরিয়া লইয়া তাহারই সমালোচনা করা। কে কোন্ উদ্দেশ্য লইয়া আসিয়াছেন তাহা তাঁহাদের মুখের ভাব দেখিলেই ম্যাডামগেয়েঁ বুঝিতে পারিতেন। ছিদ্রাঘেষীর নিকট বলিবার তাঁহার কিছুই ছিল না। চেষ্টা করিলেও তিনি তাঁহাদের সম্মুখে কথা কহিতে পারিতেন না। তিনি অনুভব করিতেন যে ঈশ্বরের ইচ্ছা নয় যে তিনি এমন কথা কহেন। হতাশ ও বিরক্ত হইয়া তাঁহারা চলিয়া যাইতেন। তাঁহার মৌনভাবে তাঁহারা নিরুদ্ভিতার ফল বলিয়া মনে করিতেন এবং তাঁহার নিকট যাহারা উপদেশপ্রার্থী হইয়া আসেন তাঁহাদের বুদ্ধিকে ধিক্কার দিতেন।

একবার এই শ্রেণীর কয়েকজন লোক তাঁহার নিকট হইতে চলিয়া যাইবামাত্র ত্রস্তউদ্বেগে একব্যক্তি আসিয়া বলিলেন যে সহৃদয়ে ইঁহারা তাঁহার নিকট আসেন নাই। তাঁহার বিকল্পে প্রয়োগ করা যাইতে পারে এমন কথা তাঁহারই বাক্যের মধ্য হইতে সংগ্রহ করিবার উদ্দেশ্যে ইঁহারা প্রেরিত হইয়াছিলেন। ইঁহাদের সহিত কথা না বলিবার জন্য তাঁহাকে সতর্ক করিয়া দিতে তিনি আসিতেছিলেন, কিন্তু কোন মতেই ঠিক সময়ে আসিয়া পৌঁছিতে পারেন নাই। ম্যাডাম গেয়েঁ বলিলেন—তোমার আগমনের পূর্বেই ঈশ্বর এই মঙ্গল উদ্দেশ্য পূর্ণ করিয়াছেন। এমনই আমার মনের অবস্থা ছিল যে তাহাদের সহিত আমি একটি কথাও বলিতে সমর্থ হই নাই।”

ম্যাডাম গেয়োঁ সাধারণ প্রচারক বা প্রকাশ্য বক্তার পছন্দ অবলম্বন করেন নাই। তাঁহার প্রচার চেষ্টা, নারী প্রকৃতির হ্রী ও শ্রীকে বিন্দুমাত্র আঘাত করে নাই। উপদেষ্টা ও ধর্মার্থীর মধ্যে একটি ব্যক্তিগত সম্পর্ক রচিত হইত। আধ্যাত্মিক সম্বন্ধের সেই নিবিড়তার মধ্যে বসিয়া তাঁহারা পরস্পরের সহিত কথা কহিতেন, একান্তে দুজনে প্রার্থনা করিতেন, দূরে থাকিলে পত্রের মধ্য দিয়া যোগ রক্ষা করিতেন। ইহার ফল যে কি সুপ্রচুর হইত তাহা বলা যায় না। অল্পদিনের মধ্যে বহু সংখ্যক টোন্সোঁ বাসী তাঁহার একান্ত অনুরক্ত হইয়া পড়িল।

চতুর্দিকে সমাদর প্রাপ্ত হইলেও তিনি ভুলিয়া যান নাই যে পরীক্ষা তাঁহার জন্য অপেক্ষা করিতেছে। তিনি জানিতেন, জগতের দুঃখের ভার দূর করিতে যাহারা চেষ্টা করিয়াছেন তাঁহাদিগকেই অগ্রে দুঃখের অংশ গ্রহণ করিতে হইয়াছে।

টোন্সোঁর এতগুলি আত্মাকে ঈশ্বরের জন্য উন্মথ দেখিয়া আনন্দে তাঁহার মন বিহ্বল হইল। এই সব ব্যাকুল আত্মার মধ্যে ১২।১৩ বৎসর বয়স্কা বালিকারাও থাকিত। সমস্তদিন ইহাদিগকে জীবিকাার্জনের জন্য পরিশ্রম করিতে হইত। কিন্তু এমনই তাহাদের নিষ্ঠা যে কার্যের মধ্যেও তাহারা ঈশ্বরকে ভুলিয়া থাকিত না। যখন সকলে একত্রে কাজ করিত তখন তাহাদের মধ্যে একজন পাঠ করিত অপর সকলে শুনিত। হস্তে তাহারা কাজ করিত, অস্তরে ঈশ্বরের নিকটে প্রার্থনা করিত। তাহাদের জীবনে যে নির্মলতা যে সরল নম্রতা আসিয়াছিল তাহা দেখিলে মনে হইত যেন তাহারা এ যুগের মানুষ নহে। একত্রে প্রার্থনা, পরস্পরের মধ্যে ভালবাসা ইহাদের জীবনকে প্রফুল্ল করিয়া রাখিয়াছিল। কিন্তু এ মিলনের

শান্তি বেনীদিন রহিল না । উংপীড়ন আসিয়া তাহাদিগকে বিচ্ছিন্ন করিয়া দিল ।

ম্যাডাম গেয়েঁ এক রজকপত্রীর কথা বিশেষভাবে উল্লেখ করিয়াছেন । সে পঞ্চসন্তানের জননী । হতভাগিনীর কষ্টের অন্ত ছিল না । স্বামী দারুণ ক্রোধী ; পত্নীকে প্রহার করিয়াই তাহার বাহর সমুদয় শক্তি নিঃশেষিত হইত । দারিদ্র্য-পীড়িত সংসারের সমস্ত কার্য ও সংসারের উপকরণ সংগ্রহ—এ দুই ভারই পড়িয়াছিল দুর্বলা নারীর উপরে । ধর্মজীবন লাভের পর হইতে ইনি পরম ধৈর্যে সকল ভার বহিতেছিলেন । তিনি জীবনে গভীরভাবে ধর্ম উপলব্ধি করিয়াছিলেন । অনুক্ষণ ঈশ্বরের চক্রে সমক্ষে তিনি আপনাকে রাখিয়াছিলেন । তাঁহার প্রার্থনার মধ্যে আশ্চর্য্য ভাব ছিল ।

ম্যাডাম গেয়েঁর বহু শিষ্যের মধ্যে দুইজন দরিদ্র ব্যক্তি ছিলেন । ইঁহাদের মধ্যে একজন দোকানদার, অপরের কার্য ছিল তালা প্রস্তুত করা । দুজনেই গভীর ধর্মজীবন লাভ করিয়াছিলেন এবং স্বাভাবিকরূপেই পরম্পরের মধ্যে দৃষ্টি বহুতা জন্মিয়াছিল । পূর্বোক্ত রজকীর কঠোর সংগ্রামের কথা শুনিয়া তাঁহাদের মন ব্যথিত হইল । কোনওরূপে তাঁহার সাহায্য করিবার জন্য তাঁহারা ব্যাকুল হইয়া উঠিলেন । স্থির হইল তাঁহারা ধর্মগ্রন্থ পাঠ করিয়া তাঁহাকে শুনাইয়, আসিবেন । কিন্তু তাঁহার নিকটে গিয়া দেখিয়া বিস্মিত হইলেন, যে পুস্তক হইতে তাঁহারা যাহা শুনাইতেছেন, এই রমণী পূর্বেই ঈশ্বরের নিকট হইতে তাহা জানিয়াছেন । তখন তাঁহারা ইঁহার উপদেশ প্রাপ্ত হইলেন ।

অবিম্বে এই নারীর প্রতি সমাজের বিশিষ্টব্যক্তিবর্গের দৃষ্টি আকৃষ্ট হইল । ইঁহার সাধনপ্রণালী প্রচলিত ধর্ম নিয়মের সীমা

অতিক্রম করিয়াছে দেখিয়া তাঁহারা আতঙ্কিত হইয়া উঠিলেন ।  
ইঁহার সহিত সাক্ষাৎ করিয়া তাঁহারা বলিলেন যে এই প্রণালী  
অবলম্বন করিয়া তিনি অত্যন্ত স্পর্কার কার্য্য করিয়াছেন ।  
প্রার্থনাকরা পুরোহিতের কার্য্য, স্ত্রীলোকের নহে । প্রার্থনা পরি-  
ত্যাগ করাইবার জন্য তাঁহারা তাঁহাকে ভয়প্রদর্শন করিলেন ।

রমণী বলিলেন যে তিনি এমন কোন কার্য্যই করেন নাই যাহা  
খৃষ্টের অনুমোদিত নহে । খৃষ্টের উপদেশ উদ্ধৃত করিয়া তিনি  
দেখাইয়া দিলেন যে সকলকেই প্রার্থনা করিবার অধিকার তিনি  
দান করিয়াছেন, সে অধিকার শুধু পুরোহিতসমাজের নিজস্ব  
নহে । প্রার্থনা তাঁহাকে কত সাহায্য করে । ধর্ম্মের সাধুনা ব্যতীত  
দুঃখ বহন করা তাঁহার পক্ষে সম্ভব হইত না ।

তাঁহার পূর্জীবনের কথাও তিনি উল্লেখ করিলেন—সে জীবন  
কি শোচনীয় ছিল । কিন্তু এখন—ঈশ্বরের সহিত তাঁহার পরিচয়ের  
পর হইতে—তাঁহার জীবনের গতি পরিবর্তিত হইয়াছে । এখন  
তিনি ঈশ্বরকে সমস্ত হৃদয় মন দিয়া ভালবাসেন । প্রার্থনা ছাড়িলে  
তাঁহাকে এই আধ্যাত্মিকজীবন হারাইতে হয়, সুতরাং প্রার্থনা ত্যাগ  
করিতে তিনি পারেন না । তিনি বলিলেন যে প্রার্থনামূল ধর্ম্মানু-  
রাগী কয়েকটি জীবনের সহিত ধর্ম্মসম্বন্ধে উদাসীন কয়েকটি  
জীবনের তুলনা করিয়া দেখা হউক, এবং দেখাইয়া দেওয়া হউক  
যে প্রার্থনাপরায়ণতাকে নিন্দা করিবার কি আছে ।

এইবাক্য বিরোধীগণের মনকে আরও উত্তেজিত করিয়া তুলিল ।  
অত্যাচারের পীড়ন কিন্তু রমণীকে বিচলিত করিতে পারে নাই ।

এই উপায়ে চেষ্টা ব্যর্থ হইল দেখিয়া তাঁহারা অন্য উপায় অব-  
লম্বন করিলেন । আধ্যাত্মিক ধর্ম্ম-সম্পর্কীয় সমস্ত গ্রন্থের উপর



তাঁহাদের রোষ উদ্দীপ্ত হইয়া উঠিল। প্রকাশ্য পথের মধ্যে তাঁহারা স্বহস্তে সেই সকল পুস্তক দহন করিতে লাগিলেন। ম্যাডাম গেয়েঁ বলিয়াছেন, এই কার্য্য করিয়া আপনাদের কৃতিত্বের গর্বে তাঁহারা ক্ষীণ হইয়া উঠিয়াছিলেন।

বিশপ ডার্বার্টোর জীবন-চরিতে প্রকাশিত একখানি পত্রে লেখক বলিতেছেন, “এই বিষয়ের পাঁচখানি গ্রন্থ আমরা দহন করিয়াছি। আর বেশী হস্তগত করিবার আশাও নাই, কারণ এই জাতীয় পুস্তকের পাঠকপাঠিকাগণের গুপ্ত সমিতি আছে এবং তাহারা প্রতিজ্ঞা করিয়াছে যে বরং তাহারা স্বহস্তে পুস্তকগুলি পুড়াইবে, তথাপি আমাদের হস্তে পড়িতে দিবে না।”

২৩

অসুস্থাবস্থায় একবার এক চিকিৎসকের সহিত ম্যাডাম গেয়েঁর ধর্ম্মালাপ হইয়াছিল। ধর্ম্মজীবনের মাহাত্ম্য সম্বন্ধে স্বীকার করিয়া চিকিৎসক বলিলেন যে কার্য্যব্যস্ততার জন্য তিনি ধর্ম্ম-বিদ্যে মনোযোগ প্রদান করিতে পারেন না। ম্যাডাম গেয়েঁ বলিলেন যে মানবের কর্তব্য কার্য্যের সহিত ঈশ্বরপ্রেমের তো কোন বিরোধ নাই; ভগবান আমাদেরকে যে কাজ দিয়াছেন তাহাকে আমরা আমাদের ধর্ম্মবিনুষ্ঠতার কারণ বলিতে পারি না। ম্যাডাম গেয়েঁর কথায় এই কর্ম্মবিত্রতের জীবনে নূতন আলোক অবতীর্ণ হইয়াছিল।

একজন পুরোহিত কেবলমাত্র পদ্ধতিনির্দিষ্ট প্রার্থনা আবৃত্তি করিয়া তৃপ্ত হইতে না পারিয়া নিজে স্বাধীনভাবে প্রার্থনা করিতেন। এই অপরাধে প্রকাশ্যপথে তাঁহাকে নির্দয়রূপে প্রহার করা হয়। এইরূপ নানা অত্যাচারের স্রোত বহিয়া চলিল।

এই পীড়ন হইতেও কল্যাণ উৎপন্ন হইত। কখনও কখনও পীড়নকারীগণের মধ্যেই কেহ আপন কৃত কার্যের নৃশংসতার প্রতি দৃষ্টিপাত করিয়া চমকিয়া উঠিতেন। তখন তাঁহাদের অমুতাপনয়ন পরিবর্তিত হৃদয় সম্পূর্ণ ভিন্ন পথেই ধাবিত হইত। তাঁহারা নব ধর্ম্মান্দোলনের উৎসাহী সাধক হইয়া উঠিতেন।

সুযোগ হইলেই ম্যাডাম গেয়েঁ নিকটস্থ গ্রাম সমূহে তাঁহার কার্য্য করিবার জন্ত যাইতেন। একবার এইরূপ কার্য্যের পর জলপথে ফিরিবার সময় তাঁহারা বিষম ঝটিকার মধ্যে পতিত হইয়াছিলেন।

রোম হইতে ফিরিয়া আসিয়া ফাদার কোব্ টোনোঁতে একটি হাঁসপাতাল প্রতিষ্ঠার উদ্যোগ করিলেন। স্থানীয় মহিলাগণ এই কার্য্যে তাঁহার সহায় ছিলেন। ম্যাডাম গেয়েঁ আনন্দের সহিত এই পুণ্যকর্মে যোগ দান করিলেন। এই দয়াবতী মহিলাগণ রোগী ও তাহাদের অনাথপরিবারবর্গকে সাহায্য দান করিতেন। অল্পদিনের মধ্যেই গুশ্বালয় সুপ্রতিষ্ঠিত হইয়া উঠিল। তিন জন ধর্ম্মপরায়ণ মহাত্মা এই কার্য্যে আপনাদিগকে উৎসর্গ করিয়াছিলেন।

১৬৮২ এপ্রিল মাসে ম্যাডাম গেয়েঁ টোনোঁতে আগমন করিয়া ২ বৎসরের কিছু অধিককাল বাস করিয়াছিলেন। গুরুতর পীড়ান জন্ত তাঁহার স্থান পরিবর্তনের আবশ্যক হইল। হৃদ হইতে কয়েক মাইল দূরে একটি বাড়ীতে তিনি গমন করিলেন। সেই স্থানটি স্বাস্থ্যকর হইলেও, বাড়ীটি তাঁহার বাসের উপযোগী ছিল না। কিন্তু নানারূপ অসুবিধা সবেও এই ক্ষুদ্র দরিদ্র জনোচিত ভবনে ম্যাডাম গেয়েঁ যেমন শান্তি ও সন্তোষে বাস করিয়াছিলেন এমন আর কোন স্থানে ঘটে নাই।

এই স্থানে আসিয়াও তাঁহার প্রভাবের হ্রাস হইল না। তাঁহার প্রতিদ্বন্দ্বীগণ টোনোঁতে তাঁহার বিরুদ্ধে সংগ্রামে প্রতিপদেই পরাজিত হইয়াছেন, ফাদার লা কোব্ রোম হইতে ফিরিয়া আসিয়াছেন—সেখানে ষষ্ঠদ্রোহিতার অভিযোগ তাঁহার বিরুদ্ধে উত্থাপিতই হয় নাই। চতুর্দিক হইতে বিফল হইয়া প্রতিদ্বন্দ্বীদল আক্রমণের নূতন পন্থা খুঁজিতে লাগিলেন। ফাদার কোব্ এখন আসিয়া ম্যাডাম গেয়োঁর সহিত মিলিত হইয়াছেন। এই মিলনে যে শক্তি উৎপন্ন হইল তাহাকে দমন করিতেই হইবে।

বিরোধীবর্গ বিশপ ডার্বাটেঁর নিকটে অভিযোগ করিলেন যে ম্যাডাম গেয়োঁর প্রবর্তিত প্রণালী দ্বারা চার্চ বিপদগ্রস্ত হইতেছেন, তিনি যদি বিশপরূপে ইহার দমন চেষ্টায় কঠোর হস্ত প্রয়োগ না করেন তাহা হইলে বিশপের কর্তব্য করা হইবে না।

বিশপ ডার্বাটেঁ আর নিষ্ক্রিয় থাকিতে পারেন না। নূতন আন্দোলনে বাধাদান করিবার জন্ত তিনি তাঁহার কর্তৃত্বাধীন পুরোহিতবর্গের মধ্যে আদেশ প্রচার করিলেন। শুধু তাহাই নহে—তিনি প্রকাশ করিলেন, ম্যাডাম গেয়োঁ এবং ফাদার লা কোব্কে তাঁহার কার্যক্ষেত্র হইতে চলিয়া যাইতে হইবে। ম্যাডাম গেয়োঁ বিশপের নিকটে পত্র লিখিলেন, কিন্তু কোন ফল হইল না।

ম্যাডাম গেয়োঁর কর্মচেষ্টা ও তাহার সফলতা দেখিয়া শত্রুগণ আক্রোশে দগ্ধ হইতেছিলেন। তাঁহার বিরুদ্ধে নিত্য নূতন অপবাদ আবিষ্কৃত হইতে লাগিল। নির্ধাতনের কোন উপায়ই বাকী রহিল না। তাঁহার পরোপকার, তাঁহার বহুবিধ সংকার্য, লোকের নিকটে তাঁহাকে প্রিয় করিয়া তুলিতেছে দেখিয়া বিশপ ডার্বাটেঁর অসন্তোষ বাড়িয়া গেল। তিনি বলিলেন যে ম্যাডাম গেয়োঁ সকলকেই

আপনার দলে টানিয়া লইতেছেন। তাঁহার মত যদি তাঁহার মনেই আবদ্ধ থাকিত তাহা হইলে কথা ছিল না, কিন্তু এখন আর তিনি সহ্য করিতে পারেন না। ম্যাডাম গেয়েঁই শুধু নির্ধাতিতা হইতেছিলেন এমন নহে, তাঁহার বন্ধুজনও লাঞ্ছনা প্রাপ্ত হইতেছিলেন।

জনকোলাহল হইতে দূরে কন্ঠাটিকে লইয়া দুই একজন পরিচারিকার সহিত তিনি একান্তে বাস করিতেছিলেন। সেই সামান্য ভবনে পরম শান্তিতে দিন কাটিয়া যাইতেছিল। কিছুকাল এই খানেই যাপন করিবেন মনে করিয়া তিনি তদনুরূপ আয়োজন করিয়াছিলেন। কিন্তু এই বাধাহীন শান্তি বেশীদিন রহিল না। এখানেও উপদ্রব আরম্ভ হইল।

সকাল বেলায় উঠিয়া তিনি দেখিতেন, রাত্রিতে কে তাঁহার বাগানে প্রবেশ করিয়া লতাপল্লব বিশৃঙ্খল বিপর্যস্ত করিয়া দিয়া গিয়াছে। সমস্ত রাত্রি তাঁহার বাড়ীর চতুর্দিকে কোলাহল করিয়া লোক ঘুরিয়া বেড়াইত, ভয় দেখাইত যে বাড়ী ভাঙ্গিয়া ভিতরে প্রবেশ করিবে; প্রস্তরের আঘাতে জানালা ভাঙ্গিয়া দিত। আরও কত প্রকারে তাঁহার প্রতি নিষ্ঠুরতা করা হইত তাহা গণনা করা কঠিন।

এই সময়ে বিশপ ডার্বাটোঁর নিকট হইতে এই আজ্ঞা আসিল যে ম্যাডাম গেয়েঁকে ঐ স্থান ছাড়িয়া যাইতে হইবে। তাঁহার মন এ সংবাদে কোনরূপ চাঞ্চল্য অনুভব করে নাই।

এইরূপে পুরোহিত, আচার্য্য ও সাধারণ লোকমণ্ডলী তাঁহার বিরুদ্ধে মিলিত হইয়াছেন ইহাতে তিনি ঈশ্বরের অভিপ্রায় দেখিতে পাইলেন। তিনি বুঝিলেন তাঁহার প্রভু তাঁহাকে অগ্ৰত্ব যাইতে ইঙ্গিত করিতেছেন। কিন্তু কোথায়? কোথায় তিনি যাইবেন? তাহা তিনি

জানেন না। সমস্ত চিন্তার ভার ঈশ্বরে সমর্পণ করিয়া তাঁহার মন অচঞ্চল শান্তিতে সমাহিত রহিল।

তিনি বলিতেছেন, “হে মহান,—আমার প্রেমের একমাত্র আশ্রয়, তোমার যেটুকু কার্য্য কবিত্তে আমরা সমর্থ হই তাহার জ্ঞান, এই পরিবর্তনশীল সংসার যে এইরূপ শান্ত অটল অবস্থা লাভ—ইহা বাতীত আর কোন পুরস্কার যদি না-ও থাকিত তবে তাহাই কি যথেষ্ট হইত না? \* \* \* অটল অবস্থা বলিতে আমি ইহা বলিতেছি না যে যে অবস্থা হইতে বিচ্যুতি, পতন আব হইতে পাবে না \* \* । পূর্বের অবস্থার সহিত তুলনাতেই ইহাকে অটল বলিতেছি। সম্পূর্ণ ঈশ্বরার্পিত এইরূপ আত্মা দুঃখ-পীড়িত হইতে পারে, কিন্তু দুঃখ তাহাকে বাহিরে বাহিরে স্পর্শ করিয়া যাব, তাহার অন্তরকে মগ্নিত করিতে পাবে না। স্বার্থপরতা হইতে মুক্ত, ঈশ্বরের ইচ্ছার সহিত যুক্ত যে জীবন—তাহার ক্ষতি কেহই করিতে পারে না।”

না কোঁব্বেও সমভাবে পীড়ন করা হইয়াছিল। নূতন ধর্ম-প্রচারে তিনি ম্যাডামগেয়োঁর সহিত যুক্ত—তাঁহার বিরুদ্ধে একমাত্র অভিযোগ ইহাই। তিনিও বিশপকে পত্র লিখিলেন। তাঁহার পত্রের মর্ম্ম এই,—

“আপনার ইচ্ছানুসারে আমি আপনার অধিকাবস্থা স্থান ত্যাগ করিয়া চলিলাম, শুধু যে আপনার আদেশে যাইতেছি তাহা নহে কিন্তু ঈশ্বরের বিধান অনুসারেই আমার বিদায়ের সময় আসিয়াছে, সেই জ্ঞান যাইতেছি। এই ব্যাপারে আপনি যত্নস্বরূপ ব্যবহৃত হইতেছেন তাহা স্বীকার করি, কিন্তু এই যত্নদ্বারা কাজ করিতেছেন কে তাহা আমি ভুলি নাই। ঈশ্বরের আদেশে আমি আসিয়াছিলাম, ঈশ্বরের আদেশেই যাইতেছি।

“নূতন ধর্ম সম্বন্ধে আমার মত আপনি জানেন, পূর্বে তাহা আপনাকে বলিয়াছি এবং কর্তব্যবুদ্ধি প্রণোদিত হইয়া তখন আমার এই একান্ত কামনা ব্যক্ত করিয়াছিলাম যে এই ধর্ম আপনার জীবনে সার্থকতা লাভ করুক।

“যে নিপীড়ন সহিয়াছি তাহার বিরুদ্ধে আপনার সপক্ষে কিছুই বলিব না। কিন্তু ইহা বোধ হয় আমি বলিতে পারি যে আমার প্রতিদ্বন্দ্বীগণ এমন বিষয়ের বিচারভার আপনাদের হস্তে লইয়াছেন যে বিষয়টি তাঁহারা বোঝেন নাই, কোনদিন যাহার সম্বন্ধে চিন্তা করেন নাই। তাঁহাদিগের বাক্যই বিশপ শুনিয়াছেন, কিন্তু আমাদিগকে সে বিষয়ে কিছুই বলা হয় নাই। আমাদের সাহসনা এই যে ঈশ্বরই এ সব ঘটতে দিয়াছেন—ইহাই সকল অশুযোগবাণীকে স্তব্ধ করিয়া দেয়।

“আপনার অধীন চার্চ হইতে যাহা নির্কাসিত হইল সেই আধ্যাত্মিকতার জীবনকে তিনি (ম্যাডাম গেয়েঁ) অগ্রত্ব লইয়া যাইবেন। আধ্যাত্মিক জীবন ব্যতীত, হৃদয়ের ধর্ম ব্যতীত চার্চের মূল্য কি? এবং চার্চের জ্ঞান পরিশ্রমেরই বা মূল্য কি? আপনি কেন এই সকল হইতে দিতেছেন? এই নূতন আন্দোলনের সমর্থনকারীগণ কেন নির্কাসিত হইতেছেন? আমার অন্তর বলিতেছে যে আপনার আত্মার জ্ঞান এবং যাহাদের আত্মার ভার আপনার হস্তে গুলু, তাহাদের মঙ্গলের জন্ত আমি আমাব জীবন দিতে পারি—কেন আপনি আপনার নিষেধবাণীর দ্বারা আমাকে আঘাত করিতেছেন? অন্তরে পরমেশ্বর যে রূপা বর্ষণ করেন তাহা আপনি এবং আপনার ভিতর দিয়া অপর সকলে পূর্ণরূপে জানিতে পারুন—ইহা আমার বহু বৎসরের একাগ্র প্রার্থনা। আমি এখন অন্য স্থানে গমন করিতেছি।

সময় এবং স্থানের পরিবর্তন হব, কিন্তু আমার হৃদয়ের গভীর প্রার্থনা চির-অপরিবর্তিত। একদিন সে প্রার্থনার উত্তর পাইব বলিয়া আমি এখনও বিশ্বাস করি।”

অপরের ক্রটি সহ্য করা পূর্বে ম্যাডামগেয়েঁর পক্ষে কঠিন হইত। এখন তিনি সে সকলই সহজে সহ্য করিতে পারেন। দুঃখীর জ্ঞান তাঁহার হৃদয় এখন সমবেদনায় অপূর্বরূপে ব্যাধিত।

অগ্রসর বলশালী আত্মা অপেক্ষা ধর্মজীবনে নূতন প্রবেশার্থীর দোষ ক্রটি তিনি অধিক ক্ষমার চক্ষে দেখিতেন। তাহাদিগকে তিনি সান্ত্বনার বাক্য শুনাইতেন, তাঁহাব হৃদয় তাহাদের জ্ঞান করুণায় ভরিয়া উঠিত। কিন্তু যাহারা অগ্রসর তাহাদিগের সহিত তাঁহার ব্যবহার দৃঢ়তর ছিল। তাঁহাদের চরিত্রের ক্রটি তাঁহাকে অত্যন্ত আঘাত করিত, তাহাদের জ্ঞান তাঁহাকে অত্যন্ত যতন ভোগ করিতে হইত।

শক্তি সম্পন্ন ব্যক্তি অপেক্ষা দুর্বলদিগের সহিত কথাষ তিনি অধিকক্ষণ কাটাইতে পারিতেন। তিনি বলিয়াছেন যে ঈশ্বরের আজ্ঞার সমস্তদিন নিরুপস্থিত ব্যক্তিগণের সহবাসে যাপন তাঁহার নিকটে গোভনীয় কিন্তু শুধু আপন ইচ্ছার বশবর্তী হইয়া একটিঘণ্টার নিমিত্তও সর্বোত্তম ব্যক্তিবর্গের সহবাস লাভ করা বাঞ্ছনীয় নহে। ঈশ্বর যখন ইচ্ছা করেন যে আমরা নিভূতে আমাদের ক্ষুদ্র কর্তব্য সম্পন্ন করিয়া তাঁহাকে মহীয়ান করি, তখন যদি আমরা বড় কাজ করিবার আকাঙ্ক্ষায়, ধর্মবীর হইবার ইচ্ছায় চঞ্চল হইয়া উঠি, তাহা হইলে তাঁহার দয়া উপলব্ধি করিতে পারিব না। ঈশ্বরের নিয়মে সেণ্ট পল্ এক সময়ে তাম্বু নির্মাণ করিতেন, সেই নিয়মেই তিনি অন্য সময়ে এথেন্সে Mars পর্বতের উপরে ধর্মবাণী প্রচার করিতেন। এই উভয় কার্যে সমভাবেই তিনি ঈশ্বরের মহিমা প্রচার করিয়াছিলেন।

২৪

১৬৮৩ অব্দে ম্যাডাম গেয়েঁ তাঁহার ধর্ম জীবনের অভিজ্ঞতা, গ্রন্থে লিপিবদ্ধ করিতে আরম্ভ করেন। ক্লান্ত হইয়া কিছুদিন তিনি বিগামেন আশ্রয় গ্রহণ করিলেন। এই সময় তাঁহার ঈশ্বরের সহিত পূর্ণ যোগের আনন্দ-অবসর ঘটিয়াছিল। তিনি লোক সঙ্গ ত্যাগ করিলেও লোকে কিন্তু অল্পদিনের জন্তও তাঁহার সঙ্গ ত্যাগ করিতে চাহিত না।

কোন উপায়ে ঈশ্বরের কাজ করিতে পারেন চিন্তা করিতে করিতে তাঁহার মনে হইল, শারীরিক অসুস্থতার সময় তিনি লেখনীকে ঈশ্বরের মহিমা প্রচারে নিযুক্ত করিতে পারেন। বহু চিন্তা ও পরীক্ষার পর তিনি ইহাকে ঈশ্বরেরই ইচ্ছা বলিয়া বুঝিলেন। আপনাকে এই গুরুতর কার্যের অযোগ্য মনে করিলেও তখন আর কোন দ্বিধা করিয়া তিনি বিলম্ব করিলেন না। তিনি 'Spiritual Torrents' নামক গ্রন্থ লিখিতে প্রবৃত্ত হইলেন।

“এই উদ্দেশ্যে যখন লেখনী ধরলাম তখন প্রথম কোন কথাটি লিখিব তাহা আমি জানিতাম না। বিষয়টি আমার নিকটে অন্ধকার এবং রহস্যময় ছিল, ক্রমে সমুদয়ই আমার মনের সম্মুখে প্রকাশিত হইতে লাগিল। উপযোগী চিন্তাসকল প্রচুররূপে এবং সহজ ভাবে আসিতে লাগিল। বুদ্ধি এবং শক্তি অনুভব করিয়া অন্তরের বিশ্বাস ও সম্বন্ধে আমি একখানি সমগ্র পুস্তক লিখিতে সমর্থ হইয়াছিলাম।”

ঈশ্বর হইতে আত্মার উৎপত্তি। পৃথিবীতে আসিয়া নিম্নলতা হারাইলেও তাহার সেই মহাসাগবে ফিরিয়া যাইবার ও চিরমিলনে মিলিত হইবার একটি সহজ প্রবণতা আছে।

যে ঈশ্বর হইতে এই আত্মা উৎপন্ন এবং তাহার সাদৃশ্যে ইহা গঠিত তিনি পবিত্র। যিনি পবিত্র, পবিত্রতা ব্যতীত অন্য কিছু তাঁহার প্রিয়



হইতে পারে না । পতিত আত্মা ঈশ্বরের রূপায় যতই নির্মল হয় এবং তাহার চরিত্র যে পরিমাণে ঈশ্বরের সাদৃশ্য লাভ করে ঠিক সেই পরিমাণে তাহার ঈশ্বরের সহিত মিলন প্রবৃত্তি বর্দ্ধিত হয় ।

কিন্তু এই ফিরিবাব প্রণালী বিভিন্ন ব্যক্তির পক্ষে বিভিন্ন প্রকারের । সকল নদী একই গতিতে প্রবাহিত হয় না । কোন নদী প্রথমে ক্ষীণা, ক্রমে ধীরে ধীরে সে প্রবলতা লাভ করে । পথের মধ্যে কখনও বাধা আসে, কিন্তু বাধাকে অতিক্রম করিয়া পুনর্বার সে আপন স্বভাব প্রাপ্ত হয় । কিছুদিন পরে হয়তো বা সে অদৃশ্য হইয়া যায়, হয়তো কোন শুষ্ক মরভূমি তাহার ক্ষীণ ধাড়াটিকে শুষ্কিা লয়, কিংবা অশ্রু কোন নদীর প্রবল ধারার সহিত বা কোন হ্রদবক্ষে সে আপন গতিককে হারাষ্টয়া ফেলে । সাগরে যাওয়া তাহার আদ হয না ।

অশ্রু কোন নদী তাহা অপেক্ষা শক্তিশালী । বাণিজ্যধনে পূর্ণ ক্ষুদ্র বৃহৎ কত গান তাহার উপর দিবা চলিয়া যাইতেছে । কিন্তু অবশেষে সেও কোন উপসাগরে আপনার জলবাশি নিঃশেষ করিয়া ঢালিয়া দেয় ।

অশ্রু এক প্রকাবের নদী আছে—সাগরে না আসিয়া সে থামে না । যাত্রাপথে কত বিপ্লব সহিত তাহার সাক্ষাৎ হয়, কিন্তু বর্দ্ধিত বলে শব্দজঘাতে সমুদয় বাধা ঠেলিয়া সে চলিয়া যায় । কত রত্নের ভার সে বক্ষে বহন করে কিন্তু তাহার গতি কখনও স্থগিত হয় না । ভীরে কত বৃক্ষকে পুষ্পিত করিয়া তোলে কিন্তু তাহাদিগকে সুগন্ধে ও সৌন্দর্য্যে উজ্জ্বল রাখিয়া সে চলিয়া যায় । অনন্তের সহিত মিলন না হওয়া পর্য্যন্ত তাহার শান্তি নাই, শ্রান্তি নাই । অবশেষে সকল বারির বারি যে মহাবারিনিধি তাহাতে আপনার জল মিশাইয়া দিয়া

সে কৃতার্থ হয়,—সে তাহারি অংশীভূত হইয়া পড়ে। বিশাল পোত সকল তাহার বক্ষে ভাসমান, বিশ্বের বাণিজ্যসম্পদ তাহার উপরে ভ্রাম্যমান।

তাঁহার 'Torrents' গ্রন্থে তিনি এই কথাগুলি সুন্দররূপে ব্যাখ্যা কবিত্তে চেষ্টা করিয়াছেন।

'একীভূত ইচ্ছা' এবং 'শুধু অনুগত ইচ্ছা' এ দুইকে তিনি পৃথক বলিয়াছেন। যেমন পুত্র আর ভৃত্য। ভৃত্য যাহা করে তাহা সে করিতে বাধ্য বলিয়া করে। তাহার ইচ্ছা প্রভুর ইচ্ছার বাধা। পুত্র যাহা করিতে বাধ্য তাহা সে শুধু করে তাহা নহে—কবিত্তে ভালবাসে। তাহার ইচ্ছা শুধু বাধ্য অনুগত নয়, তাহা পিতার ইচ্ছার সহিত সম্মিলিত, একীভূত।

কিন্তু এই সম্মিলন লাভ করিতে হয় কিরূপে? জীবনকে স্বার্থ হইতে বিচ্ছিন্ন কবিয়া ঈশ্বরকে তাহার কেন্দ্র করিলেই তাহা লাভ করা যায়। সর্কবিমবে তাঁহাতে নির্ভব স্থাপন কবিলে এবং ঈশ্বর তাঁহার নিজের সময়ে, নিজের উপায়ে যাহা দেন তাহাই গ্রহণ করিবার জগু প্রস্তুত থাকিলে সে জীবন লাভ করা যায়। মানুষ যখন এইরূপ জীবন লাভ করে তখন যে বন্ধনে সে জড়িত তাহার শক্তি কবিত্তে পারে। এই বন্ধন তাহাকে সংসারের ধূলোতে লুটাইয়া রাখিয়াছে। যতই তাহা হইতে সে মুক্ত হইবে ততই বিশ্বাসে শক্তি-শালী হইবে এবং ঈশ্বরের সহিত মিলনের উচ্চ ভূমিতে আনোহণ করিবে।

বিশ্বাসের প্রথম অবস্থায় মানুষ ঈশ্বরকে লক্ষ্যপূর্বে রাখিয়া জীবন যাপন করে সত্য, কিন্তু সে জীবন পূর্ণ নহে। তখন সে ঈশ্বরকে ভালবাসে কিন্তু ঈশ্বরের দানকে দাতার অপেক্ষা অধিকতর প্রীতির

চক্ষে দেখে ঈশ্বরের বিধানকে সাধারণতঃ স্বীকার করিলেও এবং ভালবাসিলেও, দুঃখের বেশে যখন সে বিধান আসিয়া দেখা দেয়, তখন তাহার চাঞ্চল্য ও বিদ্রোহ প্রকাশিত হইয়া পড়ে । ঈশ্বরের কার্য্য করিবার জন্ত তাহার আগ্রহ-চাঞ্চল্য দৃষ্ট হয়, কিন্তু তাঁহার নির্দিষ্ট কার্য্য কি এবং কোন্ সময়েই বা সেই কার্য্য করিতে হইবে—এবিধে তাঁহার আদেশ শ্রবণ করিবার জন্ত অপেক্ষা করিয়া থাকিবার মত শাস্তনব্রতা তাহার থাকে না ।

দ্বিতীয় অবস্থায়,—জীবন যখন উচ্চতর স্তরে উন্নীত হয়—তখন সে এই দোষগুলি হইতে মুক্ত হয়, কিন্তু তথাপি অন্য ক্রটি থাকে । তখন সে অনেক পরিমাণে মানুষের উপরে নির্ভর করিয়া চলে ; বিরুদ্ধ সমালোচনা তাহাকে ক্ষুণ্ণ করে, প্রশংসায় সে বল লাভ করে । কিন্তু এ অবস্থাও ঈশ্বরেরই ব্যবস্থা । তিনি একে একে সকল আশ্রয়ই ভাঙ্গিয়া দেন, অবশেষে মানুষ সেই এক আশ্রয়ের শরণ লয় ।

এই সকল অবস্থা ম্যাডাম গেয়েঁ প্রধানতঃ নিজের জীবনের অভিজ্ঞতা হইতেই বর্ণনা করিয়াছেন ।

টোনোঁ ত্যাগ করিয়া নানাকারণে টিউরিন্ যাত্রা স্থির হইল । টিউরিন্ পিড্‌মন্ট ( Piedmont ) এর রাজধানী , জেনেভা হইতে ৩৫ মাইল দক্ষিণ পূর্বে দরিয়া ( Doria ) এবং পো ( Po ) নদী সঙ্গমে আল্প্‌সের পাদমূলে অবস্থিত ।

গৃহহীন, আশ্রয়হীন, স্থান হইতে স্থানান্তরে বিতাড়িত । আবার পথে বাহির হইলেন । বন্ধুগণের নিকটে তাঁহাব জন্ত একটু আশ্রয় স্থান ছিল না, তাঁহার সম্বন্ধে তাঁহারা লজ্জিত ছিলেন । তাঁহার বিরুদ্ধে সাধারণ অভিযোগ উত্থিত হইবার সময় তাঁহারা প্রকাণ্ডেই তাঁহাকে পরিত্যাগ করিতেন । আশ্রয় “আমার আত্মীয়

পরিজনের মধ্যেও ছিল না। তাঁহাদের অনেকেই আপনাদিগকে আমার শত্রু বলিয়া ঘোষণা করিতেন এবং তাঁহাদিগের দ্বারাই আমি সর্বাপেক্ষা অধিক নিপীড়িত হইতাম। অপর কেহ কেহ আমাকে ঘৃণা ও ভয়ের চক্ষে দেখিতেন। সকলে পরিত্যাগ করিলে জোব (Job) এর যে অবস্থা হইয়াছিল আমার অবস্থাও সেইরূপ হইয়াছিল। কিংবা হয় তো ডেভিড্‌এর সহিত আমি বলিতে পারিতাম—  
“তোমাদি জন্ত আমি গঞ্জনা সহ করিয়াছি। লজ্জা আমার মুখকে আবৃত করিয়া ফেলিয়াছে, আমার ভ্রাতৃগণের মধ্যে আমি অপরিচিত, সহোদরগণের নিকট পর। আমি সকলের উপেক্ষিত, মানবের অভিসম্পাত।”

ফাদাব লা কোব্ তাঁহার যাত্রার সঙ্গী ছিলেন। অপর একজন ধর্ম প্রচারক ও ২৪ বৎসর বয়স্ক একটি বালকও এই দলে মিলিত হইলেন। ম্যাডাম গেয়ঁর সঙ্গে কণ্ঠা ও পরিচাবিকা ছিলেন। ফ্রান্সে গৃহত্যাগের সময় হইতে এই পরিচাবিকা তাঁহার অনুবর্তিনী। তাঁহার আধ্যাত্মিক ধর্মের ইনি একজন শিষ্যা। ম্যাডাম গেয়ঁকে তিনি জননীর গায় মনে করিতেন এবং চিরজীবন তাঁহার শ্রম ও দুঃখের অংশ গ্রহণ করিয়া গিয়াছেন। মুক্তির পথ মুক্ত থাকিলেও তিনি দীর্ঘ কারাবাসের সময়ও ম্যাডাম গেয়ঁকে পরিত্যাগ করেন নাই।

টিউবিন্‌এ আশ্রয়স্থান নির্দিষ্ট ছিল। মার্শিয়নেস্ অব্ প্রনে (Marchioness of Prunai) তখন টিউবিন্‌এ বাস করিতছিলেন। শুধু পদমর্যাদায় নহে মানসিক শক্তি ও ধর্মতাবেও এই নারী সমুন্নত ছিলেন। তাঁহার জীবনটি দুঃখ ছায়াছন্ন ছিল। তরুণ বয়সে বিধবা হইয়া রাজত্ববনের কোলাহল ত্যাগ করিয়া তিনি একান্তে শান্তজীবন যাপন করিতে ছিলেন।

দূর হইতে ম্যাডাম গেয়েঁর কথা শুনিয়া তাঁহার মন বেদনায় ভরিয়া উঠিতেছিল। টোনোঁতে তাঁহার পীড়া ও কষ্টের কথা শুনিয়া তিনি তাঁহার নিকটে আসিয়া বাস করিতে আমন্ত্রণ করিয়া তাঁহাকে এক পত্র লেখেন। দ্বিতীয় পত্রে ফাদার কোঁবকেও আসিবার জন্য আগ্রহের সহিত অনুরোধ করেন।

সেই পীড়িত অত্যাচারিত অবস্থায় এই সহৃদয় আহ্বানকে তাঁহারা ঈশ্বরের ইঙ্গিত বলিয়া অনুভব করিয়াছিলেন। পৃথিবীর অভিশাপ এবং বিশ্বপতির আশীর্বাদ লইয়া তাঁহারা টোনোঁ ত্যাগ করিলেন।

টিউরিন্‌এ মার্শিয়োনেস্ (marchioness) তাঁহাদিগকে অভ্যর্থনা করিয়া সাদরে গ্রহণ করিলেন। ফাদার কোঁব্ সেখানে অল্পদিনই রহিলেন। বার্সেল (verceil) এর বিশপের নিমন্ত্রণ গ্রহণ করিয়া তিনি ৪০ মাইল দূররত্নী এক সহরে গমন করিলেন।

ম্যাডাম গেয়েঁ। বুঝিলেন টিউরিন্ তাঁহার স্থায়ী কর্মক্ষেত্র নহে, ইহা তাঁহার আশ্রয় ও বিশ্রাম স্থান। তথাপি আপন কার্য্য হইতে এখানেও বিরত রহিলেন না। দুইজন ধর্ম প্রচারককে তিনি শুধু বাহ্যকর্ম হইতে নিরস্ত করিয়া আন্তরিক সাধনের পথে প্রতিষ্ঠিত করিয়াছিলেন। প্রথমে এই আধ্যাত্মিক ধর্মের প্রতি তাঁহাদের প্রবল ঘৃণা ছিল। তাঁহাদের মধ্যে একজন ম্যাডাম গেয়েঁর বিরুদ্ধে বহু নিন্দা প্রচার করিয়াছিলেন। কিন্তু আপনাদের ভ্রান্তি বুঝিবার পর তাঁহারা সম্পূর্ণ নূতন জীবন লাভ করিলেন।

ম্যাডাম গেয়েঁর লেখনী অবিচ্ছেদে চলিতেছিল। প্যারীতে, জেন্ন্‌এ, টোনোঁতে, টিউরিন্‌এ আশ্রমে, কারাগারে, স্বদেশে, বিদেশে কোথাও আর তাহার বিরতি হয় নাই। তাঁহার পত্র লেখারও অন্ত

ছিল না। তাঁহার পত্র লাভের সৌভাগ্যগৌরব হইতে ধনী, দরিদ্র, ধর্মহীন, ধার্মিক কোন শ্রেণীর লোকই বঞ্চিত হন নাই।

ধর্মশিক্ষকদের বিষয় তিনি বলিয়াছেন যে তাঁহারা যখন মানুষের দৃষ্টিকে শুধু আচার নিয়ম পালনের প্রতিই আকর্ষণ করেন তখন তাহার ফল অতি অল্পই হয়। ক্লমক হলচালনা করিতে করিতে ঈশ্বরের সহিত যোগ অনুভব করুক, কর্মক্লান্ত শিল্পী ঈশ্বরেই বিশ্রাম লাভ করুক ও তাঁহা হইতে অক্ষয় ফল সংগ্রহ করুক। পাপ নির্বাসিত হইবে, ধর্মসমাজ নূতন হইয়া উঠিবে, প্রভু যীশু শান্তিতে সর্বত্র রাজত্ব করিবেন। হায়, অন্তরের ধর্মের প্রতি অবহেলা বশতঃ কি বর্ণনাভীত কতিই সহিতে হইতেছে। যাহারা এই গুপ্ত ধনের সন্ধান পাইয়াও প্রতিবেশীর নিকট হইতে তাহা লুকায়িত রাখিয়াছে, ঈশ্বরের নিকটে তাহাদিগকে কি তয়ঙ্কর জবাবই দিতে হইবে।

ধর্ম প্রচার কার্যে প্রবেশার্থী এক যুবককে তিনি একখানি পত্র লিখিয়াছিলেন। তাহা হইতে উদ্ধৃত করা গেল,—

“যে মহান, গুরুতব, দায়িত্ব পূর্ণ কার্যে তোমার আহ্বান আসিয়াছে সে কাজ করিতে গেলে প্রদর্শনের ভাবকে পরিত্যাগ করিতে হইবে, অর্থাৎ, উপদেশ দান কালে তোমার মেধা, তোমার শিক্ষা, তোমার বাগ্মিতা প্রকাশেরই উদ্দেশ্য যেন কখনই তোমার মনে না থাকে। আডম্বরহীন নিতান্ত সহজ ভাবে ধর্মোপদেশ দান করিও।

“কেমন করিয়া উপদেশ দান করিবে তাহার চেয়ে আরও বড় কথা—কি উপদেশ দান করিবে। কেমন করিয়া উপদেশ দিবে সে বিষয়ে যেমন, কি উপদেশ দিবে সে বিষয়েও তেমন সতর্ক থাকিবে। স্বর্গরাজ্যের বিষয় ব্যতীত আর কিছুই বলিও না, এবং এই রাজ্যকে সুদূরের বস্ত্র বলিয়া বর্ণনা করিওনা—ইহা নিকটের। দূরে

নয়, পরে নয়—এখানেই এখনই তাহাকে লাভ করিতে হইবে, উপলব্ধি করিতে হইবে। লক্ষ্য রাখিও হৃদয়ের প্রতি। শুধু বাহিরের বিধি নিষেধের শাসন না মানিয়া লোকে যদি অন্তরে বিশ্বাসভরে স্বর্গরাজ্যের অন্বেষণ করে তবে তাহা লাভ করা সুনিশ্চিত।

“সতত স্মরণ রাখিও যে মানবাত্মা উদ্দিষ্ট হইয়াছিল জীবন্ত ঈশ্বরের অধিষ্ঠানমন্দির হইবার জন্য। মানবহস্তগঠিত মন্দির অপেক্ষা অনন্তকালস্থায়ী এই মন্দিরমধ্যে বাস করিতে ঈশ্বর অধিক আকাঙ্ক্ষা করেন। এ মন্দিরের নির্মাতা তিনি স্বয়ং। আমরা যদি এ মন্দিরে তাঁহাকে প্রবেশ করিতে দিই, তিনি ইহার চির-পুরোহিত হইয়া অধিষ্ঠান করেন। মানবহৃদয়ে আসিয়া বসতি করিবার জন্য তিনি প্রস্তুত হইয়া আছেন—শুধু মানুষেরও যদি সেই আকাঙ্ক্ষা থাকে! মানুষেরও কিছু করিবার আছে। তাহাদিগকে স্থির, প্রার্থনাপরায়ণ এবং সংসারবন্ধন-মুক্ত হইতে শিক্ষা দাও।

“উপদেশকে যদি যথার্থই ফলপ্রদ করিতে চাও তাহা হইলে তোমার উপদেশ যেন প্রেম ও ঈশ্বরের আনুগত্য প্রসূত হয়। যাহা বলিবে তাহা যেন তোমার অন্তরের অভিজ্ঞতা হয় এবং বিশ্বাস-পরায়ণ পবিত্র হৃদয় হইতে যেন তাহা উৎসারিত হইয়া আসে। আর ইহা যদি হয় তাহা হইলে, আমি মনে করি, তোমার উপদেশে বিরোধেব ভাব থাকিবে না। বিরোধ-ভাব পরিত্যজ্য। বিরোধ-পরায়ণ ব্যক্তি যখন মনে করিতেছেন যে তিনি সত্য উচ্চারণ করিতেছেন, তীব্র সাম্প্রদায়িকতা বশতঃ তখনও মিথ্যা বলিবার সম্ভাবনাই তাঁহার অধিক। আমি যতদূর বুঝিতে পারি, হৃদয়কে শুদ্ধ ও সংকীর্ণ করিবার পক্ষে বিরোধের ঞায় আর কিছু নাই।

“আর একটি কথা বলিতে আমি পারি কি? তুমি তোমার

সময়ের একাংশ ( ক্ষুদ্র অংশ নহে ) নিভূতে ঈশ্বরের সহিত যোগে কাটাইবে। ইহা নিতান্তই বাহনীর, বিশেষতঃ তোমার কর্মের প্রথম অবস্থায়। অগ্রে তোমার আপন আত্মা ঈশ্বর-ভাবে পূর্ণ হউক, তবেই সেই পরম পরিপূর্ণতা অপবকে দান করিবার মত অবস্থায় তুমি আসিবে—তৎপূর্বে নহে। নিজের যাহা নাই, মাহুব তাহা অপরকে দান করিতে পারে না। কিংবা যাহার প্রসাদলাভ অল্প-পরিমাণে ঘটিয়াছে সে যদি অপরকে তাহা হইতে দান করিতে যায় তাহা হইলে তাহার নিজের পক্ষে অত্যাৱগ্গক অংশই অপরকে বিলাইয়া দেওয়া হয়। সেই মহানির্ঝরের সহিত অগ্রে সে যুক্ত হউক, তৎপরে শূন্য না হইয়া নিযত সে দান করিতে পারিবে।

“কেবলমাত্র ঈশ্বরের মহিমা অব্বেষণ যখন বক্তার লক্ষ্য থাকে এবং যখন তিনি শুধু ঈশ্বরের ভাবদ্বারা পরিচালিত হন তখনকার ফল কি আশ্চর্য্য—কি আনন্দের! এই ভাবে উপদেশ দান করিও তোমার নিজের ও অপরের কল্যাণ হইবে। এইরূপ দানে নিঃস্ব না হইয়া তুমি উত্তরোত্তর ঈশ্বরদ্বারা পূর্ণ হইতে থাকিবে। তাঁহার মহিমাবর্ধন ব্যতীত যখন আমাদের আর কোন আকাঙ্ক্ষা না থাকে, যখন আপনার দিকে না তাকাইয়া তাঁহার দান অপরকে বিতরণ করিতে থাকি তখন আমাদের প্রচুররূপে দান করিতে তিনি ভালবাসেন।

“কিন্তু লোকে যখন অন্য উদ্দেশ্য লইয়া উপদেশ দান করে তাহার ফল কি দুঃখজনক হয়! তাহারা মুখে ঈশ্বরের স্তুতি করে, কিন্তু তাহাদের হৃদয় তাঁহা হইতে বহুদূরে। ইহাতে অপরের ক্ষতি অপেক্ষা তাহাদের নিজদের ক্ষতিই অধিক।



“এই প্রার্থনা লইয়া আমি শেষ করি যে এসব বিষয়ে ঈশ্বর তোমাকে উপদেশ দান করুন।—শুধু তাহাই নহে, এমন স্থানে তোমার প্রতিষ্ঠিত করুন যেখানে ঈশ্বরের মহিমা এবং তোমার নিজের স্বার্থ এক।”

স্বপ্নে একদিন তিনি দেখিলেন যে সমুদ্রে মহাসাগর বিস্তৃত। ঝঞ্ঝাফুলক জলরাশি গর্জন করিতেছে। সমুদ্রের মধ্যে ছুরধিগম্য একটি দ্বীপ। সে দ্বীপে উত্তরণ সহজসাধ্য নহে, কারণ জলের উপরিভাগ হইতে তীর অত্যন্ত উচ্চ। দ্বীপের মধ্যস্থল উন্নত ও সৌন্দর্য্যমণ্ডিত। কে তাঁহাকে সেইদিকে লইয়া যাইতেছিল। শুনিলেন স্থানটির নাম লেবানন (Lebanon)। সিডারবৃক্ষের বন ও নানারূপ বৃক্ষের প্রাচলতার মধ্য হইতে কুটীরগুলি দেখা যাইতেছে। ইচ্ছা থাকিলেই সেখানে প্রবেশ করা যায়। বিশ্রামের আসন সেখানে প্রস্তুত। পৃথিবীর সৌন্দর্য্য হইতে এখানকার সৌন্দর্য্যের ভিন্নতা অনেক। এ সৌন্দর্য্য স্বর্গীয়—পবিত্রতার পূর্ণ। বৃক্ষশাখায় পাখী গান গাহিতেছে—অদৃশ্য শত্রুর নিষ্ঠুর লক্ষ্যের আশঙ্কায় তাহারা সচকিত নহে। যেষশিশু এবং ব্যাঘ্র একত্রে বিচরণ করিতেছে।

এমন সময় তিনি দেখিলেন যে তাঁহার প্রভু ভগবান যীশু সেইস্থানে উপস্থিত। তিনি নিকটে আসিলেন—তাঁহার হাত ধরিলেন—কথা কহিলেন। দিকে দিকে ব্যাপ্ত অসীম জলরাশি, বিষম আবর্ত, পর্বতের বাধা ও তাহার মধ্যে সংগ্রামপরায়ণ কয়েকটি মানুষের দিকে তাঁহার প্রভু তাঁহার দৃষ্টি আকর্ষণ করিলেন। লোকগুলি দ্বীপেরদিকে আসিতেছিল। বোধ হইতেছিল কেহ কেহ ভরঙ্গসংঘাতে নিতান্ত বিব্রত ও অক্ষম হইয়া পড়িয়াছে, তথাপি অতলজলে মগ্ন হইয়া কেহই মরিতেছে না। তাঁহার দেবতা বলিলেন

যে বিশেষ করিয়া ইহাদিগকেই তাঁহার সমবেদনা ও সাহায্য দান করিতে হইবে ।

এই স্বপ্নে তাঁহার মন সাস্বনায় পূর্ণ হইল । কম্পিতচরণ, স্বলিতপদ অসহায়ের দুর্বল হাতখানা ধরিয়া লইবার কাজই যে তাঁহার, এ বিশ্বাস তাঁহার মনে দৃঢ় হইল । স্বপ্নের স্মৃতি বহু দিন তাঁহার জীবনকে মধুময় করিয়া রাখিয়াছিল ।

### ২৬

টিউরিন্ চিবাদিনের কার্যক্ষেত্র নহে তাহা তিনি জানিতেন । তথাপি এই কয়মাস তিনি কাজ করিয়াছেন এবং সে কার্য নিফলও হয় নাই । কিন্তু এক বাধা ছিল—ইটালীয় রীতিনীতি ও ভাষা । তাঁহার স্বদেশ প্রচলিত রীতিনীতি ও ভাষা হইতে তাহা এতই ভিন্ন যে অনুবিধায় পড়িতে হইত । বোধ হয় এই কারণে কিংবা অন্য কারণে তিনি দেখিলেন যে তাঁহার মন পুনরায় তাঁহাকে মাতৃভূমি ফ্রান্সের দিকে টানিতেছে । ফ্রান্সে তিনি জন্ম লাভ করিয়াছেন, তাঁহার মনে হইল, সেই স্থানই তাঁহার কার্যক্ষেত্র ও দুঃখের অশ্রুপাতের ভূমি হইবে ইহাই বুঝি বিধাতার নির্দেশ ।

ইটালী এসময় তাঁহার ধর্ম গ্রহণ করিতে একেবারেই প্রস্তুত ছিল না । বাহ্যাস্থানের কঠিন শৃঙ্খলে সে দেশবাসীর হস্তপদ দৃঢ়বদ্ধ । ফ্রান্সের অবস্থা প্রায় সেইরূপ হইলেও তুলনায় তাহার বন্ধন একটু শিথিল ।

এ ক্ষেত্রে অণ্ডের চেষ্টাও ব্যর্থ হইয়াছে । মাইকেল ডি মলীনোস্ (de molinos) তাঁহার অকলঙ্ক চরিত্র ও শুভ্র জীবনখানি লইয়া ইটালীতে ধর্ম-শিক্ষক ও সংস্কাররূপে অবতীর্ণ হইয়াছিলেন । স্পিরিচুয়ালগাইড্ ( Spiritual guide ) নামক পুস্তকে তিনি তাঁহার

ধর্মমত প্রকাশ করিয়া লিখিয়া ছিলেন। কয়েক বৎসরের মধ্যে বিভিন্ন ভাষায় এই পুস্তকখানির ২০টি সংস্করণ প্রকাশিত হইয়াছিল। এই গ্রন্থের মত অনেক বিষয়ে ম্যাডাম গেয়েঁর মতের অনুরূপ। বাহ্যামুঠান প্রধান ধর্মের নিন্দা করিয়া তিনি বিশ্বাসের পথকেই পরম পন্থা, বলিয়া ঘোষণা করিয়াছিলেন। ইটালীর নানা অংশের ধার্মিকব্যক্তিগণ কর্তৃক তাঁহার মত সাদরে গৃহীত হইয়াছিল। কিন্তু এ অবস্থা বহুদিন স্থায়ী রহিল না।

সমাজের সজাগদৃষ্টি ইঁহার প্রতি আকৃষ্ট হইল। শত শত ব্যক্তির সহিত মলীনোস্ কারারুদ্ধ হইলেন। কারাবন্দীগণের মধ্যে জানী শুণী মানী ব্যক্তির অভাব ছিল না। কাউন্ট (Count) এবং কাউন্টেস্ ভেস্পিনিয়ানি (Countess Vespignani) ইঁহাদের মধ্যে ছিলেন। বিচারকসমক্ষে ধর্মপ্রাণা কাউন্টেসের নির্ভীক সতেজ উক্তি, সকলের বিশ্বয় উৎপাদন করিয়াছিল। তিনি বলিয়া ছিলেন যে পুরোহিতের নিকটে পাপ স্বীকার \* করিয়া বিশ্বাসঘাতকতার দ্বারা তিনি প্রতারিত হইয়াছেন। এখন, সম্মুখে অপমানকর মৃত্যুভয় সত্ত্বেও, তিনি কহিতেছেন—আর কখনও তিনি কোনও পুরোহিতের নিকটে পাপ স্বীকার করিবেন না। একমাত্র ঈশ্বরের নিকটে তিনি আপনার কথা ব্যক্ত করিবেন।

বিচারকর্তৃগণ এই অদ্ভুত সাহসে হতবুদ্ধি হইলেন। তাঁহাদের ন্যায় উচ্চপদস্থ ব্যক্তির প্রতি কঠোরতা অবলম্বন করিতে সাহস না করিয়া তাঁহারা অপর কয়বাক্তিসহ কাউন্ট ও কাউন্টেস্কে মুক্তি দিলেন। তাঁহার অনিন্দ্য জীবন এবং গভীর ধর্মতাব এই আন্দোলনের

\* রোমান ক্যাথলিক সম্প্রদায়ের মধ্যে ইহা একটি অত্যাবশ্যক ধর্মামুঠান।

মূলে তিনি অবশ্যই মুক্তি লাভ করেন নাই । মলীনোস্ এর পুস্তক বিধিযত পরীক্ষিত হইল এবং বিচারে স্থির হইল তিনি অপরাধী । সে পুস্তক যাঁহার নিকটে পাওয়া গেল তাঁহাকেই বিশেষ পরীক্ষা করা হইল । মলীনোস্কে রক্ষা করিবার চেষ্টা হইয়াছিল, কিন্তু তাহার কোন ফল হয় নাই । বহুবৎসর তিনি মনের শান্তিতে শান্তভাবে কঠোর কারাবাসে যাপন করিয়াছিলেন । অবশেষে কারা কক্ষেই তাঁহার আত্মা চিরমুক্তি লাভ করে ।

ম্যাডাম গেয়েঁ সে সময়ে এ আন্দোলনের কথা বিশেষ কিছু না জানিলেও তিনি বুঝিলেন যে এখানে কার্য সার্থক হইবে না ।

১৬৮৪ অব্দে তিনি টিউরিন্ হইতে ফ্রান্স উদ্দেশ্যে যাত্রা করেন । টিউরিন্ হইতে শত মাইল উত্তরপশ্চিমে ( Grenoble ) গ্রেনোব্ল্ একটি বিখ্যাত সহর । এখানে তাঁহার এক ধর্মপরায়ণা বন্ধু বাস করিতেন । তাঁহার আগ্রহে ম্যাডাম গেয়েঁ গ্রেনোব্ল্ এ অবতরণ করিয়া কিছু দিন সেখানে যাপন করিলেন । কন্যাকে পরিচারিকাসহ এক কনভেন্টে প্রেরণ করিয়া তিনি নিজে একজন দরিদ্র বিধবার বাড়ীতে একখানি কক্ষ ভাড়া করিয়া রহিলেন ।

ম্যাডাম গেয়েঁ কাহার সহিত অগ্রে সাক্ষাৎ করিতে যাইতেন না, বা আলাপ করিতেন না । তাঁহার রীতিই ছিল ভিন্ন প্রকারের । তিনি মনে করিতেন ধর্ম লইয়া বিলাইবার জন্ত ছুটাছুটি করিয়া বেড়াইবার আবশ্যক নাই, তাহাতে বিশ্বাসের অভাব প্রমাণিত হয় । প্রতীক্ষা করা চাহিয়া থাকি, প্রার্থনা করা, কাজ করিয়া যাওয়া এই তাঁহার আদর্শ ।

গ্রেনোব্ল্ এর একটি নির্জন কক্ষে তিনি তাঁহার প্রিয়তমের সহবাসে দিন যাপন করিতেন । সে সহরের একটি মাত্র পরিবার

ব্যতীত কাহারও সহিত তাঁহার আলাপ ছিল না, কেহ তাঁহাকে জানিত না। কিন্তু “ম্যাডাম গেয়েঁ। আসিয়াছেন” এ সংবাদ শীঘ্রই রাষ্ট্র হইয়া পড়িল এবং কয়েকদিনের মধ্যে সহরের প্রধান ধার্মিক ব্যক্তিগণ তাঁহাকে দেখিতে আসিলেন। ধর্মব্রষ্টারূপে তিনি স্থান হইতে স্থানান্তরে তাড়িত হইয়া ফিরিলেও, প্রকৃত ধর্মাত্মার হৃদয় তাঁহার নিকটে শ্রদ্ধা প্রীতিতে নত হইতে কখনও কুণ্ঠিত হয় নাই। তাঁহারা শুধুই শ্রদ্ধা ও সমবেদনা প্রকাশ করিতে আসিতেন তাহা নহে, অনেকে তাঁহার নিকট উপদেশ প্রার্থী হইয়া আসিতেন। ম্যাডাম গেয়েঁ।র কথায় তাঁহাদের অন্তরে দিব্যালোক আবির্ভূত হইত। তাঁহারা অপরের নিকটে তাঁহার কথা বলিতেন, এইরূপে দর্শনার্থীর সংখ্যা দিন দিন বাড়িতে লাগিল।

“নিকট, দূর, চারিরিক হইতে লোকেরা আসিত। পুরোহিত, বৈরাগী সন্ন্যাসী, সংসারী ব্যক্তি, কুমারী, সধবা, বিধবা, সকলে একে একে আমি কি কহিতেছি শুনিতে আসিতেন। তাঁহারা এতই আগ্রহ অনুভব করিতেন যে কোন কোন দিন সকাল ৬টা হইতে সন্ধ্যা ৮টা পর্যন্ত ঈশ্বরের কথা কহিতে আমি সম্পূর্ণ ব্যাপ্ত থাকিতাম।” তিনি যাহা বলিতেন তাহা যে পূর্ব হইতে চেষ্টা চিন্তা করিয়া ঠিক করিয়া রাখিতেন তাহা নহে, বলিবার সময় হইলে যেন ঈশ্বরের নিকট হইতে শুনিয়া শুনিয়া তিনি বলিয়া যাইতেন। “ঈশ্বর আমার সঙ্গে ছিলেন। যাহারা আসিতেন তাঁহাদের আধ্যাত্মিক অবস্থা ও অভাব বুঝিবার ক্ষমতা তিনি আমাকে আশ্চর্যরূপে দান করিতেন। অনেক আত্মা এই সময়ে ঈশ্বরের নিকটে নত হইয়াছিল। তাহাদের সংখ্যা যে কত তাহা ঈশ্বরই জানেন। মনে হইত কাহারও কাহারও

পরিবর্তন যেন মুহূর্তেই হইয়া যাইতেছে। \* \* প্রভুর এই কার্য্য বাস্তবিকই আশ্চর্য্য।”

অনেকে আসিয়া তাঁহার নিকটে শিশুরণায় আপনাদের হৃদয় মুক্ত করিয়া দিয়া দুঃখ দুর্বলতা অক্ষমতা অসঙ্কোচে সকলই ব্যক্ত করিত। তিনি ঈশ্বরের নিকটে বল শিক্ষা করিয়া লইতেন, তাহারপর একত্রে সংগ্রামের বিরুদ্ধে দাঁড়াইতেন। ইহাতে বিশ্বয়কর ফললাভ হইত।

এই সব ঘটনায় কর্তৃপক্ষের দৃষ্টি জাগ্রৎ হইয়া উঠিল। একজন নারীর এত প্রভাব তাঁহাদের পক্ষে বিরক্তিকর।—

“ঈশ্বরের দিক হইতে না দেখিয়া শুধু কাজ গুলিকেই তাঁহারা দেখিয়া ছিলেন। যে যন্ত্র ইচ্ছা করেন ঈশ্বর তাহাই ব্যবহার করেন। যন্ত্রের প্রতি অবজ্ঞাবশতঃ যন্ত্রের মধ্য দিয়া যে কল্যাণ ও করুণা আসিতেছে তাঁহারা তাহার প্রতি শ্রদ্ধাবান হইতেও ভুলিয়া গিয়াছিলেন।” কিন্তু তাঁহার সহিত কথা কহিবার পর বিরোধী গণের মধ্যেও অনেকের পরিবর্তন হইত। একজন বলিয়াছেন যে, তাঁহার উপদেশ যতই তিনি চিন্তা করিতে লাগিলেন, ততই মনের মধ্যে অতৃপ্তির আগুন জাগিয়া উঠিল। তিনি কি করিবেন বুঝিয়া উঠিতে পারিলেন না। লেখাপড়া, বিধিবদ্ধ প্রার্থনার আবৃত্তি ও অন্য সকল কর্তব্য কর্ম্ম তাঁহার পক্ষে অসাধ্য হইয়া উঠিল। ম্যাডাম গেয়েঁ তাঁহার অবস্থা বুঝিতে পারিয়া তাঁহার কল্যাণের জন্ত সচেত্বে হইলেন। ঈশ্বরের করুণাধারা অবতীর্ণ হইল। গ্রীষ্মের তাপদঙ্ক ভূমি যেমন বন্ধ পাতিয়া দিয়া বর্ষাধারাকে গ্রহণ করে তাঁহার তুষিত আত্মা সেইরূপ আগ্রহে ম্যাডাম গেয়েঁর উপদেশবানী গ্রহণ করিতে লাগিল। সকল কর্তব্য তাঁহার নিকটে সহজ ও আনন্দের হইয়া উঠিল।

ঠাহার বয়োজ্যেষ্ঠ কত নরনারী ঠাহার উপদেশ প্রার্থী হইয়া আসিতেন। এই সময় তিনি “A short method of prayer” নামক পুস্তক রচনা করেন। বিশেষ করিয়া এই নবজীবন প্রাপ্ত আত্মা সমূহের জন্মই এই গ্রন্থ লিখিত হইয়াছিল। ইহাদের মধ্যে সন্ন্যাসী সন্ন্যাসিনী, ধর্ম্মষাজক, সৈনিক, সংসারী নরনারী সকল শ্রেণীর লোকই ছিলেন। এই অন্তরের ধর্ম্মের পথে ঠাহারা একবার আসিতেন প্রায়ই ঠাহারা চিরজীবনের জন্মই আসিতেন। শত পরীক্ষা ঠাহাদের দৃঢ়তাকে বিচলিত করিতে পারিত না।

এই সমস্ত ঘটনা ১৬৮৫ সালের। আর একটি বিশেষ ঘটনা এই সময় ঘটে। সেই সহরের কন্ভেণ্ট্ বাসিনী এক সন্ন্যাসিনী ৮বৎসর ব্যাপিয়া ঘোর বিষাদের মধ্যে বাস করিতেছিলেন। ঠাহার যে কি হইয়াছে কেহ জানিত না, কেহ বুঝিত না। তিনি নিজেও বুঝিতে পারিতেন না, কিন্তু অন্তরের দুঃপনয় বিষাদ ঠাহাকে ঘিরিয়া ফেলিয়াছিল।

ম্যাডাম গেয়েঁ ঠাহাকে জানিতেন না, কোনদিন সে কন্ভেণ্টে পদার্পণ করেন নাই। আহ্বান না আসিলে তিনি কখনও কাহারও নিকটে যাইতেন না। সর্ববিষয়ে ভগবানের দ্বারা চালিত হইবার জন্ম তিনি অপেক্ষা করিয়া থাকিতেন, আপনা হইতে কোন বিষয়ে হস্তক্ষেপ করিতেন না।

একাদন সূর্যাস্তের পর গ্রীষ্ম কালের একটি দীর্ঘ দিনের অবসানে সেই কন্ভেণ্ট্‌এর কর্ত্রীর নিকট হইতে আহ্বান আসিল। সেখানে গিয়া ম্যাডাম গেয়েঁ গুনিলেন সেই শোকাক্তা ভগিনীর জন্মই ঠাহাকে ডাকিয়া আনা হইয়াছে। হতভাগিনী আত্মহত্যা করিতে উদ্ভত হইয়াছিল।

ঈশ্বরকে লাভ করিবার জ্ঞান আকুল আগ্রহ এবং বাহিরের আচার নিয়ম পালন, কৃচ্ছসাধনদ্বারা তাঁহাকে লাভ করিবার চেষ্টা রমণীকে পাগল করিয়া তুলিয়াছিল। ধর্মের জ্ঞান কোন কঠোর সাধনই তিনি অবশিষ্ট রাখেন নাই, কিন্তু তাহা দ্বারা প্রতিপন্ন হইয়াছে যে এই উপায়ে তাঁহাকে লাভ করা অসম্ভব। অথচ শিশু-কাল হইতে এই পথে চলিতেই তিনি অভ্যস্ত। এতদ্বিন্ন অন্য পথ যে আছে তাহা তিনি জানেনও না—মনে করিতেও পারেন না, অথচ তাঁহার হৃদয় বলে যে এপথ প্রকৃত পথ নয়। বাহিরের সহিত অন্তরের এই সংগ্রামে তিনি ক্ষত বিক্ষত হইতে ছিলেন এমন সময় এক ব্যক্তি ম্যাডাম গেয়েঁর সাহায্য প্রার্থনা করিতে পরামর্শ দান করিলেন।

সকল কথা শুনিবার পূর্ব বিষয়টি আরও ভাল করিয়া বুঝিবার জ্ঞান তিনি আপনার হৃদয় দেবতার নিকট নিবেদন করিলেন। হৃদয়ে তাঁহার আলোক অবতীর্ণ হইল। সেই আলোকে সব পরিষ্কার হইয়া গেল। তখন তিনি কি বলিলেন, কি করিলেন তাহা কেবল তিনিই জানেন, কিন্তু শোকাত্তান দীর্ঘ ছুঃখের অবসান ঘটিল। বাহিরের যোগ্যতা দ্বারা বাহিরের ক্রিয়াকর্মের আড়ম্বর দ্বারা যে ঈশ্বরকে ক্রম করা যায় না, তাঁহাকে পাইতে হইলে যে তাঁহারই উপরে নির্ভর করিতে হয়—এ সব কথা শুনিয়া তিনি মুক্তির নিঃশ্বাস ফেলিয়া বাঁচিলেন। তাঁহার আশ্চর্য্য পরিবর্তন সকলের বিশ্বাসের বিষয় হইল।

টোনোর গায় গ্রেনোব্ল্‌এ ও ম্যাডাম গেয়েঁর চেষ্টায় একটি হস্পিটাল ( hospital ) এর প্রতিষ্ঠা হইয়াছিল। তাহার জ্ঞান কোন নির্দিষ্ট আয় ছিল না, ঈশ্বরের উপর নির্ভরই তাহার একমাত্র ভবসা।



এ বিষয় লইয়াও শক্রগণ নিন্দা রটাইতে ছাড়েন নাই। তাঁহারা বলিতেন যে আপন সম্বানগণকে বঞ্চিত করিয়া ম্যাডাম গেয়েঁ তাহাদের প্রাপ্য অংশ এই সকল কার্যে ব্যয় করিতেছেন। ইহা কিন্তু ঠিক নয়। ম্যাডাম গেয়েঁ বলিয়াছেন যে, হস্পিটাল এর ব্যয় কোন মানুষের ভাণ্ডারের উপর নির্ভর করিত না, সেই ভাণ্ডার হইতে তাহার সকল অভাব মোচন হইত, যে ভাণ্ডার অক্ষয়।

২৭

গ্রেনোব্ল্ এর ৮ মাইল উত্তরে গ্রান্ড্‌সারট্রুজ (Grande Chartreuse) এর সুবিখ্যাত মঠ। ১০৮৪ অব্দে কলোন্ (Cologne) নিবাসী ব্রুনো (Bruno) দুর্গম পর্বতের উপরে এই আশ্রম প্রতিষ্ঠা করেন। পৃথিবীর কোলাহল, সংসারের বিক্ষোভ এই নির্জন স্থানে আসিয়া পৌঁছিতে পারিবে না এই তাঁহার আশা ছিল।

নিয়মানুসারে আশ্রমে রমণীর প্রবেশাধিকার ছিল না। সেই দুর্গম স্থানে গমন করা রমণীর পক্ষে সুসাধ্যও নহে। প্রায় ৪০ জন সন্ন্যাসী এখানে ধর্মসাধন ও জ্ঞানালোচনায় মগ্ন হইয়া ছিলেন। তাঁহাদের মধ্যে অনেকেই পণ্ডিত ব্যক্তি। আশ্রমে সুবহৎ পুস্তকাগার ছিল। সাদাসিধা জীবন যাপন ও সুমহৎ চিন্তা ইহাই এই আশ্রম বাসীগণের জীবনের মূল মন্ত্র ছিল। শাকার ভোজন করিয়া সুগভীর চিন্তায় ইহাদের জীবন অতিবাহিত হইত।

ম্যাডাম গেয়েঁ সেই দুর্ভাগিনী স্থানে আশ্রম দর্শন করিতে গেলেন। আশ্রমবাসী ফালার ইনোসেনসিয়াস সন্ন্যাসীদের সহিত আসিয়া তাঁহাকে অভ্যর্থনা করিলেন। বিশ্বাস সম্বন্ধে তাঁহাদের কথাবার্তা হইল। ম্যাডাম গেয়েঁ নম্রভাবে আপনার মত ব্যক্ত করিলেন।

বিখ্যাসকেই সর্বোচ্চস্থান দান করিতে এই সাধকদল প্রস্তুত ছিলেন না। তাঁহারা কঠোর তপস্বী করিতেন। বৎসরের ৮ মাস তাঁহাদের উপবাস ব্রতে কাটিত, অবশিষ্টকাল নিরাশ্রিত আহার করিতেন। কৃষ্ণ সাধনকেই ভগবৎ লাভের উপায় বলিয়া তাঁহারা মনে করিতেন।

ম্যাডাম গেয়েঁ চলিয়া যাইবার পরেই ফাদার ইনোসেনসিয়াস তাঁহার মতের সত্যতা সম্বন্ধে তীব্র সংশয় প্রকাশ করিলেন। অল্পদিনের মধ্যেই তিনি ম্যাডাম গেয়েঁর প্রতিপক্ষগণের মধ্যে একটি প্রধান স্থান গ্রহণ করিলেন।

অগাধ স্থানের ঞায় গেনোব্ল্ এও নির্ধাতন আরম্ভ হইতে বিলম্ব হইল না। যে মহিলা বন্ধুর অনুরোধে ম্যাডাম গেয়েঁ এখানে আসিয়াছিলেন তিনিও তাঁহার বশোব্যাপ্তিতে ঈর্ষান্বিত হইয়া পড়িলেন। কেহ বলিতে লাগিলেন যে তিনি আপন সীমা অতিক্রম করিয়া গিয়াছেন—যে কাজে তিনি হস্তক্ষেপ করিয়াছেন ওকাজ তাঁহার নহে। পথ ভ্রষ্ট আত্মাসমূহকে অব্বেষণ করিয়া আনা—একাজ কি দুর্বলা নারীর ?

ম্যাডাম গেয়েঁ বলিয়াছেন, কাহার হৃদয়ে কোন্ উদ্দেশ্য লুক্কায়িত তাহা তিনি বুঝিতে পারিতেন। ঈশ্বরের মহিমা প্রচার যাঁহাদের উদ্দেশ্য তাঁহারা তাঁহার কার্য্য অনুমোদন করিতেন এবং কার্য্যের ফল দেখিয়া আনন্দ প্রকাশ করিতেন, যাঁহাদের অভিপ্রায় স্বার্থ-সিদ্ধি তাঁহারা ম্যাডাম গেয়েঁর প্রতি অবজ্ঞাবশতঃ কল্যাণকে তুচ্ছ করিতেন এবং গোপনে সকলকে তাঁহার বিরুদ্ধে উত্তেজিত করিবার চেষ্টায় নিযুক্ত থাকিতেন।

অত্যাচার বর্দ্ধিত হইয়া চলিল, তিনিও আপনার কৰ্ম্ম করিতে লাগিলেন। জনমণ্ডলী যখন তাঁহার কথা শুনিবার জন্ত সম্মিলিত

হইত তখন সময় সময় তাঁহার হৃদয় নীরবে প্রার্থনায় মগ্ন হইয়া পড়িত। এই অবস্থায় তাঁহার নিম্নলিখিত চক্ষু অথবা উর্দ্ধদৃষ্টি, ভ্রোড়হস্ত শাস্ত নিমগ্নভাব, অন্তর্জ্যোতির্ময়ী মুখচ্ছবি দেখিয়া মনে হইত যে বাক্য উচ্চারণের অতীত স্থানে ইঁহার অন্তরায়্য অবস্থিতি করিতেছে। যে বিশাল গভীরতার মধ্যে তিনি মগ্ন হইয়া গিয়াছেন, সেখানকার ভাষা কণ্ঠস্বরে ব্যক্ত হয় না। এই স্তব্ধ গাম্ভীর্য্য, এই মূর্ত্যশাস্তির সম্মুখে সকল হৃদয় প্রণত হইয়া পড়িত। ঋণকালের জ্ঞাও সাংসারিক ভাবকে সে স্থান হইতে বিদায় গ্রহণ করিতে হইত।

ম্যাডাম গেয়েঁ টোনেঁ অবস্থানকালে “Spiritual Torrents” নামক গ্রন্থ রচনা করিয়াছিলেন, গেনোব্ল্ এ “Commentaries on the Bible” লিখিতে আরম্ভ করেন। বাইবেল সম্বন্ধে আলোচনা করিতে হইলে হিব্রুভাষায় জ্ঞান থাকা আবশ্যিক। এ সুবিধা তাঁহার ছিল না। ল্যাটিন তিনি একরূপ জানিতেন। তাহা হইতেই বিশেষ সাহায্য পাইয়াছিলেন।

রাত্রিবেলার নিজার সময় কমাইয়া সেই সময়ে তিনি লিখিতেন। তিনি বলিয়াছেন “এই পুস্তক রচনার সময় আমার প্রভু আমার নিকটে এমন ভাবে উপস্থিত থাকিতেন ও এমন করিয়া আমাকে শাসনাধীনে রাখিতেন যে তাঁহারই আজ্ঞায় আমি লিখিতে বসিতাম, তাঁহারই আজ্ঞায় লেখা ছাড়িয়া উঠিতাম। অত্যন্ত দ্রুত গতিতে লেখা চলিত। আমার মধ্যে আলোক বর্ষণ হইতে লাগিল। আমি দেখিলাম এমন প্রচ্ছন্ন রত্ন রাজি আমার অন্তরে রহিয়াছে পূর্বে বাহার সম্বন্ধে আমার ধারণাই ছিল না।”

এই গ্রন্থের একাংশ মাত্র গেনোব্ল্ এ লিখিত হইয়াছিল। নরপতি ডেভিড্ এর বিষয় লিখিবার সময়, তিনি বলিয়াছেন,

“আমি তাঁহার আশ্রয় সহিত আশ্চর্য্য ষোগ অনুভব করিতাম। মনে হইত যেন তিনি আমার নিকটে বর্তমান।”

তাঁহার টেবিলের উপরে “A short method of prayer” এর পাণ্ডুলিপি দেখিয়া তাঁহার এক সিভিলিয়ান বন্ধু তাহা পড়িতে চাহেন। ইনি একজন ধর্মপ্রাণ ব্যক্তি ছিলেন। পুস্তক পাঠে অত্যন্ত আনন্দিত হইয়া তিনি বন্ধুগণকে তাহা পড়িতে দেন। তাঁহারই একান্ত আগ্রহে এই পুস্তক মুদ্রিত হয়। কয়েক বৎসরের মধ্যে ইহার ৫।৬ টি সংস্করণ নিঃশেষ হইয়া যায়। ম্যাডাম গেয়েঁ বলিয়াছেন যে এই ক্ষুদ্র পুস্তকের উপরে ঈশ্বরের মহান আশীর্বাদ বর্ষিত হইয়াছিল, কিন্তু বিরুদ্ধ মতাবলম্বীগণের মধ্যে ইহা সেইরূপই উত্তেজনার সৃষ্টি করিয়াছিল।

### ২৮

সেই ক্ষুদ্র পুস্তক খানিতে প্রার্থনা সম্বন্ধে তিনি যাহা লিখিয়াছেন তাহার মর্ম এই—

সেণ্ট পল্ অবিচ্ছেদে প্রার্থনা করিতে বলিয়াছেন, খৃষ্ট বলিয়াছেন— আপনার প্রতি সতর্ক দৃষ্টি জাগাইয়া রাখ এবং প্রার্থনা কর। কিন্তু এই প্রার্থনা কি? ইহা নিশ্চয়ই নির্দিষ্ট বাক্য উচ্চারণ করিয়া যাওয়া অপেক্ষা বেশী কিছু। যে অবস্থায় মানুষের হৃদয় ঈশ্বরের সহিত বিশ্বাসে ও প্রেমে যুক্ত থাকে, হৃদয়ের সেই অবস্থাটিই প্রার্থনা।

এই রূপ হৃদয়সম্পন্ন ব্যক্তির জীবন সর্বদাই প্রার্থনাময়। সকল শ্রেণীর মানুষই সকল কালে সকল অবস্থার মধ্যে প্রার্থনা করিতে পারেন। সুতরাং প্রার্থনা এবং ধর্ম, অভিন্ন।

ক্ষুধিত আশ্রাসমূহ, ক্ষুধাতৃষ্ণির কিছু তোমরা খুঁজিয়া পাইতেছনা—এস—তৃষ্ণিলাভ করিবে। হৃৎকতারাক্রান্ত হতভাগ্যগণ, এখানে

এস—আরাম পাইবে। রোগপীড়িত, চিকিৎসকের নিকটে আগমন কর। ভীত হইওনা—ব্যাধিতে তোমার সর্ব অঙ্গ আচ্ছন্ন—সকলই তাঁহাকে দেখাও—আরোগ্য লাভ করিবে। সম্মানগণ, তোমাদের পিতার নিকটে আগমন কর—তাঁহার প্রেমের বাহু তোমাদিগকে আলিঙ্গন করিয়া লইবে। হতভাগ্য পঞ্চত্র মেষদল, পরিচালকের নিকটে ফিরিয়া এস। পাপীগণ, পরিভ্রাতার নিকটে আগমন কর। সকলেই এস কেহ পড়িয়া থাকিয়ো না—যীশুর আহ্বান তোমাদের জন্ত প্রেরিত হইয়াছে। শুধু সে-ই আসিও না যাহার হৃদয় নাই—হৃদয়হীনকে আহ্বান করা হয় নাই, কিন্তু কে সত্য সত্যই হৃদয়বর্জিত ?

যাহারা অজ্ঞ, ধর্মপথে অনভিজ্ঞ তাহাদের সম্বন্ধে এইরূপ বলিয়াছেন,—ইহারা সম্ভবতঃ “Lord's prayer” ব্যতীত আর কিছু জানেন না—তাহা দিয়াই আরম্ভ হউক। প্রথমে বল, ‘হে আমাদের পিতা !’ তাহার পর চুপ কর, নীরব সম্বন্ধে শুরু হইয়া থাক, চিন্তাকর, উপলব্ধি কর কথাস্ত্রীর অর্থ কি, বুঝিতে চেষ্টা কর কি অসীম তাঁহার আকিঞ্চন আমাদিগকে পুত্রস্বৈ বরণ করিবার জন্ত।

তাহার পর বল, ‘তোমার রাজ্য আগমন করুক।’ আর কিছু বলিবার পূর্বে এই বাক্যের গভীর ভাব হৃদয়ঙ্গম কর, সেই মহিমাময় রাজ্যের শাসনতলে আপনাকে সম্পূর্ণরূপে সমর্পণ করিয়া দিতে চেষ্টা কর।

তৎপরে বল, ‘স্বর্গে যেমন, তেমনই এই পৃথিবীতে তোমার ইচ্ছা পূর্ণ হউক।’ ঈশ্বরের সম্মুখে প্রণত হইয়া পড়—ব্যাকুল হইয়া প্রার্থনা কর যে তাঁহার ইচ্ছা—তাঁহার অখণ্ড ইচ্ছা তোমাদের অন্তরে সাধিত হউক—তোমাদের দ্বারা চিরপূর্ণ হউক। ঈশ্বরকে ভালবাসিলেই

ঊহাৰ ইচ্ছা আপনাৰ বধো পূৰ্ণ কৰা হয়, স্মুতৰাং ঊহাৰ ইচ্ছা পালন কৰিবাৰ জ্ঞত বললাভেৰ প্ৰাৰ্থনা ও ঊহাকে বেন সমস্ত অস্তঃকৰণ দিয়া ভালবাসিতে পাৰি এই প্ৰাৰ্থনা একই। বতই পাপী বতই অযোগ্য—হওনা কেন প্ৰাৰ্থনা কৰিবাৰ সময় ধীৰ হইও শান্ত হইও। তোমাদেৰ কেহ যুক্তিদাতা চালক নাই এভাবে বিক্ষুব্ধ হইয়া উঠিও না। তয় পাইও না, বিশ্বাস হাৰাইও না, ঈশ্বৰ নিৰ্দয় নহেন—ঊহাৰ অঙ্গীকাৰ তিনি পালন কৰিবেন।

ধৰ্ম্মপথে নূতন মাত্ৰীৰ সঙ্গক্ষে ;—

প্ৰাৰ্থনাৰ কথা বারংবার আবৃত্তি কৰিও না। খৃষ্ট বলিয়াছেন,— 'প্ৰাৰ্থনা কৰিবাৰ সময় বৃথা পুনৰাবৃত্তি কৰিও না—পৌত্তলিকেৰা ওৰূপ কৰে, কাৰণ তাহাৰা মনে কৰে যে বহু কথনেৰ জ্ঞত তাহাদেৰ বাক্য শ্ৰুত হইবে। Lord's praya দিয়া আৰম্ভ কৰ। ধীৰে—শান্তভাবে—বিশ্বাসেৰ সহিত উচ্চাৰণ কৰিয়া যাও। একবার শেষ কৰিয়া পুনৰ্কাৰ বলিবাৰ জ্ঞত তাডাতাড়ি কৰিও না—আবৃত্তিৰ সংখ্যাৰ উপৰে প্ৰাৰ্থনাৰ ফল নিৰ্ভৰ কৰে না। প্ৰত্যেক প্ৰাৰ্থনাব পৰে ধামিও।

ঈশ্বৰেৰ কোন যুক্তি কল্পনা কৰিও না। ঊহাৰ ভাব চিত্ৰ বা যুক্তিতে কিছুই প্ৰকাশমান হয় না। বীণ কহিয়াছেন, ঈশ্বৰ আত্ম-স্বৰূপ, আত্মা দিয়াই, সত্য দিয়াই ঊহাৰ পূজা কৰিতে হইবে।

শিক্ষাপ্ৰাপ্ত ব্যক্তিদেগেৰ জন্ম—

ঊহাৰা অপেক্ষাকৃত জ্ঞানলাভ কৰিয়াছেন, অৰ্জিত জ্ঞান ঊহাদিগকে এই পথে সহায়তা কৰিতে পাৰিবে। পূৰ্বোক্ত যন্তব্যগুলি ইহাদেৰ প্ৰতি বিশেষ প্ৰযোজ্য। ঊহাৰা বেন ধৰ্ম্মগ্ৰন্থসমূহ পাঠ কৰেন—ধীৰে ধীৰে প্ৰাৰ্থনাপূৰ্ণ অস্ত্ৰে বতৰণ না সত্যগুলি আত্মগত

হয় ততক্ষণ পাঠ করেন। পাঠের সঙ্গে সঙ্গে ভগবৎ চিন্তন আবশ্যিক। নিঃসৃত বিশ্বাসপূর্ণ হৃদয়ে ঈশ্বরের সহিত তোমাব যে সম্বন্ধ তাহা অনুভব করিতে চেষ্টা কর আপনাকে তাঁহার একেবারে সম্মুখে স্থাপন কর। মনকে প্রথমে এই মহৎ চিন্তায় ব্যাপ্ত করিতে হইবে যে ঈশ্বর সৎ—তিনি সম্মুখে বর্তমান রহিয়াছেন, ঈশ্বর আমাদের পিতা— তাঁহার নিকটে আমরা সর্ববিষয়ে ঋণী। এই মহাসত্যগুলির উপরে মন শাস্তভাবে বিশ্বাসের সহিত অবস্থিতি করুক। শাস্ত নম্র হইয়া থাক, সকল ইন্দ্রিয়কে সকল চিন্তাকে পরিধি হইতে সম্বুচিত করিয়া কেবল আনিয়া প্রতিষ্ঠিত কর। এইরূপে ঈশ্বরের জগৎ অপেক্ষা করিয়া থাক—তীর আকাঙ্ক্ষার সহিত অপেক্ষা করিও কিন্তু প্রাণ বেন উত্তেজনাপূর্ণ না থাকে।

### উচ্চতর অভিজ্ঞতা প্রাপ্তি,—

প্রথমে আত্মার ঈশ্বরোপলব্ধি-শক্তি অন্নই থাকে। ঈশ্বরকে সে পিতৃসম্বোধন করে কিন্তু শঙ্কাকম্পিত চিন্তে। ক্রমে কিছুদিন পরে সে বল লাভ করে। পূর্বে পাপাচারীরূপে ঈশ্বরের নিকটে আসিতে তাহার ভয় হইত, ঈশ্বরের সহিত মানবের মিলন যে কিরূপে হইতে পারে তাহা অল্পে অল্পে এখন সে দেখিতে পায়।

\* \* \* \*

এই অগ্রসর অবস্থায় আত্মা এই মহাসত্য বুদ্ধিতে আরম্ভ করে যে, তাহার প্রেমকে স্বার্থবিমুক্ত করিতে এবং তাহার ইচ্ছাকে ঈশ্বরের ইচ্ছার সহিত সম্পূর্ণ মিলাইয়া লইতে হইবে। যে ভৃত্য কেবলমাত্র পুরস্কারের আশায় কার্য্য করে সে নিজকে সকল পুরস্কারের অযোগ্য করিয়া তোলে। ‘ঈশ্বর’ এবং ‘ঈশ্বরের দান’ এক নহে ইহা বিবুতে হইবে। তাঁহার ইচ্ছার মধ্যেই তিনি বর্তমান।

তিনি যখন তোমাকে অন্তরে বাহিরে দুঃখ প্রলোভনদ্বারা আঘাত করিতে থাকেন, যখন তোমাকে সম্পূর্ণ শুষ্কতার মধ্যে নিক্ষেপ করেন তখন তিনি যাহা করান তাহাই করিয়া যাও, যাহা করিতে দেন তাহাই সহ কর, কিন্তু সকল বিষয়েই তাঁহাতে নির্ভর রাখিও এবং সহিষ্ণু থাকিও। নতুনভাবে, 'আমি নিজে কিছুই নই এই বোধের সহিত, ব্যগ্র, শাস্ত অহুরাগসহ, বাধ্য ও প্রশান্ত অন্তর লইয়া তোমার প্রেমাস্পদের পুনরাগমন প্রতীক্ষায় উন্মুখ হইয়া থাক। এইরূপে প্রমাণ কর যে তোমার নিজের স্বার্থময় সুখ তোমার লক্ষ্য নহে, তুমি কেবল ঈশ্বর ও ঈশ্বর স্রীতির সন্ধান করিতেছ।

**সকল বিষয়ে ঈশ্বরের নিকট আত্মসমর্পণ—**

সমস্তই ছাড়িয়া না দিলে আত্মসমর্পণ করা হয় না। ঈশ্বর চরণে আপনাকে একেবারে সম্পূর্ণরূপে ছাড়িয়া দিতে হইবে, উৎসর্গ করিয়া দিতে হইবে। অতীতের বিষয় বিশ্বাসিতর তলে ডুবিয়া যাক, ভবিষ্যতের ভাবনা ভগবানের হস্তে থাকুক,—বর্তমানে—এই মুহূর্তে—আমরা আপনাদিগকে তাঁহার চরণে নিঃশেষে দান করিয়া দিই।

**আত্মনিবেদনের পরীক্ষা—**

আমাদের আত্মনিবেদন সত্য কি না পরীক্ষা করিবার সুযোগ ভগবান প্রেরণ করিবেন। সম্পূর্ণরূপে ঈশ্বরের নিকটে আত্মসমর্পণ না করিলে সম্পূর্ণ তাঁহার হওয়া যায় না এবং সম্পূর্ণ আত্মসমর্পণ করা হইরাছে কি না তাহা দুঃখ না আসিলে বোঝা যায় না।—ইহাই পরীক্ষা। ঈশ্বরের ইচ্ছা যখন সুখ ব্যতীত আর কিছুই প্রদান করে না তখন সে ইচ্ছাকে ভালবাসা সাধারণ ব্যক্তির পক্ষেও সহজ, কিন্তু সে ইচ্ছা যখন আশাকে পরাহত করে, পথে দুঃখের কণ্টক রোপণ করিয়া দেয় তখনও তাহাতে আনন্দ করা—ধর্মপ্রাপ



সাধু ব্যতীত কেহই তাহা পারে না । স্নতরাং দুঃখ পরিহার্য্য নহে, তাহা বরণ করিয়া লইবার সামগ্রী ।

হে প্রিয় আত্মা, পৃথিবীর সাধনা ছুদিনের, তাহা চলিয়া যাব ; কিন্তু ঈশ্বর সমীপে সম্পূর্ণ আত্মত্যাগের যে সাধনা, যে ভালবাসা দুঃখকে ভালবাসে তাহার যে সাধনা তাহা চিরদিনের । যে দুঃখকে বরণ করিয়া লইল না সে ঈশ্বরকে বরণ কবিত্তে পারে না ।

ভিতরে যখন আমরা প্রকৃত জীবন লাভ করি তখন বাহিরের জীবনও ধর্ম্মদ্বারা নিয়মিত হইয়া উঠে । সেন্ট্ অগষ্টিন্ বলিয়াছেন— “ভালবাস—তাহারপর যাহা ইচ্ছা তাহাই কর ।” যদি আমাদের ভালবাসা থাকে—স্বার্থলেশহীন ভালবাসা থাকে, তাহা হইলে সেই ভালবাসাই আমাদের ঠিক কাজটি করাইবে । ইঞ্জিয়সমূহের অসঙ্গত কার্য্য মনের ভ্রান্তি ও বিকৃতি হইতে উৎপন্ন হয় । ভিতরের মানুষটিকে শাসন কর—বাহিরের মানুষটি আপনিই শাসিত ও সংযত হইয়া উঠিবে ।

বিস্মিত হইয়া বিশ্বাসী প্রেমিক আত্মা দেখেন যে ঈশ্বর ক্রমে ক্রমে তাঁহার সমস্তই অধিকার করিয়া বসিতেছেন । আপনার কাজ হইতে আপনাকে দূরে রাখ—তাহা হইলে ঈশ্বর নিজে আসিয়া আমাদের মধ্যে বাস করিতে ও কাজ করিতে পারিবেন ।

এই অবস্থায় উপস্থিত হইলে মানুষ সকল কাল সকল স্থান সকল ঘটনার জন্যই প্রস্তুত থাকে—জনসমাজে, পূজারআসন, কার্য্যক্ষেত্র সকলের জন্যই সে প্রস্তুত । উদ্দেশ্যের দুর্বলতাহেতু অথবা বিশ্বাসের অভাববশতঃ যদি কখনও আমরা কেত্রচ্যুত হইয়া পড়ি তবে তৎক্ষণাৎ

বেন একবার অন্তরের নিভৃত নিলয়ে ফিরিয়া আসি—আপনাকে ঈশ্বরের ইচ্ছা ও উদ্দেশ্যের সহিত মিলাইয়া লই। আত্মা যতই ঈশ্বরের সাদৃশ্যলাভ করে ততই স্পষ্টরূপে সে তাঁহার গুণরাজি বুঝিতে সমর্থ হয় এবং ততই তাঁহার আকর্ষণ অনুভব করে।

এইরূপ অবস্থায় মানুষ যদি কোন ক্রটি কোন পাপ করে তাহা হইলে তৎক্ষণাৎ তাহার অন্তরের মধ্য হইতে ধিক্কারবাণী ধ্বনিত হইয়া উঠে, সে মহা অস্থিরতার মধ্যে নিক্ষিপ্ত হয়। ঈশ্বরই নিয়ত আত্মাকে পরীক্ষা করিতেছেন কিন্তু তাঁহার আলোকে আত্মা নিজেরও নিজেকে দেখিতে ও পরীক্ষা করিতে পারে।

যদি ভ্রান্তি বশতঃ বিষম পাপেও পতিত হও তাহা হইলেও আপনাকে উত্যক্ত করিয়া তুলিও না, শুধু শাস্ত ও বিশ্বস্তভাবে অনুতাপে নত হইয়া তাঁহার নিকটে ফিরিয়া যাও তিনি ক্ষমা করিবার জগু প্রস্তুত হইয়া আছেন। ভয় পাইও না, উত্তেজনা-চঞ্চল হইও না,—মনের অত্যন্ত উত্তেজনা, বিরক্তিই যে অনুতাপ তাহা নহে—তাহা অনুতাপের ফলও নহে, বরং তাহা অবিশ্বাসের ফল।

প্রলোভনকে দুই উপায়ে প্রতিহত করা যাইতে পারে। এক উপায়—পাপের সহিত সম্মুখ সংগ্রামে অবতীর্ণ হওয়া ; অণ্ড উপায়—অমঙ্গলের দিক হইতে চক্ষুদুটি ফিরাইয়া লইয়া ঈশ্বরে দৃষ্টি নিক্ষেপ করা। শিশু যদি ভয়ানক বিকট মূর্তি দেখে তাহা হইলে সে কি তাহার সহিত যুদ্ধ করিতে যায় ? সে সেই দিকে দৃষ্টিও ফিরায় না, পূর্ণবিশ্বাসে মাতার বক্ষে ঝাঁপাইয়া পড়ে। আত্মাকেও এইরূপে প্রলোভনের বিপদ হইতে ঈশ্বরের কোড়ে আশ্রয় লইতে হইবে।

দুর্বল আমরা, যদি আমাদের শত্রুকে আক্রমণ করিতে চেষ্টা করি তাহা হইলে, সম্পূর্ণ পরাজিত যদি না-ও হই, বারংবার পরাহত তো হইবই। কিন্তু আপনাকে শুধু ঈশ্বরের সম্মুখে ধরিয়া দেও—সেই যুদ্ধেই বললাভ হইবে। এই সাহায্যই রাজা ডেভিড্ অবেষণ করিয়া ছিলেন। তিনি বলিয়াছেন, “আমি সর্বদাই আমার প্রভুকে সম্মুখে রাখিয়াছি। তিনি আমার দক্ষিণ হস্তের সম্মুখে রাখিয়াছেন—আমি বিচলিত হইব না।”

ঈশ্বর যখন আত্মার কেন্দ্র হন তখন অহঙ্কার বিনষ্ট হইয়া যায়। যে প্রেমে তখন হৃদয় পূর্ণ হয় তাহা নির্মল। এই অবস্থায় উপনীত হইবার পূর্বে ঈশ্বরের অস্তিত্ব স্বীকার করা হয় না। তাঁহাকে জীবনে পাওয়া হয় না। আমিত্বকে একেবারে লুপ্ত করিয়া দিতে পারিলে, আপনার দিক হইতে একেবারে কিছুই না, হইয়া বাইতে পারিলে তবেই তাঁহাকে পাওয়া যায়।

এই অবস্থায় পৌঁছিলে আত্মা নীরব প্রার্থনার রত হয়। কণ্ঠস্বর-বর্জিত বলিয়াই যে ইহা নীরব প্রার্থনা, তাহা নহে—জীবনে তখন প্রার্থনা এত সহজ হইয়া আসিয়াছে যে বলিবার আর কিছু থাকে না, শুধু বাক্যাতীত একটি বাসনা অন্তর হইতে নিঃসৃত হইতে থাকে—তোমার ইচ্ছা পূর্ণ হউক। এই সরল অথচ এত ব্যাপক প্রার্থনাটুকুর মধ্যে আত্মার সম্পূর্ণ অবস্থাটি সুস্পষ্ট হইয়া রহিয়াছে। এই প্রার্থনা নিমিষে নিমিষে পূর্ণ হইতেছে ও হইবে এই বিশ্বাসই আত্মার অবিরাম প্রার্থনাকে নিরন্তর সফলতা দান করিতেছে। তখন সকল বিষয়েই আনন্দ, যাহা আছে তাহাতেও আনন্দ, যাহা নাই—খুঁজিতেছি—তাহাতেও আনন্দ।

এই অবস্থায় আত্মার কার্যসমূহ মহত্তর গতি লাভ করে, কার্যক্ষেত্র প্রসারপ্রাপ্ত হয়। ঈশ্বর আপনি এখন তাহার চালক, তিনি যেমন করান আত্মা সেইরূপই করে। সেটপলু যখন ঈশ্বরদ্বারা চালিত হওয়ার কথা বলিয়া ছিলেন তখন তিনি ইহা মনে করেন নাই যে আমাদের কার্য্য হইতে বিরত হইতে হইবে, তাঁহার বক্তব্য এই :—আমাদের কার্য্যগুলিকে তাঁহার কার্য্যের সহিত মিলাইয়া, তাঁহার কার্য্যের অন্তর্ভুক্ত করিয়া করিতে হইবে।

ঈশ্বরে পূর্ণ নির্ভর স্থাপন করিলে, তাঁহাকেই চালক বলিয়া গ্রহণ করিলে আমাদের কার্য্যাবলী উচ্চতম অবস্থাপ্রাপ্ত হয়, কারণ আমাদের স্থিতি গতি ও অস্তিত্ব শুধু তাঁহাতেই।

ধর্মজীবনের উষাকালে আপনাকে জয় করিবার জন্ত স্বার্থপরতাকে বিনষ্ট করিবার জন্ত, নিজের বহল ও অশোধিত কার্য্যগুলিকে নিয়মিত করিবার জন্ত, যাক্ষকে বহু চেষ্টা, বহু পরিশ্রম করিতে হয়, ঈশ্বরের সম্মুখে আপনাকে বাধ্য ও শান্ত করিয়া লইতে হয়। পট যখন চঞ্চল তখন চিত্রকর তাহার উপরে চিত্রাঙ্কন করিতে পারে না।

ঈশ্বরের সহিত মিলন আনয়নই সকল ধর্মের উদ্দেশ্য। আপনার বুদ্ধি ছাড়িয়া নিয়ত বিশ্বাসের সহিত যখন উর্দ্ধ হইতে জ্ঞান তিক্ষাকরি তখনই আমরা বুদ্ধিতে তাঁহার সহিত এক হই, তিনি যাহা ইচ্ছা করেন ও ভালবাসেন আমরা যখন তাহাই ইচ্ছা করি ও ভালবাসি তখন প্রেমে তাঁহার সহিত মিলন হয়, তাঁহার অভিপ্রায় যখন আমাদের উদ্দেশ্য হয় তখন ইচ্ছায় তাঁহার সহিত মিলিত হই।

ঈশ্বরের ইচ্ছা পূর্ণ ন্যায়ের, পূর্ণ প্রেমের পথ হইতে কখন বিচ্যুত হইতে পারে না—এই নিয়ম স্বয়ং ঈশ্বরেরই মত অপরিবর্তনীয়।

ইচ্ছার মিলন না হইলে ঈশ্বরের সহিত মানুষের মিলন হইতে পারে না ।

এই মিলনের জীবন ঈশ্বরের দান । আপনাকে তাঁহার নিকটে সমর্পণ করিয়া দিলে, সর্ব বিষয়ে তাঁহার হইলে, তাঁহার হস্ত হইতে সুখদুঃখ উভয়কেই আশীর্বাদরূপে গ্রহণ করিলে সে দান লাভ করা যায়, তাঁহার সহিত মিলন হয় । শুধু ঈশ্বরই ইহা সম্ভব করিতে পারেন, কিন্তু ইহাতে মানবের সম্মতির অপেক্ষা আছে । ঈশ্বর মানবকে ভালবাসেন, তিনি জীবনের আলোকের উৎস । ঈশ্বরই প্রকৃত মুক্তিদাতা, কিন্তু মানবকে মুক্তি পাইবার আকাঙ্ক্ষায় আপন জীবন-খানি তাঁহাতে সমর্পণ করিতে হইবে । হৃদয়ের দ্বার খুলিয়া দিতে হইবে—আমরা শুধু ইহাই পারি—আলোক দান করিবেন সূর্য্য—সেই চিরসূর্য্য ।

কেহ বলিতে পারেন যে এই অবস্থা প্রাপ্ত না হইয়াই মানুষ এই অবস্থা পাইয়াছে বলিয়া মিথ্যা ভান করিতে পারে ।—ক্ষুধার যন্ত্রণায় মরণাপন্ন দরিদ্র যেমন ক্ষুধাতৃপ্তির ভান করিতে পারে সেও ততটুকু পারে—তাহার বেশী নহে । ক্ষুধার্ত যতই প্রতারণা করুক, তাহার মুখ, তাহার চোখ প্রকৃত অবস্থা জানাইয়া দেয় । আপনাকে ঈশ্বরের সহিত প্রেমে ও ইচ্ছায় যুক্ত বলিয়া লোকে প্রবঞ্চনা করিতে পারে , কিন্তু যদি সে সত্যই তাহা না হয় তাহা হইলে তাহার বাক্যে তাহার কার্য্যে এমন কিছু নিশ্চয়ই থাকিবে যাহাতে সে ধরা পড়িবে ।

ধর্ম্মশাস্ত্রিক ধর্ম্মশিক্ষকদিগের

নিকটে আবেদন—

আমরা বাহিরের বিষয় লইয়া আরম্ভ করি এই জন্মই মানুষের

বিশেষতঃ নিম্নশ্রেণিস্থ মানবদিগের সংশোধন চেষ্টা ব্যর্থ হইয়া যাইতেছে। এই উপায়ে কোন ফল যদি লাভ করাও যায় তাহা হইলেও তাহা হৃদিনের জন্ত। এমন বিষয় লইয়া আরম্ভ করিতে হইবে যাহা অন্তর পর্য্যন্ত পৌঁছায়, অন্তরকে যাহা নবীন করিয়া তুলে। অন্তরের মধ্যে ঈশ্বরকে খুঁজিবার, বাহিরের আচারের পরিবর্তে প্রেমদ্বারা তাঁহাকে পূজিবার শিক্ষা দেওয়াই প্রকৃত শিক্ষাদান। এই উপায়ে আত্মাকে উৎসের দিকে লইয়া যাওয়া হয়।

আধ্যাত্মিক ধর্মের মহাগুরুদ্বয় নিজ-জীবনে উপলব্ধি করিয়া, আত্মার চালনাতার যাহাদের হস্তে তাঁহাদের সকলকে আমি অনুরোধ করিতেছি—অবিলম্বে আধ্যাত্মিকপথে ইহাদিগকে প্রতিষ্ঠিত করুন। খৃষ্টের উপদেশ দান করুন। আপনাদের হস্তে যাহাদের ভার সমর্পিত তাহাদেরই জন্ত তিনি তাঁহার অমূল্য শোণিতপাত করিয়াগিয়াছেন—সেই শোণিত দিয়া তিনি অনুনয় কারয়া বলিতেছেন—বাহিরের বিষয় ছাড়িয়া ভিতরের বিষয় বলিতে প্রবৃত্ত হউন। তাঁহার প্রসাদের বিতরণকর্তা, তাঁহার বাণীর প্রচারকর্তা, তাঁহার মহাযজ্ঞের পুরোহিত আপনারা—খৃষ্টের রাজ্য-প্রতিষ্ঠা করিতে চেষ্টা করুন। হৃদয়ই শুধু তাঁহার বিরুদ্ধে বিদ্রোহ করিতে পারে, সেইরূপ হৃদয় দিয়াই তাঁহার রাজ্যের উন্নতি করা যায়, তাঁহার বশীভূত হওয়া যায়। অন্তর—অন্তর—অন্তরের দিকে লক্ষ্য জাগ্রৎ হউক, সেই প্রার্থনা শিক্ষা দেওয়া হউক যাহা শুধু বুদ্ধির উদ্ভাবন নহে—ঈশ্বরের ভাব হইতে যাহার উৎপত্তি।”

২৯

পুস্তকখানি প্রকাশিত হইবার পর কয়েকজন ধর্মপ্রাণ ব্যক্তি ১৫০০ খণ্ড ক্রয় করিয়া সহরে ও চতুর্দিকে বিতরণ করিলেন।

ম্যাডাম গেয়েঁ বলিতেছেন—“ঈশ্বর আমাকে যহৎ যত্নের সহায় করিয়াছিলেন । আমি স্পষ্টই দেখিলাম, ভয়ানক পীড়ন সহিবার সময় আসিয়াছে । কিন্তু তাহাতে আমাকে কষ্ট দিতে পারে নাই ।

গ্রেনোব্ল্‌এ ( Grenoble ) অত্যাচর বর্ধিত হইতে লাগিল । তাঁহার মত খণ্ডন করিবার জন্য লোকে তর্ক করিতে আসিত । সহরের এক বিখ্যাত বিদ্বান ধর্ম্মবাক্যক আসিলেন । তিনি অতি সাবধানে কতকগুলি প্রশ্ন ঠিক করিয়া আসিয়াছিলেন । ম্যাডাম গেয়েঁ বলিয়াছেন যে কোন কোন প্রশ্নের উত্তর দেওয়া তাঁহার সাধ্যের অতীত ছিল, কিন্তু তিনি তাঁহার গুরুর নিকটে জিজ্ঞাসা করিলেন কি বলিতে হইবে—সকল সমস্তার মীমাংসা হইয়া গেল । এমন ভাবে তিনি উত্তর দিলেন যেন দীর্ঘকাল হইতে সে বিষয় চিন্তা করিয়া আসিতেছেন । সন্তুষ্ট হইয়া, ঈশ্বর প্রেমের অপূর্ব অভিজ্ঞতা লাভ করিয়া পণ্ডিত প্রবর চলিয়া গেলেন ।

শিশুগণের মধ্যে একটি দরিদ্র বালিকা তাঁহার বড়ই অল্পমত ছিল, ধর্ম্মকেও সে একাগ্র চিত্তে ভালবাসিত । একদিন সে আসিয়া বলিল—“মা, কি আশ্চর্য্য দৃশ্য দেখিলাম ! ভীষণ তরঙ্গদলের মধ্যে যেমন মেঘশিশু আপনাকেও তেমনি অবস্থায় দেখিলাম । দেখিলাম সন্ন্যাসী, পুরোহিত, নরনারী সকলে অস্ত্রহস্তে আপনার বিনাশের জন্য একত্র হইয়াছে । আপনি একাকী দাঁড়াইয়া,—আপনার ভয়ও নাই বিস্ময়ও নাই । আমি চারিদিকে চাহিলাম—আপনাকে সাহায্য করিবার জন্য, রক্ষা করিবার জন্য কেহ আসিল না ।”

কয়েকদিনের মধ্যেই পীড়ন নৃশংসভাবে জাগিয়া উঠিল । তাঁহার সম্বন্ধে কিছুই জানেন না এমন ব্যক্তিও তাঁহার বিরুদ্ধে লেখনী ধারণ করিলেন । কেহ প্রচার করিলেন, তিনি মন্ত্রসিদ্ধা—মায়াবলে মানুষকে

আকর্ষণ করিতেছেন। কেহ কহিল, টাকা জাল করিয়া তিনি দানের পুণ্য সঞ্চয় করিতেছেন। এইরূপ বহু অসম্ভব—হাস্যকর স্বপ্নারও অযোগ্য কথাসমূহ রাষ্ট্র হইতে লাগিল।

এই সকল ভুল কথার অনিয়া ম্যাডাম গেয়েঁর মন অশুকম্পায় ব্যথিত হইয়া উঠিল। তাঁহার ভ্রাতৃ ভ্রাতৃগণের কল্যাণকামনায় তিনি ব্যাকুল হইতেন। তিনি বলিয়াছেন তাহাদের পরিত্রাণের জন্য ব্যগ্র আকাঙ্ক্ষায় আমার আত্মা যেন ভষিত হইয়া উঠিয়াছিল।”

গ্রেনোব্ল্‌এ তাঁহার যাহা করিবার ছিল তাহা শেষ হইয়া আসিল। বহুজন গুরুতর বিপদের আশঙ্কা করিয়া তাঁহাকে নেস্থান ত্যাগ করিতে পরামর্শ দিতেছিলেন। তাঁহার প্রতি গ্রেনোব্ল্‌এর বিশপ কামুস্ (Bishop camus) এর সম্ভাব ছিল। ইনি ধর্মপ্রাণ বিদ্বান ব্যক্তি। পোপ ২য় ইনোসেন্ট (Pope Innocent, II) কর্তৃক ইনি পরবর্তীকালে Cardenal এর পদ প্রাপ্ত হইয়াছিলেন। কিন্তু এ সকল যোগ্যতা থাকা সত্ত্বেও তিনি শত্রুদলের দুর্ব্যবহার হইতে একটি নারীকে রক্ষা করিতে পারিলেন না।

কন্যাকে প্রিয় পরিচারিকার নিকটে রাখিয়া অপর একজন পরিচারিকার সহিত তিনি গোপনে নগর ত্যাগ করিলেন। ১৬৮৬ অব্দে তাঁহার গ্রেনোব্ল্‌এর কার্য সমাপ্ত হইল।

বহু ক্লেশ ও বিপদ সহ করিয়া অবশেষে তিনি বিখ্যাত নগর মার্সেল্‌ (Marselles) এ উপনীত হইলেন। কিন্তু সেই বৃহৎ নগরের একটি গৃহদ্বারও এই পরিশ্রান্ত অতিথির জন্য মুক্ত হইল না। তিনি বলিয়াছেন—“সকাল ১০টার সময় আমি পৌঁছলাম, বিকাল বেলাই চারিদিক হইতে আমার বিরুদ্ধে কোলাহল জাগিয়া উঠিল।”

দুর্ব্যবহারের কারণ তাঁহার ক্ষুদ্র পুস্তক—“a short method



of prayer.” কেহ কেহ তৎক্ষণাৎ বিশপের নিকটে গিয়া কহিলেন যে এমন পুস্তকের লেখককে এই মুহূর্তেই নির্বাসিত করা উচিত। বাহা হউক কিছু করিবার পূর্বে বিশপ একবার পুস্তকখানি পরীক্ষা করিয়া দেখা প্রয়োজন মনে করিলেন। পড়িয়া তাঁহার খুব ভাল লাগিল। গ্রন্থ কত্রীকে দেখিবার জন্য তিনি অত্যন্ত আগ্রহ প্রকাশ করিলেন। ম্যাডাম গেয়েঁ সাক্ষাৎ করিতে গেলে তিনি পরম সমাদরে তাঁহাকে গ্রহণ করিলেন এবং বিগত ঘটনার জন্য ক্রমা প্রার্থনা করিলেন। চতুর্দিকে বিরোধসত্ত্বেও তিনি যথাশক্তি তাঁহাকে রক্ষা কবিবেন এই আশ্বাস দিয়া তাঁহাকে মার্সেল্‌জ্ এ অবস্থান করিতে অনুরোধ করিলেন। সাক্ষাৎ করিবার ইচ্ছায় তিনি ম্যাডাম গেয়েঁ'র বাড়ীর ঠিকানাটিও জানিয়া লইলেন।

কিন্তু বিরুদ্ধদলের উপদ্রব তাঁহাকে অস্থির করিয়া তুলিল। তাহার ম্যাডাম গেয়েঁ'র নিকটে অত্যন্ত বিরক্তিকর পত্র সকল প্রেরণ করিত। ইহা ভিন্ন আরও নানা উপায়ে তাঁহাকে অপমানিত করা হইত। দেখিয়া শুনিয়া তাঁহার মনে হইতে লাগিল, তাঁহার প্রভু তাঁহার নিকট হইতে সকল আশ্রয়স্থান কাড়িয়া লইতে চাহিতেছেন।

মার্সেল্‌জ্ এ তাঁহার স্থান নাই নানা ইঙ্গিত হইতে তাহা তিনি বুঝিলেন, কিন্তু কোথায় যে বাইতে হইবে তাহা বুঝিতে পারিলেন না। টিউরিনের মার্শিয়োনেন্স অব্‌ফ্রনে (Marchioness of Prunai) এর কথা মনে পড়িল। পৃথিবীতে জুড়াইবার স্থান সেই ধানে আছে।

৮ দিন মাত্র তিনি মার্সেল্‌জ্ এ অবস্থান ও কার্য করিয়াছিলেন। এখানে অনেক ধার্মিক ও সম্মান ব্যক্তির সহিত তাঁহার পরিচয় হইয়াছিল এবং অনেকের জীবনেই তাঁহাধারা মহৎ পরিবর্তন সাধিত হইয়াছিল।

বার্ (Var) নদীর কূলে প্রাচীন নাইস্ (Nice) নগর অতিক্রম করিয়া তিনি টিউরিন্ বাইবেন স্থির করিয়া ছিলেন।

নাইস্ এ আসিয়া গুলিলেন যে তাঁহার শিবিকা পৰ্ব্বত পার হইয়া আল্প্‌এর পরপারস্থ টিউরিন্ পৌঁছিতে অক্ষম। পথের মধ্যে একথা শুনিয়া তিনি স্তম্ভিত হইলেন। এখন কি করিবেন কোন্ দিকে ফিরিবেন বুঝিতে পারিলেন না। “এই পৃথিবীর মধ্যে আমি একাকী, মানবের সকল সাহায্য হইতে বঞ্চিত, বুঝিতে পারিলাম না, ঈশ্বর আমার নিকটে কি চাহেন! দেখিলাম আমি গৃহহারা আশ্রয়হীন। পথে ভ্রমণ করিতে লাগিলাম, দেখিলাম ব্যবসায়ীরা দোকানে আপন আপন কর্মে ব্যস্ত। সকলকেই সুধী বলিয়া মনে হইল—তাঁহাদের গৃহ আছে—মাথা রাখিবার স্থান আছে। ছুঃখের সহিত আমার মনে হইতে লাগিল যে আমার সেরূপ কিছুই নাই।”

এই এক প্রলোভন ও পরীক্ষার সঙ্কট-সময়, কিন্তু তিনি পরাজিত হন নাই।

গুলিলেন পরদিন একখানি ক্ষুদ্র জাহাজ যাত্রা করিবে। সেই জাহাজে জলপথে তিনি সাতোনা (Savona) পর্যন্ত পৌঁছিতে পারেন। সে স্থান হইতে সহজেই মারশিয়নেস্ এর গৃহে যাওয়া যাইবে। উপায়ান্তর নাই দেখিয়া এই বন্দোবস্তেই ম্যাডাম গেয়েঁ সন্মত হইলেন।

জাহাজে উঠিয়া ম্যাডাম গেয়েঁর অন্তর আনন্দে উজ্জ্বল হইয়া উঠিল। ক্ষুদ্র জাহাজ, বিপজ্জনক একটি স্থানে বড় উঠিল। তিনি শান্তমনে ভাবিতে লাগিলেন হয়ত এই অনন্ত জলরাশি তাঁহার শেষ বিশ্রাম স্থান হইতে পারে! নানা কল্পনা মনে আসিতে লাগিল। তিনি তাঁহার প্রভুকে জিজ্ঞাসা করিলেন তরঙ্গাঘাতে

সমুদ্রমধ্যস্থ বসতিহীন কোন পর্বত গুহায় লইয়া গিয়া তাঁহাকে সমুদ্র জীব হইতে বিচ্ছিন্ন করিয়া রাখা তাঁহার অভিপ্রায় নহে তো? সেই জনহীন দ্বীপ হয়তো তাঁহার সকল লাঞ্ছনা অপমানের অবসান করিয়া দিবে। হায় নির্জন পর্বতে নির্বাসন অপেক্ষা তাঁহার প্রভু তাঁহার সম্পূর্ণ স্বতন্ত্রতর নির্বাসনের ব্যবস্থা করিয়া রাখিয়া ছিলেন, ভীষণ সাগরতরঙ্গ অপেক্ষা নিশ্চয়তর তরঙ্গ তাঁহাকে বিধ্বস্ত করিবার জন্য অপেক্ষা করিয়া রহিয়াছিল।

১ দিনের পথ ১১ দিনে অতিক্রম করিলেন। বিপদ রাশির মধ্যে তাঁহার মনের শাস্ত্যভাব অবিচলিত ছিল। তাঁহার মনে হইল তাঁহার জন্য কঠোর সংগ্রাম সঞ্চিত রহিয়াছে—এই ঝটিকাঝিকোত যেন তাহারই পূর্বাভাস। তাঁহার প্রিয়তমের দক্ষিণ হস্ত তাঁহাকে আঘাত করিবার জন্য উদ্যত—আঘাত ধারণ করিবার জন্য তিনি মাথা পাতিয়া দিলেন। তিনি জানিতেন সে হস্ত হইতে কল্যাণ ব্যতীত আর কিছু আসিতে পারে না এবং তাহার আঘাতকে তিনি জীবন অপেক্ষা অধিক ভালবাসিতেন।

সম্ভবতঃ ঝটিকাঝিকোত হইয়া গম্যস্থান ছাড়িয়া তাঁহারা জেনোয়াতে গিয়া পড়িলেন। কিছুদিন হইতে জেনোয়াবাসীগণ কোন কারণে ফরাসীগণের বিরুদ্ধে অত্যন্ত উত্তেজিত হইয়াছিল। ম্যাডামগেয়েঁ এবং তাঁহার ক্ষুদ্র দলটি তীরে অবতরণ করিবা মাত্র অবমাননার অভ্যর্থনা লাভ করিলেন।

তিনি যথাসম্ভব শীঘ্র জেনোয়া ত্যাগ করিতে চেষ্টা করিলেন। মারুশিয়নেস্ অবশ্রমে এখন টিউরিনে আছেন কিনা ঠিক জানা নাই, সেইজন্য টিউরিন্ যাত্রার আয়োজন স্থগিত রাখিয়া বার্সেল্ ( Verciel ) উদ্দেশে যাত্রা করিলেন। কিছুদিন পূর্বে

বার্সেল্‌ এর বিশপ আগ্রহের সহিত তাঁহাকে পুনঃপুনঃ নিমন্ত্রণ করিয়াছিলেন।

মাসে'ল্‌ হইতে একজন ধর্ম্‌ যাজক তাঁহার সঙ্গে আসিয়াছিলেন। বিশপকে তাঁহাদের আগমন সংবাদ দিবার জন্ত তিনি তাঁহাকে অগ্রে পাঠাইলেন। ম্যাডামগেয়েঁ। এবং দুইজন পরিচারিকা শিবিকারোহণ করিয়া যাত্রা করিলেন। তাঁহাদের সম্মুখে দুইদিনের পথ। অবলা নারীকে একাকিনী পাইয়া শকট-চালক অত্যন্ত রুচ ও উদ্ধত হইয়া উঠিল। এক দিনের যাত্রার পর তাঁহাদের পথ একটি বনের মধ্যে পড়িল। বনটি দস্যু-অধিষ্ঠিত বলিয়া কথিত।

শকট-চালক শঙ্কিত হইল। দস্যুর হস্তে পড়িলে মৃত্যু যে নিশ্চিত সে যাত্রীদিগকে তাহা বুঝাইতে লাগিল। তাহার কথা শেষ হইতে না হইতেই অস্ত্রধারী ৪ জন পুরুষকে অগ্রসর হইতে দেখা গেল। আসিয়াই তাহারা শকট খামাইয়া দিল। চালক ভয়ে মৃতপ্রায় হইল। ম্যাডামগেয়েঁ।র মন সে সময়ে নিশ্চিত, তাঁহার চিত্ত ঈশবে সমর্পিত। সমুদ্রগর্ভে বা দস্যুর হস্তে সকল প্রকারের মৃত্যুই তাঁহার নিকটে সমান বিভীষিকাবর্জিত। দস্যুগণ অগ্রসর হইয়া যানের ভিতরে দৃষ্টিপাত করিল। ম্যাডামগেয়েঁ। একটু হাসিলেন এবং স্থিতমুখে নমস্কার করিলেন। মুহূর্ত্তে তাহাদের কি হইল তাহাদের পরস্পরের মধ্যে ঠেলাঠেলি পড়িয়া গেল--যেন প্রত্যেকেই অপরকে অত্যাচার হইতে বিরত করিবার জন্ত ব্যস্ত-অধীর হইয়া উঠিয়াছে। দস্যুদল সমস্ত্রমে অভিবাদন করিয়া করুণাঙ্কিত মুখে চলিয়া গেল।

রাত্রিতে একটি গ্রামের সরাইয়ে বিশ্রাম করিবেন ঠিক ছিল। কিন্তু, হয়তো অর্থ আদায়ের অভিসন্ধিতে শকট-চালক গন্তব্যস্থানে গমন করিল না। রমণীকে সহায়হীন ভাবিয়া সে যাহা ইচ্ছা তাই করিতে

আরম্ভ করিল। গ্রামের সরাইটি যাত্র ১ মাইল দূরে থাকা সত্ত্বেও একটি কলের কারখানায় গাড়ী থামাইয়া সে সেইস্থানে রাত্রি-ষাপনের প্রস্তাব করিল। সেখানে একটিমাত্র কক্ষ, তাহাতে অনেকগুলি শয্যা, সকলে সেখানে একত্রে শয়ন করে। কলের মজুর, শকটচালকশ্রেণীর লোকই সেস্থানে আশ্রয় গ্রহণ করে। তরুণবয়স্কা বালিকা দুইটিকে লইয়া ম্যাডাম গেয়েঁকে সেই কক্ষে শয়ন করিতে বলা হইল। ম্যাডাম গেয়েঁ স্তম্ভিত হইলেন। সরাইয়ে লইয়া ষাইবার জন্ত কত চেষ্টা করিলেন, তিরস্কার করিলেন কিন্তু কোন ফল হইল না।

অবশেষে ১০টা রাত্রিতে অপরিচিত স্থানে তাঁহারা যান হইতে অবতরণ করিতে বাধ্য হইলেন। সেই অন্ধকার রাত্রিতে দম্ম্যপূর্ণ বনের মধ্য দিয়া আপন আপন বস্ত্রাদি হস্তে তাঁহারা যাত্রা করিলেন। ব্যর্থ-অভিসন্ধি শকটচালক অগত্যা তাঁহাদের অনুসরণ করিয়া চলিল। এইসব অপমানের হীনতা ম্যাডাম গেয়েঁকে মর্মবিদ্ধ করিতেছিল কিন্তু সকলই তিনি নীরবে প্রসন্নমুখে সহিতেছিলেন।

অবশেষে নিরাপদে সরাইয়ে আসিয়া পৌঁছিলেন। সরাইএর অধিবাসীগণ এই বিপন্ন অতিথিদিগকে সাদরে গ্রহণ করিলেন ও সমস্ত সেবার তাঁহাদের শ্রান্তি দূর করিতে চেষ্টা করিলেন। তাঁহারা বলিলেন যে অত্যন্ত বিপজ্জনক স্থান হইতে আজ তাঁহারা বাঁচিয়া আসিয়াছেন।

৩০

পথে আরও অনেক বাধা বিঘ্ন সহিবার পর তাঁহারা বাসেল্‌এ আসিয়া পৌঁছিলেন। ফাদার লা কোব্‌ তখন সেখানে ছিলেন। ম্যাডাম গেয়েঁ তাঁহার নিকটে আগমন-সংবাদ প্রেরণ

করিলেন। বাসেঁল্‌এ ফাদার কোঁব্‌ অভিশয় সমাদৃত ও সম্মানিত ছিলেন।

ম্যাডাম গেয়েঁ ও ফাদার কোঁব্‌ উভয়ের পুনরায় সাক্ষাৎ হইল। তাঁহারা আনন্দিত হইলেন, কিন্তু এই মিলনে নূতন নিন্দাবাদী সৃষ্টির সম্ভাবনা আছে এই ভাবিয়া ক্ষুণ্ণ হইলেন।

বাসেঁল্‌এর বিশপও তাঁহার আগমনবার্তা শুনিবামাত্র তাঁহার নিকটে আপন ভ্রাতৃপুত্রীকে পাঠাইয়া দিয়াছিলেন এবং অবিলম্বে আপনি আসিয়া সাক্ষাৎ করিলেন। বিশপ ফরাসীভাষা ভাল জানিতেন না, সুতরাং ম্যাডাম গেয়েঁকেই ইটালীয় ভাষায় কথা কহিতে হইল। বিশপ প্রীত হইয়া গেলেন।

কিছুদিন পরে তিনি ম্যাডাম গেয়েঁকে স্থায়ী ভাবে বাসেঁল্‌এ থাকিতে অস্বরোধ করিলেন। ম্যাডাম গেয়েঁ সম্মত হইতে পারেন নাই কারণ তাঁহার মনে হইয়াছিল, ঈশ্বরের ইচ্ছা অন্তরূপ।

তাঁহার স্বাস্থ্য ধারাপ হইতে লাগিল। চিকিৎসক কহিলেন, বাসেঁল্‌এর জলবায়ু তাঁহার স্বাস্থ্যের পক্ষে অস্বকুল নহে। দুঃখিত চিন্তে বিশপ তাঁহার বাসেঁল্‌ ত্যাগে মত প্রদান করিলেন। তিনি বলিলেন, বাসেঁল্‌এ থাকিয়া মৃত্যু হওয়া অপেক্ষা অন্য কোথাও সুস্থদেহে জীবিত থাকুন ইহাই অবশ্য তাঁহার ইচ্ছা।

বহুবর্গ প্যারীকে কস্মক্ষেত্র করিবার পরামর্শ দান করিলেন। তাঁহার মনে হইতেছিল তাঁহার জন্ম কঠিনতর পরীক্ষা অপেক্ষা করিয়া আছে। ফাদার কোঁব্‌এর ও সেই বিশ্বাস জন্মিয়াছিল। তথাপি ঈশ্বরের ইচ্ছার নিকটে আপনাকে ছাড়িয়া দিবার জন্ম তিনি ম্যাডাম গেয়েঁকে উৎসাহিত করিলেন।

কয়েকমাস বাসেঁল্‌ বাসের পর তিনি পুনরায় যাত্রা করিলেন।

স্বাস্থ্যহানি ব্যতীত বাসেঁল্ বাস তাঁহার পক্ষে সকল বিষয়েই সুখের হইয়াছিল। ফাদার কোব্‌এর সহিত তিনি প্যারী যাত্রা করিলেন। দুজনে চলিলেন—আত্মহত্যা করিতে, বৃহত্তর বোঝা মাথায় তুলিয়া লইতে।

পথে মারশিয়োনেস অব্‌ প্রনের সহিত একবার সাক্ষাৎ করিলেন। পুনর্বার তাঁহাকে দেখিতে পাইয়া মারশিয়োনেস্ অত্যন্ত আনন্দিত হইলেন। দীন আর্ন্তের সেবায় ও নানা সংকর্মে তিনি আপন দিনগুলিকে ব্যাপ্ত করিয়া রাখিয়াছিলেন। তাঁহার সেবা ধর্ম্মে তাঁহাকে উৎসাহদান করিয়া কয়েকদিন পরে ম্যাডাম গেয়েঁ তাঁহার নিকট হইতে শেষ বিদায় গ্রহণ করিলেন।

Savoয়এর প্রধান সহর সাঁবেরিতে (Chamberr) ভ্রাতা লা মোথ্‌ এর সহিত তাঁহার সাক্ষাৎ হইল। অনেক বৎসর ভ্রাতাভগিনীর সাক্ষাৎ হয় নাই। ম্যাডাম গেয়েঁর প্রতি লা মোথ্‌ এর সস্তাব না থাকিলেও তাঁহাদের এই মিলন প্রীতিকরই হইয়াছিল।

সাঁবেরি হইতে তিনি গ্রেনোবল্‌এ আসেন। এইখানে তাঁহার কন্যা পরিচারিকার সহিত বাস করিতেছিল। তিনি পুনর্বার আসিয়াছেন শুনিয়া দলে দলে লোক তাঁহার নিকটে আসিতে লাগিল এবং তাঁহাকে দেখিয়া অত্যন্ত আনন্দ প্রকাশ করিল। কিন্তু যখন শুনিল তিনি সেখানে থাকিতে আসেন নাই, অল্পকয়দিন পরেই চলিয়া যাইবেন, তাহাদের সকল আনন্দ বিধাদে পরিণত হইল। বিশপ্‌ কামুসও খুব সদয় ব্যবহার করিলেন।

প্রায় একপক্ষকাল গ্রেনোবল্‌এ বাসন করিয়া কন্যা ও পরিচারিকাকে লইয়া তিনি পুনরায় যাত্রা করিলেন। ১৬৮৬, ২২এ জুলাই তিনি প্যারীতে পৌঁছিলেন। তখন তাঁহার বয়স ৩৮ বৎসর।

৩১

পুনরায় শত পুরাতন স্মৃতিময় প্যারীতে আসিয়াছেন, কিন্তু এখন কি পরিবর্তন। তাঁহার পরিচিত বন্ধুগণের মধ্যে অনেকে ইহলোক ত্যাগ করিয়াগিয়াছেন, তাঁহার নিজের অবস্থাও কত পরিবর্তিত।

বিচ্ছিন্ন পরিবারটি পুনর্বার একত্র মিলিত হইল। কণা দুটিকে লইয়া ম্যাডাম গেয়েঁ বাস করিতে লাগিলেন। একটি বাধা স্বভাবতঃই তাঁহাকে সহরের অভিজাতসমাজ হইতে বিচ্ছিন্ন করিয়া রাখিল।

তাঁহার দীনদরিদ্র ভাইভগিনীগণের কথা তিনি কখনও বিস্মৃত হন নাই। সহরের অন্য শ্রেণীর লোকের সহিতও এখন তাঁহার যোগ হইল। প্যারীর সম্ভ্রান্ত পরিবারের মহিলাগণ ম্যাডাম গেয়েঁর বশোবার্তা শুনিয়াছিলেন। তাঁহাদের মধ্যে ধর্ম্মাকাঙ্ক্ষিনী অনেকের সহিত ম্যাডাম গেয়েঁ মাঝে মাঝে দেখা করিতেন। এই সময় হইতেই ম্যাডাম গেয়েঁর নামকে—বন্ধুভাবে না হয় শক্রভাবে প্যারীর কতকগুলি বিখ্যাত নামের সহিত জড়িত দেখিতে পাওয়া যায়।

ডিউক অব্ বোবিলিয়ে (Duke of Beauvilliers) ডিউক অব্ সেক্রেজ্ (Duke of Chevreuse) ফেনেলোঁ (Fenelon) প্রভৃতি প্রথিত নামা পুরুষগণ ম্যাডাম গেয়েঁর অন্তরঙ্গ বন্ধুগণের মধ্যে ছিলেন। সাংসারিক হিসাবে ইঁহার ম্যাডাম গেয়েঁ অপেক্ষা উচ্চতর স্থানে অধিষ্ঠিত, কিন্তু ধর্ম্ম শিক্ষায় ইঁহার তাঁহার নিকটে শিষ্যের নিম্নাসনে বসিতে কুণ্ঠিত হন নাই।

এদিকে ফাদার কোব্ এর চেষ্টায় এই নূতন ধর্ম্ম—এই প্রাণের ধর্ম্ম চতুর্দিকে ব্যাপ্ত হইয়া পড়িতেছে। ধনিদরিদ্র, পণ্ডিত মুর্থ নির্বিশেষে সকলের হৃদয়ে ইঁহার প্রভাব প্রতিষ্ঠিত। এমন অবস্থা



বেশীদিন অলক্ষিত ভাবে চলিতে পারেনা। কর্তৃপক্ষের দৃষ্টি আকর্ষণ হইতে বিলম্ব হইলনা।

লা কোঁব্ বুকিলেন সম্মুখে বিষম পরীক্ষা। একখানি পত্রে ম্যাডাম গেয়েঁকে লিখিয়াছিলেন ;—

“আকাশে মেঘ সঞ্চিত হইয়া উঠিতেছে। কখন বজ্রপাত হইবে জানি না। কিন্তু, সমস্ত পরীক্ষাব মধ্যে ঈশ্বরের ইচ্ছা বর্তমান জানিয়া, আমি বিশ্বাস করি যে ঈশ্বরের হস্ত হইতে যাহাই আশুক না কেন সমস্তই আমি বরণ করিয়া লইতে পারিব।”

তাঁহার বিরুদ্ধে বিশেষ বিকট হইয়া উঠিল। বিরোধীগণ সম্রাট চতুর্দশ লুইএর নিকটে অভিযোগ উপস্থিত করিয়া সফল-মনোরথ হইলেন। তাঁহার ফলে ১৬৮৭, ৩রা অক্টোবর ফাদার কোঁব্ ধৃত ও রহস্যময় ভীষণ ব্যাষ্টিল (Bastille) কারাগারের মধ্যে অদৃশ্য হইয়া গেলেন। ম্যাডাম গেয়েঁর ভ্রাতা লা মোথ্ এই ব্যাপারের ক্রতিতে এক প্রধান অংশ গ্রহণ করিয়াছিলেন। ধর্মগুরুরূপে ভগিনীর উপর ফাদার এর সুপ্রতিষ্ঠিত প্রভাব ও সর্বত্র ইঁহার সন্মান ও সমাদর—ইহা দেখিয়া লা মোথ্ এর মনে ঈর্ষা জাগিয়া উঠিয়াছিল।

ফাদার কোঁব লাটিন্ ভাষায় “An Analysis of Mental Prayer” নামক এক পুস্তক লিখিয়াছিলেন। ইহা আপত্তিকর বলিয়া ঘোষিত হইল। ব্যাষ্টিল এর কারাকক্ষে তিনি কতদিন রুদ্ধ ছিলেন, সঠিক জানা যায় না। ম্যাডাম গেয়েঁ বলিয়াছেন যে চিরজীবনের জন্মই তিনি অবরুদ্ধ হইয়াছিলেন, কিন্তু কারাগারের কস্মচারীগণ তাঁহার প্রতি সদয় ও সন্মান ব্যবহার করিতেছেন জানিতে পারিয়া শক্রগণ তাঁহাকে কঠোরতর স্থানে প্রেরণ করিবার চেষ্টা করিতে লাগিলেন। তাঁহাদের চেষ্টায় তাঁহাকে আপার-

পিরানিজ (Upper Pyrenees) এর লুর্ড (Lourde) সহরের একটি কারাগারে ও তৎপরে অন্য দুই একটি কারাগারে ক্রমান্বয়ে স্থানান্তরিত করা হয়। বিভিন্ন কারাগারের মধ্যে তাঁহার জীবনের সাতাশটি বৎসর কাটিয়াছিল। এই মহাপ্রাণের কার্য্য এইরূপে এত শীঘ্র শেষ করিয়া দেওয়া হইল। দয়া করিয়া মৃত্যুকালের অনতিপূর্বে তাঁহাকে সারোঁটেঁ হাঁসপাতালে (Chaumont Hospital) আনা হইয়াছিল। ১৭১৪ খৃষ্টাব্দে তাঁহার সকল যন্ত্রণার অবসান হয়।

ফাদার কোঁব্ এর কারাদণ্ডে ম্যাডাম গেয়েঁর মনে বিষম আঘাত লাগিল। কিন্তু এ বিশ্বাস তাঁহার অটল রহিল যে “ঈশ্বর প্রত্যেক ব্যক্তিকে তাহার কার্য্যানুসারে পুরস্কার দান করিবেন।”

ফাদার কোঁব্ এর কারাবাসের সময় ম্যাডাম গেয়েঁ তাঁহার হৃঃসহ হৃঃখে যথাসাধ্য সাহায্যাদান করিতে চেষ্টা করিতেন। কারাগারে তাঁহার জন্ম পুস্তক ও অর্থ প্রেরণ করিতেন এবং নিজের যৎশেষ বিপদের সম্ভাবনা সত্ত্বেও তাঁহাকে পত্র লিখিতেন। কখনও এইকাজ তাঁহাকে অত্যন্ত গোপনে করিতে হইত। একবার তিনি নিজের নাম না দিয়া গুপ্ত ভাবে তাঁহাকে একখানি পত্র লিখিয়াছিলেন—ইহা পাইয়া ফাদার কোঁব্ এই মর্মে তাহার উত্তর দিয়াছিলেন—

আমার অজ্ঞাত অথবা বেনামী পত্রের লেখক আমাকে যে সম্মান দান করিয়াছেন সমস্ত হৃদয়ের সহিত তাহার উত্তর দিতেছি। পত্রখানি যেমন হৃদয়তাপূর্ণ, ধর্ম্মসম্বন্ধেও সেইরূপ উপদেশপূর্ণ ও শিক্ষাপ্রদ। আমার প্রতি আপনি যে এই পবিত্র বন্ধুত্ব দেখাইয়াছেন ইহাতে আমি সত্যসত্যই আনন্দ অশুভব করিতেছি এবং ইহাও কম আনন্দের বিষয় নহে যে নির্বাসিত বন্দীর জন্ম যাহার হৃদয়খানি এত চিন্তিত তিনি নিজের ঈশ্বরের পথে অগ্রসর হইয়া চলিয়াছেন।

যে হৃদয় হইতে সাস্থনার এই ছত্রকয়টি উখিত হইয়াছে তাহা যে নির্ভয় বিশ্বাস এবং নিঃস্বার্থপ্রেমে পরিপূর্ণ ইহা জানিয়া যে আনন্দ লাভ করিয়াছি এমন আনন্দ আমাকে আর কিছুতেই দিতে পারিবে না । এইরূপ হৃদয়ই ঈশ্বরের অধিষ্ঠান-মন্দির ।

পত্রখানির লেখক যিনি, ধর্মসম্বন্ধীয় কথাবার্তার মধ্যেই তিনি ধরা পড়িয়া গিয়াছেন, সে মূর্ত্তি আমার হৃদয়ে এতই গভীররেখায় মুদ্রিত যে তাহাকে চিনিতে পারিব না ইহাই আমার পক্ষে অসম্ভব । আমার কারাগৃহের দুঃখচ্ছায়ার মধ্য হইতে হৃদয়ের অকৃত্রিম প্রীতিপূর্ণ কৃতজ্ঞতা গ্রহণ করুন ।

আমাদের প্রিয় কাজ বাহা, এই অবস্থায় তাহা করিবার ক্ষমতা আমার নাই, সেই জন্য আপনি আমাকে লিখিতে ও চিন্তা করিতে বলিয়াছেন । কিন্তু, হায় ! প্রস্তরের শুষ্কতার মধ্য হইতে কি নিব্বন্ধারা প্রবাহিত হইতে পারে ? এ বিষয়ে বিশেষ শক্তি বা ইচ্ছা আমার কোন দিনই ছিল না, আর এখন ভগত হইতে এই বিচ্ছেদ, এই কারাবাস, প্রাণহীন তাপহীন এই দেয়ালগুলি—ইহারা আমার যে শক্তিটুকু ছিল তাহাও যেন কাড়িয়া লইয়াছে । আমার মস্তক ( হৃদয় নহে ) যেন শুষ্ক হইয়া কঠিন হইয়া গিয়াছে । আমার বীণা নীরব হইয়াছে । শাসনের বন্ধন কিছু শিথিল হইয়াছে সত্য । আমি এখন পাষণ দেয়ালের বাহিরে নিকটের বাগানে ও মাঠে বাইতে পাই কিন্তু তাহার সর্ব—সকাল হইতে সন্ধ্যা পর্য্যন্ত অবিচ্ছিন্ন পরিশ্রম । এই অবস্থায় আমি কি করিতে পারি ? চিন্তা করিব কেমন করিয়া ?

বাহাই হউক, আমার নিজের কোন ইচ্ছা নাই । ঈশ্বরের মহিমা আমাতে জয়যুক্ত হউক—ইহা ব্যতীত আমার অন্য

আকাঙ্ক্ষা নাই। পরিশেষে আমার অনুরোধ, আমার জন্ত প্রার্থনা করিবেন।

৩২

লা কোব্ এর কার্যাপথ রুদ্ধ হইয়াছে, কিন্তু ম্যাডাম গেয়েঁর কর্মচেষ্টা যদি এইরূপ অবাধগতিতে চলিতে থাকে তাহা হইলে বডবন্দের এত আয়োজন সকলি বৃথা। তিনিই এই আন্দোলনের মূলে,—দলপাতিকে ছাড়িয়া অকুচরকে শাসন করিলে কোনই ফল হইবে না। সুতরাং লা কোব্ এর দমন ব্যাপার শেষ হইতে না হইতে ম্যাডাম গেয়েঁকে দমন করিবার চেষ্টা হইতে লাগিল।

ভ্রাতা লা মোথ্ ম্যাডাম গেয়েঁর অশ্রান্ত কার্য ও অগ্নান প্রভাবের কথা ভাল করিয়াই জানিতেন। তাঁহার কার্য বন্ধ করিবার উদ্দেশ্যে তিনি তাঁহাকে জনস্থান মোটারবিঁতে যাইয়া বাস করিবার পরামর্শ দান করিলেন। এ প্রস্তাব স্বীকার করিতে ম্যাডাম গেয়েঁ বিধামাত্র করিলেন না। পুনশ্চ তিনি আপনাকে ম্যাডাম গেয়েঁর স্পিরিচুয়াল ডিরেক্টর পদে প্রতিষ্ঠিত করিবার প্রস্তাব লইয়া উপস্থিত হইলেন। এ প্রস্তাব স্বীকার করাও ম্যাডাম গেয়েঁর পক্ষে অসম্ভব। রুষ্ট হইয়া লা মোথ্ তাঁহার নিন্দা প্রচার এবং সকলকে তাঁহার বিরুদ্ধে উত্তেজিত করিতে লাগিলেন। ম্যাডাম গেয়েঁর নিকটে নানাস্থান হইতে পত্র আসিতে লাগিল। সে সকল পত্রে বিশেষ করিয়া এই উপদেশ থাকিত যে আপনাকে লা মোথ্ এর পরিচালনাধীনে স্থাপন না করিলে তাঁহার সর্বনাশ সুনিশ্চিত।

বাহিরে অত্যাচার যতই প্রবল হইতে লাগিল তিনি ততই অন্তরের মধ্যে মগ্ন হইয়া যাইতে লাগিলেন। প্রিয়তমের জন্ত সর্বস্ব হারানই যে তাঁহার লাভ। নিত্য নূতন অপবাদে তিনি অভিযুক্ত হইতে

লাগিলেন। কিন্তু একদিকে বিদেহ পীড়ন যেমন প্রবল, অপরদিকে বহু ব্যাকুলান্না তাঁহার নিকট হইতে সত্য গ্রহণের আকাঙ্ক্ষায় তেমনি উন্মুখ হইয়া উঠিয়াছিল। তিনি বতই ছঃখ সহিতে লাগিলেন তাঁহার সন্তানের দল ততই বাড়িতে লাগিল।

অত্যাচারের তাপ শিষ্ণুগণও অনুভব করিতেছিলেন। কেহ কেহ সহর হইতে বিতাড়িত হইলেন। ম্যাডাম গেয়েঁ বলিয়াছেন যে একজনের শান্তিপ্রাপ্তির অপরাধ এই যে ম্যাডাম গেয়েঁর লিখিত ক্ষুদ্র পুস্তকখানি ( বোধ হয় Short method of prayer ) সম্বন্ধে তিনি উত্তম মন্তব্য প্রকাশ করিয়াছিলেন।

এই সময় একটি গির্জায় একদিন তাঁহার লা মোথ্ এর সহিত সাক্ষাৎ হইল। বন্ধুত্বের আবরণে তিনি বলিলেন—ভগিনি, তোমার সহর ত্যাগ করিবার সময় উপস্থিত হইয়াছে। তোমার বিরুদ্ধে এমন সব অভিযোগ উত্থাপিত যে স্থানত্যাগ ব্যতীত রক্ষার আর কোন পথ দেখা বাইতেছে না। বিষম অপরাধ সমূহে তুমি অভিযুক্ত।

ম্যাডাম গেয়েঁ বলিলেন, অভিযোগগুলি যদি সত্য হয় তাহা হইলে কোন শাস্তিই আমার পক্ষে কঠোর হইতে পারে না। শাস্তি আশুক—আমি পলায়ন করিতে পারি না। এখানে থাকিবার আমার ষথেষ্ট কারণ আছে। আপনাকে আমি সম্পূর্ণরূপে আমার প্রভুর নিকটে সমর্পণ করিয়াছি। ষাহাকে ভালবাসিতে আমি ইচ্ছা করি, এবং আমার জীবনপাতেও সমস্ত জগত তাঁহাকে ভালবাসুক এই ইচ্ছা আমি ষাহার সম্বন্ধে পোষণ করি তাঁহার বিরুদ্ধে যদি অপরাধ করিয়া থাকি তাহা হইলে জগতের সমক্ষে অপরাধ দণ্ড গ্রহণ করিবার জন্য প্রস্তুত হইয়া আছি। আমি নির্দোষ এবং

পলায়ন করিয়া আমি লোকের নিকটে দোষী বলিয়া প্রমাণিত হইতে চাহি না।

লা মোথ্ এতটা দৃঢ়তা আশা করেন নাই। ক্রুদ্ধ হইয়া তিনি চলিয়া গেলেন।

ঐহার নৈতিক চরিত্রের বিরুদ্ধে যিথ্যা অভিযোগ উত্থাপনের ঘণ্য পছা যখন বার্ষ হইল তখন অত্যাচার ভিন্ন পথে চলিতে লাগিল। ঐহার পবিত্র চরিত্র নির্মূল বলিয়া স্বীকৃত হইলেও ধর্মদ্রোহিতার অভিযোগ অপরিবর্তিত রহিল। প্যারীর আর্চবিশপের নিকটে অভিযোগ উপস্থিত হইল—ক্ষিপ্ৰাগ্রহে তিনি অপরাধ সাব্যস্ত করিয়া লইলেন, কিন্তু রাজ-অনুমতি চাহি। ভদ্র্যভীত যে ম্যাডাম গেয়েঁকে কারারুদ্ধ করা যাইতে পারে না। ঐহার পুস্তক প্রচার বন্ধ হইলেই শুধু চলিবে না, কারার নিরাপদ আবেষ্টনের মধ্যে ঐহার দেহখানিকে সুরক্ষিত করিতে হইবে।

রাজার অনুমতি পাইতে বিলম্ব হইলনা। ম্যাডাম গেয়েঁ স্বধর্ম দ্রোহী, সমাজের নিয়মবিরুদ্ধ ধর্মসমিতিসমূহ ঐহাছারা প্রতিষ্ঠিত, তিনি একখানি ভয়াবহ পুস্তক প্রকাশ করিয়াছেন, মলীনোস্ (Michael de Molinos) এর “স্পিরিচুয়াল গাইড” এর মতের সহিত ঐহার মতের ঐক্য রহিয়াছে, এবং রোমে কারাবাসী মলীনোস্ এর সহিত তিনি পত্র বিনিময় পর্য্যন্ত করেন—এই সকল অভিযোগ রাজসমীপে প্রেরিত হইল।

মলীনোস্ এর সহিত জীবনে ঐহার দেখা হয় নাই এবং ঐহাকে তিনি কখনও পত্রও লিখিতেন না। ঐহাদের মতের সাদৃশ্য ছিল এ কথা সত্য। লুইএর মন মলীনোস্ এর বিরুদ্ধে উত্তেজিত ছিল। স্বরাজ্যে আপন প্রতাপ সীমাবদ্ধ রাখিয়া সঙ্কট হইতে না পারিয়া,

ইটালীতেও মলীনোস্ এর বিরুদ্ধে প্রভাবজাল বিস্তারিত করিতে তিনি ক্রটি করেন নাই।

পোপ একাদশ ইনোসেন্ট বুঝিয়াছিলেন মলীনোস্ একজন ষথার্থ ধার্মিক ব্যক্তি। প্রচলিত ধর্মের বিরুদ্ধে তাঁহার অপরাধ যাহাই হউক, এমন একজন মহৎব্যক্তির প্রতি কঠোর দণ্ড প্রয়োগ করিতে তাঁহার ইচ্ছা ছিল না। কিন্তু ফ্রান্সের রাজার প্রভাবে পড়িয়া তিনি মলীনোস্কে কারারুদ্ধ করিয়াছিলেন। চার্চের জ্যেষ্ঠপুত্ররূপে আপন কীর্তিগৌরব জগদ্বাপী করিবার জন্ত ফ্রান্স-অধীপ চতুর্দশ লুই—অধীর হইয়া উঠিয়াছিলেন। মলীনোস্এর নামের সহিত ম্যাডাম গেয়েঁর নাম জড়িত করিলে লুইকে কত সহজে উত্তেজিত করা যাইবে অভিযোগকারীগণ তাহা জানিতেন।

অভিযোগকারীগণ ম্যাডাম গেয়েঁর নামাঙ্কিত একখানি জাল-পত্র রাজার সম্মুখে উপস্থিত করিলেন। তাহাতে লেখা ছিল বৃহৎকার্যের কল্পনাসমূহ তাঁহার মনে রহিয়াছে, কিন্তু ফাদার কোব্‌এর কারাদণ্ডের পর হইতে অভিসন্ধি প্রকাশ হইবার ভয়ে তিনি শঙ্কিত হইতেছেন। তাঁহাদের কার্যকলাপ বিশেষরূপে লক্ষ্য করা হয়। পূর্ব হইতে সাবধান হইবার জন্ত নিজের বাড়ীতে সভা-স্থাপন তিনি ত্যাগ করিয়াছেন, কিন্তু অন্তত সভা করিবার ইচ্ছা আছে।

আপন রাজধানীতে আপনার দৃষ্টির সমক্ষে এমন ভয়ানক ধর্ম-দ্রোহিতার বীজ অঙ্কুরিত হইয়া উঠিয়াছে!—লুই সন্ত্রস্ত হইলেন। চিন্তা করিয়া আর সময় নষ্ট না করিয়া তিনি অবিলম্বে ম্যাডাম গেয়েঁর কারাদণ্ডের আদেশ দান করিলেন। কঠিন পীড়া হইতে ম্যাডাম গেয়েঁ তখনও সম্পূর্ণ সারিয়া উঠেন নাই। সেই অবস্থায় তাঁহাকে

সেণ্টমেরী কন্ভেণ্টে অবরুদ্ধ করা হইল। লা কোব্ এর কারা-  
রোধের তিনমাস পরে তিনি বন্দিনী হইলেন।

তাঁহাকে রক্ষা করিবার জন্ত কোন চেষ্টাই যে হয় নাই তাহা নহে।  
কিন্তু যে করজন সম্ভ্রান্ত ব্যক্তি তাঁহার সপক্ষে দাঁড়াইয়াছিলেন  
তাঁহারাও শাস্তি পাইলেন।

যখন কারাদণ্ডের সংবাদ আসিল, একটি শাস্ত ভাবে ম্যাডাম  
গেয়েঁর মন নত হইয়া পড়িল। দণ্ডের সংবাদদাতা ও উপস্থিত  
বহুগণ দেখিলেন, তাঁহার মুখে আনন্দের একটি প্রসন্ন দীপ্তি ফুটিয়া  
উঠিয়াছে। এই আনন্দ কারাবাসের সময়ও তাঁহার মনকে ভরিয়া  
রাখিয়াছিল।

তিনি বলিয়াছেন ;—

“১৬৮৮, ২২ এ জানুয়ারী আমি সেণ্টমেরী কন্ভেণ্টে গমন  
করিলাম। সেদিন পূর্বোহেই কারাদণ্ডের আদেশ পাইয়াছিলাম।  
বাড়ী ত্যাগ করিবার পূর্বে আমাকে কয়েক ঘণ্টা সময় দেওয়া হইয়া  
ছিল। সেই সময়ে অনেক বহুর সাক্ষাৎ ও সমবেদনা লাভ করিয়া  
ছিলাম।

“কন্ভেণ্টে পৌঁছিয়া শুনিলাম, একটি ক্ষুদ্র নির্জন কক্ষে আমাকে  
আবদ্ধ করিয়া রাখা হইবে। আমার দেহের দুর্বলতা সত্ত্বেও একজন  
দাসীর সাহায্যও আমাকে দেওয়া হয় নাই। কন্ভেণ্টবাসিনীগণ  
পূর্ব হইতে আমার সম্বন্ধে এমন সংবাদ পাইয়াছিলেন যে আমাকে  
তাঁহারা এক প্রকার ভীতির চক্ষে দেখিতেন। আমার কারারক্ষিনী  
আমার প্রতি অত্যন্ত কঠোর ব্যবহার করিতেন। তাঁহার হস্তে  
আমি কত সহিয়াছি ঈশ্বরই জানেন।” কারাগারে কিছুদিন পরেই  
তিনি পূর্বের শাস্ত অবস্থা পুনঃপ্রাপ্ত হইলেন।



পরিবারটি আবার বিক্ষিপ্ত হইয়া পড়িল। শতদুঃখের মধ্যে তাঁহার এক সান্ত্বনা ছিল দ্বাদশ বর্ষীয়া কন্যাটির সঙ্গলাভ। প্রবাসে দুঃখে সংগ্রামে সকল সময়ে এই মধুর-মূর্তি তাঁহার নয়নের সম্মুখে রহিয়াছে—তাঁহার মাতৃহৃদয় তাহাতে অনেকটা বললাভ কারিয়াছে। পরিবারের অন্ত সকলকে ছাড়িতে হইবে তাহা তিনি জানিতেন, কিন্তু এই ক্ষুদ্র বালিকাকে যেন তাঁহার বন্ধ হইতে কড়িয়া লইয়া যাওয়া না হয় এই আশা ও ইচ্ছা তিনি প্রকাশ করিয়াছিলেন। তিনি অনুরোধ করিলেন কনভেন্টের অন্ত অংশে তাহাকে রাখা হউক। দেখিতে না পাইলেও, তাহাতেই তাঁহার মন সান্ত্বনা মানিবে। কিন্তু তাহা হইলনা। একবাডীতে থাকা দূরের কথা, তাহার সংবাদ জানিবার অধিকার পর্য্যন্ত তাঁহার রহিল না—“যখন তাহাকে লইয়া গেল তখন আমার হৃদয় গভীররূপে আহত হইল—কোথায় যে তাহাকে লইয়া যাওয়া হইল তাহা আমি জানিতাম না। আমি তাহাকে ছাড়িয়া দিতে তাহাকে ত্যাগ করিতে বাধ্য হইলাম—যেন সে আর আমার নয়।”

একটি মাত্র দ্বার বিশিষ্ট ক্ষুদ্র এক কক্ষে তিনি আবদ্ধ হইলেন। দ্বারটি অর্গলবদ্ধ থাকিত। আলোক ও বায়ু প্রবেশের জন্ত একদিকে একটি পবাক ছিল। প্রায় সমস্তদিন সেই পবাকপথে রৌদ্র প্রবেশ করিয়া গ্রীষ্মকালে কক্ষটিকে দুঃসহ করিয়া তুলিত। তিনি নিজে তাঁহার কারাগৃহের বিষয় বেশী কিছু বলেন নাই, সুতরাং কারাগৃহের অবস্থা অপেক্ষা কারাবাসীর শাস্ত—নিম্পূহ অবস্থাটিই আমাদের নিকটে অধিকতর পরিষ্কৃত হইয়া উঠিয়াছে। সেই কক্ষে তিনি ৮ মাস বন্দী ছিলেন।

৩৩

তাঁহার শরীর দুর্বল ছিল কিন্তু সেই অসুস্থ ও ক্ষীণ দেহখানির ভিতর সুস্থ ও শক্তি সম্পন্ন একখানি হৃদয় বাস করিত। তাহারই জ্বরে তিনি এতটা কঠোরতা সহিতে পারিতেন।

বন্দিনী বলিয়া তাঁহার দিনগুলি আলস্যে কাটিতে ছিল না। তাঁহার ধর্মগুরু ফাদার ল্য কোঁব্ তাঁহাকে আপন জীবনকথা লিপিবদ্ধ করিবার ভার দিয়াছিলেন। সমস্ত ঘটনা বিস্তৃতরূপে লিখিবার আদেশ ছিল। ইতঃপূর্বেই হয়তো ম্যাডাম গেয়েঁ ইহা লিখিতে আরম্ভ করিয়া থাকিবেন, কিন্তু এখন সমগ্র শক্তি দিয়া লেখায় মনোনিবেশ করিলেন। এ কল্পনা ম্যাডাম গেয়েঁর মনে একবারও উদিত হয় নাই যে আত্মীয় পরিজন ব্যতীত বাহিরের লোকের হস্তে এ লিপি কখন পড়িবে, সুতরাং ক্ষুদ্র বৃহৎ সকল ঘটনা নিঃসঙ্কোচে লিখিয়া গেলেন।

তাঁহার অনেক কবিতা তিনি এই স্থানেই লিখিয়াছেন। এই কারারেই যেন বেশী কাজ করিতে লাগিলেন। কখনও কেহ কেহ তাঁহার সহিত সাক্ষাৎ করিতে আসিতেন। বিচার পতি মসিয়ার সারোঁ (Monsieur Charon) এবং মসিয়ার পিরো (Monsieur Pirot) তাঁহাকে পরীক্ষা করিবার জন্ত কয়েকবার আসিয়া ছিলেন। এই পরীক্ষার উপরে তাঁহার কারাবাসের স্থায়িত্ব নির্ভর করিয়াছিল। বিচারপতি জিজ্ঞাসা করিলেন, আধ্যাত্মিক ধর্মের শিক্ষা ফাদার কোঁব্ এর নিকট হইতে লাভ করিয়াছেন কিনা এবং প্রার্থনা সম্বন্ধে তাঁহার পুস্তকখানি রচনার ফাদার কোঁব্ এর সহকারিতা আছে কিনা।

ম্যাডাম গেয়েঁ বলিলেন, শিশুকাল হইতেই এ শিক্ষালাভের সৌভাগ্য তাঁহার ঘটিয়াছিল, ফাদার কোঁব্ এর সহিত পরিচয় হয়

তাহার অনেক পরে, ১৬৭১ খৃষ্টাব্দে । পুস্তক রচনাতেও ফাদার কোব্ এর সহকারিতা নাই । পুস্তকখানি তিনি গ্রেনোব্ল্ এ লিখিয়া ছিলেন, ফাদার কোব্ সেখানে ছিলেন না ।

বিচারক বলিলেন, গ্রন্থে তিনি প্রচলিত প্রার্থনাপদ্ধতি এবং এমনকি লর্ডস্ প্রেয়ার ব্যবহারের প্রতিও অবজ্ঞা প্রকাশ করিয়াছেন ইহাই কি বুঝিতে হইবে ?

ম্যাডাম গেয়োঁ বলিলেন, অসম্মান প্রকাশ দূরে থাকুক, কেমন করিয়া তাহার সদ্যবহার করিতে হইবে আমি তাহাই বুঝাইয়াছি । লর্ডস্ প্রেয়ার এর কিংবা যে কোন প্রার্থনার শুধু আবৃত্তি করিয়া যাওয়ার নিন্দাই আমি করিয়াছি । শুধু কথা গুলি আবৃত্তিতে কোন ফল নাই, কথাগুলির ভাব যাহা তাহাই যখন হৃদয়ে লাভ হয়, তখনই আমরা ঈশ্বররের গ্রহণ যোগ্য হই ।

বিচারক সেই জালপত্র খানির কথা উল্লেখ করিয়া বলিলেন যে এই পত্রে আপনি ফাদার ফ্রান্সিস নিকটে ধর্মসভা স্থাপনের ইচ্ছা প্রকাশ করিয়াছেন এবং আপনার বাড়ীতে সভা স্থাপন বিপজ্জনক দেখিয়া অপরের বাড়ীতে ও পথে গোপনে সভা করিবেন লিখিয়াছেন ।

ম্যাডাম গেয়োঁ—কি আমি করিয়াছি তাহা সম্ভবতঃ সকলেই জানেন, কি আমি করিব তাহা তাহারই বুকের মধ্যে লুক্কায়িত আছে যাহার ইচ্ছাই আমার আইন । পত্রের সম্বন্ধে বলিতেছি— এখানি জাল ।

বিচারক—কে লিখিয়াছিল পত্রখানি ? এবং ইহাকে জাল মনে করিবার আপনার কোন কারণ আছে ?

ম্যাডাম গেয়োঁ—পত্রের লেখক কে সে সম্বন্ধে ঠিক করিয়া বলিতে

পারি না, কিন্তু অনুমান করি, দলিলপত্র লেখক গোটিয়ে (Gautier) দ্বারা ইহা লিখিত হইয়াছে। সহজেই দেখানো যাইতে পারে যে ইহা আমার হস্তাকর নহে। আর ফাদার ফ্রান্সিস প্যারীর ঠিকানায় পত্র লেখা হইয়াছে। ইহা প্রমাণ করা যাইতে পারে যে ১লা সেপ্টেম্বর ফাদার ফ্রান্সিস প্যারী ত্যাগ করিয়া আমিয়ঁ (Amiens) যাত্রা করিয়াছিলেন—পত্রের তারিখ ৩০এ অক্টোবর। আপনি যদি ইচ্ছা করেন, আমার সম্বন্ধে শিক্কক এ বিষয়ে প্রমাণ সংগ্রহ করিতে আমাকে সাহায্য করিবেন।

বিচারক বলিলেন যে, হয়তো আপনি জানেন যে আপনার মত স্বধর্মবিরুদ্ধ বলিয়া বিবেচিত। এ অভিযোগের বিরুদ্ধে আপনি কি বলেন জানিতে পারিলে সুখী হইব।

ম্যাডাম গেয়েঁ। বলিলেন, ধর্মদ্রোহী বলিয়া ঘোষিত হইলেই ধর্মদ্রোহী হয় না। রোমান ক্যাথলিক সমাজে আমার জন্ম, তাহার মতের শিক্ষার মধ্যেই আমি বর্দ্ধিত হইয়াছি—সে মতকে আমি এখনও ভালবাসি। বিজ্ঞাবস্তার দাবি আমি করিনা,—ইহা সম্ভব যে সময় সময় আমি এমন কথা কহিয়াছি যাহা ধর্মতত্ত্ব ব্যক্তিগণের মতে ভ্রমাত্মক। সংশোধনের জন্য সেগুলিকে যোগ্য ব্যক্তির হস্তে সমর্পণ করিতে আমি প্রস্তুত। আমি চার্চের জন্য জীবন দিতে পারি। কিন্তু ইহা আমি বলিতে ইচ্ছা করি যে শুধু বাক্যে ও বাহিরের আচারেই যে আমি ক্যাথলিক তাহা নহে আমি সত্য সত্যই ক্যাথলিক, ক্যাথলিক ধর্মের সার যাহা, প্রাণ যাহা, তাহাই আমার ধর্ম। ক্যাথলিক ধর্মের উদ্দেশ্য কখনই ইহা নয় যে তাহার সম্বন্ধে বাহ্য আচারের মধ্যেই মরিয়া থাকুক, বরং আচার নিয়মগুলি যেন ভিতরের জীবনেরই বহিঃপ্রকাশ হয়, ইহাই তাহার উদ্দেশ্য।

পৃথক সম্প্রদায়গঠনের উদ্দেশ্যে আমি কিছুই করি নাই, আমার ইচ্ছা ছিল শুধু অন্তর্জীবনকে পুনর্কার উদ্বোধিত করা। আমি যে স্বধর্মত্যাগী বিদ্রোহী বলিয়া বিবেচিত হইব একথা আমার মনে উদিতই হয় নাই। আমি ভাবিয়াছিলাম বিধাতৃনির্দিষ্ট ক্ষেত্রে মানুষের অন্তরের মধ্যে তাঁহাকে প্রতিষ্ঠিত করিবার চেষ্টায় আমি পরিশ্রম করিতে পাইব।

বিচারপতি তাঁহার লিখিত একখানি পুস্তক পড়িতে চাহিলেন। ম্যাডাম গেয়েঁ। বলিলেন যে মুক্তি পাইলেই তিনি সে পুস্তক তাঁহার হস্তে দিবেন। পুস্তকখানি তাঁহার নিকটে রাখিয়া আসিয়াছেন তাঁহার নামোন্মেষণ করিতে তিনি এখন ইচ্ছা করেন না।

তাঁহাদের কথোপকথন প্রধানতঃ এই প্রকারই হইয়াছিল। মসিয়ার মারোঁ বিচারক সুলত গান্ধীর্ষ্য রক্ষাকরিয়া বিনাবাক্যব্যয়ে প্রশ্নান করিলেন, মসিয়ার পিরোঁ বিদায়কালে ছুই একটি সদয়বাক্য কহিয়া গেলেন।

এই পরীক্ষার জন্য তাঁহাদিগকে আরও ৩ বার আসিতে হইয়াছিল।

৩২

কন্ভেণ্টের কর্ত্রী পরীক্ষার ফল মন্ত্বে বিচারপতিকে দ্বিজ্ঞাসা করিলে তিনি বলিয়াছিলেন যে শীঘ্রই মুক্তি হইবে। ম্যাডাম গেয়েঁ।র মন কিন্তু বলিতে লাগিল, তাহা হইবে না। তাহাতে তিনি মুহম্মান হইলেন না। পৃথিবী তুচ্ছ শরীরটাকে বাঁধিয়া রাখিতে পারে, কিন্তু মনকে শাসন করিবে কে? তাহার স্বাধীনতা যে অনন্ত। দেহের বন্ধনে তাঁহার মন বেশী করিয়া স্বাধীনতার ক্ষুর্তি অক্লভব করিতে লাগিল। প্রভুর জন্য কারাবন্ধন ধারণ করিয়া “আমি যে সন্তোষ ও আনন্দ অক্লভব করিতেছিলাম তাহা অবর্ণনীয়।”

১৯এ মার্চ তাঁহার কারারক্ষিণী বিশেষ অনুগ্রহ করিয়া তাঁহাকে কন্ভেন্ট সংলগ্ন উষ্টানে যাইবার অনুমতি দিলেন। বাগানের নিভৃত অংশে একটি উপাসনা স্থান ছিল। সেখানে খৃষ্টের ক্রুশবিদ্ধ মূর্তি ছিল। তাহার সম্মুখে বসিয়া তিনি সমস্তদিন ষাপন করিলেন। যে আনন্দে সেদিন তাঁহার হৃদয় আলোকিত হইয়া উঠিয়াছিল অল্পে তাহা বৃদ্ধিতে পারিবে না।

২৫এ তারিখের অবস্থা সম্পূর্ণ বিপরীত। ঈশ্বর যেন সকল আনন্দ তাঁহার নিকট হইতে কাড়িয়া লইলেন। তাঁহার এই নিঃসঙ্গ অবস্থা, কণ্ঠার বিচ্ছেদ, তাঁহার সমস্ত পরাজয়, শরীরের স্বাস্থ্যহীনতা—সকলে আসিয়া তাঁহার সম্মুখে অন্ধকার লইয়া দাঁড়াইল। সেই অন্ধকারে স্বর্গ মর্ত্যের সকল আনন্দ তিনি হারাইয়া ফেলিলেন, হৃদয় গভীর দুঃখে মগ্ন হইয়া গেল। কিন্তু বিশ্বাসের আশ্রয় লইয়া অবশেষে এ পরীক্ষায়ও তিনি রক্ষা পাইলেন—অস্তরের প্রশান্ত আনন্দ আবার ফিরিয়া আসিল।

তাঁহার মনে অত্যাচারীগণের প্রতি বিদ্বেষ বা অভিযোগের লেশ মাত্র ছিল না। তাঁহারা যাহা করিতেছেন ঈশ্বরই সে সমস্ত করিতে দিতেছেন—এই চিন্তাই তাঁহার পক্ষে যথেষ্ট। মানুষের আঘাতের মধ্যে ভগবানের ইচ্ছার অনুমোদন দেখিতে পারিলে আঘাতকারীর সম্বন্ধে আমাদের মন একটুও চঞ্চল হয় না, সে আঘাতে বেদনার একটি আনন্দে মন নত হইয়া পড়ে।

কণ্ঠাকে কোথায় রাখা হইয়াছে অনেকদিন পর্য্যন্ত সে সংবাদটিও তাঁহাকে দেওয়া হয় নাই। কিছুদিন পরে শুনিলেন এই বালিকা-বয়সে তাঁহার কণ্ঠাকে বিবাহবন্ধনে আবদ্ধ করিবার দুশ্চেষ্টা চলিতেছে। এই বালিকা পৈত্রিক সম্পত্তির বিপুল অংশের অধিকারিণী, সুতরাং অর্থলোভ এই স্বার্থপর আয়োজনের এক কারণ।

সকল সম্ভানই পিতামাতার আদরের বস্তু, কিন্তু এই কন্যা ম্যাডাম গেয়েঁর শুধু আদরের নহে, ইহার নিকট হইতে তিনি বেশী কিছু আশা করিতেন। তাহার চরিত্রকে সেইরূপ করিয়াই তিনি গড়িয়া তুলিয়াছিলেন। মাতৃদৃষ্টির পক্ষপুটের আবরণে পরম সাবধানে এতদিন যে রক্ষিত হইয়া আসিয়াছে আজ এমন ব্যক্তিব হস্তে সে পড়িতে চলিয়াছে যে নামে মাত্র খৃষ্টশিষ্য, তাহার নৈতিক চরিত্র স্থলিত। এ শোচনীয় সংবাদে মাতার শোকের সীমা রহিল না।

ফ্রান্সের অধিপতি অনেক সময়ে প্রজাবর্গের পারিবারিক ঘটনার প্রতিও দৃষ্টিক্ষেপ করিতেন। এই বিবাহ আন্দোলন তাঁহার সম্মুখে উত্থাপন করা হইল। বিবাহ সম্পাদনে তিনি ইচ্ছা প্রকাশ করিলেন। রাজার ইচ্ছা প্রকাশ তো শুধু ইচ্ছা প্রকাশ নহে তাহা শক্তি প্রয়োগ— আদেশ দান। কিন্তু অগ্রে কন্যার মাতার সম্মতি প্রাপ্ত হইতে হইবে— এ করুণাটুকু তিনি প্রকাশ করিলেন।

পুনর্বার বিচারপতি মসিয়ার সারোঁ রাজার মত ও ইচ্ছার বার্তা লইয়া ম্যাডাম গেয়েঁর নিকটে উপস্থিত হইলেন। কন্ভেণ্ট কর্ত্রী, ম্যাডাম গেয়েঁর সম্ভানগণের অভিভাবক এবং উপস্থিত আর সকলের সমক্ষে বিচারপতি ম্যাডাম গেয়েঁকে আপন বক্তব্য বলিতে আরম্ভ করিলেন। তিনি রাজইচ্ছার কথা জ্ঞাপন করিলেন, এ বিবাহ যে কত বাঞ্ছনীয় তাহা বিবৃত করিয়া বলিলেন এবং পরিশেষে বলিলেন যে মার্কু'যিস অব শাঁভালোঁ (marquis of Chanvalon) এর সহিত কন্যার বিবাহে সম্মতি দান করিলে ৮ দিনের মধ্যে তাঁহার কারামুক্তি হইবে। ম্যাডাম গেয়েঁ বলিলেন—“হৃৎখণ্ডভোগ ঈশ্বরের অননুমোদিত নহে, কিন্তু অন্ডায় চিরদিনই তাঁহার অননুমোদিত। আমি কারাগারেই থাকি এবং হৃৎখ যন্ত্রণা ভোগ করি, স্পষ্ট দেখিতেছি, ইহাই ঈশ্বরের

ইচ্ছা, আর আমি তাহাতে সম্পূর্ণ সম্মত। আমার কন্যাকে বলিদান করিয়া নিজের মুক্তি ক্রয় করিতে আমি পারি না।”

ইহার পর হইতে অবস্থা আরও খারাপ হইতে লাগিল। তাঁহার মুক্তির যে একটা সম্ভাবনা ছিল তাহার আশা ভরসা গেল। প্রবল প্রতাপান্বিত প্যারীষ আর্চবিশপ প্রকাশ্যে বলিলেন যে, যে পথে তিনি গিয়াছেন তাহা পরিত্যাগ ও তাহার জন্য অল্পতাপ ব্যতীত তাঁহার মুক্তির আর উপায় নাই। যদি তিনি আপনাকে দ্রাস্ত ও দ্রষ্ট বলিয়া স্বীকার করেন তাহা হইলেই মুক্তিলাভ সম্ভব—অন্যথা নহে। সুতরাং মৃত্যুর পূর্বে মুক্তির আশা তিনি ত্যাগ করিলেন।

সংবাদ শোনা গেল যে সেন্ট মেরি কন্ভেন্ট হইতে তাঁহাকে অন্য কারাগারে লইয়া যাওয়া হইবে। সেখানে না মোথের কঠোর শাসন তাঁহাকে অনুক্ষণ ঘিবিয়া থাকিবে। এই সংবাদে তাঁহার কোন কোন বন্ধু অশ্রুপাত করিলেন কিন্তু তিনি স্থির রহিলেন।

তিনি বলিয়াছেন, এখনও হয়তো তিনি ঈশ্বরের নৈকট্য হইতে নির্বাসিত হইতে পারেন, এই চিন্তা সময় সময় তাঁহার মনে আসিত। কিন্তু এই চরম দুঃখের চিন্তাতেও তিনি এখন আর চাঞ্চল্য অনুভব করিতেন না।

১৬৮৮র জুন মাস আসিল। তাঁহার কন্ডটি অধিবন্যায় তপ্ত হইয়া উঠিল। দুর্বল শরীর সহিতে পারিল না—তিনি কঠিন পীড়াগ্রস্ত হইলেন। আর্চবিশপের নিকট সংবাদ গেল, কিন্তু বিজ্ঞপবাণী ব্যতীত আর কোন লাভই তাহাতে হইল না। বাহা হউক, কন্ভেন্টের লোকের অনুগ্রহে তিনি পরিচারিকা ও চিকিৎসকের সাহায্যপ্রাপ্ত হইলেন। নিয়ম ভঙ্গ করিয়া তাঁহাকে সাহায্য করা হইয়াছিল, তাহার কারণ এই যে সেই সম্বন্ধে পন্ন অবস্থায় সাহায্য ও



শুক্রবা বিনা তাঁহার মৃত্যু হইলে কন্ভেণ্টের পক্ষে অপবাদ হইবে, তাই এই ব্যবস্থা। ভগবানের রূপায় তিনি ক্রমে নীরোগ হইয়া উঠিলেন।

আরোগ্যপ্রাপ্তির পর পুনরায় কন্ভার বিবাহপ্রস্তাব লইয়া তাঁহার কক্ষে জনসমাগম হইল। তাঁহাদের মধ্যে বিচারপতি সারোঁ, লাতা লা মোথ্ এবং তাঁহার সম্বানদের অভিভাবক ছিলেন। পূর্ববারের গায়ই প্রস্তাব কবা হইল এবং পূর্বেরই গায় উত্তর পাইয়া তাঁহারা প্রস্থান করিলেন। তাঁহারা এটুকু স্বীকার করিয়াছিলেন যে, এমন কষ্টকর প্রতিকূলতার অবস্থার মধ্যেও তাঁহাদের প্রতি ম্যাডাম গেয়েঁর আচরণ সৌজ্ঞ ও বিনয়ের আদর্শস্বরূপ হইয়াছিল।

যাহাতে ভবিষ্যৎকালের নিকট তাঁহার অপরাধ ও তাঁহার কারাদণ্ডের গাযাতা প্রতিপন্ন হইতে পারে এরূপ কোন কথা তাঁহার নিজের মুখ হইতে বাহির করার চেষ্টা আর একবার হইয়াছিল। কারণ আর কোন উপায়ে তাঁহার অপরাধ প্রমাণ করিবার সম্ভাবনা নাই। ফাদার কোঁব্ প্রতারক এই কথাটি লিখিয়া দিবার জন্য তাঁহাকে একদিকে প্রলোভন অপরদিকে ভয় প্রদর্শন করা হইয়াছিল। তিনি উত্তর দিয়াছিলেন যে, শুধু কারাদণ্ড ভোগ নহে, তাঁহাদের প্রস্তাবিত মিথ্যাকথা কহা অপেক্ষা মৃত্যুকে বরণ করিতেও তিনি অধিকতর সুখী হইবেন।

তাঁহার আত্মজীবনী তৃতীয় অংশের ৮ম অধ্যায়ে লিখিত আছে—

১৬৮৮, ২২এ আগষ্ট এই পর্যন্ত লিখিত হইয়াছে। আমার বয়স এখন ৪০ বৎসর। আমি কারাগারে। এই স্থানকে আমি ভাল-বাসি, কারণ আমার প্রভুর পাদস্পর্শে ইহা নির্মল হইয়াছে।

৩৫

প্যারীতে ম্যাডাম্ ডি মিরামিয়ো ( madame De miramion )

জনহিতকর কার্য ও ধর্মপ্রাণতার জ্ঞান প্রসিদ্ধ ছিলেন। তিনি মাঝে মাঝে সেন্টমেরি কন্ভেন্টে আসিতেন। সেখানে ম্যাডাম গেয়ঁর কথা শুনিয়া তিনি তাঁহার নিকটে আসিলেন। ম্যাডাম গেয়ঁর মুখে অন্তরের ধর্মের কথায় তিনি আপনার প্রাণের কথাই প্রতিধ্বনি শুনিতে পাইলেন। তখনই তিনি বুঝিলেন,—এই রমণীর কাবাদলের কারণ ধর্মদ্রোহিতা নহে—একান্ত ধর্মপ্রাণতা। তাহারই জ্ঞান তিনি কারাবন্দিনী।

ম্যাডাম ডি মিরামিয়ো তাঁহার কথা ম্যাডাম ডি ম্যান্টেনো (madame De mantenon) র নিকটে বলিলেন। ইনি চতুর্দশ লুইএর পত্নী। এই সময়েই কিম্বা ইহার পরে লুই গোপনে ইঁহাকে বিবাহ করিয়াছিলেন। নির্দোষ ব্যক্তিকে অত্যাচারের হস্ত হইতে উদ্ধার করিবার জ্ঞান তিনি অনেকবার রাজার উপরে আপন প্রভাবের সদ্যবহার করিয়াছেন। এখন ম্যাডাম গেয়ঁর পক্ষ হইয়া তিনি লুইএর নিকটে উপস্থিত হইলেন। প্রথমবার তিনি কৃতকার্য হন নাই, কিন্তু দ্বিতীয়বারেণ চেষ্টা সফল হইল। রাজা ম্যাডাম গেয়ঁর মুক্তির আদেশ দিলেন। ১৬৮৮ খৃষ্টাব্দের অক্টোবরের কিঞ্চিদধিক আট মাস কারাবাসের পর তিনি মুক্তিলাভ করিলেন। যেমন প্রশান্ত আনন্দের সহিত তিনি কারাগৃহে প্রবেশ করিয়াছিলেন, সেইরূপ শান্তহৃদয় লইয়াই সে কক্ষ হইতে বাহির হইয়া আসিলেন।

মুক্তিরপর তিনি ম্যাডাম ডি মিরামিয়ো এর গৃহে গমন করিলেন ও অকৃত্রিম আনন্দে গৃহীত হইলেন। সেখানে আর একজন বিখ্যাত মহিলা ম্যাডাম মঁ। সেক্রল (madame de mont chevrcuil) র সহিত সাক্ষাৎ হইল। কারাবাসের পূর্বেও ইঁহার সহিত পরিচয় ছিল, এখন সেই পরিচয় আত্মীয়তায় পরিণত হইল। কিছুদিন পরে

তাঁহার যুক্তিদাত্রী ম্যাডাম ডি ম্যানটেনোর সহিতও তাঁহার আলাপ হইল। এই সমুদয় দেশপ্রসিদ্ধ ব্যক্তির সহিত পরিচয়ের ফল নিতান্ত সামান্য হয় নাই।

অল্পদিন মধ্যেই প্যারীর আর্চবিশপের সহিত তাঁহার সাক্ষাৎ হইল। ইঁহারই ব্রাতৃপুত্র মাকুঁয়িস অব শাঁভালোঁর সহিত কুমারী গেয়েঁর বিবাহ সম্বন্ধ উত্থাপিত হইয়াছিল।

কারাগৃহ হইতে বাহিরে আসিয়াই তিনি আবার পূর্বের কার্য হাতে তুলিয়া লইলেন। বিপক্ষের সতর্ক দৃষ্টি তাঁহার কার্যকে হুঃসাধ্য করিয়া রাখিয়াছিল কিন্তু তিনি চেষ্টা হইতে কখনও বিরত হন নাই এবং সে চেষ্টাও বিফল হয় নাই। কতলোকে সাহায্যের আশায় তাঁহার নিকটে আসিতেন। তাঁহাদেব জ্ঞান পরিশ্রম করিয়া, হুঃখ সহিয়া তিনি আনন্দ অনুভব করিতেন।

কেহ কেহ মনে করিতেন যে বহুলোককে স্বধর্ম্মে দীক্ষিত করিবার জ্ঞানই বুঝি তাঁহার আগ্রহ। কিন্তু তাহা নহে,—সম্প্রদায় গঠন নয়, দলপুষ্টি নয়, তাঁহার উদ্দেশ্য ছিল মহত্তর।—আপনার মত বলিয়া নহে, ঈশ্বরের পথ বলিয়া অন্তরের দিকে মানুষের দৃষ্টিকে জাগ্রৎ করিয়া তোলা—ইহাই ছিল তাঁহার কাজ।

ম্যাডাম গেয়েঁ প্রায় দেড় বৎসর ম্যাডাম ডি মিরামিয়ো এর গৃহে বাস করিয়াছিলেন। ইঁহারই গৃহে ফুকের (Nicholas fouquet, count de Vaux) সহিত তাঁহার কণ্ঠার বিবাহ হইল। এই যুবককে ম্যাডাম গেয়েঁ পূর্বে হইতে জানিতেন এবং তাঁহার হস্তে কণ্ঠাসম্প্রদান করিতে তিনি সঙ্কোচের কোন কারণ দেখেন নাই।

কণ্ঠার বয়স তখন মাত্র পনের বৎসর। এখন তাহার নিকটে অবস্থান করাই ম্যাডাম গেয়েঁর কর্তব্য বলিয়া মনে হইল। পুত্রগণ

বয়ঃপ্রাপ্ত হইয়া আপন আপন কর্মস্থলে কার্য করিতেছেন, স্মৃতরাৎ স্বতন্ত্র পরিবার স্থাপনের প্রয়োজন আর হইল না। তিনি কণ্ঠার গৃহে অবস্থান করিতে লাগিলেন।

ভগ্নস্বাস্থ্য লইয়া সমস্ত দিনের শ্রমের পর রাত্রি জাগিয়া তিনি লিখিতেন। প্রেগরি ডি লা মোথ্ (Gregory de la moth) নামক তাঁহার একজন ধর্মপরায়ণ ভ্রাতা ছিলেন। ম্যাডাম গেয়েঁ তাঁহাকে লিখিয়াছিলেন—

“আমার আত্মা ঈশ্বরের সহিত এমন ভাবে যুক্ত যে আমার মনে হয়, তাঁহার ইচ্ছার মধ্যে নিজের ইচ্ছাকে আমি সম্পূর্ণরূপে হারাইয়া ফেলিয়াছি। দয়া করিয়া এইরূপে ঈশ্বরই আমার সর্বস্ব হইয়াছেন। যে ‘অহং’ এক সময়ে আমাকে কষ্ট দিত তাহাকে আব দেখিতেছি না। সকল বস্তুতে সর্বঘটনায় আমি ঈশ্বরকে দেখিতেছি। জীব কিছুই নয়—ঈশ্বরই সব।”

৩৬

এই সময় ম্যাডাম গেয়েঁর জীবনপথে এক ব্যক্তির আবির্ভাব হইল এবং মহাযাত্রার তাঁহারা দুজনে পরস্পরের সঙ্গী হইয়া গেলেন। ইনি ফ্রান্সিস এস ফেনেলোঁ (Francis S Fenelon)

ফেনেলোঁ এক অসাধারণ পুরুষ। সে যুগ তাঁহার প্রতিভার আলোকে গৌরব-দীপ্ত হইয়াছিল। তাঁহার দীর্ঘাকৃতি সৌম্যমূর্তি হইতে মহত্বের আভা স্কুরিত হইত, নয়ন হইতে অগ্নির জ্বালা যেন অল্পপ্রাণনের ধারা বহিয়া যাইত। সে মূর্তির দিকে একবার চাহিলে চক্ষু ফিরাইয়া লইতে চেষ্টার দরকার হইত। মহান গাভীর্য ও সরল প্রকৃতির একত্র মিলন তাঁহার মধ্যে হইয়াছিল। প্রতিভার দৃপ্তভেদ, কিন্তু নম্র বিনয়ে সকলের নিকটে তিনি অবনত।

জীবনের প্রথমেই ফেনেলোঁ ধর্মার্থে আপনাকে উৎসর্গ করেন। তিনি ধর্মপ্রচারকরূপে ক্যানাডায় (Canada) যাইতে মনস্থ করিয়া ছিলেন। অল্প বর্ষের কয়েকটি মানবের সেবায় সমস্ত জীবন কাটাইয়া দিতে তাঁহার মন আনন্দে প্রস্তুত হইয়াছিল।

তাঁহার সে ইচ্ছা পূর্ণ হয় নাই—ক্যানাডাতে যাওয়া হইল না। তখন তাঁহার মন গ্রীসের দিকে আকৃষ্ট হইল। অতীত গৌরবে সমুচ্ছল, কাব্যোপাখ্যে বরণ্য এই প্রাচীন ভূমি তাঁহার কল্পনাকুশল ভাবপ্রবণ হৃদয়ের নিকটে লোভনীয় হইয়া উঠিল। যে দেশ সেন্টপলের পদস্পর্শে পবিত্র সেই সেশের ধুলির উপরে নত হইয়া পড়িবার জ্ঞ, তাহার ভূমি চুম্বন কবিবার জ্ঞ তিনি ব্যাকুলতা অনুভব করিলেন। তাঁহার মনে হইল দীর্ঘ রঞ্জনার অবসানে এই দেশে নূতন উষালোক নামিয়া আসিবে—তাঁহার সময় হইয়াছে।

কিন্তু এ আশাও অপূর্ণ রহিয়া গেল। ফ্রান্সে তাঁহার জ্ঞ কার্য-নির্দিষ্ট রহিয়াছে ফ্রান্স তাঁহাকে চাহেন।

স্বাভ্যে ধর্মের বিশুদ্ধতারক্ষা করিবার জ্ঞ চতুর্দশ লুই অত্যন্ত ব্যস্ত ছিলেন। তাঁহার জ্ঞ অল্পবল প্রয়োগ করিতেও তিনি কুণ্ঠিত হইতেন না। কিন্তু প্রটেষ্ট্যান্ট ধর্মাবলম্বীগণের মধ্যে এমন অনেক ব্যক্তি ছিলেন শান্তিত তরবারি যাহাদের নিকটে বিভীষিকাবর্জিত। এমন লোককে দমন করিবার জ্ঞ ধীর স্থির জ্ঞানবান শক্তিমান পুরুষের প্রয়োজন। লুইএর চক্ষু ফেনেলোঁর (Abbé de Fenelon) উপরে পতিত হইল।

স্বয়ং রাজ-যুধ হইতে ফেনেলোঁ কার্যের আদেশ প্রাপ্ত হইলেন। যে সকল প্রটেষ্ট্যান্টের ধনসম্পত্তি বাজেয়াপ্ত হইয়াছে, যাহাদের নিঃসম্বল, নিঃসহায় পরিবারবর্গ চতুর্দিকে বিক্ষিপ্ত হইয়া পড়িয়াছে,

মাহাদের দেহ হইতে জল ধারার ন্যায় রক্ত বর্ষণ করা হইয়াছে, তাহা-  
দিগকেই বুঝাইতে হইবে যে এই নিপীড়কগণের ধর্ম তাহাদের ধর্ম  
অপেক্ষা উৎকৃষ্টতর—ইহাই ফেনেলোঁর কার্য। ফেনেলোঁর মহৎ হৃদয়  
শিহরিয়া উঠিল তিনি সমস্তায় পড়িলেন। অবশেষে এই সর্বো কার্য  
গ্রহণ করিতে সম্মত হইলেন যে তিনি যেখানে কাজ করিবেন সেস্থান  
হইতে অল্পবল অপসারিত করিতে হইবে।

পোয়্যাটু (Poitou) তাঁহার কার্যক্ষেত্র নির্দিষ্ট হইল। তিন  
বৎসর তিনি এইস্থানে কার্য করিয়াছেন এবং বিরুদ্ধমতাবলম্বীগণের  
অকপট শ্রদ্ধা ও প্রীতির পাত্র হইয়াছিলেন। এখানেই তিনি সর্ব-  
প্রথম ম্যাডাম গেয়েঁর বিষয় শ্রবণ করেন। ক্রমে যতই তাঁহার  
রচনা, তাঁহার কার্য, তাঁহার ধর্মের কথা শুনিতে লাগিলেন ততই  
এই অদ্ভুত রূমণীকে দর্শন করিবার জন্য তাঁহার হৃদয়ে আকাঙ্ক্ষা  
জাগিয়া উঠিল।

পোয়্যাটু হইতে ফিরিবার সময় তিনি ম্যাডাম গেয়েঁর বাল্যভূমি  
মোটারবাঁ হইতে যথাসাধ্য অনুসন্ধান করিয়া তাঁহার বিষয় জানিয়া  
লইয়া ছিলেন।

প্যারীতে আসিয়া ম্যাডাম গেয়েঁর কথা আরও জানিতে পাইলেন।  
ইহাও শুনিলেন যে তিনি রাজ্যের কুদৃষ্টিতে পতিত। পার্শ্বিক ধনমানকে  
যদি তিনি খুব বড় করিয়া দেখিতেন তাহা হইলে এ সংবাদ  
পাইবার পর আর ম্যাডাম গেয়েঁর বন্ধুত্ব লাভ করিতে অগ্রসর  
হইতেন না। কিন্তু তাঁহার হৃদয় তাঁহাকে টানিয়া লইয়া চলিল।

কারাগার হইতে মুক্ত হইবার পর হইতে ম্যাডাম গেয়েঁও  
ফেনেলোঁ সঙ্ঘর্ষে ওৎসুক্য অনুভব করিতেছিলেন। ডাচেজ্ অব্ সারোর  
(Duchess of charost) গৃহে তাঁহাদের প্রথম সাক্ষাৎ হইল।

তাঁহাদের আলাপ হইয়া গেল। দীর্ঘকাল দুজনে কথা কহিলেন। প্রসঙ্গের বিষয় আধ্যাত্মিক ধর্ম। প্রথম আলোচনায় ফেনেলোঁ ম্যাডাম গেয়েঁর মত সম্পূর্ণরূপে গ্রহণ করিতে পারিলেন না, কিন্তু এই মহিমাময়ী নারীর স্মৃতি তাঁহার অন্তরে বিশেষরূপে মুদ্রিত হইয়া রহিল।

পরদিনই পুনরায় ডাচেজ্ অব্ বেধুন্ (Duchess of Bethune) এর গৃহে তাঁহাদের সাক্ষাৎ হইল। উভয়ে কিছুকাল নীরবে প্রার্থনায় যাপন করিলেন। ফেনেলোঁর মনের সংশয় কাটিয়া যাইতেছিল কিন্তু সম্পূর্ণ দূর হইতে আটদিন লাগিয়াছিল। এই আট দিন ম্যাডাম গেয়েঁ তাঁহার জ্ঞান নিয়ত প্রার্থনায় জাগিয়াছেন,—সংগামে কাটাইয়াছেন।

ম্যাডাম গেয়েঁ ফেনেলোঁর নিকটে কতকগুলি রচনা পাঠাইয়া দেন এবং তাহার ভুল ভ্রান্তি সংশোধন ও যে স্থান তিনি অনুমোদন করিতে পারেন না তাহা চিহ্নিত করিয়া দিবার জ্ঞান অক্ষুরোধ করিয়া পত্রও লেখেন। এই তাঁহার ফেনেলোঁর নিকটে লিখিত প্রথম পত্র। তাঁহাদের সর্বদা সাক্ষাতের সুযোগ ছিল না তাই পত্র ব্যবহার আবশ্যক হইয়া পড়িয়াছিল। ম্যাডাম গেয়েঁ ফেনেলোঁকে যে দ্বিতীয় পত্র লিখিয়াছিলেন তাহাতে জানা যায় যে ফেনেলোঁর আত্মার জ্ঞান চিন্তাকুল হইয়া তিনি অনিদ্রায় অনেক রাত্রি কাটাইয়াছেন। তিনি সম্পূর্ণ ঈশ্বরের হউন এই আগ্রহ, এই প্রার্থনা ম্যাডাম গেয়েঁর হৃদয়ে অগ্নির ন্যায় জ্বলিতেছিল। আব তাঁহার বিশ্বাস যে এতদিন যে বাধা ফেনেলোঁকে ঈশ্বর হইতে বিচ্ছিন্ন করিয়া রাখিয়াছিল তাহা লুপ্ত হইয়া আসিতেছে। এ কার্যে একজন নারীর সাহায্য—বিশেষতঃ তাঁহার ন্যায় অযোগ্য নারীর সাহায্য—গ্রহণ করাইয়া ভগবান তাঁহাকে লোক চক্ষে হীন করিতেছেন সত্য কিন্তু “ঈশ্বর আমাকে যে স্থানে

স্থাপন করিয়াছেন আমি অবশ্য সেই স্থানেই থাকিতে ইচ্ছা করিব এবং তাঁহার হস্তের যন্ত্র হইতে কখনই অস্বীকার করিব না।” এইরূপে ঈশ্বরের মধ্যে এই দুইটি আত্মার মিলন প্রগাঢ় হইতে লাগিল।

পত্রের আর একস্থানে ম্যাডাম গেয়েঁ লিখিয়াছিলেন—“আমি অতি দীন এবং অযোগ্য, কিন্তু আমার মধ্য দিয়াও ঈশ্বর আপনার জগৎ আশীর্বাদ প্রেরণ করিতেছেন। আপনি অপমান স্বীকার করিয়াও শিশুর গায় নম্র হইয়া ইহা গ্রহণ করুন। ঈশ্বরের ইচ্ছা বলিয়া এই দীন হৃদয়ের প্রার্থনা গ্রহণ করুন।

৩৭

ফেনেলোঁ ধার্মিক ব্যক্তি ছিলেন, কিন্তু যাহা তিনি হইতে পারেন, যাহা তাঁহাকে হইতে হইবে তাহা হইতে যে এখনও দূরে রহিয়াছেন ইহা তিনি অনুভব করিতেন। উচ্চ হইতে উচ্চতর অসীম অনন্ত উন্নতির জগৎ তাঁহার আত্মা তৃষ্ণার্ত হইয়াছিল। ঈশ্বরের সহিত যোগের অটল ভূমি না পাওয়া পর্যন্ত তিনি অস্থিরতা অনুভব করিতেছিলেন।

তাঁহার অগাধ পাণ্ডিত্য বিনয়ে বড় শোভন বড় মধুর হইয়াছিল। অপরের নিকট হইতে গ্রহণ করিতে তিনি সৰ্বদাই অবনত। যাহা বোঝেন নাই তাহা স্বীকার করিতে ও তাহার জগৎ উপদেশ ভিক্ষা করিতে তিনি কখনই লজ্জিত হইতেন না।

ম্যাডাম গেয়েঁকে তিনি নিয়মিত রূপে পত্র লিখিতেন ও তাঁহার পত্র পাইতেন। এই আত্মাটিকে অগ্রসর করিয়া আনিবার জগৎ ম্যাডাম গেয়েঁ অক্লান্ত পরিশ্রম করিতেছিলেন। “ধর্মপথে বিশ্বাসই সর্বস্ব” এই শিক্ষা গ্রহণ করিতে তাঁহার দীর্ঘকাল লাগিয়াছিল।



সাত আট মাস পরেও সংশয়ের প্রশ্ন, অস্বীকারসিত সমস্যা তাঁহার মনে জাগিয়া উঠিত এবং নত হইয়া ম্যাডাম গেয়োঁর নিকট হইতে শ্রদ্ধার সহিত তাহার সহজতর গ্রহণ করিতেন। একখানি পত্রের শেষে তিনি ম্যাডাম গেয়োঁকে লিখিয়াছিলেন—

“এক আশ্চর্য্য দেশের মধ্যে আসিয়া পড়িয়াছি বলিয়া মনে হইতেছে। সম্মুখে বিস্তৃত অরণ্য, আমি ইহার সহিত সম্পূর্ণ অপরিচিত তথাপি ইহার মধ্যদিয়া আমাকে যাইতে হইবে। এই অজ্ঞাত পথের মধ্য দিয়া আমাকে চালাইয়া লইয়া যাইতে পারেন আমি এমন একজন পথপ্রদর্শক মনোনয়ন করিয়াছি। এই চালকের অনুসরণ করিয়া বিশ্বাসের সহিত চলিতেছি। যদি আমি আমার চালককে বিশ্বাস করিতে অস্বীকার করি এবং নিজের বিজ্ঞাবুদ্ধির উপর নির্ভর করিয়া এই অরণ্যের মধ্যে পথ বাহির করিতে চেষ্টা করি তাহা হইলে আমার বুদ্ধিহীনতাই প্রমাণিত হইবে এবং সম্ভবতঃ আমি পথ হারাইয়া ফেলিব।

৩৮

লুই, ফেনেলোঁর হস্তে তাঁহার পৌত্র Duke of Burgundyর শিক্ষাভার অর্পণ করিলেন। ফেনেলোঁ এ কার্যের জন্ত প্রস্তুত ছিলেন না। এ দায়িত্ব লঘুভার নহে। একদিন এই বালকের হস্তে রাজশক্তি প্রতিষ্ঠিত হইবে ইহাকে শিক্ষাদেওয়া কি সহজ কার্য্য? ফেনেলোঁকে (Abbe De fenelon) এ কার্যের যোগ্য ব্যক্তি বলিয়া স্থির করা হইল।

Duke of Burgundyর প্রকৃতিটি ভয়ানক ছিল। শিশুকাল হইতে তিনি বিষম ক্রোধপরায়ণ ছিলেন। সামান্য বাধা সহিতে পারিতেন না। যখন ক্রুদ্ধ হইয়া উঠিতেন, মনে হইত শরীরের

শিরাগুলি বুঝি ফাটিয়া ছিড়িয়া গেল। তিনি তীক্ষ্ণ বুদ্ধিসম্পন্ন ছিলেন। সুতরাং ফেনেলোঁর কর্তব্য যে শুধু গুরুতর তাহা নহে, কষ্টকর ও হইয়া ছিল। এই কর্তব্যের কৃতকার্যতার উপরে ক্রান্তির আশা ভরসা নির্ভর করিতেছে। এই কার্য সম্পাদন করিবার জন্ত শুধু বিজ্ঞাবান লোক হইলেই চলিবে না—ধর্মপ্রাণ মানুষ চাই। ফেনেলোঁ সেই ব্যক্তি। কর্তব্য যখন হাতে লইলেন তখন সমগ্র শক্তিই তাহাতে নিয়োজিত করিলেন। তাঁহার বিখ্যাত কথাগ্ৰন্থগুলি এই সময়েই তাঁহার ছাত্রের জন্ত লিখিত হইয়াছিল। প্রত্যেকটি গল্পই বিশেষ ঘটনায় বিশেষ উদ্দেশ্য লইয়া রচিত। যখন ছাত্রের কোন দোষ প্রদর্শন করা আবশ্যিক মনে করিতেন তখন এইরূপে গল্পের মধ্য দিয়া তাহার উল্লেখ করিতেন এবং সংশোধনের পন্থাও গল্পেই প্রদর্শিত থাকিত।

ফেনেলোঁর এই কর্মনিয়োগে আনন্দ প্রকাশ করিয়া ও উৎসাহ দিয়া ম্যাডাম গেয়েঁ পত্র লিখিয়াছিলেন। তিনি লিখিয়াছিলেন অপ্রীতিকর বোধ হইলেও ঈশ্বরের মনে করিয়া তিনি যেন এই কাজ করেন আর আপনার শক্তির উপর নির্ভর করিয়া তিনি যেন এই গুরুতর কার্য করিতে না যান—তাঁহার দৃষ্টি, তাঁহার নির্ভর থাকে যেন উপরের দিকে।

৩৯

যে পরিবারে ম্যাডাম গেয়েঁর কন্যার বিবাহ হইয়াছিল ফেনেলোঁ সে পরিবারের একজন ঘনিষ্ঠ বন্ধু ছিলেন। সুতরাং কন্যাগৃহে তাঁহাদের মিলনের বিশেষ সুযোগ ঘটিতে লাগিল। ফেনেলোঁ কত সময়ে ম্যাডাম গেয়েঁর কোনও কোনও মতের প্রতিবাদ করিতেন—ম্যাডাম গেয়েঁ সরল হৃদয়ে যথাসাধ্য সহুস্তর দিতে চেষ্টা

করিতেন। অবশেষে ফেনেলোঁ হার মানিলেন। অন্তরের ধর্মের পথে আপনাকে সম্পূর্ণ ধরা দিলেন। ইহার পর হইতে তিনি যে আপন পথে খাঁটি রহিয়াছিলেন দুঃখনির্ঘাতন ভোগই তাহার প্রমাণ।

১৬৯২ অব্দ পর্য্যন্ত ম্যাডাম গেয়েঁ কন্টার সহিত অবস্থান করিয়াছিলেন। দুই বৎসর পরে তিনি স্বতন্ত্র বাড়ীতে বাস করিতে লাগিলেন।

১৬৯২ সালে ম্যাডাম ডি ম্যান্টেনোর সহিত তাঁহার সম্বন্ধ ঘনিষ্ঠতর হইয়া উঠিল। এই বিখ্যাত রমণী রাজনৈতিক কারণে চতুর্দশ লুইএর পত্নী বলিয়া প্রকাশে স্বীকৃত না হইলেও লুইএর সহিত ইহার বিবাহ হইয়াছিল। রাজা ইহার প্রতি বিশেষ অনুরক্ত ছিলেন। রাজ্যের অনেক গুরুতর কার্য্য ইহার অনুমোদনের উপর নির্ভর করিত। ইহার প্রবল শক্তি রাজশক্তির অনুরূপই ছিল। রাজ্যের প্রধানতম ব্যক্তিগণ তাঁহাকে সম্মানে মানিয়া চলিতেন। তাঁহাকে সুখী করিবার জন্য ধন ঐশ্বর্য্য প্রভৃতি বাহা কিছু থাকা দরকার কিছুই অভাব ছিল না। তথাপি এই রমণী অন্তরের গভীরস্থানে একটি শূন্যতা অনুভব করিতেন—বাহিরের সম্পদে ইহা পূর্ণ হইবার নহে। তাঁহার লিখিত পত্র সমূহের মধ্যে উচ্চ চরিত্র ও প্রতিভার মহিমা পরিষ্কৃত রহিয়াছে, কিন্তু তদপেক্ষা স্পষ্টতররূপে জাগিয়া উঠিয়াছে আর্ন্ত হৃদয়ের ব্যাকুল ক্রন্দন। ম্যাডাম ডি মেজোঁফোকে (Madame de maisonfort) তিনি লিখিতেছেন—“আপনি কি দেখিতেছেন না যে, যে অবস্থা একদিন আমার কল্পনারও অতীত ছিল সম্পদের সেই শিখরদেশে বসিয়া আজ আমি বিষাদে মরিতেছি? আমার রূপ ছিল, যৌবন ছিল, আমোদ উপভোগ করিবার যথেষ্ট সামর্থ্য ছিল এবং আমি সকলের প্রীতি

আকর্ষণেরও বস্তু ছিলাম। অপেক্ষাকৃত পরিণত বয়সে বহুবৎসর আমি জ্ঞানচর্চার আনন্দে কাটাইয়াছি। কিন্তু মনের মধ্যে একটি ভয়ঙ্কর শূন্যতা রাখিয়া এই সকল অবস্থাই চলিয়া গিয়াছে।”

এ শূন্যতা শুধু তিনিই পূর্ণ করিতে পারেন যিনি নিজে পরিপূর্ণ। তাঁহার সন্ধান কে বলিয়া দিতে পারে?—এমন মানুষের সঙ্গ পাইবার জন্য তিনি লোনুপ হইয়া উঠিলেন। এই অবস্থায় তিনি ম্যাডাম গেয়েঁর সঙ্গ লাভ করিয়া অনেক আরাম পাইতেন। Versaillesএ আপন প্রাসাদে তিনি তাঁহাকে নিমন্ত্রণ করিয়া আনিতেন এবং বসিয়া বসিয়া লাহিতা অভ্যাচাবপীড়িতা এই অতিথির মুখে তাঁহার প্রভুর অমরকাহিনী শুনিতেন—নিঃসন্দেহ, তখন তাঁহার অশান্ত অন্তর সাম্বনার আশ্বাস লাভ করিত।

St cyr এব বিখ্যাত প্রতিষ্ঠানটি ১৬৮৬ অব্দে ম্যাডাম ডি ম্যান্টেনো কর্তৃক স্থাপিত হইয়াছিল। যে সকল ব্যক্তি রাজকার্যে জীবন হারাইয়াছেন বা ক্ষতিগ্রস্ত হইয়াছেন তাঁহাদের কন্যাগণের শিক্ষাবিধান এই প্রতিষ্ঠানের কার্য। বিশ বৎসর বয়সের নিম্ন বয়স্ক বালিকাগণ এই স্থানে জ্ঞান ও ধর্ম শিক্ষা করিত। বিখ্যাত কিন্তু বিপন্ন পরিবারের ২৫০ জন তরুণী এই বিদ্যালয়ে শিক্ষা লাভ করিতে ছিলেন।

রাজপ্রাসাদের আডম্বর কোলাহলে ক্লান্ত হইয়া ম্যাডাম ডি ম্যান্টেনো St cyr এ যাপন করিতেন। এখানে লুইএর সন্দেহ হইতে নিরাপদ থাকিয়া তিনি ম্যাডাম গেয়েঁর সহিত নির্বিঘ্নে কথা কহিতে পারিতেন। এইটিই তাঁহাদের মিলন স্থান হইয়া উঠিল।

ম্যাডাম ডি ম্যান্টেনো তাঁহার কথায় আরাম পাইতেন, উপকৃত হইতেন। তাঁহার ইচ্ছা হইল বিদ্যালয়ের ছাত্রীগণও যেন এই উপকার

হইতে বঞ্চিত না হয়। ইহার ঋণ শ্রীতিকর কার্য ম্যাডাম গেয়েঁর আর ছিল না; ইহারই জন্ত তাঁহার জীবন ধারণ, স্মরণে তিনি আনন্দে ছাত্রীগণের সহিত ধর্ম বিষয়ে আলাপ করিতে স্বীকৃত হইলেন। এই আলোচনায় ছাত্রীজীবনে পরিবর্তন দেখা দিল। অনেকে ম্যাডাম ডি ম্যানটেনোকে বলিল যে ম্যাডাম গেয়েঁর কথার মধ্যে তাহারা এমন কিছু পাইয়াছে যাহা তাহাদিগকে ঈশ্বরের দিকে টানিয়া লইয়া বাইতেছে। যে সব মেয়ের ব্যবহারে তিনি পূর্বে সন্তুষ্ট হইতে পারিতেন না এখন তাহাদের আশ্চর্য পরিবর্তন দেখিয়া পুলকিত হইলেন।

এই বিদ্যালয়ের বালিকাগণের মধ্যে কেহ কেহ বিলাসপূর্ণ পরিবার হইতে আসিয়াছে, ধর্মের বিষয় তাহাদের নিকটে অপরিচিত বস্তু। আর তাহারা ধর্মের সহিত সংশ্রব রাখিয়া চলিয়াছে তাহারাও নির্দিষ্ট নিয়মনিষ্ঠাকেই ধর্ম বলিয়া জানিত, শ্রদ্ধার সহিত তাহা পালন করিয়াই তাহারা ধর্মবৃত্তি চরিতার্থ করিত। ইহাদের নিকটে ম্যাডাম গেয়েঁ এই কথা বলিলেন—

—“এ পথ পথ নয়—ঈশ্বরের দিকে দৃষ্টিপাত কর, ধর্ম ঈশ্বরের ধন, বাহিরের কার্যপালনদ্বারা তাহা লাভ করা যায় না তাহা ভিতর হইতে কুটিয়া উঠে—বিশ্বাসই মুক্তির উপায়”। এই সমুদয় উপদেশ তাহাদের সকলেরই নুতন বলিয়া বোধ হইল।

তাহারা দেখিল,—“সত্যই তো, যে জীবন যাপন করিতেছি তাহা হইতে উচ্চতর জীবন তো আছে। যন্ত্রের ঋণ কার্য করিয়া যাওয়া ধর্ম নহে—ধর্ম জীবন। যে সেই উচ্চতর জীবন লাভ করিয়াছে সেই সুখী”। এই জীবনগুলির উপরে ম্যাডাম গেয়েঁর কার্য আর কতদূর অগ্রসর হইয়াছিল জানা যায় না, কিন্তু সেই সময়ের জন্ত

St Cyr বিদ্যালয়ে এক নূতন পবন প্রবাহিত হইয়াছিল । চিন্তাহীন ধার্মিকতা ও বিলাসবিরুদ্ধ ধর্মহীনতার স্থানে অভাববোধ ও ব্যাকুলতা জাগিয়া উঠিয়াছিল ।

বালিকারা তাঁহাকে পত্র লিখিত, তিনিও তাহাদের অভাব অভিযোগ শুনিবার জন্য সর্বদাই প্রস্তুত ছিলেন । বিদ্যালয় ত্যাগ করিয়া সংসারে প্রবেশ করিবার পরও অনেক বালিকা তাঁহার প্রদর্শিত পথে চলিতে চেষ্টা করিত ও তাঁহাকে পত্র লিখিত । এইরূপ এক বিবাহিতা রমণীর পত্রোত্তরে একস্থানে তিনি লিখিয়াছিলেন—

“ক্রিস্টেন নারীর বেশ পরিচ্ছন্ন ও লজ্জাশীলতাসঙ্গত হওয়া উচিত, কিন্তু লোকের মনোযোগ আকর্ষণ করিবারমত কৃত্রিমতাবিরুদ্ধ ও অলঙ্কৃত যেন না হয় । এসম্বন্ধে একটা নির্দিষ্ট নিয়ম স্থাপনের প্রয়োজন নাই । তোমার পদমর্যাদার অনুরূপ বেশ তুমি পরিধান করিবে কিন্তু তোমার ঐ অতিরিক্ত রিবনগুলো ত্যাগ করা কর্তব্য ও সমীচীন । এইসব কথা বলার জন্য আমাকে ক্ষমা করিও । আমি বিশ্বাস করি ইহাতে তুমি তোমার স্বামীর চক্ষে অপ্রীতিকর হইবে না এবং ষাঁহাকে প্রীত করিতে তুমি সর্বাপেক্ষা আকাঙ্ক্ষা কর, তাঁহার দৃষ্টিতে আরও অনেক বেশী প্রীতিকর হইবে ।

“চিঠি লিখিবার সময় আমাকে বিশ্বাস করিয়া সম্পূর্ণ যুক্তভাবে সকল লিখিবে । পৃথিবী যে সমুদয় বিষয়কে তুচ্ছ মনে করে সে সমুদয় বিষয়েও প্রশ্ন জিজ্ঞাসা করিতে শক্তি হইও না । ইহাতে তোমার প্রতি আমার শ্রদ্ধার হ্রাস হইবে না, তাহার বিপরীতই হইবে । কারণ সেই সব ক্ষুদ্র বিষয়েও তোমার চিন্তা আছে দেখিয়া আমি বুঝিব যে আপনাকে ঈশ্বরের নিকটে সম্পূর্ণ নিবেদন করিবার প্রবৃত্তি তোমার আছে । ক্ষুদ্রতম বিষয়ের প্রতি তোমার মনোযোগ ও সতর্কতা

আকর্ষণ করিয়া ঈশ্বর তোমার অন্তরের মধ্যে তাঁহার কার্যের ভিত্তি স্থাপন করিতেছেন ইহাকে তাহারই চিহ্ন বলিয়া আমি মনে করি। ..”

St Cyr এর জায় স্থানে এইরূপ ধর্ম্মান্দোলন হইতেছে, ইহা লোকের দৃষ্টি আকর্ষণ না করিয়াই পারে না। তাঁহার বিরোধিগণ এই মনে করিয়া নিশ্চিন্ত হইয়াছিলেন যে কারাবাসে তাঁহার উৎসাহ দমিয়া গিয়াছে। ইহা দেখিয়া তাঁহারা আবার মশঙ্ক হইয়া উঠিলেন।

তাঁহার প্রভাব শুধু প্যারীতে আবদ্ধ ছিল না, দূর দূরান্ত হইতে তাঁহার নিকটে প্রার্থিগণ আসিয়া উপস্থিত হইত। আর শুধু প্রার্থীরই সমাগম হইত তাহা নহে, যাহারা তাঁহার মতে বিশ্বাস করেন না, এমন লোকও শুধু দেখিবার ও জানিবার জন্ত কিংবা তাঁহাকে আপন মতানুবর্তী করিবার আশায় আসিতেন।

তাঁহার বিরুদ্ধে তীব্রতা আবার জাগিয়া উঠিল। বিরোধিগণ দেখিলেন যে তাঁহার অন্তরের আলোককে নিপ্রভ করা কঠিন, সুতরাং সহজ ও সুলভ একটি উপায়ে তাঁহাকে নীরব করিবার চেষ্টা করিলেন।

ভৃত্যকে উৎকোচ দ্বারা বশীভূত করিয়া তাঁহাকে বিষপান করান হইল। তৎক্ষণাৎ চিকিৎসা না হইলে কয়েক ঘণ্টার মধ্যে বোধ হয় তাঁহার প্রাণ বিয়োগ হইত। বিষপানের পর তাঁহার শরীরে যখন যন্ত্রণা উপস্থিত হইল তখন ভৃত্যটি পলায়ন করিল। তাহার সহিত ম্যাডাম গেয়েঁর আর কখনও সাক্ষাৎ হয় নাই। পরবর্তী সাত বৎসর ধরিয়া তাঁহার শরীরের উপরে এই বিষ কাজ করিয়াছিল।

কিছুদিনের জন্ত তাঁহার অজ্ঞাতবাস অনিবার্য হইয়া উঠিল। তিনি কোথায় আছেন তাহা মসিয়ার কুকে (Monsieur Fouquet) ব্যতীত আর কেহই জানিতেন না। ইনি তাঁহার জামাতার পিতৃব্য

ম্যাডাম গেয়েঁ মনে করিয়াছিলেন ইহাতে তাঁহার বিরুদ্ধে উদ্ভেজনা কমিয়া আসিবে। কিন্তু বিপরীত হইল। তাঁহার গোপনবাস আরম্ভ হইবামাত্র সংবাদ প্রচার হইয়া গেল যে তিনি তাঁহার ভয়ানক মত প্রচার করিবার জন্য অন্তর্ভুক্ত গমন করিয়াছেন, সুতরাং উদ্ভেজনা তীব্রতা প্রাপ্ত হইল। আর তিনি গুপ্তবাস নিশ্চয়োজন বলিয়া মনে করিলেন।

ইহার কিছুদিন পরে তাঁহার বিপদের সুহৃদ দুর্দিনের বন্ধু মসিয়ার হকের মৃত্যু হইল। এই কতি তিনি গভীররূপে অশুভব করিলেন।

৪০

ম্যাডাম গেয়েঁর বন্ধুবর্গ তাঁহাকে পীড়ন হইতে রক্ষা করিবার জন্য একবার চেষ্টা করিয়া দেখিলেন। তাঁহার জীবনের ঘটনা ও উদ্দেশ্য সমূহের বিশদবিবরণ রাজার নিকটে প্রেরণ করিবার ব্যবস্থা হইল। সমস্ত জীবনখানি যুক্ত আলোকে দেখিতে পাইলে, কোথাও কোনখানে 'না জানা'র অন্ধকার না থাকিলে মন সংশয়যুক্ত হইবে, তাঁহার সম্বন্ধে অকারণ বিভীষিকা আর থাকিবে না তাঁহারা এই আশা করিয়াছিলেন। এ আয়োজনে ম্যাডাম ডি ম্যান্টেনোর অনুমোদন ও সহকারিতা ছিল। প্রেরণের পূর্বে জীবন বিবরণ তিনি ম্যাডাম গেয়েঁর দৃষ্টিগোচর করান উচিত বোধ করিলেন।

ম্যাডাম গেয়েঁ বলিয়াছেন, এই চেষ্টায় পরিস্ফুট বন্ধুজনের সহায়তা তাঁহার পক্ষে প্রীতিকর হইলেও তিনি অশাস্তি বোধ করিতে লাগিলেন। এইরূপে সমর্ষিত ও সুরক্ষিত হইবার চেষ্টা ঈশ্বরের ইচ্ছানুযায়িত কিনা সে বিষয়ে মনে সন্দেহ জন্মিল। পাছে মানুষের শক্তির উপরে নির্ভর করা হয়, ঈশ্বরের প্রদত্ত ভার হইতে মুক্ত হইবার ব্যস্ততায় পাছে চঞ্চল হইয়া উঠা হয় সেই ভয়ে তিনি শঙ্কিত হইলেন।



এই চেষ্টা হইতে বিরত হইবার জন্য বন্ধুবর্গকে ব্যাকুল হইয়া অনুরোধ করিলেন । তাঁহার প্রার্থনা—তাঁহার জীবনকে আপনার সহজ পথে ছাড়িয়া দেওয়া হউক—চেষ্টার বাধনে তাহার গতিকে যেন ব্যাহত করা না হয় । তাঁহার এ ইচ্ছাকে বন্ধুগণ মান্য করিয়াছিলেন ।

ফ্রান্স চার্চের নেতা বিষ্কার্ণব বসুয়ে ( Bossuet, Bishop of Meaux) এই নূতন আন্দোলনের প্রতি সজাগ হইয়া উঠিলেন । তাঁহার বিজ্ঞা যেরূপ অগাধ, সমাজ মধ্যে শক্তিও সেইরূপ অপ্রতিহত । লুথার ও অন্যান্য প্রটেস্ট্যান্টের মতের কঠোর সমালোচনা করিয়া এই মহাপণ্ডিত রোমান ক্যাথলিক সমাজ হইতে Defender of the Faith আখ্যা লাভ করিয়াছিলেন । এ খ্যাতি তাঁহার নিকটে এতই গৌরবকর ছিল যে ইহাকে রক্ষাকরিবার জন্য তিনি যথাসাধ্য চেষ্টা করিতেন । কোথাও স্বধর্মচ্যুতির লক্ষণ মাত্র দেখিলেই তিনি ব্যস্ত হইয়া উঠিতেন । পূর্কহইতেই তিনি এ আন্দোলনের বিষয় অবগত ছিলেন, কিন্তু এক অবলা নারীর বিরুদ্ধে অবতীর্ণ হইতে মহাশক্তিধর বসুয়ে স্বভাবতঃই সঙ্কোচ বোধ করিয়াছিলেন । যতই প্রতিভাশালিনী হউন, একজন নারীর চেষ্টায় যে চার্চের কোন বিপদ হইতে পারে তাহা তিনি মনেই করেন নাই । যদিই বা বিপদের সম্ভাবনা থাকে তাহা হইলে ডার্বাঁটো, ফাদার ইনোসেনসিয়াস্, লা যোধ্ প্রভৃতির চেষ্টাই কি তাহা দমন করিবার পক্ষে যথেষ্ট নহে ?

কিন্তু তাঁহার এ আশা মিথ্যা বলিয়া প্রমাণিত হইয়াছে । ডিউক অব্ বোবিলিয়ে, ডিউক অব্ সেক্রজ্ এর ণায় ব্যক্তি যদি এই রমণীর প্রভাবগ্রস্ত হইয়া থাকেন, এবং সর্বোপরি ফেনেলোঁ— বাঁহার দীপ্ত প্রতিভার প্রতি ফ্রান্স্ আশানেত্রে তাকাইয়া আছে—যদি আপনাকে ইঁহার নিকটে ধরাদিয়া থাকেন তাহা হইলে ইঁহার কল

কি হইবে কে বলিতে পারে? এই শক্তিমতীর শক্তি আর অগ্রাহ্য করিবার বিষয় নহে। এ শক্তি যে দুর্বল মানুষের নহে, ইহা যে ঈশ্বরের শক্তি তাহা বুঝিবার ক্ষমতা তাঁহার হয় নাই।

ফেনেলোর চিন্তাই তাঁহার মনকে বিশেষ ক্লিষ্ট করিল। ফেনেলোঁ—যাঁহার বহুত্ব লাভ করিয়া তিনি আপনাকে গৌরবান্বিত মনে করেন, যাঁহার ধর্মপ্রাণতা—যাঁহার শক্তির উপর তাঁহার অসীম আশা সেই মহা প্রতিভাশালী পুরুষ এই প্রভাবের নিম্নে পড়িয়া গেলেন। আর চূপ করিয়া থাকিবার সময় নাই, এবার তাঁহাকে স্বহস্তে কার্যভার গ্রহণ করিতে হইবে—এই অগ্নির ক্ষুদ্র পর্য্যন্ত নির্বাণ করিয়া দিতে হইবে। কিন্তু ম্যাডাম গেয়েঁ সঙ্কল্পে তাঁহার অভিজ্ঞতা শুধু অপরের মুখ হইতে, একবার স্বয়ং তাঁহার পরিচয় গ্রহণ করা উচিত। তদনুসারে ১৬৯৩, সেপ্টেম্বরে তিনি ডিউক অব্ সেক্রেজ্ এর সহিত ম্যাডাম গেয়েঁর গৃহে সমাগত হইলেন। ম্যাডাম গেয়েঁর প্রার্থনা সঙ্কল্পীয় পুস্তকখানি তিনি পূর্বেই পড়িয়াছিলেন এবং পড়িয়া সন্তুষ্ট হইয়াছিলেন, এখন তাঁহার অনুরোধে তাঁহার সমস্ত রচনা পাঠ করিয়া দেখিতে ও আপন মস্তব্য প্রকাশ করিতে সম্মত হইলেন।

ইহার পরে পুনরায় তাঁহাদের সাক্ষাৎ হইয়াছিল এবং বসুরে তাঁহার সমস্ত রচনা পাঠ করিয়াছিলেন। বসুরের অনুরোধে তাঁহাদের এ সাক্ষাতও যথাসম্ভব গোপন রাখা হইয়াছিল।

বসুরের সহিত তাঁহার যে সুদীর্ঘ কথোপকথন হইয়াছিল তাহা ম্যাডাম গেয়েঁ আত্মজীবনীতে উদ্ধৃত করিয়া রাখিয়াছেন। তাহার সারমর্ম এইরূপে প্রকাশ করা যাইতে পারে ;—

মানুষ যে সম্পূর্ণ নির্মল হইতে পারে, ঈশ্বর প্রেম হইতে তাহার স্বার্থকে যে একেবারে বিলুপ্ত করা যাইতে পারে, ঈশ্বরের সহিত

যে তাহার ষোগ সম্ভব ম্যাডাম গেরেঁর এ কথা বসুয়ে আপত্তি করিলেন। তিনি বলিলেন যে এমন মানুষ কি আছে যে পাপবর্জিত ?

ম্যাডাম গেরেঁ বলিলেন, সত্যই, এমন মানুষ নাই যে পাপ করে নাই এবং এমনও কেহ নাই চিরদিনই যাহার অবোগ্যতা না থাকিবে। তথাপি, এ কথা স্বীকার করিয়াও, আমরাগকে খুঁটের জায় হইতে হইবে। তিনি নিজেই আমরাগকে সমস্ত হৃদয় দিয়া ঈশ্বরকে ভালবাসিতে আদেশ করিয়াছেন এবং আমাদের স্বর্গস্থ পিতা যেমন পরিপূর্ণ সেইরূপ পূর্ণতালাভ করিতে বলিয়াছেন। আমার নিজের অভিজ্ঞতাও আমার এ বিশ্বাসকে বলদান করিয়াছে।

বসুয়ে জিজ্ঞাসা করিলেন, ম্যাডাম গেরেঁ আপনাকে এই অবস্থা-প্রাপ্ত বলিয়া মনে করেন কি না ?

ম্যাডাম গেরেঁ বলিলেন যে নির্মল অন্তঃকরণ বলিলে যদি এমন হৃদয় বোঝায় যাহা সম্পূর্ণরূপে ঈশ্বরের নিকটে উৎসর্গীকৃত তাহা হইলে এ বিষয়ে আমার ঈশ্বরের করুণা অস্বীকার করিবার কারণ নাই। আমারও ছুঃখের দিন গিয়াছে—বিদ্রোহী. আত্মাকে বশীভূত করিতে আমাকে বন্ধে করাঘাত করিয়া ক্রন্দন করিতে হইয়াছে। কত মাস কত বৎসর আমি অশ্রদ্ধলে অতিবাহিত করিয়াছি, কিন্তু অবশেষে মুক্তির দিন আসিয়াছে—আমার কত আরোগ্য—আমার অশ্রুবারি শুক হইয়াছে। কৃতজ্ঞতার সহিত বলিতে পারি এখন আমার আত্মা শান্তি ও নির্মলতার বিজয়মুকুট লাভ করিয়াছে।

বসুয়ে বলিলেন যে অল্পলোকেই নিজের সম্বন্ধে এরূপে বত প্রকাশ করিতে পারে। ম্যাডাম গেরেঁ বলিলেন— সে জন্ম আমি ছুঃখিত। ঈশ্বর দয়া করিবার জন্য প্রস্তুত হইয়া আছেন একথা বিশ্বাস না

করিয়াই মানুষ তাঁহার নিকটে দয়া প্রার্থনা করে এবং এইরূপে তাহাদের প্রার্থনাদ্বারা ইঈশ্বরকে অপমান করে।

অন্তান্ত কথার পর বস্তুয়ে জিজ্ঞাসা করিলেন যে পবিত্রতা, বিশুদ্ধ-প্রেম ও পূর্ণতার অবস্থা বলিতে তিনি কি বোঝেন? তদুত্তরে ম্যাডাম গেরেঁ। বলিলেন যে, নিজের জ্ঞান ও শক্তি যে কিছু আছে তাহা যিনি জানেনই না, যিনি আপনাকে একেবারেই হারাইয়া ফেলিয়াছেন, ঈশ্বার জীবন নিয়ত ইঈশ্বরে স্থিতি করিতেছে তাঁহাকে পবিত্র এবং একঅর্থে পূর্ণ বলা যাইতে পারে।

বস্তুয়ে জিজ্ঞাসা করিলেন যে ইহা কি সম্ভব যে এই জীবনেই মানুষ এমন স্থানে পৌঁছিতে যেখানে কোন চাক্ষু্য তাহাকে টলাইতে পারিবে না, পরিবর্তনের বিকোভ যেখানে নাই, সূর্যালোক যেখানে চির অগ্নান?

ম্যাডাম গেরেঁ। বলিলেন যে, মানুষ কোন অবস্থাতেই পরিবর্তনের অতীত হইবে না, কিন্তু ইঈশ্বরের প্রসাদে এমন দিন আসিতে পারে যখন সাধারণ লোকের ভুলনার তাহার চিত্তকে চাক্ষু্যহীন স্থির বলা যায়। সে অবস্থায় সূর্যালোক বা বজ্রাতিমির ছুইই তাহার নিকটে সমান।

সেই অবস্থায় উপস্থিত হইয়া মানুষ প্রার্থনা হইতে বিরত হইবে কিনা একধার উত্তরে ম্যাডাম গেরেঁ। বলেন যে, প্রার্থনাবিরত হওয়া হুরের কথা, তাঁহাদের হৃদয় নিয়ত প্রার্থনারত থাকে। বাক্যে কিছু না কহিলেও প্রার্থনা তাঁহাদের হৃদয় হইতে সর্বদা নিঃসৃত হয় ইহা নীরব প্রার্থনার অবস্থা। হয়তো সে প্রার্থনা এতই গভীর যে বাক্যদ্বারা তাহা উচ্চারণ করা যায় না।

কিন্তু কোন বিশেষদানের জন্ত প্রার্থনা করা হইবে না, কোন নির্দিষ্ট

বস্তু ভিক্ষা করা যাইবে না অথচ প্রার্থনা হইবে, এ কিরূপ, তাহা বস্তুয়ে বুঝিতে পারিলেন না। ম্যাডাম গেয়েঁ। বলিলেন যে, যদি কেহ এমন অবস্থায় উঠিতে পারেন যে চাহিবার তাঁহার আর কিছুই নাই, বিশেষ কোন প্রসাদের জন্য তাঁহার মন লালসিত নহে, শুধু ঈশ্বর যাহা দেন তাহাই লইবার জন্য তিনি হৃদয় পাতিয়া বসিয়া আছেন সে অবস্থা কি তুচ্ছ করিবার অবস্থা? সে জীবন অতুল্য উর্ধ্বে চাহিয়া থাকার জীবন, সে জীবন একটি চির-গীত সুবগান। তোমার ইচ্ছা পূর্ণ হউক—ইহা ব্যতীত তাঁহার আর কোন প্রার্থনা থাকে না।

বস্তুয়ে ভিজ্ঞাসা করিলেন যে বাসনার নির্কাশ কিরূপ? মানব অতুল্যবস্তু চেতনাসম্পন্ন জীব। তাঁহার সর্ব আকাঙ্ক্ষাকে যদি লুপ্ত করিয়া দেওয়া যায় তাহাহইলে দেবত্বের পরিবর্তে সে পশুপ্রাপ্ত হইবে যে!

ম্যাডাম গেয়েঁ। বলিলেন যিনি আপনাকে জয় করিয়াছেন তাঁহার আকাঙ্ক্ষার বস্তু আর কিছু থাকে না। যিনি সকলই পাইয়াছেন, তিনি আর চাহিবেন কি? যিনি পূর্ণ তাঁহার কি অভাব হইতে পারে? আপনার প্রশ্নের স্বার্থ উত্তর এই যে তাঁহার নিজের কোন বাসনা থাকে না, ঈশ্বর যাহা করেন তাহাতেই তিনি সম্পূর্ণ নিশ্চিত ও সুখী।

আরও বহু বিষয়ে প্রশ্ন করিয়া ও উত্তর লইয়া বস্তুয়ে চলিয়া গেলেন। তিনি দেখিলেন যে প্রতি প্রদর্শন করিয়া দিলে এই নারী নত হইয়া তাহা স্বীকার করেন, অস্পষ্ট বিষয় ভাল করিয়া বুঝাইয়া দিতে ইনি সমর্থ এবং সত্য বলিয়া যাহা বুঝেন সতেজে তাহা সমর্থন করিতে সর্বদাই প্রস্তুত। পরীক্ষার দিনটি ম্যাডাম গেয়েঁ।র পক্ষে কষ্টকর হইয়াছিল। সমস্ত দিন ধরিয়া সন্দেহের কূট পরীক্ষার অধীন হইয়া বিরোধীর সম্মুখে বসিয়া থাকা কম শ্রান্তিকর নহে।

বসুয়ে মহাপণ্ডিত, এবং আপনার পাণ্ডিত্যের অভিমান তাঁহার প্রকৃতিটিকে বিরস কর্ণ করিয়া তুলিয়াছিল। তাঁহার জন্ম হইয়াছে যেন আদেশ করিতেই। ম্যাডাম গেয়েঁর সহিত কথা কহিবার সময় তিনি তাঁহাকে মাতৃজাতির প্রাপ্য সম্মান দান করিতে তুলিয়া গিয়া ছিলেন, এমন কি সাধারণ ভাবনীতিসম্মত নম্রতাটুকুও তিনি রক্ষা করিয়া চলেন নাই। তিনি ক্রতগতিতে যেন আদেশেরস্বরে কথা কহিয়া যাইতেছিলেন, ম্যাডাম গেয়েঁ বাহা বলিতে চাহেন তাহা বলিবার সময়ও অনেকবার তাঁহাকে দেওয়া হয় নাই। সেদিন সন্ধ্যা হইয়া গেলে সারাদিনের ক্লান্তি বহিয়া লইয়া তিনি বাড়ী ফিরিলেন। ইহার পবেই কয়েকদিনের জন্ম তাঁহার শরীর অসুস্থ হইয়া পড়িল।

বাহা হউক এই কথাবার্তার পর বসুয়ে সন্তুষ্ট হইয়া গেলেন বলিয়াই বোধ হইল।

যে সব বিষয় বসুয়ে বোঝেন নাই বা বুঝিতে চাহেন নাই তাহা স্পষ্ট করিয়া বুঝাইয়া দিবার জন্ম ম্যাডাম গেয়েঁ ইহার পর তাঁহাকে কয়েকখানি পত্র লেখেন। ম্যাডাম গেয়েঁ বলিয়াছেন যে উত্তরে বসুয়ে তাঁহাকে কুড়িপৃষ্ঠারও অধিক দীর্ঘ একখানি পত্র লিখিয়াছিলেন। অন্তরের ধর্মসাধনের পথে তিনি পদার্পণ করেন নাই, সুতরাং বাহির হইতে সকলই তাঁহার নিকটে অন্ধকার বোধ হইয়াছিল।

ইহার কিছুদিন পরে চল্লিশদিনব্যাপী বিষম জ্বরে ম্যাডাম গেয়েঁ কষ্ট পাইলেন। আরোগ্যলাভের যেন আশা রহিল না। কিন্তু তিনি তো প্রস্তুত—ডাক পড়িলেই যাইতে পারেন।

অসন্তোষের আগুন জ্বলিতে লাগিল। কেন এত ভয়? ম্যাডাম গেৰ্ণে'র ইচ্ছা হইতে লাগিল একবার অনাবৃত করিয়া আপন হৃদয়-খানি দেখাইয়া দেন যে ভয় করিবার মত তাঁহার কিছুই নাই। ম্যাডাম ডি ম্যানটে'নোকে তিনি লিখিয়া পাঠাইলেন “আমার চরিত্রে ভাল করিয়া পরীক্ষা করিবার জন্য রাজা যোগ্য ব্যক্তি নিয়োগ করুন। যতদিন এ ব্যবস্থা না হয় ততদিন পর্যন্ত আমি কারাবন্ধনে আবদ্ধ হইয়া থাকিতে প্রস্তুত।

তিনি কি করিবেন? সন্ধিগ্ন সমাজের ভয় কিরূপে দূর করিবেন? তিনি কি তাঁহার সমাজের বিরুদ্ধে জোহ করিয়াছেন? হায়! সে সমাজকে তিনি কত ভালবাসেন তাহা তিনিই জানেন। সমাজকে অস্বীকার করিবার কথা তাঁহার তো একবারও মনে হয় নাই! সমাজ ভুল করিয়াছে, সমাজ হীন হইয়াছে এজন্য তাহাকে ত্যাগ করিয়া দূরে সরিয়া দাঁড়াইতে তো তিনি চাহেন না! তিনি চাহেন সংশোধন, তিনি চাহেন উন্নতি। তাহারই জন্য এত ভয়।

তাঁহার প্রস্তাবে রাজা সন্মত হইলেন। বসুয়ে, মসিয়্যার ট্রুসোঁ (Tronson) ও মসিয়্যার ডি নোয়ালি (Noailles) এই তিন ব্যক্তি পরীক্ষক নিযুক্ত হইলেন। এই মসিয়্যার নোয়ালি পরবর্তী কালে প্যারীর আর্চবিশপ ও কার্ডিনাল পদে অধিষ্ঠিত হইয়াছিলেন, মসিয়্যার ট্রুসোঁও শক্তি সামর্থ্যে উপযুক্ত ব্যক্তি ছিলেন, বসুয়ের যোগ্যতার পরিচয় তো পূর্বেই পাওয়া গিয়াছে। এইরূপে দেশের সর্বোচ্চস্তরের ব্যক্তিবর্গকে তাঁহার বিরুদ্ধে মনোনয়ন করার তাঁহার শক্তি ও প্রভাবের গুরুত্বকেই স্বীকার করিয়া লওয়া হইয়াছিল।

ম্যাডাম গেৰ্ণে' আপনাকে মুক্তালোকে বিচার করিবার জন্য সমস্তই বিস্তার করিয়া দিলেন। পরীক্ষাকালে বসুয়ে অত্যন্ত রুঢ়

ব্যবহার করিয়াছিলেন। কিন্তু বোসিয়ার ডি নোয়ালি উদ্ভূত সীমা কখনই অতিক্রম করেন নাই। ম্যাডাম গের্গে'র উদ্ভূতগুলি লিখিয়া লইবার কষ্ট তিনি স্বীকার করিয়াছিলেন। বসুয়ের কৰ্কশ ব্যবহার তাঁহাকে কিরূপ আহত ও বিভ্রান্ত করিয়া তুলিতেছে দেখিয়া তিনি যথাসাধ্য কোমল ব্যবহার দ্বারা সে আঘাত দূর করিতে চেষ্টা করিতেছিলেন। পরীক্ষার পর তাঁহার রচনার মধ্যে আপত্তিকর কিছুই তিনি পান নাই। মসিয়ার টুসোঁও বিনয় ব্যবহার করিয়াছিলেন, এবং পরীক্ষার ফলে সন্তুষ্ট হইয়াছিলেন।

সুতরাং পরীক্ষা দ্বারা তাঁহার বিরুদ্ধে কোনও অভিযোগই উত্থাপিত হইতে পারিল না, তথাপি সাধারণের উচ্চকণ্ঠ নীরব হইল না। প্রমাণ করিবার মত কোন দোষ নাই বলিয়াই যেন তাহাদের রোষ বর্জিত হইয়া উঠিল। বসুয়ের মনেও অসন্তোষের অভাব ছিল না। তাঁহাকে অসন্তোষমুক্ত করিবার জন্য ম্যাডাম গের্গে' কিছুদিন আপনাকে তাঁহার পর্যবেক্ষণাধীনে রাখিবার প্রস্তাব করিলেন। বসুয়ে তাহাতে সন্মত হইলেন এবং ম্যাডাম গের্গে' তাঁহার কার্যক্ষেত্রে মোর Meoux মধ্যে গিয়া একটি কন্ডেটে বাস করিতে লাগিলেন। তাঁহার হৃৎকের চিরসঙ্গিনী পরিচারিকা মা গোটিয়ে তাঁহার সঙ্গে ছিলেন।

৪২

কন্ডেটে আসিয়া তিনি প্রায় দেড়মাস পীড়িত ছিলেন। আরোগ্যলাভের পর বসুয়ে একখানি পত্র লইয়া উপস্থিত হইলেন। প্রচলিত ধর্মের মধ্যে যে সকল ভ্রান্তি ও বিকার প্রবেশ করিয়াছে পত্রে তাহারই উল্লেখ ও প্রতিবাদ ছিল। বসুয়ে ম্যাডাম গের্গে'কে সেই পত্রে সাক্ষর করিতে অনুরোধ করিলেন এবং বলিলেন 'এই পত্রে



যে সমুদয় ত্রাস্তির কথা লিখিত আছে তাহার মধ্যে আপনি পতিত হইয়াছেন—ইহা স্বীকার করিয়া কিছু লিখিয়া দিন।’ স্বভাবতঃই ম্যাডাম গেয়েঁ। ইহা স্বীকার করিলেন। সত্য যাহা শুধু তাহাই লিখিতে ও লিখাইতে তিনি প্রস্তুত এবং চার্চের আদেশের নিকটে সর্বদাই অবনত—সম্ভবতঃ এই মর্মে তিনি কয়েক ছত্র লিখিয়া দিলেন ও তাহাতে নাম সাক্ষর করিলেন। কাগজখানি লইয়া বসুয়ে বলিলেন, উত্তম লেখা হইয়াছে, কিন্তু যাহা লেখা উচিত ছিল তাহা লেখা হয় নাই। পত্রোল্লিখিত সমস্ত দোষে হুঁষ্ট বলিয়া আপনাকে স্বীকার করা তাঁহার উচিত ছিল।

ম্যাডাম গেয়েঁ। বিস্মিত হইলেন। তিনি ভো আপনাকে তাঁহার অধীনেই রাখিয়াছেন—পরীক্ষা করিয়া প্রমাণ করিয়া দোষ দেখাইয়া দেওয়া হউক। এই কি দোষ প্রদর্শনের উপায়? পিতার স্থায় বিশ্বাস করিয়া তিনি আপনাকে তাঁহার তত্ত্বাবধানে স্থাপন করিয়াছেন; তিনি আশা করেন, তাঁহার এ বিশ্বাস প্রভারিত হইবে না।

বসুয়ে বলিলেন যে তিনি তাঁহার পিতৃতুল্য, সত্য—কিন্তু তিনি চার্চেরও পিতা। যাহা হউক ইহাতে বাক্যব্যয় করিবার কিছু নাই, যাহা করিবার তাহাই করা হউক। যদি তিনি না করেন, যদি তাঁহার আদেশাত্মক লিখিয়া না দেন তাহা হইলে তিনি সাক্ষিসহ আসিবেন এবং তাঁহাকে সমাজচ্যুত করা হইবে।

ম্যাডাম গেয়েঁ। বলিলেন, “আমার অকপটতার সাক্ষিরূপে, তাহা হইলে, কেবলমাত্র ঈশ্বরের নিকটেই আমি আবেদন করিতে পারি। আর কিছুই আমার বলিবার নাই। তাঁহার জন্ত দুঃখ সহিতে আমি প্রস্তুত এবং আমি আশা করি যে বিবেকের বিরুদ্ধে কোন কাজ না করিতে হয় এমন বল তিনি আমাকে দিবেন। বিশদরূপে যে সম্মান

আপনার প্রাপ্য তাহা আপনাকে প্রদান করিয়াই এ কথা বলিতেছি, আশা করি।”

অবশেষে বসুয়ে বলিলেন যে ফাদার কোঁব্ এর ল্যাটিন রচনার মধ্যে অসম্মুখ ধর্ম সম্বন্ধে ভ্রান্তি আছে, ইহাই তিনি স্বীকার করুন। ম্যাডাম গেরোঁর অসম্মতিতে বসুয়ে ক্রুদ্ধ হইয়া চলিয়া গেলেন।

আশ্রমের উপস্থিতিগণ এই ব্যাপার দাঁড়াইয়া দেখিতেছিলেন। বিশপ চলিয়া গেলে কর্ত্রী ম্যাডাম গেরোঁকে বলিলেন যে, তাঁহার অত্যধিক নম্রতার জন্য বিশপ তাঁহার সহিত এরূপ উচ্চত ব্যবহার করিতে সাহস করিয়াছেন। শাস্ত্রপ্রকৃতি মানুষের সহিত ব্যবহারে স্নেহ হইয়া ওঠা তাঁহার স্বভাবগত, কিন্তু দৃঢ়তার সম্মুখে তিনি নত হন।

পুনর্বার এই চেষ্টার ব্যর্থ হইয়া বসুয়ে নিরস্ত হইলেন। তখন তাঁহার ব্যবহারে মনে হইল আর তিনি ম্যাডাম গেরোঁকে উত্যক্ত করিবেন না, তাঁহার সহিত সম্মবহার করাই বসুয়ের ইচ্ছা। আশ্রম-কর্ত্রীর নিকটে একখানি পত্রেও তিনি লিখিয়াছিলেন যে ম্যাডাম গেরোঁর রচনাসমূহ সতর্কতার সহিত পরীক্ষা করিয়া তাহার মধ্যে দুষণীয় কিছুই তিনি পান নাই, কেবল তিনি মাঝে মাঝে এমন শব্দ ব্যবহার করিয়াছেন যাহা ধর্মতত্ত্বশাস্ত্রের সম্পূর্ণ অসম্ময়ায়ী নহে,— “কিন্তু একজন রমণী—তত্ত্ববিদ হইবেন এমন আশা করা যায় না।”

আশ্রমবাসিনীগণের সহিত কথাবার্তায়ও তিনি কহিয়াছিলেন— “আপনারা উঁহাকে যেমন শ্রদ্ধা করেন আমিও ঠিক সেইরূপ করি, তাঁহার আচরণে অজ্ঞায় কিছুই আমি দেখি না। কিন্তু তাঁহার শক্ররা আমাকে অত্যন্ত পীড়ন করে, তাহাদের ইচ্ছা আমি তাঁহার মধ্যে দোষ দেখিতে পাই।” প্যারী এবং সেনের (Sens)র আর্চবিশপগণের

নিকটেও তিনি ম্যাডাম গেয়েঁর প্রতি তাঁহার হৃদয়ের প্রচার সাক্ষ্যদান করিয়াছিলেন এবং স্বীকার করিয়াছিলেন যে ম্যাডাম গেয়েঁর নিকট হইতে তিনি শিক্ষালাভ করিয়াছেন।

বসুয়ের প্রতিভা সম্বন্ধে ম্যাডাম গেয়েঁ অজ্ঞ ছিলেন না। তিনি ক্রান্তের সর্বপ্রথম বাগ্মী। মো ( Meoux )এ তাঁহার প্রদত্ত এক বক্তৃতা ম্যাডাম গেয়েঁ গুনিয়াছিলেন। তাঁহার অদ্ভুত বাগ্মিতা ও আশ্চর্য ক্রমতার তিনি বিম্বিত হইয়াছিলেন। বক্তৃতার বিষয় ছিল অন্তর্জগতের অভিজ্ঞতা। বসুয়ে বলিতেছিলেন,—ঈশ্বরের এই সকল সত্য স্বীকার করিতে তিনি বাধ্য—তজ্জন্ত যদি অভিব্যক্ত হইতে হয় তাহাতেও তিনি প্রস্তুত আছেন। তিনি পরে বসুয়েকে জিজ্ঞাসা করিলেন যে তিনি নিজে যখন সেই মতই প্রচার করিতেছেন তখন ম্যাডাম গেয়েঁকে উৎপীড়ন করিতে পারেন কিরূপে? বসুয়ে বলিলেন যে আপনা হইতে তিনি কিছু করেন না বিরোধিগণের হিংস্র বিদ্বেষই তাঁহাকে বাধ্য করিয়া পীড়ন করায়।

বসুয়ে, 'মো'র কন্ভেণ্টে ম্যাডাম গেয়েঁকে তিনমাস বাস করিতে অনুরোধ করিয়াছিলেন, ম্যাডাম গেয়েঁ স্বৈচ্ছায় ছয়মাস রহিলেন। ছয়মাস অতীত হইলে তিনি বসুয়েকে জিজ্ঞাসা করিলেন যে তিনি আর কিছু তাঁহার নিকট হইতে চাহেন কিনা? বসুয়ে বলিলেন কিছুই না। তাঁহার আচরণ ও চরিত্র বিষয়ে উচ্চ প্রশংসাসূচক একখানি সার্টিফিকেট তিনি লিখিয়া দিলেন। বিদায়কালে কন্ভেণ্টকর্ত্রী ও সিষ্টারগণ আর একখানি সার্টিফিকেট প্রদান করিলেন। তাঁহাদের আশ্রমে ম্যাডাম গেয়েঁর অবস্থানে তাঁহারা যে কত উপকার লাভ করিয়াছেন তাহা এই সার্টিফিকেটে উল্লেখ করা হইয়াছিল। আর ইহাতে তাঁহারা এই ইচ্ছা প্রকাশ করিয়াছিলেন যে ম্যাডাম গেয়েঁ যদি তাঁহাদের

আশ্রমটিকে জীবনের অবশিষ্টকালের আশ্রয় স্থান করেন তাহা হইলে তাঁহারা অত্যন্ত অল্পগৃহীত ও আনন্দিত হইবেন। ম্যাডাম গেরোঁ বস্তুকে জিজ্ঞাসা করিলেন যে তিনি জীবনের বাকী দিনকয়টি এই তপস্বিনীগণের সহিত যাপন করিতে পারেন কি না? আনন্দ প্রকাশ করিয়া বস্তু বলিলেন যে কন্ভেটবাসিনীগণ তাঁহাধারা অত্যন্ত উপকৃত হইয়াছেন, এখনই ইচ্ছা, তিনি আসিতে পারেন; কন্ভেটের-দ্বার তাঁহার জন্য চিরদিনই উন্মুক্ত রহিবে।

পুনর্বার প্যারীতে পদার্পণ করিবামাত্র লোকে পুরাতন ভয়ে ত্রস্ত হইয়া উঠিল। রাজা শঙ্কিত হইলেন। পূর্বের বন্ধু ম্যাডাম ডি ম্যানটেনো তাঁহার বিরুদ্ধে সর্বসাধারণের উত্তেজনার সহিত যোগ দিয়া বিরূপ হইয়া দাঁড়াইয়াছেন। দেখিয়া শুনিয়া বস্তুর মনে হইল ম্যাডাম গেরোঁর প্রতি অত্যন্ত কোমলতা প্রকাশ করিয়া তিনি ভুল করিয়া ফেলিয়াছেন। স্মৃতরাং ভুল সংশোধন করিবার জন্য দুইদিন পূর্বেই যে সাটি ফিকেটখানি দিয়াছিলেন তাহা চাহিতে তিনি লজ্জা বোধ করিলেন না।

ম্যাডাম গেরোঁ জানাইলেন যে সাটি ফিকেটখানি তিনি আত্মীয়-জনের হস্তে দিয়াছেন। তাঁহারা মনে করেন ইহা হস্তগত হওয়াতে তাঁহার স্বপক্ষে এক বিশেষ প্রমাণ মিলিয়াছে, তাঁহার সমর্থনের এক বিশেষ উপকরণ পাওয়া গিয়াছে স্মৃতরাং ইহা হস্তচ্যুত করিতে যে তাঁহারা সক্ষম হইবেন ইহা সম্ভব নহে। এই সময় হইতে বস্তু সত্য সত্যই তাঁহার শত্রু হইয়া উঠিলেন।

বিরুদ্ধ দলটি এমন প্রবল হইয়া উঠিয়াছিল যে আপনাকে তাহাদের দৃষ্টির অন্তরাল করিয়া কেলা অপরিহার্য হইয়া উঠিল। পুনরায় পাঁচ মাসের জন্য তিনি গোপনবাস আরম্ভ করিলেন। চিরবিষমতা

সেবিকা মা গোটিয়ের সহিত এই কয়টি বাস পর্যন্ত শান্তিতে কাটিয়া গেল।

প্যারীর পুলিশ কর্মচারীর প্রতি তাঁহাকে খুঁজিয়া বাহির করিবার আদেশ হইল এবং আদেশপালনে বিলম্ব হইল না। ইহার কলে ইতিহাসবিখ্যাত বিন্ সেন্জ্ (Vincennes) কারাগারে তিনি অবরুদ্ধ হইলেন। ছুর্গ ও কারাগার উভয় কার্যেই এ প্রাসাদ ব্যবহৃত হইত। পূর্বে কত রক্তপাত, কত হৃদয়বিদারক ঘটনার অভিনয় এই স্থানে হইয়া গিয়াছে!

পরিচারিকাও কারারুদ্ধ হইয়াছিলেন। একই কক্ষে দুজনে থাকিতেন—ইহা তাঁহাদের সাধনার কারণ হইয়াছিল।

এখানেও তাঁহাকে পরীক্ষার অধীন হইতে হইয়াছিল। কাদার কোঁব যে দূষিত ধর্ম্মত গোষণ করেন ইহা তাঁহাকে স্বীকার করাইবার জন্য এত চেষ্টা। কিন্তু ব্যর্থ প্রয়াস। তিনি অকুণ্ঠ কণ্ঠে স্বীকার করিয়াছিলেন যে কাদার কোঁব্ এর কারাবাসের পর হইতে সর্বদাই তিনি তাঁহাকে পত্র লিখিয়া আনিতেছেন।

এ সময়ের ক্ষুদ্র একটি ঘটনা উল্লেখ যোগ্য। পরীক্ষকদিগকে কি বলিবেন সে বিষয়ে পূর্বেই তাবিয়া তিনি কিছুই ঠিক রাখিতেন না, নিজের বুদ্ধি চেষ্টা হইতে সম্পূর্ণ বিরত হইয়া ঈশ্বর বাহা বলান তাহাই বলিতেন। একদিন এই নিয়মের ব্যতিক্রম করিয়াছিলেন— তাবিয়া চিন্তিয়া ঠিক করিয়া পূর্বে হইতেই প্রস্তুত হইয়া বসিয়াছিলেন। সে দিন কি হইল—তিনি কিছুই বলিতে পারিলেন না। কত বড় বড় কঠিন বিষয়ের উত্তর তিনি কতদিন কেমন সহজে স্মৃষ্করূপে দিয়াছেন, আজ নিতান্ত সামান্ত বিষয়েও ভুল হইতে লাগিল। তিনি বুঝিলেন নির্ভরের অবস্থাই নিরাপদ অবস্থা।

তিনি বলিয়াছেন যে এই কারণে তিনি বনের শান্তিতে বাস করিতেছিলেন। তাঁহার প্রভুর যদি ইচ্ছা হয় যে জীবনের অবশিষ্টাংশ এই খানেই কাটুক তবে সে ব্যবস্থার জন্য তিনি সম্পূর্ণ সন্তুষ্ট মনে প্রস্তুত হইতে পারিবেন। কারণ বলিয়া তিনি সঙ্গীত রচনা করিতেন এবং রচনাযাত্রাই ছুইজনে তাহা কর্তব্য করিয়া লইতেন।—“আমার সময় সময় মনে হইত আমি বেন জুজ একটি পাখী। আমার প্রভু আমাকে পিঞ্জরে বদ্ধ করিয়া রাখিয়াছেন—এখন গান গাওয়া ব্যতীত আমার আর কোনও কাজই নাই। আমার হৃদয়ের আনন্দ চারিদিকের সমুদ্র বস্তুকে উদ্ভল করিয়া তুলিয়াছিল। আমার কাগা-প্রাচীরের পাথরগুলি আমার চক্ষে মানিক্যের জ্বাল মনে হইত।”

৪৩

মুক্তির যে নূতন বার্তা প্রচারিত হইতে ছিল, ফ্রান্সের সে যুগের নিকটে তাহা নূতন বোধ হইলেও বিশ্বমানবের ইতিহাসে তাহা নূতন নহে। অস্তকালের অপর মানুষও তাহা অস্বস্তব করিয়াছেন, জানিয়াছেন, প্রচার করিয়া গিয়াছেন। তাঁহাদের সে সব সাক্ষ্য বিশ্বের সঙ্গরভাঙারে বর্তমান। জ্ঞানিশ্রেষ্ঠ বস্তুে কিছুই অসম্পূর্ণ জানিয়া সন্তুষ্ট হইতে পারেন না, তিনি বাহা জানিবেন তাহা সমস্ত জ্ঞান দিয়া জানিবেন, বাহা করিবেন সমস্ত চেষ্টা দিয়া করিবেন। যে বিষয়ে তিনি লেখনী চালনা করিতেন তাহার সকল বিভাগে সর্বত্র সহজে সচ্ছন্দে অপ্রতিহত গতিতে বিচরণ করিয়া বেড়াইতেন। ফ্রান্সের পণ্ডিতমণ্ডলী তাঁহার হস্ত হইতে সর্বশ্রেষ্ঠ বস্তুই আশা করিতেন এবং তাঁহাদের এই প্রত্যাশাই তাঁহার রচনাকে সর্বাঙ্গগামী করিয়া তুলিত। এখন তাঁহার চিন্তারাজ্যে এই নূতন আন্দোলন প্রবেশ লাভ করিয়াছে—তিনি পুরাতন ভাঙারের সঙ্গররাশি সন্ধান করিয়া দেখিতে

লাগিলেন । পূর্বগামী লেখকগণের রচনা প্রাণপণে পাঠ করিলেন । আর্টমাস ব্যাপী অবিরাম পরিশ্রমের ফলে তাঁহার বিখ্যাত গ্রন্থ Instructions on the states of prayer এর সূত্রপাত হয় ।

এই গ্রন্থ শেষ করিতে তাঁহার একবৎসর লাগিয়াছিল কিন্তু প্রকাশ করিলেন আরও একবৎসর পরে । কতিপয় দেশবিখ্যাত ব্যক্তির অনুমোদন সংগ্রহ না করিয়া এই পুস্তক প্রকাশের ইচ্ছা তাঁহার ছিল না । তদনুসারে তিনি সার্ট্রের (Chartres) বিশপ ম্যারে (M. Godet des marais) এবং প্যারীর নবনিয়োজিত আর্টবিশপ এম, ডি, নোরালির নিকটে গ্রন্থের পাণ্ডুলিপি পরীক্ষার্থে প্রেরণ করিলেন । ইঁহারা উভয়েই উপযুক্ত ব্যক্তি । গ্রন্থের অনুমোদন উভয়েই জ্ঞাপন করিলেন । অদ্বুত পাণ্ডিত্যে সুগভীর গ্রন্থখানির মূল্য নিঃসন্দেহ সন্দেহাতীত, কিন্তু ম্যাডাম গেরৌর চরিত্র ও রচনা বিচারকালে তিনি সম্পূর্ণ সদাচার করিতে পারেন নাই ।

তৎপরে বসুরে Cambrayর আর্টবিশপ ফেনোলোঁর অনুমোদন অর্জন করিতে সচেষ্ট হইলেন । যে গ্রন্থে ম্যাডাম গেরৌকে আক্রমণ করা হইয়াছে তাহাতে ফেনোলোঁর সম্মতির সাক্ষর থাকিলে বসুরের উদ্দেশ্য সিদ্ধির পথ সুগম হইবে ।

সতর্কতার সহিত পাণ্ডুলিপি পরীক্ষা করিয়া গ্রন্থকারের প্রভূত ক্ষমতা, অদ্বুত নিপুণতাদর্শনে ফেনোলোঁ প্রীত ও চমৎকৃত হইলেন কিন্তু আপনার অনুমোদন প্রদান করিতে অস্বীকার করিলেন । যে গ্রন্থে ব্যক্তিগত ভাবে ম্যাডাম গেরৌকে আক্রমণ করা হইয়াছে তাহার সহিত যোগ রাখিয়া চলিতে তিনি পারেন না । তিনি জানিতেন এই অস্বীকৃতি দ্বারা বসুরের কুদৃষ্টিতে পড়িতে হইবে শুধু তাহাই নহে—আপনাকে রাজরোষের নিরে উন্মুক্ত করিয়া ধরা হইবে এবং

পৃথিবীর মান সম্পদের আশা বিচূর্ণ হইয়া বাইবে । কিন্তু আপন স্বদয়ের ভার শক্তিশালী কে ? তাহার নির্ভারণের বিরুদ্ধে “না” বলিবার সাহস কাহার আছে ? কেনেলোঁর তাহা সাধ্যাতীত ।

প্রকাশের পূর্বেই পুস্তকের কথা সর্বত্র প্রচার হইয়া গেল এবং ইহাও গোপন রহিল না যে এ গ্রন্থ কেনেলোঁর অসুস্থোদন অর্জন করিতে পারে নাই । ক্রান্তির শ্রেষ্ঠতম শক্তিশালী দুইজন পুরুষের মধ্যে বিচ্ছেদের ব্যবধান জাগিয়া উঠিল । বিরোধের কারণ—বিন্সেঙ্ক্ ( Vincennes ) কারাকক্ষে সঙ্গীতরচনানিরতা বন্দিনী এক অসহায় নারী ।

কেনেলোঁও নীরব রহিলেন না । তিনি ১৬৭২ এর জাহ্নরারীতে ভগ্নত সমক্ষে “The Maxims of the saints” উপস্থিত করিলেন । বহুরূপের গ্রন্থে অল্প নানাবিধের অবতারণা থাকিলেও ম্যাডাম গের্ণোঁকে আক্রমণই তাহার প্রধান উদ্দেশ্য ছিল, কেনেলোঁ ম্যাডাম গের্ণোঁর নাযোরেধমাত্র না করিলেও তাঁহার গ্রন্থ নীরবে তাঁহাকেই আক্রমণের আঘাত হইতে রক্ষা করিতেছিল ।

### ৪৪

এই সব নূতন কলরবে ম্যাডাম গের্ণোঁর কথা অনেকটা চাপা পড়িয়া গিয়াছিল । “Maxims of the Saints” প্রকাশমাত্র সকল চক্ষু কেনেলোঁর উপরে পতিত হইল ।

তাঁহার গ্রন্থে ম্যাডাম গের্ণোঁর নাম না থাকিলেও তিনি তাঁহারই সমর্থনকারী বলিয়া বিবেচিত হইলেন । একই কারণে একজন কারাকদ্ধ, অপর ব্যক্তি মুক্ত রহিবেন কিসের জন্ত ? এই প্রশ্ন স্বভাবতঃই সকলের চিন্তাকে চঞ্চল করিল ।

বাঁহারা তাঁহাকে জানিতেন তাঁহারা ভাল করিয়াই জানিতেন যে



ফেনেলোঁ। একদিকে যেমন ধীর ও নম্র অপরদিকে তেমনই কঠিন অটল। আপন হৃদয়ের বিশ্বাস তিনি যুক্তস্বরে উচ্চকণ্ঠে বলিয়া যাইবেন—তোষাষোদ বা ভয়প্রদর্শনে তিনি কণ্ঠপাত করিবেন না। বিরোধিগণের নিকটে এখন দুইটিমাত্র পথ ব্যতীত আর পথ রহিল না—একটি পথ, স্বীকার করিয়া লওয়া যে তিনি কোন অস্তায় করেন নাই, অপরটি, প্রমাণ করিয়া দেওয়া যে তিনি ভ্রান্ত। হয় বলিতে হয় যে তাঁহার ধর্মমত ধর্মদ্রোহিতা নহে, না হয় এই শক্তিয়ান পুরুষকে আপনাদের দল হইতে বিসর্জন করিতে হয়।

ক্রান্তের নেতৃগণের মধ্যে অনেকে এ পুস্তক পাঠ করিয়া পরম খ্রীতি লাভ করিয়াছিলেন। প্যারীর আর্চবিশপ মসিয়ার ডি নোয়ালি এবং সার্বট্রের বিশপ ম্যারে এমন পুস্তকের বিরুদ্ধে অভিযোগ মানিয়া লইতে কোন যত্নই সম্মত হইলেন না। এ বিষয়ে উচ্চবাচ্য হইতে না দেওয়াই তাঁহারা শ্রেয়োজ্ঞান করিলেন। কিন্তু বন্দুরে আছেন—কেহ যদি না আসে তিনি একাকীই সংগ্রাম করিবেন! রোমের নিকটে—সমস্ত বিশ্বের নিকটে—তাঁহার কঠোচ্চারিত অভিযোগবাণী উপস্থিত হইবে। এই ধর্মদ্রোহিতার বিরুদ্ধে আবেদন লইয়া তিনি একাকীই ঈশ্বর সমক্ষে দণ্ডারমান হইবেন! ধর্মকে তিনি এত সহজে লাহিত হইতে দিবেন না।

বন্দুরে জানিতেন তাঁহাকে সমর্থন করিতে প্রবল শক্তি তাঁহার পশ্চাতে রহিয়াছে। সে শক্তি ক্রান্তের রাজসিংহাসন। লুই ফেনেলোঁর প্রতি প্রসন্নদৃষ্টিপাত করিতে পারিতেন না। এই অকপট পুরুষের নির্ভয় তেজ তাঁহার অপরাধিহৃদয়ের নিকটে ভয়েরবস্ত ছিল। সত্যের তেজে উত্তাসিত, গাঙ্গীর্ঘ্যে মহানু সারল্যে শান্ত সেই দৃষ্টির সমক্ষে অসত্য, অস্তায় কম্পিত হইয়া পড়িত। তাই ক্রান্তজাতির ইঁহাকে এত ভয়।

ফেনেলোঁও আপন বিশ্বাসকে সর্ধন করিবার জন্ত প্রস্তুত ছিলেন ।  
ক্রান্তবাসী স্তম্ভিত অন্তরে এই বিরোধ লক্ষ্য করিতে লাগিল ।

দীর্ঘজীবনের অভিজ্ঞতা প্রাচীন বসুন্দের সহায়, ফেনেলোঁ যথ্যাঙ্কের  
পূর্ণশক্তিতে সম্পন্নবান । বসুন্দের বুদ্ধিতর্কে অপরাঙ্কের ; ফেনেলোঁ  
উচ্চতর কল্পনাশক্তিসম্পন্ন । উত্তরেরই রচনাভঙ্গী অভূলনীয় কিন্তু  
বিভিন্নপ্রকারের । একজন যেন গুরুর আসন হইতে বঙ্ককণ্ঠে উপদেশ  
প্রদান করিয়া শ্রোতার হৃদয় মনকে মহাশক্তিতে বধেচ্ছা চালিত  
করিতেছেন, অপরের ধীর সংঘত কণ্ঠ হইতে বাহা উখিত হইতেছে  
তাহা যেন বন্ধুর সহিত বন্ধুর বাক্যালাপ—প্রমে তাহা স্নুগভীর—  
হৃদয়ের অন্তরতম স্থানটিকে তাহা স্পর্শ করে, বিগলিত করে ।

দীর্ঘকালব্যাপী উত্তরপঙ্কের এই বাদ প্রতিবাদ হইতে দেখা যায়  
যে ফেনেলোঁ শেষ পর্য্যন্ত সকল ক্ষতি ক্ষমা করিয়া সহিষ্ণুতার সহিত  
কথা কহিয়াছেন, বসুন্দের বাক্য হইতে উত্তেজিত হৃদয়ের তিক্ত  
অসহিষ্ণুতা প্রকাশমান হইয়া পড়িয়াছে ।

বসুন্দের একখানি গ্রন্থের ফেনেলোঁ যে উত্তর দিয়াছিলেন তাহার  
প্রতি শত প্রশংসমান দৃষ্টি আকৃষ্ট হইল । সে সম্বন্ধে বসুন্দের এই  
মন্তব্য প্রকাশ করেন—“তাঁহার ( Fenelonর ) বন্ধুগণ সর্বত্র  
বলিয়া বেড়াইতেছেন যে তাঁহার এই উত্তর জয়যুক্ত হইয়াছে এবং  
এতদ্বারা তিনি আমার উপরে প্রাধান্যলাভ করিয়াছেন । ইহা সত্য  
কিনা পরে দেখা যাইবে ।”

ফেনেলোঁ পত্রে বসুন্দেরকে লিখিলেন—

“ভগবান করুন কাহারও উপরে বিশেষতঃ আপনার উপরে প্রাধান্য-  
লাভ করিবার চেষ্টা আমার মনে যেন কখনও না জাগে । মানুষের জয়  
আমি খুঁজিতেছি না, আমি চাহিতেছি ঈশ্বরের মহিমা ; এবং আমার

পরাজয় ও আপনার জয়ধারা যদি এই উদ্দেশ্যে সাধিত হয় তাহা হইলে নিজকে আমি সুখী—শতবার সুখী—মনে করিব । সূত্রাং “দেখাবাক্কে প্রাধান্য লাভ করে” একথা বলিবার কোনই কারণ উপস্থিত হয় নাই । ভবিষ্যৎ ফলের অপেক্ষা না করিয়া এই মুহূর্ত্তেই আমি স্বীকার করিতে প্রস্তুত আছি যে বিজ্ঞান, প্রতিভা, মানবের মনো-বোণ আকর্ষণযোগ্য সকল বিষয়েই আপনি আদ্য হইতে শ্রেষ্ঠ । যদি আমি ত্রাস্ত পক্ষ অবলম্বন করিয়া থাকি তাহা হইলে এই বিরোধে আমি যেন আপনার দ্বারা পরাজিত হইয়া যাই—ইহাতির আমি আর কোন ইচ্ছাই পোষণ করি না । দুইটি মাত্র বস্তু আমার আকাঙ্ক্ষার বিষয়—সত্য ও শান্তি—সত্যদ্বারা আমরা আলোক লাভ করিব, শান্তি আমাদের মিলন আনয়ন করিবে ।”

বিরোধের ফল অনিশ্চিত বোধ হইল । বস্তুতে তাঁহার বিপকের আড়ম্বরবিহীন শক্তি ও নিপুণতাদর্শনে বিম্বিত হইলেন । সুদীর্ঘকাল জয়গৌরব বহন করিয়া আজ বৃদ্ধ বয়সে তিনি পরাজিত হইবেন কি ? তাঁহার উন্নত লম্বাটের বিজয়শিলক কি পরাজয়ের কালিমাতে লুপ্ত হইয়া যাইবে ?—সহজে নহে ! একবার তিনি সশস্ত শক্তি দিয়া চেষ্টা করিয়া দেখিবেন । এই উদ্দেশ্যে “History of Quietism” লিখিত হয় । এ পুস্তক রচনা করিতে তিনি ঘৃণ্যপন্থা অবলম্বন করিয়াছিলেন । ম্যাডাম গেয়েঁ ও কেনেলোঁর পত্র হস্তগত করিয়া তিনি তাহা হইতে সাহায্য গ্রহণ করিয়াছিলেন ; যেসকল পত্র সম্পূর্ণ ব্যক্তিগত তাহারও সন্ধান তিনি পাইয়াছিলেন, ম্যাডামি ডি ম্যান-টেনোকে বন্ধুত্বের বিশ্বাসে কেনেলোঁ যে পত্র লিখিয়াছিলেন তাহাও বস্তুরের হস্তে প্রদান করিতে ম্যাডাম কুণ্ঠিত হন নাই ।

অপূর্ক নৈপুণ্যের সহিত বস্তুরে এই সকল পত্রের সারাংশ, ম্যাডাম

গেরোঁর জীবনের কোন কোন ঘটনা এবং লুই ও ম্যাডাম ডি ম্যানচেনোর আচরণ হইতে কিছু কিছু লইয়া মনোজ্ঞ করিয়া এক আশ্চর্য্য জাল রচনা করিলেন। চাকচিক্যময় এই জালে জনসাধারণের চিত্ত জড়িত হইয়া পড়িল। বিরুদ্ধপক্ষের প্রতি আপন আচরণকে তিনি এমন রম্যবর্ণে চিত্রিত করিয়াছিলেন যে সকলের সহানুভূতি তাঁহারই দিকে জাগিয়া উঠিল। ইহা লিখিতেও তিনি লজ্জিত হন নাই যে, এমন সময় আসিয়াছে যখন ঈশ্বরের আশ্রয় এই তিন ব্যক্তির (ম্যাডাম গেরোঁ, কেনেলোঁ এবং কাদার কোব্) মিলনের গূঢ়রহস্যটি উদ্ঘাটিত হইয়া পড়িবে।

কেনেলোঁ প্রথমে ভাবিয়াছিলেন তিনি চূপ করিয়াই থাকিবেন, এই হীনতার কোন উত্তর দিবেন না। কিন্তু তাঁহার বন্ধুগণের বিরক্তির ও আশঙ্কার পরিসীমা রহিলনা। তাঁহারা বলিলেন বন্ধুত্বের প্রতিবাদ করা তাঁহার একান্ত কর্তব্য। তদনুসারে তিনি "Answer to the History of Quietism" লিখিতে আরম্ভ করিলেন। শেষ করিতে ছয় সপ্তাহ লাগিল।

অপমানিত মহত্ব এবার গর্জিয়া উঠিয়াছে—তরু হইয়া সকলে সে গভীর কঠোর গভীর সংঘত বাণী শুনিল। একজন সমালোচক বলিয়াছেন যে এই পুস্তকের প্রথম কয়ছত্রেই কেনেলোঁ প্রতিশ্রুতী অপেক্ষা উচ্চতর হান অধিকার করিয়া লইয়াছেন এবং শেষ পর্য্যন্ত আপনাকে সেখানে প্রতিষ্ঠিত রাখিয়াছেন।

কেনেলোঁ বলিলেন যে আমার নির্দোষিতাসম্বন্ধেও সর্বদাই আমার ভয় ছিল যে এই বিরোধ শেষে বা বিবাদের আকার ধারণ করে! বিশপদিগের মধ্যে পরস্পরের এইরূপ বিবাদ যে কত লজ্জাজনক তাহা আমি জানিতাম। 'মো'র বিশপ শতবার বলিয়াছেন যে

আমার "Maxims of the Saints" অত্যন্ত ভ্রমপূর্ণ। তবে সে অভি-  
যোগ ত্যাগকরিয়া এখন তিনি অল্প বিষয়ের অবতারণা করিতেছেন  
কেন? তাহার কারণ অবশ্যই এই—মো'র বিশপ বৃদ্ধিতে  
আরম্ভ করিয়াছেন যে আমার পুস্তকের বিরুদ্ধে তাঁহার অভিযোগের  
সত্যতা সপ্রমাণ করা সুকঠিন। তাই তিনি এখন ম্যাডাম গেরোঁর  
জীবনী কোঁতুলপ্রদ কাহিনীর স্তায় করিয়া রচনা করিয়া আপন  
অসামর্থ্য ঢাকিবার চেষ্টা করিতেছেন। শুধু তাই নয়—ব্যক্তিগত  
ভাবে আমাকে তিনি আক্রমণ করিয়াছেন। পূর্বে যে কথা চুপি  
চুপি সঙ্ঘেতে ইজিতে বলিতে সাহস করিতেন এখন সাহস করিয়া  
তাঁহাই উচ্চকণ্ঠে প্রচার করিতেছেন। আর আমি বলিতে বাধ্য  
হইতেছি যে একাজ করিতে তিনি যে উপায় অবলম্বন করিয়াছেন তাহা  
যে শুধু অস্তায় তাহা নহে—ইহা পর্হিতও।—বন্ধুদের সূত্রে যে সকল  
পত্র লিখিত হইয়াছিল তাহার পবিত্রতা তিনি রক্ষা করেন নাই।  
আমার পত্র তিনি রোমে উপস্থিত করিয়াছেন; বাহা আমি তাঁহাকে  
একান্ত বিশ্বাস করিয়া লিখিয়াছিলাম সেই সকল পত্র তিনি প্রকাশ  
করিয়াছেন। কিন্তু এ সকলই নিষ্ফল—তিনি দেখিতে পাইবেন যে হীন  
পন্থা অবলম্বন দ্বারা কোন কার্যই সার্থক হয় না।

কেনেলেঁ! অস্বরোধ করিলেন যে, তাঁহার বিরুদ্ধে আর কোন অভি-  
যোগ যদি থাকে তাহা হইলে তাহা সম্পূর্ণরূপে উত্থাপন করা হউক।  
অর্ধেকটুকু প্রকাশ করিয়া অপর অর্ধেক গোপন রাখা—ইহাই  
তয়ের বস্তু। মো'র বিশপ বন্ধুরে তাঁহার বিরুদ্ধে যত অভিযোগ  
সমস্তই প্রকাশ করুন এবং রোমে প্রেরণ করুন। ঈশ্বরকে তিনি  
ধন্যবাদ করেন যে স্তায়তঃ বাহা পরীক্ষিত ও বিচারিত হইবে এমন  
বিষয়কে তর করিবার তাঁহার কিছুই নাই। অনির্দিষ্ট সংবাদ,

অপরীক্ষিত অভিযোগ ব্যতীত আর কিছুকেই তিনি ভয় করেন না।

পরিশেষে অশ্রুজলে তিনি ঈশ্বরের নিকটে প্রার্থনা করিয়াছেন যে এই কলঙ্কের দিনের শীঘ্র অবসান হউক। সকলের পুনর্নির্জন হউক, শান্তি সংস্থাপিত হউক এবং মো'র বিশপ তাঁহাকে বড় আঘাত করিয়াছেন ঈশ্বর বিশপের উপর তত আশীর্বাদ বর্ষণ করুন এই তাঁহার প্রার্থনা।

মহত্বের এমন সম্পূর্ণ ভয় বুঝি আর কখনও হয় নাই। এতটা বেশী বেশী কেহ আশা করে নাই। সকলে দেখিল তিনি এত উর্ধ্বে অধিষ্ঠিত যে সেখানে তাঁহার প্রতিদ্বন্দীর আঘাত পৌঁছিতে পারেনা। মন্ত্র মুক্তের স্তায় সকল হৃদয় তাঁহার দিকে আকৃষ্ট হইল।

সকলের দ্বারা পরিত্যক্ত ম্যাডাম গেরোঁকে ফেনেলোঁ ত্যাগ করেন নাই। বস্তু্রে গোপন সঙ্কেত দ্বারা তাঁহাকে আঘাত করিতে ছিলেন, ফেনেলোঁ বুদ্ধি ও সত্যদ্বারা তাঁহাকে রক্ষা করিতেছিলেন। ম্যাডাম গেরোঁ'র নির্মল চরিত্র সম্বন্ধে তাঁহার অভিজ্ঞতার সাক্ষ্যই যে একমাত্র প্রমাণ তাহা নহে, ফেনেলোঁ দেখাইয়া দিয়াছেন যে পুনঃ পুনঃ পরীক্ষা করিয়াও বস্তু্রে তাঁহার বিরুদ্ধে কিছুই পান নাই; কারাদণ্ডের অব্যবহিত পূর্বেই তিনি তাঁহাকে উচ্চ প্রশংসাপত্র দান করিয়াছেন; এধন যে তাঁহার বিরুদ্ধাচার করিতেছেন তাহা শুধু লোকের ভয়ে।

এ বিরোধ নীমাংসার কোন আশাই বখন রহিল না তখন রোমাণ ক্যাথলিক চার্চের সর্বোচ্চ শক্তির শরণাপন্ন হইতে হইল। ষাদশ ইনোসেন্ট (Innoecnt XII) তখন পোপের সম্মানিত আসনে অধিষ্ঠান

কৰিতেছিলেন। তিনি জ্ঞানপ্ৰিয় ও পৰোপকারী ব্যক্তি। এই বিষয়টি লইয়া যখন তাঁহার সম্মুখে উপস্থিত করা হইল, তিনি অত্যন্ত চুঃখিত হইলেন। ক্রমেই ইহার সীমাংসা হইক দৃঢ়মুখে লুইয়ের নিকটে এ ইচ্ছাও প্রকাশ করিলেন। কিন্তু লুই সন্তুষ্ট হইলেন না। কেনেলেঁ বিধৰ্মী ও ব্রষ্ট তিনি দৃঢ়রূপে এ বিশ্বাস করেন বা কৰিতে ইচ্ছা করেন, স্মৃতবাং ইহার চরম বিচার করা চাই।

অগত্যা পোপ ষাদশজন ব্যক্তিকে ফেনেলেঁর গ্রহ সমূহ পরীক্ষা কৰিবার জন্ত নিযুক্ত করিলেন। কিন্তু ইঁহাদের পরস্পরের মধ্যে মতভেদ উপস্থিত হইয়া পরীক্ষাকে নিফল করিয়া দিল।

তৎপরে কয়েকজন কার্ডিনালের উপরে এই ভার অর্পিত হইল। তাঁহারাও কোন সীমাংসার উপনীত হইতে পারিলেন না। অতঃপর পুনরায় নূতন কার্ডিনাল মণ্ডলী নিযুক্ত হইলেন। বিষয়টির আলোচনার জন্ত তাঁহাদিগকে অন্যান্য ৫২ বার সভাধিবেশন কৰিতে হইয়াছিল। এত পরীক্ষা চিন্তা, আলোচনার পরেও তাঁহারা একমত হইতে পারিলেন না।

প্রধান প্রধান অনেক কার্ডিনাল ফেনেলেঁর বিরুদ্ধে বিধৰ্মিতার অভিযোগ বিখ্যা বলিয়া মত প্রকাশ করিলেন। তাঁহারা বলিলেন, ক্যাথলিক চার্চের বহু সাধক ও লেখক ফেনেলেঁর মত সমর্থন করেন।

এই বিরোধে যে পক্ষ অবলম্বন করা হইয়াছে তাহাতে তাঁহারা অত্যন্ত অসন্তোষ প্রকাশ করিলেন। মতের সহিত ব্যক্তিকে জড়িত করিয়া ফেলা হইয়াছে; মতের প্রতিবাদ কৰিতে গিয়া মানুষের ব্যক্তিগত চরিত্র আক্রমণ করা হইয়াছে। তাঁহাদের মধ্যে বুইয়েঁ (Bouillon) নামক একজন কার্ডিনাল বলিয়াছিলেন যে অভিযোগ করা

হইরাছে কোন্ ব্যক্তির বিরুদ্ধে তাহা যেন স্বরণ রাখা হয়—যিনি একজন সুপ্রসিদ্ধ সুবিজ্ঞ আর্চবিশপ, সাহিত্য ক্ষেত্রে তাঁহা অপেক্ষা অধিক আর একটি মানুষকেও সে রাজ্যে পাওয়া যাইবে না, তাঁহার নির্মল চরিত্রও সর্বজনবিদিত। এইরূপে ফ্রান্সের প্রবল শক্তি যখন ফেনেলোঁর বিরুদ্ধে খড়্গ হস্ত তখন এই কল্পজন আপন আপন স্বাধীন মত সাহসের সহিত ব্যক্তকরিয়া আপনাদিগকে গৌরবান্বিত করিয়াছিলেন। ইহাদের মধ্যে কার্ডিনাল Alfaro, কার্ডিনাল ফাব্রোনি (Fabroni) কার্ডিনাল বুইয়েঁ, কার্ডিনাল Gabriello এবং অপর কয়েকজন ছিলেন।

বিরুদ্ধ পক্ষেও অনেকে মত প্রদান করিয়াছিলেন। ফল যে কি হইবে তাহা সন্দেহের বিষয় হইল। ১৬২৭ হইতে ২২ পর্যন্ত দুইবৎসর বাধ প্রতিবাদে কাটিল। এদিকে বিলম্বে ফ্রান্স-অধীপ লুই অসহিষ্ণু হইয়া উঠিতেছেন। শীঘ্র এই কাজ শেষ করিয়া দিবার জন্ত পোপের নিকটে একপত্রে তিনি আপন হইতেই নিজের এই মত ব্যক্ত করিয়াছিলেন যে ফেনেলোঁর পুস্তক ভ্রান্ত ও বিপজ্জনক মতে পরিপূর্ণ এবং বহু পণ্ডিত ব্যক্তি দ্বারা উহা ভ্রান্ত বলিয়া স্বীকৃত। এখন তাঁহার অসন্তোষ অল্প উপায়ে প্রকাশ হইতে চলিল।

যখন ফেনেলোঁ Cambrayর আর্চ বিশপপদে নিযুক্ত হন তখন তাঁহার চরিত্র এত উন্নত, কার্য এত অমূল্য বিবেচিত হইয়াছিল যে রাজকুমারগণের শিক্ষার নিবৃত্তি বৎসরের মধ্যে তিন মাস যেন তিনি Versailles এ স্থাপন করেন রাজা তাঁহাকে এই অল্পরোধ করিয়াছিলেন। এখন পোপের নিকট পত্রপ্রেরণের ছয়দিন পরেই লুই তাঁহাকে Versailles ত্যাগ করিয়া যাইতে আদেশ করিয়া একপত্র লিখিলেন। রাজার আয়োজন করিতে বতর্কুমাত্র সময়ের প্রয়োজন তাহার



বেশী Versailles এ থাকিবার ও আপন কার্য কেন্দ্র Cambrayর বাহিরে আসিবার অধিকার তাঁহার রহিল না।

কেনেলোঁর ছাত্র Duke of Burgundy এই সংবাদ শুনিবারাত্র পিতামহের চরণতলে গিয়া পতিত হইলেন। ফ্রান্সের যুবরাজের এই অকৃত্রিম শ্রীতির দৃশ্য রাজার হৃদয়কে একটু স্পর্শ করিল, কিন্তু তিনি বলিলেন—“বৎস, এই বিষয়ে অনুগ্রহ প্রকাশ করিবার শক্তি আমার নাই। ইহার উপরে ধর্মবিশ্বাসের বিস্তৃততা নির্ভর করিতেছে। তোমার বা আমার অপেক্ষা এ বিষয়ে বহুতে অধিক জানেন।”

২রা আগষ্ট কেনেলোঁ Versailles এর নিকট চিরবিদায় গ্রহণ করিলেন। পথে প্যারীতে চব্বিশ ঘণ্টা বাপন করিয়াছিলেন। যাত্রাকালে নির্বেদ কৈশোরের শান্তিপূর্ণ আনন্দ উজ্জল আবাস স্থান St Sulphitius সেমিনারীর প্রতি একবার করুণদৃষ্টিপাত করিলেন। ভিতরে প্রবেশ করিতে তাঁহার কুঠাবোধ হইল—পাছে তাঁহার সংস্পর্শে তাঁহার হৃৎক অপমানের বেদনা এই প্রিয় বিদ্যালয়কেও আঘাত করে। সেমিনারীর বর্তমান অধ্যক্ষ তাঁহার বহু স্নেহ ও উপদেশদাতা হসিয়ার টুসোঁর উদ্দেশে করেক ছত্র লিখিয়া রাখিয়া বাহির হইতেই তিনি চলিয়া গেলেন।

কয়েক মাস পরে যখন তিনি Cambrayতে আপন কর্মে নিমগ্ন তখন সংবাদ আসিল যে বিশেষ সর্ভে আবদ্ধ হইলে তিনি Versaillesএ ফিরিতে পারেন। আপনাকে এবিষয়ে ব্রাস্ত বলিয়া স্বীকার করিতে হইবে—ইহাই সেই সর্ভ। “কিন্তু,” কোম বহুকে তিনি লিখিয়াছিলেন, “বর্তমানে বা ভবিষ্যতে রাজসভার পুনর্গমনের কোন ইচ্ছাই আমার নাই। যদি আমি ছুল করিয়া থাকি সে ব্রাস্তি যেন আমি দেখিতে পাই। কিন্তু যতদিন পর্যন্ত ছুল দেখিতে পাইতেছি

না ততদিন অস্ত্রাস্ত্র ঐর্ষ্য ও নন্দিতা সহকারে আপনাকে সর্ধন করিতে চাহি।”

ফেনেলোঁর বহুবর্গও নির্ধাতনের সর্ধপীড়া ভোগ করিতেছিলেন। অনেকে উপাধি বঞ্চিত হইলেন, কেহ কেহ রাজসভা হইতে রিতাঙ্কিত হইলেন। আপন অপমান অপেক্ষা বহুবর্গের নির্ধাতনে ফেনেলোঁ অধিকতর সর্ধাহত হইতেছিলেন, কিন্তু প্রসন্নচিত্তে ঐর্ষ্যের সহিত সকলই সহ করিতে লাগিলেন।

রাজার এই সকল অস্ত্রাস্ত্র ব্যবহারে বিরক্তির পরিবর্তে তাঁহার মন প্রেমের বেদনায় ব্যথিত হইয়া উঠিল। এই হতভাগ্য নরপতি বাল্যে সংশিকা ও সংসর্গের কোন সুযোগ পান নাই, তাঁহার চারিদিকে তোষামোদ ও প্রলোভনের আল বিস্তৃত ছিল, তাহার উপরে এই ভীষণ ঐর্ষ্য। দুর্বল মানব!—ইহার অবস্থা মনে করিয়া করুণার তাঁহার হৃদয় ভরিয়া উঠিল এবং ইহাকে রক্ষা করিবার জন্য তাঁহার মন ব্যাকুলতার অধীর হইয়া উঠিল। একান্ত হৃদয়ে তিনি প্রার্থনা করিতে লাগিলেন—রাজার শুভবুদ্ধি হউক, তাঁহার শক্তির তিনি সদ্যবহার করুন—তাঁহার জন্য তিনি আনন্দে জীবনপাত করিতে প্রস্তুত। রাজা যে তাঁহার গ্রন্থের বিরুদ্ধে এমন উৎসাহে সংগ্রাম করিতেছেন, তাহাতে ফেনেলোঁ বরং সন্তুষ্টই হইয়াছিলেন। কারণ সর্ধ সহজে রাজার মন উদাসীন নহে ইহাতে তাহারই প্রমাণ তিনি পাইয়াছেন।

নিজের কথা তিনি বলিয়াছেন—“আমার সহজে এইমাত্র আমি বলিতে পারি যে এই নিরবচ্ছিন্ন দুঃখভোগের মধ্যে আমি শান্তিতে বাস করিতেছি। ঐর্ষ্য আমাকে রক্ষা করিবেন, বিশ্বাস করি। আমার শত্রুগণের নিন্দাবাদী আমাকে বিচলিত করিতে পারিবে না—নিরুদ্ভবও করিতে পারিবে না।”

লুই পোপকে আর একখানি পত্র লিখিলেন । চার্চের জ্যেষ্ঠপুত্ররূপে তিনি অস্বরোধ করিলেন যে Cambrayর আর্চবিশপের পুস্তক দ্বারা চার্চের যে ক্ষতি হইতেছে তাহা হইতে তাহাকে শীঘ্র রক্ষা করা হউক । স্বার্থপর লোকের চাড়ুরী দ্বারা চালিত হইয়া এ বিষয়ের শেষ মত প্রকাশ করিতে বিলম্ব করা আর উচিত নহে । সিদ্ধান্ত যেন এমন হয় যদ্বারা সকল সংশয় সকল অস্পষ্টতা দূর হইয়া যাইবে, অমঙ্গল সমূলে উৎপাটিত হইয়া চার্চের শান্তি রক্ষা হইবে ।

১৬৯৯ সালের ১২ই মার্চ সকল বিচারবিতর্কের অবসান হইল— ফেনেলোর পুস্তক আন্তিহুটে বলিয়া অগতঃসমক্ষে ঘোষিত হইল । পোপ এ কার্য স্ব-ইচ্ছায় করেন নাই । ফেনেলোর প্রদত্ত ব্যাখ্যায় তিনি সন্তুষ্ট হইয়াছিলেন এবং প্রকাশ্যেই এ কথা অনেকবার বলিয়াছিলেন যে ‘এ গ্রন্থ দণ্ডযোগ্য’ এ প্রকার মত প্রদান করিতে তাঁহার বা কার্ডিনালগণের ইচ্ছা নাই ।

এ অপবাদে ফেনেলোর কোনই ক্ষতি ছিল না । যাহাই হউক, উপরিস্থ ব্যক্তির আদেশ মানিয়া লইতে তিনি সর্বদাই প্রস্তুত । একটি রবিবারে যখন তিনি উপাসনার জন্য বেদীতে উঠিতে উদ্ভত সেই সময়ে বিচারকলের সংবাদ তাঁহার নিকটে আসিল । কয়েক মুহূর্ত তিনি স্তব্ধ রহিলেন তাহার পর উপদেশের বিষয়টি পরিবর্তন করিয়া ‘বাধ্যতা’ বিষয়ে উপদেশ দান করিলেন ।

### ৪৬

ম্যাডামগেয়োঁর সহিত ফেনেলোর জীবন গভীরভাবে মিলিত স্মৃতরাং এস্থলে ফেনেলোর জীবনের একটু বিস্তৃত আলোচনা অপ্রাসঙ্গিক হইবে না ।

ফেনেলোঁকে এতক্ষণ আমরা পণ্ডিতবণ্ডীর মধ্যে প্রতিভাবান পুরুষরূপেই দেখিরাছি—সন্ধ্যের দুঃখ রাখিয়া তাঁহার প্রতি দৃষ্টিপাত করিরাছি; এখন একবার তাঁহার নিকটে আসিরা তাঁহার আপন গৃহে প্রাত্যহিক জীবনযাত্রার মধ্যে তাঁহাকে দেখিতে চেষ্টা করি।

প্রত্যুবে তিনি শব্দা ত্যাগ করিরা উঠিতেন এবং দিবসের প্রথম ঘণ্টা কয়টি উপাসনার ষাপন করিতেন। তাঁহার নিজা ও আহার অভ্যস্ত পরিমিত ছিল। শারীরিক আয়োদের মধ্যে তাঁহার প্রধান আয়োদ ছিল ভ্রমণ ও অন্বেষণ। দিনের দায়িত্বপূর্ণ কার্যগুলি করিতে করিতে ক্লান্ত হইয়া পড়িলে একবার তিনি বাহির হইয়া পড়িতেন, অবাধ আকাশতলে মুক্তবাতাসে খাস গ্রহণ করিরা তিনি বাঁচিতেন। পল্লিদৃশ্য তাঁহার বড় প্রিয় ছিল। আকাশ আলোক, পুষ্প, প্রান্তর ইহারা ছিল তাঁহার অন্তরের বন্ধু। ইহাদের মধ্যে আসিরা তিনি কর্ণের সকল ভার লঘু করিরা লইতেন, তাঁহার হৃদয়ে আনন্দ ধরিত না। তিনি বলিরাছেন পল্লিদৃশ্যের মধ্যে “আমি ঈশ্বরের পুত শান্তি খুঁজিরা পাই।”

এই তাঁহার দীনহুঃখীর সহিত মিশিবার সময়। Cambrayর আর্চবিশপ তাঁহার অধীন দীনতম কুবককে পার্শে লইয়া ঘাসের উপর বসিরা পড়িরাছেন এবং তাহার সুখহুঃখের কথা শুনিতেছেন—এ দৃশ্য সে সময় বিরল ছিল না। কখনও তিনি তাহাদের কুটীরে গিরা উপস্থিত হইতেন—সেখানে তাঁহার ও তাহাদের যিনি ঈশ্বর তাঁহারই কথা বলিতেন। তাহারা যখন সামান্য উপকরণসহ আহাৰ্য্য আনিরা তাঁহার সম্মুখে উপস্থিত হইত, তিনি আনন্দে তাহাদের সহিত বসিরা বাইতেন।

একবার এইরূপ এক বন্ধুকে নিতান্ত বিষণ্ণ দেখিয়া তিনি কারণ জিজ্ঞাসা করিয়াছিলেন । বন্ধু বলিলেন যে তাহার গাভীটি হারা-ইয়া গিয়াছে । তিনি তাহাকে অনেক সাহায্য দিতে চেষ্টা করিলেন এবং আর একটি গাভী কিনিবার মত টাকা তাহাকে দিলেন । তথাপি তাহার দুঃখ দূর হইল না । বিশপের দয়ার সৈ কৃতজ্ঞ, কিন্তু এ টাকা দিয়া তো আর তাহার গাভীটি সে কিরিয়া পাইবে না—সেটি যে তাহার বড় প্রিয় !

সেইদিন সন্ধ্যার সময় ফেনেলো মাঠের মধ্যে কুবকের হস্ত গাভীটিকে দেখিতে পাইলেন । সূর্য তখন অস্ত গিয়াছে, রাত্রি অন্ধকার—কিন্তু তাহাতে কি ? তখনই Cambrayর আর্চবিশপ গুরু লইয়া কুবকবন্ধুর কুটীরটিমুখে যাত্রা করিলেন ।

আর্চবিশপের আর সামান্য ছিল না । কিন্তু এই নির্গিণ্ড পুরুষ ঐশ্বৰ্য্যের মধ্যে থাকিয়া ফকির হইতে হয় কিরূপে তাহা জানিতেন । তাঁহার অর্থ ছিল অভাবগ্রস্তের অভাবমোচনের উপায় ।

Versaillesএ রাজকুমারগণের শিক্ষকের কার্যে যখন তিনি নিযুক্ত তখন একদিন সংবাদ আসিল যে তাঁহার Cambrayর প্রাসাদভবনে আগুন লাগিয়াছে এবং তাঁহার সমস্ত পুস্তক, তাঁহার নিজের সমুদায় রচনা বিনষ্ট হইয়াছে । ফেনোলোকে তখন স্মৃষ্মনে বন্ধুদের সহিত কথা কহিতে দেখিয়া একজন মনে করিলেন অগ্নিকাণ্ডের কথা বুঝি তিনি শোনেন নাই । তিনি সংবাদ দিতে গেলে ফেনেলো স্বাভাবিকভাবে বলিলেন যে তিনি সকলই গুনিয়াছেন । আর বলিলেন, এ ক্ষতি অত্যন্ত বৃহৎ সত্য, কিন্তু কোন দরিদ্র কুবকের কুটীরখানি ভূমিসাৎ না হইয়া তাঁহার ভবন যে বিনষ্ট হইয়াছে ইহাতে তিনি সত্যই আশ্চর্য হইয়াছেন ।

যখন ফ্রান্স ও ব্যাভেরিয়ার সহিত ইংলণ্ড, হল্যান্ড ও অস্ট্রিয়ার  
 মিলিতশক্তির বৃদ্ধ বাধিয়াছিল তখন কেনেলোর গৃহে করুণার এক  
 বধুর দৃষ্ট স্মৃতিয়া উঠিয়াছিল। আহত আর্থে তিনি আপন শবন  
 ভরিয়া ফেলিলেন এবং এই উদ্দেশ্যে অস্ত্রাভ বাড়ীও ভাড়া করি-  
 লেন। এই বিপুল ব্যয় নির্বাহের জন্য তিনি আপনার উপার্জনের  
 সমস্ত অর্থ দান করিতেন। কিন্তু ইহাপেক্ষা মূল্যবান দান ছিল—  
 তাহা তাঁহার সমবেদনার অশ্রুজল। প্রতিদিন যখন তিনি প্রেমের  
 অশ্রু লইয়া সেই দুঃখের দৃষ্টের মধ্যে উপস্থিত হইতেন এবং সম্মান  
 স্নেহে সাধনাবাক্য করিতেন তখন হৃৎতাগ্যগণের হৃদয়ে আনন্দের  
 কিরণ বিকীর্ণ হইত। তাঁহার সেবা শুধু আপন জাতির মধ্যে আবদ্ধ  
 ছিল না, স্বজাতীর আহতের স্তার সমান ভাবেই তাঁহার বিশাল হৃদয়ে  
 শত্রুগণের আহত বন্দীর স্থান হইয়াছিল।

হিংসাও তাঁহার নিকটে আসিয়া যেন অস্ত্রহীন হইয়া পড়িত।  
 যে শস্যক্ষেত্র কেনেলোর, বৃদ্ধকালে শত্রুগণের লোকও তাহাকে  
 লুণ্ঠনের হস্ত হইতে নিরাপদ রাখিবার ব্যবস্থা করিত। বিপক্ষ  
 সেনাদলের মধ্য দিয়া তিনি নির্ভয়ে আপন কার্যে চলিয়া যাইতেন।  
 কেনেলো আসিতেছেন ওনিলেই সকলে সম্মান দেখাইবার জন্য  
 ব্যস্ত হইয়া উঠিত।

ফ্রান্সপর্ষটকগণের বিশেষ এক দর্শনীয় স্থান ছিল Cambray.  
 যে শান্ত তপস্বীর জীবন এই স্থানে কাটিয়া যাইতেছে তাঁহাকে  
 দেখা, তাঁহার মুখের কথা শোনা এক প্রবল প্রলোভনের বস্তু  
 ছিল। অমণশেবে এই স্থানটির স্মৃতি যাত্রীগণ পুণ্যতীর্থের স্তার  
 মনে করিতেন, চিরদিন হৃদয়ের শ্রদ্ধার মধ্যে সে স্মৃতি রক্ষা  
 করিতেন।

সমস্ত ইউরোপ হইতে যাত্রী আসিত এই ব্যক্তিকে দর্শন করিতে । অতিথিদেবতার আগমন ক্রমাগত তাঁহার কার্যে ব্যাঘাত জন্মাইত । তিনি কিন্তু কৃতি গ্রাহ করিতেন না—পরম আপ্যায়িত হইয়া অতিথি-সংকাররূপ ধর্ম পালন করিতেন । যে লেখনী সমস্ত ইউরোপের সহিত আলাপ পরিচয় করিতেছে, অজ্ঞ অজ্ঞাত কোন দরিদ্রের নিবেদন শুনিবার জন্ত তাহা ফেলিয়া রাখিতে তাঁহার যুহুর্ন্ত বিলম্ব হইত না । বিদ্বানমণ্ডলীর সহিত গভীর বিষয়ের আলোচনার কেনেলেঁ । যথ—পরযুহুর্ন্তে দেখা গেল অবোধ অশিক্ষিতের সহিত তিনি পিতার ঋণ কথা কহিতেছেন । এই আকস্মিক পরিবর্তন, এক বিষয় হইতে সম্পূর্ণ বিপরীত বিষয়ে গমন ইহা তাঁহাকে চেষ্টা করিয়া কষ্ট করিয়া করিতে হইত না, ইহা তাঁহার স্বভাবসিদ্ধ ছিল । যখন বাহাদের সহিত মিশিতে হইত তিনি তাহাদেরই একজন হইয়া যাইতেন, পার্শ্বক্যের ব্যবধান রাখিতেন না । তিনি মাথুষ—তিনি ঈশ্বরের সন্তান—তাই তাঁর কোন সঙ্কোচ নাই বাধা নাই ভাইয়ের ভালবাসায় তিনি সকলের সহিত এক ।

বিশ্বের বিশ্বয় শ্রদ্ধার পাত্র কেনেলেঁ, তিনি কিন্তু আপনাকে সবার শেষে সকলের আড়ালে রাখিতে ব্যস্ত । তাঁহার জপমন্ত্র ছিল “Love to be unknown.” সকল কৃতিত্বের কঠিন আবরণ টানিয়া ফেলিয়া পিতার চরণতলে লুটাইয়া পড়িবার জন্ত তাঁহার মন ব্যাকুল—ভাল মন্দ সকলই তাঁহার নিকটে অনাবৃত করিয়া দিয়া তিনি শিশুর মত নিশ্চিন্ত হইতে চাহেন । তিনি কি সংসারের স্তুতিতে তুষ্ট, আপন জ্ঞানে ক্ষীণ হইতে পারেন ? না—না । ইহা তাঁহার নিকট অসম্ভব । তিনি বলিতেন “নত হইয়া থাকা, অজ্ঞাত ক্ষুদ্র হইয়া প্রেমেরভাবে মীরবে জীবন কাটাইয়া দেওয়া—ইহাতেই আমার আনন্দ ।”

অপরের ক্রটির প্রতি এই মহাপুরুষের সহিষ্ণুতা আশ্চর্য্য ছিল। শান্তভাবে সহ্য করিয়া তিনি অপেক্ষা করিয়া থাকিতেন, জানিতেন—ঈশ্বর ঠিক সময়ে সংশোধনের সুযোগ আনিয়া দিবেন। যখন বুঝিতেন সে সময় আসিয়াছে তখন ঈশ্বরের ইচ্ছা বলিয়া নিতান্ত অপ্রিয় সত্যসমূহ এমনভাবে বলিতেন যে তাহাতে অপরাধীকে অনাবশ্যক আঘাত পাইতে হইত না।

তিনি বলিয়াছেন—“অনেক সময় আপন অপূর্ণতাই আমাদেরকে অপরের অপূর্ণতাকে তিরস্কার করিতে প্রবৃত্ত করে। অপরের জীবনের প্রতি যে আমাদের তীক্ষ্ণদৃষ্টি তাহা একটি স্বার্থপরতা। এই প্রকার তীক্ষ্ণদৃষ্টির জন্তই মানুষ অপরের স্বার্থপরতাকে কমা করিতে পারে না। আপনার প্রবৃত্তিধারা যে চালিত সে-ই অপরের প্রবৃত্তি সহিতে পারে না। বাহার হৃদয় স্বর্গীয় প্রীতিতে উদার অপরের দুর্বলতা সে সহ্য করিয়া নয়, তাহাকে সে ক্রমার চক্ষে দেখে, তাহার ব্যবহার ধীরতা ও নম্রতাপূর্ণ। তাহার কার্যের মধ্যে কখনই অতিমাত্র ব্যস্ততা নাই। আমাদের আত্মপ্রীতি যতই কম হইবে অপরের অপূর্ণতাকে ততই আমরা সহ্য করিয়া চলিব, তাহা হইলেই ঠিক সময়টিতে সহিষ্ণুতার সহিত তাহা সংশোধন করিতে পারিব। যে ধার্মিকতা উগ্র কঠোর এবং অনমনীয় তাহা নিশ্চয়ই অপূর্ণ। প্রকৃত সাধুতা নম্র মৃদু এবং সমবেদনাপূর্ণ। অস্ত্রের কল্যাণ সাধন, অপরের ভারবহন ব্যতীত তাহার আর চিন্তাই নাই। আপনার সম্বন্ধে এইরূপ নিষ্কৃতি ও অপরের প্রতি সমবেদনা—ইহাই প্রকৃত সমাজ বন্ধন।

ফেনেলোর এখন আর আত্মীয়বন্ধুর সহিত সাক্ষাতের সুযোগ নাই। আপন কার্যক্ষেত্রের মধ্যে তিনি বন্দী। একজন বন্ধুকে



এই সময় তিনি লিখিয়াছিলেন—“আমাদের যে কেন্দ্রভূমি তাহাতেই যেন আমরা বাস করি—সেখানে সর্বদাই আমাদের সাক্ষাৎ হইতেছে—সকলেই আমরা সেখানে এক । পরস্পরকে দেখিতে না পাইলেও আমরা অতি নিকটেই আছি—একই গৃহে বাস করিয়াও মানুষ বহুদূরে থাকিতে পারে । \* \* \* \* \* আমার জীবনধারণ শুধু মিলনের জন্ম—এই মিলনে সমস্ত অংশ কেন্দ্রের সহিত গ্রথিত হইয়া থাকিবে । স্বাৰ্থ বিনষ্ট হইলেই আত্মা ঈশ্বরের সঙ্গে পুনর্মিলিত হয়, আর ঈশ্বরের সহিত যাহারা মিলিত, পরস্পর হইতে তাহারা দূরে নহে । তোমার সহিত বিচ্ছেদে আমার ইহাই সাঙ্ঘনা, এবং আমার দুঃখ যত দীর্ঘকালব্যাপীই হউক, ধৈর্যের সহিত তাহা সহ করিবার শক্তি আমি এই স্থান হইতেই লাভ করি ।”

“আত্মার যে দীনতা মানুষকে আশ্রিত হইতে যুক্ত করিয়া প্রেমে পূর্ণ করে তাহা যদি এই পৃথিবীতে আসিত তাহা হইলে “আমার” ও “তোমার” এই হৃদয়হীন কথাটুকুই আর শুনিতে হইত না । আশ্রিত বিসর্জন করিয়া ঈশ্বরের মিলনে সকলে এক হইয়া আমরা একইকালে মহাধন ও পরমদীনতা লাভ করিতাম ।”

Versailles ত্যাগের পর ছাত্র Duke of Burgundyর সহিত আর তাঁহার সাক্ষাৎ হয় নাই । কয়েক বৎসর তাঁহাদের পত্র লিখিবার সুযোগও ছিলনা । যুবরাজের অকালমৃত্যুর অল্পদিন পূর্বে কেনেলোঁ তাঁহাকে এই পত্র ধানি লিখিয়াছিলেন—

“সেন্ট্ লুইএর বংশধর । তুমি তাঁহারই ঋায় শান্ত, সহদয়, নম্র, দয়ালীল উদার হও । তোমার হীনতম প্রজার নিকটেও নত হইবার পক্ষে এই অভুল ঐশ্বর্য যেন তোমার বাধাবন্ধন না হয় ।

তথাপি, এমনভাবে নত হইতে হইবে যাহাতে তোমার ক্মতার লব্ধ বা সম্মানের হ্রাস না হয়। কুশলী চাটুকারদ্বারা আপনাকে পরিবেষ্টিত হইতে দিওনা, গুণিব্যক্তির সঙ্গ ও পরামর্শকে মূল্যবান মনে করিও। প্রকৃত সাধুতা সতত বিনম্র,—একান্তে তাহার বসতি—রাজস্ববর্ণের তাহাতে প্রয়োজন আছে স্মরণে সেই নিতৃত সঙ্গোপন হইতে তাহাকে খুঁজিয়া বাহির করা তাঁহাদের কর্তব্য। যাহার সম্মানে প্রতিবাদ করিবার সাহস আছে এবং তোমার অনুগ্রহ অপেক্ষা তোমার যশ ও উন্নতিই যাহার অধিকতর প্রিয় তাহাকেই শুধু বিশ্বাস করিও। আপনাকে সজ্জনের প্রিয় করিয়া তোমার, দুর্জনের নিকটে বিভীষিকার বস্তু হও এবং সর্বলোকের শ্রদ্ধা লাভ কর। আত্মসংশোধনে ব্রতাবিত হও তবেই অপরের সংশোধনকল্পে তোমার পরিশ্রম সকল হইবে।

উত্তরে Duke of Burgundy লিখিলেন—“আপনার প্রদত্ত পরামর্শের সদ্যবহার করিতে আমি চেষ্টা করিব। আমার জন্ম ঈশ্বরের নিকট প্রার্থনা করিবেন এই আমার ভিক্ষা। আপনার উপদেশ পালন করিবার শক্তি তিনি যেন আমাকে দান করেন। সর্বোপরি তাঁহাকে যেন আমি ভালবাসিতে পারি এই প্রার্থনা বারংবার করিবেন—তাঁহারই জন্ম তাঁহারই মধ্যে যেন আমি আমার শক্রমিত্র সকলকে ভালবাসিতে পারি। যে অবস্থায় আমি প্রতিষ্ঠিত তাহাতে অনেক মন্তব্য শুনিতে আমাকে বাধ্য হইতে হয়—সময় সময় অপ্রীতিকর মন্তব্যও শুনিতে হয়। যে কার্যকে ছায় বলিয়া জানি তাহার জন্ম তিরস্কৃত হইতে আমি একটুও কাতর নহি, আর যদি কেহ দেখাইয়া দেন যে আমি অত্যাচার করিয়াছি তাহা হইলে তৎক্ষণাৎ আমি আপনাকে বিচার দিই। আর সত্যসত্যই সকলকে

কমা করিতে এবং শুভাকাঙ্ক্ষী ও অশুভাকাঙ্ক্ষী সকলের ভক্ত প্রার্থনা করিতে আমি সন্মত।

“আমার দোষ আছে ইহা স্বীকার করিতে আমি কুণ্ঠিত নহি ; কিন্তু একথাও বলিতে পারি যে দোষসত্ত্বেও আপনাকে ঈশ্বরসমীপে দান করিতে আমি বৃচপ্রতিজ্ঞ। যে কার্যের আরম্ভ তিনি আমার মধ্যে করিয়াছেন তাহা তিনি সম্পন্ন করিয়া তুলুন ; আমার ঋণিত চরিত্রে যে সকল অমঙ্গল উৎপন্ন করে তাহা বিনাশ করুন—এই প্রার্থনা অবিরত তাঁহার নিকটে করিবেন। আপনার প্রতি আমার যে বন্ধুত্ব তাহা চিরদিনই সমান আছে এবিষয়ে আপনি আশ্বস্ত থাকিতে পারেন।”

১৭১৫ অব্দে ৬৫ বৎসর বয়সে ফেনেলোর পৃথিবীর কৰ্ম সমাপ্ত হয়। মৃত্যুর পর দেখা গেল তাঁহার একটি মুদ্রাও সঞ্চয় নাই—কপর্দকমাত্র ঋণও নাই। এই মুক্ত পুরুষের মৃত্যুকালের কথা—  
তোমার ইচ্ছা পূর্ণ হউক।

তাঁহার বিশাল হৃদয় সীমার সঙ্কীর্ণতা অতিক্রম করিয়া বিশ্বের মধ্যে ব্যাপ্ত হইয়াছিল, সুতরাং তাঁহার স্মৃতি যে বিশ্বমানবের ভাল-বাসার বস্তু হইবে তাহাতে বিশ্বের বিবরণ কিছুই নাই। ক্রান্তে বিপ্লব যখন উদ্ভূত হইয়া উঠিয়াছিল তখন ক্ষিপ্ত বৈপ্লবিকদল সমাধিস্তম্ব সকল বিচূর্ণ করিয়া নির্বিচারে ক্ষুদ্র মহৎ সকলের দেহভঙ্গ্য চতুর্দিকে উৎক্ষিপ্ত করিয়া দিয়াছিল ; কিন্তু ফেনেলোর দেহাবশেষের নিকটে আসিয়া তাহার নাকি কুণ্ঠিত লজ্জিত হইয়া ফিরিয়া গিয়াছিল। সে পবিত্র ধূলিমুষ্টির উপরে অত্যাচারিগণও অশ্রুপাত করিয়াছিল।

৪৭

ফেনেলোঁ ও বসুয়ের বিরোধের সূত্রপাতের সময় ম্যাডাম গের্ণোকে বিন্সেন্জ কারাগারে অবরুদ্ধ দেখিয়া আসিয়াছি।

তাঁহার দুর্বল শরীর দীর্ঘ অবরোধের ফলে ভাঙিয়া পড়িয়াছিল, প্রিয়জনের বিচ্ছেদ মনকে দগ্ধ করিতেছিল। কিন্তু অস্তরের শান্তি বিচলিত হয় নাই।

বিন্সেন্জ্ কারায় একবৎসর অবরুদ্ধ থাকার পর তিনি বোজিরারু (Vaugirard) এ নীত হইলেন। বোজিরারু প্যারীর পার্শ্ববর্তী একটি গ্রাম। তাঁহার সঙ্গিনী পরিচারিকা বিন্সেন্জ্ কারায় পড়িয়া রহিলেন।

বোজিরারু এ তাঁহার অবরোধ একটু শিথিল হইল। বন্ধুজনের সাহায্যে ও পত্রপ্রাপ্তি পূর্বাপেক্ষা সুলভ হইল। অল্পমাত্র সুযোগ পাইবামাত্র তাঁহার মনে আপন কর্ম করিবার স্পৃহা জাগিয়া উঠিল। পার্শ্ববর্তীগণের মধ্যে বিশ্বাসের জীবন ফুটাইয়া তুলিতে তিনি পুনরায় সচেষ্ট হইলেন।

কিন্তু প্যারীর আর্চবিশপ মসিয়ার ডি নোয়ালির ভয় হইল। তিনিই অসুরোধ করিয়া বিন্সেন্জ্ এর কঠোরতা হইতে ম্যাডাম গেরোঁকে এখানে আনাইয়াছেন, রাজার মন তিনি জানেন স্তব্রাং বিপদের আশঙ্কা করিয়া ম্যাডাম গেরোঁর কার্য বন্ধ করিয়া দিতে তিনি বাধ্য হইলেন। ম্যাডাম গেরোঁর সদ্যপ্রাপ্ত স্বাধীনতাটুকু সঙ্কুচিত হইয়া গেল।

St Cyr এর প্রতি লুইএর চক্ষু পতিত হইয়াছিল। তিনি স্বয়ং বিদ্যালয় পরিদর্শন করিয়া তিনজন ধর্মপরায়ণা মহিলাকে সেস্থান হইতে অপসারিত করিলেন। তাঁহাদের অপরাধ—নূতন মতের সহিত তাঁহাদের হৃদয়ের যোগ ছিল।

ম্যাডাম গেরোঁর দ্বিতীয়পুত্র রাজার গার্ডগণের লেপ্টেন্যান্ট (Lieutenant) পদে নিযুক্ত ছিলেন। বিনা ক্রটিতে তাঁহাকেও পদচ্যুত

করা হইল। এইরূপে কেনেলের ছায় ম্যাডাম গেয়েঁকে আপনার  
হুঃখ ও আত্মজনের কতি বহিতে হইতেছিল।

আরও হুঃখ সঞ্চিত ছিল। রাজা ও পুরোহিত তাঁহার বিরুদ্ধে  
একত্র মিলিয়াছেন, ইহার ফল কতদূরে গিয়া দাঁড়াইবে কে জানে।

বোজিরারু ছইবৎসর যাপনের পর হঠাৎ একদিন কারাগার  
উন্মোচিত হইল। তাঁহার বহুদিনের পরিচিত প্যারীর আর্চবিশপ  
মসিয়ার ডি নোয়ালি কতিপয় বিশিষ্টব্যক্তিসহ আসিয়া প্রবেশ  
করিলেন। হস্তে একখানি পত্র ছিল, ম্যাডাম গেয়েঁকে তাহা  
পড়িয়া শুনাইলেন। পত্রখানি যেন লা কোব্ ম্যাডাম গেয়েঁর  
নিকটে লিখিয়াছেন। তিনি যেন লিখিতেছেন যে তাঁহারা উভয়েই  
এতদিন ত্রান্তির পথে চলিতেছিলেন, এখন যেন তাহার জন্ম অনু  
তাপ করা হয়। পত্রপাঠ শেষ করিয়াই তাঁহারা গম্ভীরভাবে সত্যের  
সন্ধান রক্ষা করিবার জন্ম ম্যাডাম গেয়েঁকে অনুরোধ করিতে  
লাগিলেন।

ম্যাডাম গেয়েঁ। যে উত্তর দিলেন তাহা অত্যন্ত সংক্ষিপ্ত। বলিলেন,  
পত্রখানি পাঠ করিয়া তাঁহাকে শোনানো হইল, কিন্তু দেখিতে দেওয়া  
হইল না, ইহা হয় জালপত্র নাহয় দীর্ঘযজ্ঞগাপীড়িত ফাদার কোব্‌এর  
হস্ত হইতে জোর করিয়া এ লিপি বাহির করা হইয়াছে—তাঁহার মস্তিষ্ক  
বিকৃত হওয়ায় তিনি জানিতেও পারেন নাই তাঁহার হস্ত কি কথা  
লিখিতেছে। ইহা ব্যতীত এ বিষয়ে বলিবার বা ভাবিবার তাঁহার  
আর কিছুই নাই। তাঁহার সম্পূর্ণ সংযত নির্দোষ নিশ্চিত ভাবটি  
ইহাদের বিবেককে একটু চঞ্চল করিয়া তুলিল। এই সাধ্বী রমণীর  
সর্বনাশসাধন উদ্দেশে কি হীনতম উপায় সকল অবলম্বিত হইয়াছে—  
একে একে সেই সকল ঘটনা ইহাদের স্মৃতিকে বিদ্ধ করিয়া করিয়া

চলিয়া গেল। লজ্জাকাতর হৃদয়ে তাঁহারা কারাগৃহ হইতে বাহির হইয়া গেলেন।

হুঃসহ ক্লেশে ফাদার কোব্ এর হৃদয়মনের শক্তি বিকল হইয়া গিয়াছিল। এমনই তাঁহার অবস্থা হইয়াছিল যে তাঁহাকে বাতুল-চিকিৎসাগারে রাখিতে হইয়াছিল। সেইস্থানে যাইবার সময় কয়েক-দিনের জন্য তাঁহাকে বিন্‌সেন্‌জ্ ছর্গে রাখা হইয়াছিল। পত্রখানি সেই সময়ই রচিত ও তাঁহার সাক্ষরাক্রিত হয়। ইহা ফাদার এর মৃত্যুর অনতিপূর্বের ঘটনা। মৃত্যুর কিছুদিন পূর্বে তাঁহার বিচার ও ধারণাশক্তি যে লোপ পাইয়াছিল ইহা স্বীকৃত কথা। পত্রখানি যে প্যারীর আর্চবিশপের হস্তগত হইয়াছিল ফাদার কোব্ সে বিষয়ে সম্পূর্ণ অজ্ঞ ছিলেন।

### ৪৮

সাধারণ কারাগারে ম্যাডাম গেরোঁকে আবদ্ধ রাখিয়া শত্রুগণ আর তুষ্ট থাকিতে পারিলেন না—ব্যাটিল এর জীবন্ত সমাধির অভ্যন্তরে তাঁহাকে প্রোধিত করিতে হইবে। রাজার অনুমতি পাওয়া গেল এবং ১৬৯৮এর সেপ্টেম্বরে তিনি সেই অভিশপ্তস্থানের অধিবাসিনী হইলেন।

ব্যাটিল্ এর অস্তিত্ব এখন পৃথিবীতে আর নাই কিন্তু তাহার ইতিহাসের স্মৃতি পৃথিবী হইতে বিলুপ্ত হইবার নহে। কতজীবন এই ভীষণস্থানে বিনষ্ট হইয়া গিয়াছে কে তাহার হিসাব রাখিয়াছে। সিংহাসন লোলুপের কুরূপিত্তে পড়িয়া কত হতভাগ্য রাজপুত্রের জীবন এই অন্ধকারে কাটিয়াছে! বহির্জগত হইতে ইহাদিগকে বিচ্ছিন্ন করিবার জন্য যে প্রাচীর রচিত হইয়াছিল তাহার সর্বোচ্চভাগটিই ১২ ফিট প্রশস্ত, ক্রমশঃ নিম্নগামী হইবার সঙ্গে সঙ্গে এই প্রশস্ততা

প্রসার প্রাপ্ত হইয়াছে। জীবনধারণকে চুঃসহ করিবার জন্য যতপ্রকার আরোহনের প্রয়োজন এখানে তাহার কোন অভাবই ছিলনা—একতৃষণাসাধ্য চেষ্টা ও শক্তির ব্যয় এখানে হইয়াছিল।

নারীকঠোরিত ঈশ্বরের বাণীকে প্রতিহত করিবার জন্য এইরূপ ১২ ফিট প্রশস্ত প্রাচীর বেষ্টিত একখানি কক্ষের প্রয়োজন হইল। ভগবানের স্বহস্তের দান যে আকাশ আলোক, যুক্তবায়ু,—তাহা হইতে তাঁহাকে বঞ্চিত করা হইল কিন্তু ভগবান হইতে বঞ্চিত করার সাধ্য তো কাহারও নাই! সকল সঙ্গ সকল কর্ম্ম কাড়িয়া লইয়া তাঁহার দিবা রাত্তিকে সীমাহীন শূণ্যতার মধ্যে নিক্ষেপ করিবার চেষ্টা হইল, কিন্তু তাহার জানিত না যে পাষণের সেই চারিখানি দেয়ালের মধ্যে তাঁহাকে সঙ্গদান করিবার জন্য দ্বিতীয় ব্যক্তি কেহ সেখানে থাকিতে পারে। সেই আবির্ভাব অঙ্ককারও যে মিলনের আলোকে আনন্দউজ্জ্বল হইতে পারে ইহা তাহাদের বোধের অতীত।

তাঁহার কক্ষ হইতে কয়েকপদ দূরেই এক অদ্ভুত করেদী বাস করিত। “Man of the iron mask” বলিয়া সে বিখ্যাত। অত্যাগা সেই দেশের রাজার ভ্রাতা। রাজসিংহাসন মিক্ষণ্টিক করিবার অভিপ্রায়ে চতুর্দশ বৃহৎ আপন সহজাত ভ্রাতাকে এই অবস্থাপন্ন করিয়াছিলেন। লৌহ আবরণে মুখ আবৃত করিয়া ইহার জীবনের অর্ধেকদিন গত হইয়াছিল। জনমাত্রে ইহাকে মাতৃকোড়চ্যুত করিয়া রাজপ্রাসাদ হইতে অপসারিত করা হইয়াছিল। অনেক দিন পর্যন্ত আপন পরিচয়ও সে জানিত না; যখন পরিচয় প্রকাশ হইয়া পড়িল, সিংহাসনারূঢ় ভ্রাতা তখন তাহাকে কারারুদ্ধ করিলেন। পাছে রাজার মুখের সহিত এই করেদীর মুখের সাদৃশ্য ধরা পড়িয়া যায় এই আতঙ্কে মুহূর্তের জন্যও “মুখোসমুক্ত” হইবার অশ্রুমতি তাহার ছিল না। সে

সময়ের অল্পব্যক্তিই এই অদ্ভুত মাহুকের জন্মরহস্য জানিত। কাহারও সূহিত কথা কহিবার অধিকারও তাহার ছিল না। ম্যাডাম গেয়েঁর ব্যাটিল্‌এ আগমনের ৩৭ বৎসর পূর্ক হইতে সে সেখানে বাস করিতেছিল। ম্যাডাম গেয়েঁ ইহার কথা জানিতেন কিনা জানা যায় নাই; জানিলে তাঁহার হৃদয়ের সমবেদনা ও কল্যাণ প্রার্থনা হইতে এই চিরহুঃখী নিঃসন্দেহ বঞ্চিত হয় নাই।

১৬৯৮ অব্দে ম্যাডাম গেয়েঁ ব্যাটিল্‌এ আসিয়াছিলেন। প্রায় এই সময়েই তাঁহার পরিচারিকাও ব্যাটিল্‌ হইতে বোজিরারু এ নীত হইলেন।

ম্যাডাম গেয়েঁ বৈধব্যের প্রথম অবস্থায় ইঁহার পরিচয় পাইয়াছিলেন। ইঁহার সংকল্পের দৃঢ়তা, চরিত্রের সৌন্দর্য্য দেখিয়া তখন ইঁহাকে আপন কার্যে নিযুক্ত করিয়াছিলেন। তখন ইঁহার বালিকাবয়স।

তাহার পর হইতে দূরদূরান্তে এই বালিকা ছায়ার ঞায় তাঁহার সঙ্গে ফিরিয়াছে। ইঁহারই হস্তে কণ্ঠাকে রাখিয়া ১৬৮৬ খৃষ্টাব্দে ম্যাডাম গেয়েঁ গ্রেনোব্ল্ ত্যাগ করিয়া চলিয়া গিয়াছিলেন। ইঁহাতেই বোকা যার ইনি কতদূর বিশ্বাসযোগ্য ছিলেন। প্যারীতে ফিরিয়া পুনর্বার ইঁহারা মিলিত হন। তাহার পর হইতে হুঃখে হুঃদিনে কারাগারে কখনও এই নিষ্ঠাবতী সেবিকা ইচ্ছা করিয়া ম্যাডাম গেয়েঁ হইতে বিচ্ছিন্ন হন নাই।

সমস্ত হৃদয় দিয়া ইনি আপন বিশ্বাস রক্ষা করিয়াছিলেন। ম্যাডাম গেয়েঁর নিকটে যে মহাকাব্য সাধনের আদেশ আসিয়াছে সে বিষয়ে ইঁহার সন্দেহমাত্র ছিল না। কিন্তু এই বিশালবিধের মধ্যে তাঁহাকে তো একাকিনী ছাড়িয়া দিতে পারেন না—তাই সেবিকা



হইয়া—দাসী হইয়া ইনিও পশ্চাতে চলিলেন। আহ্বান যে তাঁহারও জন্ত প্রেরিত হইয়াছে তাহা তিনি বুঝিয়াছিলেন তাই এমন করিয়া নিঃশেষে আত্মবিলোপ করিয়া দিয়াছিলেন। ভয় ও প্রলোভন তাঁহাকে বাঁধিয়া রাখিতে পারিল না। বিন্সেন্জ্ এ যখন তিনি একাকিনী কারাকুছা তখন আপন ভ্রাতাকে একখানি পত্র লিখিয়া ছিলেন। তাহা হইতে এই অংশ উদ্ধৃত হইল।—

“তোমার সহিত পুনরায় সাক্ষাতের সাঙ্ঘনা লাভ করিতে আমি পারিব কি না জানি না। ঈশ্বরের যদি ইচ্ছা হয় তাহা হইলে তোমার সহিত দেখা করিয়া সুখী হইব—তাঁহাকে ছাড়িয়া কোন আকাঙ্ক্ষা, কোন সাঙ্ঘনা আমার নাই। তোমাকে দেখিবার অনুমতি লাভ করিলে তখন ম্যাডাম গেয়েঁ। সম্বন্ধে সকল কথাই বলিব।”

“তোমার হৃদয়ের শুভ কামনার প্রতি আমি উদাসীন নহি। আমার প্রতি যে তোমার ভালবাসা আছে তাহা ভাল করিয়াই জানি। বিচ্ছেদের সময় আমার মঙ্গলের জন্ত তুমি কতই চিন্তা ও যত্ন করিয়াছিলে, আমাকে সংসারের সুখ বিসর্জন করিতে দেখিয়া তোমার কতই দুঃখ হইয়াছিল, এসব কথা আমি কখনও ভুলিতে পারিব না।”

“কিন্তু ঈশ্বর আমাকে ডাকিলেন—কাজেই আসিতে বাধ্য হইলাম। যাহা আমাকে সংসারের বন্ধনে জড়িত করিয়া রাখে সে সমুদায় হইতে বিমুক্ত হই—আমার স্বর্গীয় পিতার ইহাই ইচ্ছা ছিল। ভ্রাতার হৃদয়ের উদ্বিগ্ন প্রেমকে অগ্রাহ্য করিবার শক্তি তিনিই আমাকে দিয়াছিলেন। ভাই, তোমার গৃহ যদি বহুমূল্য প্রস্তুতগঠিত হইত এবং সেখানে যদি রাজরাণীর সম্মান আমি প্রাপ্ত

হইতাম তথাপি ঈশ্বরের অহুসরণ করিবার জন্ত সে সকলই পরি-  
ত্যাগ করিতাম। তিনি আমাকে আহ্বান করিয়াছিলেন—সুখভোগ  
করিবার জন্ত নহে—দুঃখ বহন করিবার জন্ত।”

“সেই সময় যদি আমি তোমাকে বুঝাইতে চেষ্টা করিতাম,  
তোমার সহিত যুক্তিতর্কে প্রবৃত্ত হইতাম তাহা হইলে তুমি কি  
বলিতে, কি করিতে?—আমাকে তুমি মূর্খ নিরোধ বলিতে।  
আমার কল্যাণকামনা করিয়াই তুমি বহুতর আপত্তি উত্থাপন করিতে  
এবং আমার পরমকল্যাণ বাহা তাহারই বাদী হইতে। আমি  
বাহাকে আমার মহত্তম সাহসনা, সীমাহীন আনন্দ, সুমধুর বিশ্রাম  
বলিয়া মনে করি তাহারই পথ রোধ করিয়া তুমি দাঁড়াইতে। সর্ব-  
বিষয়ে ঈশ্বরের ইচ্ছা প্রতিপালন করাই আমার আনন্দ। সত্যই  
বলিতে পারি, তাঁহার ইচ্ছা পালন করিয়া আমি এমন কিছু পাই-  
য়াছি বাহা আমাকে শক্তি দিয়াছে প্রাণ দিয়াছে সাহস দিয়াছে।  
পক্ষান্তরে ঈশ্বরের ইচ্ছা পালন না করা আমার পক্ষে নরক অপে-  
ক্ষাও ভয়ঙ্কর। গৃহপরিজন ছাড়িয়া ম্যাডাম গেয়েঁর সহিত চলিবার  
ডাক যখন আসিয়াছিল তখন যদি সে ডাককে আমি অগ্রাহ্য  
করিতাম তাহা হইলে ঈশ্বরের কৃপা হইতে আপনাকে বঞ্চিত করা  
হইত। সেই বিশ্বাসহীনতার পরে আমি কি করিতাম? আমার  
আত্মা কোথাও বিশ্রাম খুঁজিয়া পাইত না, কোন স্থানে শান্তি লাভ  
করিতে পারিত না, ইহা যে শুধু ঈশ্বরের মধ্যেই পাওয়া যায়।

“কিন্তু প্রিয় ভাই, এখন আমি নির্ভরে তোমার সহিত যুক্তি  
করিতে পারি। ঈশ্বরদত্ত দুঃখ এবং আমি—এ দুইয়ের মাঝখানে  
তোমার ইচ্ছা, তোমার যুক্তি এখন আর কোন ব্যবধান গড়িয়া  
ভুলিতে পারিবে না। এই বিন্দুসেম্বল্ কারা (যেখানে দুইবার

আমি অবরুদ্ধ হইয়াছি) হইতে আমাকে বাহিরে টানিয়া লইবে—  
এ ভয় আমার খুব কমই আছে। এই দ্বিতীয়বারের কারাবাসে  
আমার ৩ বৎসর কাটিয়া গেল। হুঃখের যে সাধনা তাহা ব্যতীত  
অন্য সাধনা হয় তো এ জীবনে পাইব না।”

“লিখিবার উপকরণ আমি পাই না। আর আমার কক্ষ হইতে  
পত্র দেওয়া বা পাওয়াও সহজ ব্যাপার নহে। বাহাহউক দৈবক্রমে  
কয়েকখণ্ড কাগজ পাইয়াছি এবং লিখিবার কালির পরিবর্তে  
বাতির কালি ও কলমের পরিবর্তে কাঠখণ্ড দ্বারা আজ লিখিতে  
পারিতেছি। কিন্তু অত্যন্ত বিপদের সম্ভাবনা সম্মুখে লইয়া এ কাজ  
করিতেছি। আশা করি ইহা তোমার হস্তগত হইবে এবং আমার  
কারাবন্ধনে তোমার মনের যে হুঃখ সে হুঃখের মধ্যেও এই পত্র  
পাইয়া তুমি সাধনা লাভ করিবে। কারণ মনে হয়, এ জগৎ আমার  
চেয়ে তোমার ভাবনা ও হুঃখই শতগুণ বেশী। এমন একটি দিনও  
যায় না যে দিন আমার কারাবন্ধনের জগৎ ঈশ্বরকে ধন্যবাদ না দিই।  
স্মৃখে হুঃখে তাঁহারই হইবার জগৎ যেদিন আপনাকে তাঁহার বেদী-  
তলে নিবেদন করিয়াছিলাম সে দিনের কথা ভুলিতে পারি না।  
সে বলি যে তিনি প্রত্যাখ্যান করেন নাই আমার কারাবাসকে  
আমি তাহারই শুভনিদর্শন বলিয়া মনে করি। তাঁহার জগৎ হুঃখ  
বহন করিবার অধিকার দান করিয়া তিনি আমার প্রতি মহা অশু-  
গ্রহ প্রকাশ করিয়াছেন।”

ম্যাডাম গেয়েঁ। সঘন্ডে লিখিয়াছিলেন—তাঁহাকে একখানি  
মূল্যবান মাণিক্য বলা যায়। নিশ্চিন্ত করিবার চেষ্টা তাঁহাকে দীপ্তি-  
হীন না করিয়া আরও শোভন করিয়া তুলিয়াছে। বার বৎসর  
তাঁহার সহিত বাস করিয়া তাঁহার চরিত্র ভালরূপে জানিয়াছি

বলিয়া মনে করি। তাঁহার সহিত পরিচিত হওয়া সোঁতাগ্যের বিষয় যদি হয়, তাঁহার দুঃখের অংশ গ্রহণ করাও তবে গৌরবের বিষয়। এখন পরস্পর হইতে আমরা বিচ্ছিন্ন আছি—আমি একা-কিনী এই কারাগারে, তিনি অন্তরে। কিন্তু আমাদের আত্মা এখনও মিলিত। কারার প্রাচীর শুধু শরীরটাকে ধরিয়া রাখিতে পারে, আত্মার মিলনে বাধা দিবার সাধ্য তাহার নাই।”

একজন ধর্ম প্রচারকের নিকটেও তিনি লিখিয়াছিলেন—“আমার প্রিয় কর্ত্রী ম্যাডাম গেয়োঁ! হইতে এখন আমি বিচ্ছিন্ন। পৃথিবীতে আর তাঁহার সাক্ষাৎ লাভ করা যদি ঈশ্বরের ইচ্ছা না হয়, স্বর্গে যে তাঁহাকে আবার দেখিব সে বিষয়ে আমার কোন সন্দেহ নাই। এ জীবনের এই দৈহিক বিচ্ছেদ আমাদের আত্মার মিলনকে তঙ্গ করিতে পারে নাই। কখনও আমাদের মিলন ভঙ্গ হইবে না—এ পৃথিবীতেও নহে, পরলোকেও নহে। এই আশাতেই আমি উৎফুল্ল হই। ঈশ্বরকে আমি যতই ভালবাসি, ম্যাডাম গেয়োঁর সহিত আমার বন্ধন ততই দৃঢ় হইয়া উঠে। কে তবে আমাদের বিচ্ছিন্ন করিবে ?

“কারাগারে আমাকে অত্যন্ত কষ্ট ভোগ করিতে হয়, তথাপি এই কষ্ট হইতে মুক্ত হইতে আমি ইচ্ছা করি না। সত্যসত্যই বলিতেছি অন্তরের অন্তরে আমার একটি ভয় আছে—পাছে দুঃখ হইতে আমি বঞ্চিত হই ! ঈশ্বরের ইচ্ছা হইতে স্বতন্ত্র কোন বাসনা, কোন উদ্দেশ্য, আমার নাই। আমার অন্তরের অবিরাম প্রার্থনা—“তোমার ইচ্ছা পূর্ণ হউক।”

ম্যাডাম গেয়োঁর বিরুদ্ধে একটি কথা কহিলেই ইনি মুক্তি এবং সম্ভবতঃ, পুরস্কার প্রাপ্ত হইতে পারিতেন। কিন্তু পৃথিবীতে এমন

ধন নাই যাহা এই শ্রেণীর কাঙালের দৈন্ত দূর করিতে পারে, সুতরাং সে ধন সম্পদ ইঁহাদের নিকটে আকর্ষণবিহীন। ইঁহাদের হৃদয় গভীরকণ্ঠে দৃঢ়স্বরে এই গান গাহিতেছে—“বেনাহং নামতা স্তাম্ কিমহং তেন কুর্য়াম্।”

ব্যাটিল্‌এ আসিবার কিছুদিন পরে বহির্জগতে সংবাদ প্রচার হইয়া গেল যে ম্যাডাম গেয়েঁর মৃত্যু হইয়াছে। মৃত্যু হইয়াছিল তাঁহার সাধ্বী পরিচারিকার। এই নির্ভাবতীর মৃত্যুকালের বিষয় জানি না। কিন্তু, কোন যাত্নবের নিকটে না শুনিগেও, ইহা নিশ্চয় জানি যে শ্রান্ত শিরটিকে মরণশয্যার লুটাইয়া দিয়া তিনি যে নিঃশ্বাস ফেলিয়া ছিলেন তাহা আক্ষেপের নিঃশ্বাস নহে—তাহা আরাবের।

ব্যাটিল্‌এ ম্যাডাম গেয়েঁর দিন কেমন করিয়া কাটিতেছিল জানিবার উপায় নাই। সে রহস্যের মধ্যে যে প্রবেশ করিয়াছে তাহার কণ্ঠ আর বাহিরে পৌঁছিতে পারে না। যদি কোন দিন মুক্তিলাভ হয়, যদি কখনও বাহিরে আসা ঘটে এবং তখন যদি ব্যাটিল্‌এর বিরুদ্ধে কোন অভিযোগ কিংবা তাহার সম্বন্ধে কোন কথা প্রকাশ করিয়া ফেলে তাহা হইলে তাহার ভাগ্যে পূর্ক-বহার পুনরাবৃত্তি সুনিশ্চিত। ব্যাটিল্‌এ যাহা দেখিতেছে যাহা শুনিতেছে চিরজীবন তাহা গোপন রাখিবে বন্দীপণকে এ প্রতিজ্ঞা করিতে হইত।

ম্যাডাম গেয়েঁ এখানে কবিতা লিখিতেন, গান গাহিতেন, কিন্তু তাঁহার চিরসঙ্গিনীর কণ্ঠস্বর এখন আর তাঁহার কণ্ঠস্বরে মিলিত হইত না। এখন তিনি একাকীই গান গাহেন একাকীই ক্রন্দন করেন।



ম্যাডাম গেয়েঁ। এবং কেনেলোর সময়ে প্রেমকেই বাঁহারা মুক্তিৰপথ বলিয়া ধরিয়াছিলেন, তাঁহাদিগকে Quietest বলা হইত। Quietest কথাটি বেন তিরস্কাররূপ, বেন নিন্দার স্তায় ব্যবহৃত হইত। বন্দুরে বারংবার বিক্রম পক্ষকে এই নামে অভিহিত করিয়াছেন। ইতঃপূর্বে (Michael de molinos) মলীনোস্ এবং তাঁহার অনুগামিগণ এই নামে অভিহিত হইয়াছিলেন। কিন্তু এ নামে অপমানের বিষয় কিছুই নাই। ঈশ্বরকে যিনি ভালবাসিয়াছেন বাহিরের শত বিকোভেও তিনি চাকল্যহীন। Quiet না হইয়া প্রশান্ত ধীর না হইয়া তিনি পারেন না। সুখহুঃখ সকল ঘটনার মধ্যে তিনি প্রেমাস্পদের হস্ত দেখিতে পান এবং তাঁহার হস্তের দান মাথায় করিয়া লইতে তিনি চিরপরিতুষ্ট, পরম প্রসন্ন। বেদনার যদি তিনি অশ্রুপাত করেন তাহাতে অন্তরের সমাহিত শান্তি চঞ্চল হয় না—শিথ সৌন্দর্য্যে আরও উজ্জল হইয়া দীপ্তি পায়।

Quietest কি কর্ণহীন? হইতেই পারে না। কর্তব্যকর্মে যদি তিনি অবহেলা করিতেন তাহা হইলে তাঁহার অন্তরের শান্তি অস্থির না হইয়া পারিত কি? এ প্রশান্ত ভাব তবে তাঁহার কোথায় থাকিত? তিনি কর্ম করেন এবং তিনিই কর্ম করিবার যোগ্য। নিজের ইচ্ছায় বশবর্তী হইয়া কোন কাজ তিনি করেন না, কি করিবেন তাহার জন্য তাঁহার ভাবনা নাই, তিনি জানেন কাজ করিবার সময় ডাক পড়িবে, তাই তাঁহার মধ্যে কোন অশোভন ব্যস্ততা নাই। নিষ্ঠার সহিত তিনি অপেক্ষা করিয়া আছেন—আস্থান যখন আসিবে তখন তাঁহার স্তায় যোগ্যতার সহিত কাজ করিতে পারিবে কে? উকার কণিক জ্যোতিঃ সকলেরই দৃষ্টিকে আদৃষ্ট করে কিন্তু সূর্য্যের

কথা কাহারও মনেই থাকেনা। ইঁহাদের কার্য চিরদিনের সূর্যের  
স্তায়।

আপন ক্রটিদূর্ভাগতা তিনি জানেন সুতরাং অপরের নিন্দাবাক্য  
ঐহার বিরাগের বস্তু নহে। অন্তর নিন্দাতেও নিন্দকের প্রতি  
ঐহার মন বিরক্ত হয় না।

প্রার্থনা ঐহার হৃদয়ে নিয়ত জাগরুক। ঐহার হৃদয় ব্যাকুলভাবে  
অনুরোধ বলিতেছে—প্রভু, তোমার নিকটে কি চাহিব জানিনা—  
তুমিই জান আমার কি চাই। আমি আমাকে যত ভালবাসি যত  
ভালবাসিতে পারি তাহার চেয়ে বেশী আমাকে তুমি ভালবাস।  
প্রভু, তাহাই আমাকে দাও যাহা ভাল—তাহা যাহাই হউক না।  
দুঃখ বা সুখ কিছুই চাহিতে আমি সাহস করিনা, আমি শুধু আমাকে  
তোমার সম্মুখে ধরিয়া দিতেছি—হৃদয়কে উন্মুক্ত করিয়া দিতেছি—  
দেখ কোন্ অভাব আমার আছে। আমি তাহা জানি না—শুধু তুমি  
দেখ আর যাহা করিতে হয় কর। আশাত বা আরাগ যাহা ইচ্ছা  
দাও, ধূলশায়ী কর অথবা উর্দ্ধে উর্দ্ধিত কর—না জানিয়াই তোমার  
সকল অভিপ্রায়ের নিকটে আমি অবনত। আমি নীরব হই—  
আপনাকে তোমার চরণে বলিদান করি—তোমার নিকটে নিত্বেকে  
একেবারে ছাড়িয়া দিই। তোমার ইচ্ছা পূর্ণ করা ব্যতীত আমার  
আর কোন আকাঙ্ক্ষা নাই। প্রভু, শিখাইয়া দাও কেমন করিয়া  
প্রার্থনা করিব। আমার মধ্যে তুমি বাস কর।”

কোন সম্প্রদায়ের মধ্যে তিনি আবদ্ধ নহেন। সমস্ত পৃথিবীতে  
ঐহার কুলায় না, ঐহার আত্মা অজানা অনন্তলোকে ছুটিয়া যাইতে  
চায়, আপনাকে যিনি অসীমে ব্যাপ্ত করিয়া দিবার জন্য ব্যাকুল, ক্ষুদ্র  
গণীর ভিতরে ঐহাকে ধরিবে কি করিয়া ?

ইঁহারাই এই পৃথিবীর হস্তে কত সহিয়াছেন।—কত লাঞ্ছনা। কারাবাস, অগ্নিদহন ॥ কোন্ অপরাধের অভিযোগে?—ধর্ম-জোহিতার অভিযোগে—ধর্মকে ইঁহারা বিকৃত করিয়া তুলিতেছেন এই অভিযোগে। আর ইঁহাদের অভিযোগকারী—চতুর্দশ লুইএর ক্রায় ব্যক্তিগণ ॥

৩০

চাব বৎসর পরে অবশেষে ব্যাটিল হইতে মুক্তিলাভ ঘটিল। ১৬৯৮ হইতে ১৭০২ পর্য্যন্ত তিনি ব্যাটিলএ ছিলেন।

মুক্তির পর তাঁহার কন্ডা (Countess of Vaux) কাউন্টেস অব্ 'ভো'র নিকটে যাইবার অকুমতি পাইলেন কিন্তু একত্র থাকিতে পাইলেন না। কারামুক্তি হইল বটে কিন্তু স্বাধীনতালাভ ঘটিল না। নিঃসঙ্গ কারাবাসের পর সুদূর নির্বাসনের ব্যবস্থা হইল। প্যারী হইতে শতমাইল দক্ষিণ পশ্চিমে লোয়ার (Loire) তীরে ব্লোয়া (Blouay) নগর নির্বাসনস্থান নির্দিষ্ট হইল। নির্বাসন জীবন-কালের অন্ত। ম্যাডাম গেরোঁর জ্যেষ্ঠ পুত্র আর্মোবাক্ গেরোঁ (Armand Jacques Guvon) এই সহরে কিংবা সহরের নিকটেই বাস করিতে ছিলেন—এই টুকু সুখের বিষয় হইয়াছিল।

সক্যার শাস্তি গভীর হইয়া আসিতেছে। জীবনে এখন আর কর্মের সে বৈচিত্র্য নাই, শুধু একটি শুক নীরবতা, গভীর নিবিড়তা। ব্যাটিলএর দীর্ঘ অবরোধ সহ করিবার মত তাঁহার শরীর ছিল না, স্বাস্থ্য ভাঙ্গিয়া পড়িয়াছিল। কারামুক্তির পর রোগমুক্তি আর ঘটিল না। জর্মানি ইংলণ্ড প্রভৃতি দেশ হইতে তাঁহাকে দেখিবার অন্ত লোক আসিতেন। তাঁহার কার্য ও দুঃখের কথা চতুর্দিকে ব্যাপ্ত



হইয়া পড়িয়াছিল । কেহ উপদেশপ্রার্থী হইয়া তাঁহার নিকটে আসিতেন, কেহবা আসিতেন শুধু দর্শন করিতে—প্রণাম করিতে ।

অপরের অল্পরোধে অবশেষে আত্মচরিতখানি প্রকাশ করিতে তিনি সম্মতি দান করিলেন, কিন্তু মৃত্যুর পূর্বে নহে । সংশোধন করিয়া পুস্তকের পাণ্ডুলিপি একজন ইংলণ্ডীয় ভ্রমলোকের হস্তে অর্পণ করিলেন ।

আত্মজীবনীর একস্থানে তিনি লিখিয়াছেন—“এই বিবরণ যাহারা পাঠ করিবেন তাঁহাদের সকলকে অল্পরোধ করিতেছি—যাহারা আমার প্রতি নির্দয় ব্যবহার করিয়াছেন তাঁহাদের বিরুদ্ধে কঠোর ও তিক্তভাবে কেহ বেন পোষণ না করেন ।” নির্ভয় শাস্তির আশয়ে এখন তিনি প্রতিষ্ঠালাভ করিয়াছেন । ন প্রহৃষেৎ সুখং প্রাপ্য নোদ্বিজেৎ প্রাপ্য চাপ্রিয়ম্ ।

অবসানের দিন আসিল—জীবনের অবসান নহে—শান্তির । এখানে ষাহা দিবার ছিল, হইবার ছিল, পাইবার ছিল সকলি শেষ হইয়াছে, এখন বিদায়, এখন বিশ্রাম ॥

তাঁহার প্রস্থানের সময় ১৭১৭, ২ই জুন, রাত্রি ১:২ টা, বয়স তখন ৬৯ বৎসর ।

মৌনীবাৰা !

শ্ৰীনিবৰ্ণিণী ঘোষ প্ৰণীত ।

মূল্য আট আনা ।

মহাত্মা

বিজয় কৰ্মণ্ড গোস্বামীৰ

বৃহৎ সচিত্ৰ জীবন বৃত্তান্ত ।

শ্ৰীবন্ধবিহাৰী কৰ প্ৰণীত

মূল্য সুন্দৰ বাধান ১৫ আনা, আবাধান ১৥০ টাকা ।

এই দুইখানি সাধুজীবনী সম্বন্ধে প্ৰবাসী, ভারতী, নব্যভাৰত, ইত্যাদি বিখ্যাত পত্ৰিকা এবং শ্ৰীযুক্ত রবীন্দ্ৰনাথ ঠাকুৰ, পণ্ডিত শিবনাথ শাস্ত্ৰী, স্বৰ্গীয় নগেন্দ্ৰনাথ চট্টোপাধ্যায়, শ্ৰীযুক্ত মনোৰঞ্জন গুহ ঠাকুৰতা প্ৰভৃতি মহোদয়গণ উচ্চ প্ৰশংসা প্ৰকাশ কৰিয়াছেন ।









